

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL	Mehmed, 'Akif
248	Es'ar
M44A17	
1846	

1018

17/2

PL

248

M44 A17

1846





* (اشعار الحاج عا کف افندی) *

* (آمد جی انوری افندی په ویریلان قصیده) *

روزی قلنجه حق بکا خوان عنایتی

ایتدی نصیب نعمت دار الخلافتی

محصور ایکن کمارده نو مید ناکهان

بولدم هجوم جیش تلفدن سلامتی

جسم اولمشیدی خسته جان براب آمده

منجور غیب و یردی اکا تازه صحتی

بخش ایلوب خصوص ایل و هاب بی عوض

خلد برین سایه طوبای شوکتی

ایردم عجب سرور و حبور و نشاطه کیم

اولمش آنک حساب نهایت بدایتی

وقف ایلدم وظیفه عمری اهم بیلوب

حصر د عایه بن جهت باب دولتی

شویله غمی او تشدمکه و یرردی دل

کورد کچه لفظ محنته معنای راحتی

توحیش ایدردی سامعه بی کاهیجه فقط

اهل کماله زال سپهرک عدالتی

اما امین ایدم بن او اندیشه دخی
 در پیش اید وب تقدم معلوله علی
 بویه صفای بال ایل اسوده بر کیجه
 چکدم دو چشمه سرمه خواب فراغتی
 آغوش فکره کادی همان شاهد وطن
 عرض ایلوب نهفته عذار ملاحتی
 تعبیرده خطا اید وب افراط شو قدن
 طو تدم رفیق زعم ایل راه مسرتی
 منحل اولنجه عقده یی بیلدم قضا مکر
 آتش بوی کونه تعمیه نام مصیبتی
 چاه بلایه ایلدی افتاده مکر ایل
 ویر من این و آهه دخی شمدی رخصتی
 نول خد نک جوره هد ف ایلوب بنی
 وضع ایتدی سینه مه ینه بوز اوق علامتی
 قالمش بقیه کینه دیرینه دن کبی
 اتمامنه بود فعه تمام ایتدی همتی
 ویردی فلک کتبه با که آرزمانده
 تعلیم اید وب قوا عد مشق مشقتی
 تأثیری وار شو مرتبه کیم حکم عقربک
 کوستردی ساعت دخی لسع خصومتی
 رفییر کهکشان ایل بغلندی طالع
 نه استقامتی متصور نه رجعتی
 یارب نه تیره بخت جهانم فلکده کیم
 صبح وطنده یاد اید رم شام غربتی
 آینه قضا می یم ایا بوعا ملک
 هب بنده می کورنسه کرک درد و محنتی

دوشمزی یا عطارده غیرت کو روب بنی
باز می یو خسته شرکت وصف گابی

سرکشته می عجب اودخی رنج دورایله

یوقی آنکده نفسی تخلیصه قدرتی

چرخک بلی مروقی یوق نورچشمه

مهر و مهک عیان ثبوت شهادتی

اندن امید عاطفت ایتمک خطاهمان

برذات پاکه ایلیه کم عرض حاجتی

کیم هر نکاهی مرهم زخم درون اوله

هر حرف نطقی شرح ایده متن مروقی

یعنی اومهر منقبه کیم صدرامدی

بولدی آنکله زینت وزیب و شرافتی

بر نسخنه در نهادی که فهرست جود ایله

ایتمش احاطه جمله فنون عنایتی

سعد المنازل شرفک ماه انوری

کیم آفتاب ذره فروغ اصالتی

ماهیتی مکارم اخلاق اولسه

اولزدی بویله لطف و مروت هویتی

کنام ایدردی قطر سما صبح صادق

بولسیدی طلعتنده کی فیض صباحی

منشی بیعدیل که وصاف و صفیک

حق اداسنه بوله عز استطاعتی

اب حیات فضله جبرد و اتیدر

ایتمش ولی مقام بو نوری او ظلمتی

چو قدن کلوردی اولغه چاکرا حقیری

اولسه دبیر چرخک امید لیاقتی

یازمش کتابه بحث هیولای بو علی
ویر مشی یا کاتبه بو حسن صورتی

ملک سخن قلمر و طبع کرمیدر
بحرین نظم و نثرده جاری حکومتی

صرف ایسه اشارتی نحو خامه به
انطاق ایدر معانی حکمتله هیتی

نظمنده کاتبی به معادل یازان انی
جهل مرکب ایله ویررد هر شهرتی

دلتنک اولوردی رشک ایله ویسی و نر کسی
کورسه بونوادای بو نوشین عبارتی

بر عندلیب گلشن معنی که خامه سی
تقسیم ایدر صغیر صریری بلا غتی

یا خود او نازنین زماندر که کوسه تر
هر خطوه سنده نیجه دلال براعتی

دمبسته در حریری هله بومقامنده
پستدن طوتار آنکچون اصول حکایتی

تشبیه ایدر دم ابروی حوره سطورینی
هموار اولیدی بویله انکده لطافتی

مه طلعتا ملک شیا بنده پرورا
ای گلستان عاطفتک زیب و بهجتی

قنده فقیر قنده متاع ستایشک
عفوایت قصور طبع قلندر بضاعتی

لا سیما مصائب ریب المنون ایله
رنجوردر کوکل ویره من نظمه زینتی

حنظل مذاق ایسه نقد رکک بیزه م
وصفکله بولدی نیشکر آسا حلاوتی

نظم مدامیکده وسیله مراد ایدوب
ایتدمسهده شکایتہ مقرون حکایتی
کورد کده وجه انور یکی اونوتدم بتون بتون
تار یکی مشقت ورنج و فلاکتی
بیگده برین بیان ایدهم نظم وثرالہ
سندن مشاہد اولدیغم احسان وشفقتی
ایتدل قبول قوللغه بو فخر بس بکا
بنده کبی کینه بی قدر و قیتی
ایردی سخن مراتب تصدیعه عاکفا
یادایت دعای خیر سریع الا جابتی
اولسون بحق لوح و قلم دمبدم فزون
اقبال و قدر و منزلت و عمر و دولتی
مرآت طبع صافته کوسترمسون خدا
مقدار ذره روی غبار کدورتی

(قصیده عدم)

جان و پیر آدمه اندیشه صہبای عدم
جوهر جانی عجب جوهر مینای عدم
چشم امعان الیه باقدحہ وجود عدم
صحن جنت کورینور آدمه صحرای عدم
غلط ایتدم نہ رواجنتہ تشبیه ایتدل
بشقہ در نعمت آسایش مأوای عدم
طوتہ لم اندہ ده اولمش نعم کونا کون
اولیہ محتاج تنا ولید رآلای عدم
کیسه انجنمدی وضعندن انک ذرہ قدر
بسلدی بونجه زمان عالمی بابای عدم
وارایسه اندہ در انجق یوغیسه یوقدر یوق
راحت استرسک اکرا الہ تمنای عدم

نه غم و غصه نه رنج الم و بیم امید
 اولسه شایان جهان جان ایله جویای عدم
 یوق دیدکجه وار اولور یوقی غرابت بونده
 نام هستیی ندر حل معمای عدم
 ایتسه بر کیره تلاطم هپ ایدر کونینی
 غرقه موج فنا جوشش دریای عدم
 مادر دهر مو الید یکه طور من طوغورر
 در کار ایتمکیچوندرانی بابای عدم
 چرخ اولادینی باشند چیقارردایه دهر
 ایتسه تربیه صق صق انی لالای عدم
 هر کسک قسمتی یوقدن کلور اما بلز
 بری وار عالمه من ایلسه سلوای عدم
 مردی نشأت آدمه یوق اولدی کتدی
 وجهی واردینسه بنی آدمه ابنای عدم
 ایکی کاغددن عبارت نسخ کون و مکان
 بری ابقای وجود و بری افنای عدم
 سلب و ایجاب تعین ایده رک عالمدن
 بر نتیجه ویرا البته قضایای عدم
 میم امکانی محو ایلسه ملا اول
 یوخسه نفی ایتسه ده آخریدر لای عدم
 شیخه باق کتم عدمدن دیوتقریرایلر
 بلزا ما که ندر معنیء اخفای عدم
 صغیر اول دائره کون و مکانه نه بیلور
 کچمین عرشی ندر ملک معلا ی عدم
 یوقیره زاهد اوررد عوی هستیدن دم
 یقه سن طوتمشیکن پنجه کبرای عدم

صانورم مصرف و ایرادی کلورهب باشه باش
اولدی سترای وجوده کوره سترای عدم

زید وارد ایله صلح اولمادی عمر و عائد

یوغیسه عالمک اصلی نه یوغوغای عدم

قیس وایلاسی دخی زید ایله عمر وی کبیدر

دیه جک اولسم اولور اولدخی اسمای عدم

فرق کویا یوایکی صورتک عقلمجه بنم

بررسی حب فنادر بری بغضای عدم

نقش نامقله عجب نامق اولور می خاتم

وارکی پونده وجود اهلنه ایمای عدم

شیخ افندی سکاد یرمیدیکه وار کدن کج

وارلغک اولسه ده سدره ماوای عدم

خدمت ایت سن اکاوار کله که تاهمت ایدوب

ایلسون اولده سنی عارف معنای عدم

حکمه دنیا الق ایچون غم دل نابودیده

وارایکن ما حصل رزق عطایای عدم

هر کسه بار بلا کند وسنک وارلغیدر

غم و آلامدن ازاده برایای عدم

صرف ایدوب واریکی عقلک واریسه وار یوغ اول

راحت استرسک اکبر ایله تمنای عدم

بزبو محنتکه هستی به کو چکدن کلدک

یوخسه کیم ایلر ایدی ترک کهن جای عدم

طور مسه بویه فلک باری ییقلسه کنسه

بر زمان اولسه یری خیمه بالای عدم

آویدن خلق بو غمخانه ده اولدر یوخسه

اولسه مشکل ایدی تسلیه بخشای عدم

طوغریسی راحت ایدردل کیدوب عالم عدمه
 یرینه کسه آنک ساحه پهنای عدم
 بر مراد اولیجق بن یره کچسون عالم
 نجم ومهر ومهی اولسون اثر پای عدم
 چاک چاک ایلر ایدم جیب قبای عمری
 اولسه ذیلی طرازیده تمغای عدم
 بن او بیزار و جود مکه دل غم زده مه
 انس موطن کورینور و وحشت صحرای عدم
 شفق صبح بقادر نظر مده کویا
 موجه بحر سیاه شب یلدا ی عدم
 اولیه بیمار غم کیم اوله مم اسوده
 جامه خواب اولسه بکاشهر عنقای عدم
 دخر اجم بن او هیئتده که نسبتله بکا
 بیت معمور اولور خانه بیجای عدم
 اولیه بیمار غم صحن فناده کویا
 یابدی انقراض المدن بنی بنای عدم
 اختر مطلبم افاق فلکدن طوغ غمز
 کونده یلکشی طغور رلیله حبلا ی عدم
 دوشیدن سایه کلک املم لوح دله
 نقطه کلکم اولور خال محیای عدم
 جوهری صوکیا اور تابش یاسمه اکر
 چشم امیدمه دوش اولسه هر ایای عدم
 یوغ اولور اسمی دخی عین مسماسی کبی
 املم اولسه اکر داخل خولیای عدم
 بی وجودم او قدر بنکه ارانسق ایکنیز
 بن بولنم بولنور بلکه مسمای عدم

حیرتم چرخه سکون آور طبع تعطیل
وحشتم باعث پیدای سودای عدم

والهیم اولیه که عکس نکه کر ممدن
رنک حیرت آلور آینه دریای عدم

وحشتم اولیه که اولسه نظر انسم اولور
تیرر مکرده آهوی سبک پای عدم

یا سم اولمرتبه کیم صورت امیدمدر
ماورای فلک محو هیولای عدم

بولانور کریه خونینم ایله بجز وجود
صارارر آهم ایله سبزه صحرای عدم

اولیه دلتسکی هستی ایله رنجورم کیم
خون اولور ناله لرمندن دل فردای عدم

بو کا طاقتی کلور یابو کا جانی طیانور
مکر امداد ایده هستیده اجزای عدم

آفرین ای نی کلک هنر عیسی دم
ایلدک نفخه اعجاز ایله احیای عدم

شعله نفخه جانسوزک ایله لیک یانوب
اولدن داغ تنم شمع شب آرای عدم

بر غزل سویلسک اولزمی برای خاطر
نقدر ثقلت ایسه نظم مقفای عدم

خال عنبر شکنک قننه اجزای عدم
نیکه سحر اثرک ناطقه بخشای عدم

جان بولور طرف لسانکله حروف هستی
چال اولور ناول غمزه کله سویدای عدم

عرض خنده یه لعل نمکینک جوهر
جوهر حرفه فلک نقطه یتکای عدم

سنی کورسه دو کیلور کن قطرات اشکم
 خوف غمزه کله اولور آبله پای عدم
 قوس ابروسنی قورسه یقیلور طاق فلک
 تیرمژکانی آتسه دتر جای عدم
 جان آتردی عدمه تیغ نکاهندن اجل
 تیر خشمندن اگر یانمسه بیدای عدم
 اکلالمش نسبتی مهر و وفای یاره
 ایدن اولدر دل بیچاره بی جویای عدم
 عاکفا طرح صور ایلدی هیچا هیچه
 وارمی خامه مکی برهنده پیرای عدم
 عارفان یوقلغله ایتمده اثبات وجود
 بن ایسه وارلغله ایلدم انشای عدم
 یونخی وار ایلکه خیلی چالشدم لکن
 اولدی سعی و طلبم هب لو ولولای عدم
 صغمدی چونکه دهان دله نطق هستی
 ایلدم خامه معجز دی کویای عدم
 بو قصیده قلمه قاف فتادن کادی
 اولسه نامی یاقشور بیضه عنقای عدم
 کیمی نیستی غمزه بقا جوی وجود
 کیمی هستی المله طلب افزای عدم
 نحو خال ره شاهنشاه کونینم بن
 نه تولای وجود و نه تبرای عدم

*(غالب پاشایه ویریلان قصیده) *

حمد لله ای کریم و کامکار روز کار
 صدره تشریف کله اولد دستیار روز کار

حق شهنشاه جهانك عمرين افزون ايليوب
حشره دل تحتنده اولسون برقرار روز کار

قدردان بنده پرور حضرت محمودخان
اول سليمان زمان و شهر يار روز کار

حامل مهر همايون ايليوب سن آصفی
ذات بهمتاکی قیلدی نامدار روز کار

مظهر اسرار اسم اعظم توفيقسن
سنسن الحق صدر آصف اقتدار روز کار

دولته بلقيس مقصودی کتور بر لحظه ده
قوة قدسیه اولسون آشکار روز کار

چرخ عاجز قالدی تدبیرندن ای صدر کزین
شویله اولدی جسم عالم داغدار روز کار

هر هم تدبیر که وابسته در انجق همان
التيام زخم جور زور کار روز کار

اعتقادم بویله در که بر نفس ایتسک سونر
هر طرفدن هپ شرار قینه بار روز کار

بر کاور کونه سنک کبی محیط هر کمال
اولسه ذاتکله بجماد افتخار روز کار

ذهن صافک خواجه حل افرین مشکلات
طبع پاک طائر عنقا شکار روز کار

نقطه رأيك کفایت ساز کار کائنات
قطره جودکیم کوهر شار روز کار

سایه کلک خطر خساره لوح قضا
کیم سواد حرفیدر خال عذار روز کار

فکرک کشف معنای ضمیری عقل کل
مشر بکدر مرشد وحدت شعار روز کار

نفخه کبرک خلق قوت جان قدسیان
 رشحه نیشان لطفک جو یار روز کار
 رأفتک آسودکی بخش قلوب خاص و عام
 در کهک دارالامان استوار روز کار
 نجم بختک روز کاره یاد کار آسمان
 خاکپایک چشم چرخه بر گذار روز کار
 همتک شیرازه بند نسخه ملک و ملل
 قدرتک تسخیر فرمای حصار روز کار
 لطف طبعکدن نشان آینه اسکندری
 فیض عدلکدن گایه نوبهار روز کار
 نول خامه کدن عبارت منبع عین الحیات
 حسن خلقکدن نمونه باغزار روز کار
 وصفکی روح فلاطون کوش ایدوب اولمقدمه در
 عالم برز خنده حالا شرمسار روز کار
 ظلمت آباد جهاننده مهر انور بومدی
 بر نور آیک کبی روشن نهار روز کار
 عینک شمس و قمرله زال کردون کورمدی
 فکر بار یکک کبی مشکل گذار روز کار
 نام و شانک زهره چاک دشمن سنکین نهاد
 صیت قهرک آهنین سد مضار روز کار
 قدر ذاتک عرشدن برتر دیر ایسم وجهی وار
 متفقدر بونده جمله راز دار روز کار
 حق اوصافک ادا ممکنیدر صغسونی هیچ
 ناولد ان کلکه بحر بی کنار روز کار
 مهر مهر اولد چقه تا که زیب جیب آسمان
 حق سنی صدر کده ایتسون پایدار روز کار

محو اولوب غم سایه لطفکده شاد اولسون جهان
ایلی تعقیب ایلد بجه تانهار روز کار
آصفادریا کفا صدرا ولی النعمتا
ای کر مکار جهان عالیتبار روز کار
صدره تشریفکله عالم سرتسر عید ایلدی
کچمدی هیچ بویه بر روز مسار روز کار
کلفت تار یخدن آزاده دربی اشتیاه
عید مسعود مسرت اشتبار روز کار
لیک شوق مقدمکله خامه دستمه همان
کوهر تاریخی قیلدی کوشوار روز کار
جوهرین تاریخن عاکف بویه وردایتسون جهان
صدر دوران غالب آصف وقار روز کار

(مظهر افندی یه ویریلان قصیده)

نار غریم غمله اولنجه کباب دل
خون جگر دن ایتدی تدارک شراب دل
ناهید چنکی باشنه چالسونکه ناله دن
بولدی صماخ جانه مؤثر رباب دل
ساحلرس نجات اوله من موج قتنه دن
نتسون عجب بو غوطه خور انقلاب دل
افشرده اولدی حیرت ایله سینۀ عقول
کلبانک آه ایله ویره لی اضطراب دل
خوناب زخم سینه بی چشم روان ایدوب
ایلر آنی بنان نیکاهه خضاب دل
همپایه مراتب اعداد اولوب کیدر
درد و مشقتی نیجه ایتسون حساب دل

لب تشنه مجاری جوی مراد در
 بلز جهانك اولدیغن اما سراب دل
 مرآت جامدن کورینور کن رخ خار
 اولسونمی ذوق باده ایله نشئه یاب دل
 نسیان ایسه غرض غم کونینی بس همان
 نوش ایتسه بزم عشقه بر جام ناب دل
 کورسون شوئن انفس و آفاق نسخه سن
 چون و چرا دن ایلسون پیچ و تاب دل
 نزدیکی عبودتی درک ایلسون یتیر
 ایتدی عملده نیت اجر و ثواب دل
 بیلسه مثال شعله جواله سیرینی
 خوف و رجادن ایتزایدی فتح باب دل
 دتر رولی بو هستی موهومك اوستنه
 لبریز در هوا ایله همچون حباب دل
 عرض جمال ایدرحی حقیقت بو مرتبه
 وجه مجازه ایتیشیکن انجذاب دل
 امانه چاره حیف که همراه نفس اولوب
 ایتیش طریق جب سوايه ذهاب دل
 بحر محیط ذوق و صفا اولدیغن بیلوب
 جویا ندرستان بولی مانند آب دل
 یوق یوق بن کلا دم غرضین فرش روی ایچون
 بر در ککهه ایر شمکه ایلر شتاب دل
 کیم خال عطرنا کنی نشر ایتسه عالمه
 تلخین مشام دهری ایدر مستطاب دل
 زیرا که ویردی رفعت اودرگاه دولته
 اقبال سرمد یله بر عالی جناب دل

یعنی او مهر منقبه مظهر افندی کیم
انوار مدحیله بولور آب و تاب دل

لطفی عبادی عشق و هم احراری رق ایدر
چسبان یازسه وصفی مالک رقاب دل

سعد السعود بخته ستغنا فروش اولور
باب سعادتینه ایدن اتساب دل

اول آسمان پایه که تعظیم قصد ایدوب
راهنده اولسه رشحه فشان کلاب دل

تطبیق ایلد کده علو جنابنه
ایلر خطای خاطره سندن حجاب دل

ای مرجع اکابر وای ملجأ انام
وی معدلت سرشت و مکارم مآب دل

همنام مفخر دو جهان ذات اکرمک
قاصر درایتسه نعتکی بچد کباب دل

اذنک اولور سه حال فقیرانه می یازوب
اولسون زکاة جود ایله صاحب نصاب دل

اماج تیر قوس قضا اولدی اول قدر
بوز اوق قضا سینه ایده لی اقتراب دل

یعنی وطنده دوش اولوب آلام غربته
چکدی عظیم رطل کران عذاب دل

بیلدی جزا سیدر عتبه کدن تباعدک
کورده کده دهر دن نیچه روی عتاب دل

الیاس رافتک ینه خوش دستگیر اولوب
کرداب غمدن ایتدی رها اکتساب دل

جو رفلکله اولمشیکن پیرنا توان
احسانک ایلد ایلدی کسب شباب دل

لطفك ایدرتلافیء ما فات بیگان
 ایلر عبت بوشکوه لری ارتکاب دل
 باری مخاطب ایلیه رل بربری دخی
 ایتسون بونظم تازه بی فصل الخطاب دل
 دیجورانتظارده قالدی خراب دل
 برکون کلوریا پر میسن آی اقتاب دل
 صوردم نهفته مسئله نقطه فک
 صغیر دیدی بومبحث غیبه جواب دل
 وصف لبکده قطعه مر جانی یادایدوب
 یازسه نظیره سن نوله لعل مذا ب دل
 بی اشتباه چیقدی خطا مسک اذفره
 تشبیه خطیاری صانوردی صواب دل
 خال کور شجه خط بصر منتها سنک
 ایلر می نقطه اولدیغنه ارتیاب دل
 پیغوله فراقده بن قالدم عاکفا
 اولدی خیال وصلت ایله کامیاب دل
 ای خامه شکسته زبان ایلدی یتر
 الهامگاه فیضه ذهاب وایاب دل
 نوبت دعا یه کلد یکه شایسته بعدزین
 روی بنات فکره طوتار سه نقاب دل
 تا کیم جهانده ایلیه تعقیب عسری یسر
 سایه کده شاد وخرم اوله پیچتاب دل

* (غزل) *

نه اول یاریله وحدتده نه وحدتدن جدایم بن
 نه بزم وصلتیه محرم نه هجره آشنایم بن

ند سرمست و نه هشیارم نه بای و نه کدایم بن
محصل راه سلطان نجفده خاکپایم بن

فدای آتش عشق علی المرتضی یم بن
غبار آستان حضرت آل عبا یم بن

او سلطان جلا لتکم تنزل ایلش خاکه
او معنای حقیقتدرکه صغیر لفظ ادراکه

و پر مهر خیالی زنگ حیرت ذهن ادراکه
باش اکزسم نوله بن بومعلا طاق افلاکه

فدای آتش عشق علی المرتضی یم بن
غبار آستان حضرت آل عبا یم بن

کاستان بر نمونه شیوه حسن جمالندن
خران اندک نشانه هیئت قهر و جلالندن

جهان اشفته و شیدا آنک شوق وصالندن
هویدا دز بومعنی جمله نک حال و مقالندن

فدای آتش عشق علی المرتضی یم بن
غبار آستان حضرت آل عبا یم بن

ای شاه ولایت رازدار سید عالم
یدیمنا ی قدرت شهریار عدل و اکرم

سنگدر عماله عرفان سنگدر معنی عملهم
بومظالمعدن بولور جنبش فلکده نیر اعظم

فدای آتش عشق علی المرتضی یم بن
غبار آستان حضرت آل عبا یم بن

علو ذانک ایلر وصف روح القدسه استغنا
صبح طلعتکدن نور الورنه طارم بالا

فروغ پر تو مهر جمال کدرید بیضا
ینان نار محبتده بوتظمی ایلش انشا

فدای آتش عشق علی المرتضیٰ یم بن
غبار آستان حضرت آل عبا یم بن

ایدر تعلیم نرمی ذوالفقارک سنک خارایه
ویر نطقک حیات جاودانی خضر و عیسیاه
بولور عرش برین آویژه نعتکله پیرایه
دو عالمده بود در دست دل عارفده سرماییه

فدای آتش عشق علی المرتضیٰ یم بن
غبار آستان حضرت آل عبا یم بن

دکشمزه می عشق ایله زاهد دین و ایمانی
کوررمی عا کفابو کج نظرله وجه جانانی
خیالآینه آلدانز جهانک قلب نورانی
ید حیدردن ایچدم چونکه بن صهبای عرفانی

فدای آتش عشق علی المرتضیٰ یم بن
غبار آستان حضرت آل عبا یم بن

* (غزل دیگر) *

اوز که بر سودا براقدی جانمه افکار عشق
بر باقشده آتشه یاقدی بنی دلدار عشق
فیض عیسا حکمت لقمان بکا کار ایلاز
خامه قدرت از لده یازدی چون بیمار عشق
پاره پاره اولسون یا نیلسون بیچاره دل
هر نظرده بیک تجلی کوسه تر دیدار عشق
جنبشندن ظاهر اولدی حلقه سرو وجود
نقطه وحدت در انجق مرکز پرکار عشق
ظلمات شرک وریادن قور تارردی کندوسن
زاهدک قلبنده تابان اولسه کرانوار عشق

صغمدی تفسیری نطقه ایرمدی عقل جهان
صفحه سینه مده قالدی مصحف اسرار عشق
درکه شاه ولایتدر پناه هم عا کفا
بنده کرار عشقم بنده کرار عشق

(غزن آخر)

سرم پیمانه صهبای سودای محبتدر
دل دتریتیم درج دریای محبتدر
جکریک پاره اولسه تیغ جورکه ینه جانا
لسان حال ایله هر جزوی کویای محبتدر
اولورسه سینه م اوزره تازه تازه داغریدا
نه غم کیم کاله جسم مده تمغای محبتدر
لسانم لایله محزون کوکل الا ایله ممنون
بری تقی وبری اثبات معنای محبتدر
فراقکه نوله کونینی یاقسه آتش آهم
دلده برق اوران انوار اسمای محبتدر
سنکله قالدی وصلت دوستم شول بزمه کیم انده
تون ذرات عالم مست ورسوای محبتدر
وفاتمه یازلسون عا کفا سنک مزار مده
شهید عشق عالمسوزوشیدای محبتدر

(غزل دیگر)

ساقیا برجام ایله تحویل حال ایتمز میسین
خاطر م آزاده رنج ملال ایتمز میسین
مذهب خوبانده یوقی قبول معذرت
بن قصورایتد مسه سن عفو و حلال ایتمز میسین
شاهباز اوج استغنا ایسه کده لطف ایدوب
آشیان وصلته تحریک بال ایتمز میسین

کجای عمرم درد هجر آنکله جانابعد ازین
 بنده کی ممنون احسان وصال ایتمزمیسین
 ایتدیگ و وعد عنایت خاطره کلز می هیچ
 بزم الفت دملرین فکر و خیال ایتمزمیسین
 عاکف زار لسانا صور هنر ایست حالی
 بر نگاه لطفله باری سوال ایتمزمیسین

(غزل آخر)

چشم جاد و حیرت آلود قسوم ایلربی
 خال قتنه دشت پیمای جنون ایلربی
 بن سیند طور عشقم آتش رخسار یار
 خواهش وصلتده بی صبر و سکون ایلربی
 حبذا اول باده دلجو که فیض قطره سی
 واقف سر سوید ای درون ایلربی
 جور ساقی نغمه دلسوز مطرب الامان
 تابکر دن غرقه سیلاب خون ایلربی
 ششدر عالمده عاکف کعبتین طالع
 بردوشش کو ستر میوب زار و زبون ایلربی

(غزل دیگر)

عزیمت نکهک دللری شکاره میدر
 نهفته قتنه لر لشمادی آشکاره میدر
 یارم دقیقه بی بزم وصلتیه قومدک
 بتون عنایتک اغیار نابکاره میدر
 خدنک غمزه کور و ب سینه م اوزره شرخه لری
 دیمش بلاکش عشقه بویاره یاره میدر
 سمند جورنک ایلره آرمی پایمال اولدم
 همیشه قصد تغافل بوخا کساره میدر

فرای بلبلی بيلم بوباغده عاكف
كل سپنجه می پوخسه اوكلعذاره میدر

(غزل)

عافیت بیمار کردد از غم رنجورما
صبح محشر خون می کرید بشام سورما
از پاپویاز سراویخته کویای حق
شدم مرغ شب آویز آمده منصورما
چوب داری مانده بود از ما سوای حق مگر
بر گذشت آخر از دوریک نفس منصورما
ساغری سرشار چون از بزم وحدت برگرفت
زانده آمد جام سر بردار زد منصورما
تا بدانی چون گذشتن باید از دار فنا
از سر تعلیم کرد اظهار حق منصورما
بسکه داردم چشم خیال خال یار
سایه یکدانه را خرمن شناسد مورما

اختیاری هست در افعال ما عاكف ولی
اختیاری نه از ان معنی که شد مقدورما

(غزل)

کوکل هر دلبره منتونی او از خیلی سرکشدر
ولی اول غمزه سی قتانی بلزسن نه داکشدر
نه دکلو آفت اولسه مردم اولان جارین انجتمز
یا قمری پنبه مینایی باق صهبای که آتشدر
بریشان ایلش کیسوی یاری پنجه شانه
آنکچون عاشق شوریده تک خوابی مشوشدر
بلندی رتبه ماهیتی بد رمنیر کده
خطادر هر کیم اول خورشید حسنه دیر سه میوشدر

غم هجران چکر بریانه بخت تیره بریانه
کریبان خیالم عاکفا وقف کشاکشدر

(غزل)

دکل جور فلکدن شکوه و دوراندن فریاد
شو و حشت خانه ده نابودی یاراندن فریاد
نشیب جاه غربتده علو منزلت محقق
ولی بیمهری اخوان روگرداندن فریاد
محبت برطرفدن حسرت جانان بریاندن
عجبمی عاشق بیچاره ایتسه جانندن فریاد
آتش برکمان ابرو مهک آغوش وصلندن
سزادر اوجه چقسه ناول پراندن فریاد
یازرکن درد جانکاه درونم لیلۀ غمده
آبررد امان چرخه خامۀ کریاندن فریاد
آچلمش غیره بن بوی جفا شم ایلدم انده
نوله بلبل وش ایتسم اول کل خندانندن فریاد
نه جمع ثروت دنیا نه کسب راحت عقبا
بو بازار فناده عاکفا خسراندن فریاد

(غزل)

دم حزن و فرح ایتمز اثر ارباب عرفانه
مساویدر شب و روز جهان مهر درخشانه
محیط اولمقده در خط سیه کرداب یاری
تسلط ایتمک استرمور لر مهر سلیمان
حلبده برشه حسنه خط بغداد عرض ایتدم
جبینن چین اید نجه دوندی صبحم شام هجرانه
دل بیمار ایچون تیمار وصلن ایتدم استدها
محلی دیندی قالدی درکار قید و احسانه

وارلمز پای تقییدایله عاکف کوی اطلاقه
صقین دل با غله امید و بیه سود و خسرانه

(غزل)

مستقبل و ماضی اکا کیم حال حضر در
یکرنک فنا عارف پاکیزه نظر در
زاهد که ندانسته اوله ذوق فانی
صورتده اگر طاعتی خیر اولسه ده شر در
دادوستدی بشقه در آشفته عشق
شهبندر عرفانده آنک نفی ضرر در
عشق اولسون او بیمار که زهر غم جانان
ذوقنده بهم چاشنی کلبشکر در
وابسته ایسه عیش و طرب حکم نجومه
مهتاب ایدر زیارایله چون دور قدر در
آه ایتمدم اما کور یجک سنبل زلفن
کل رخلین آزرده ایدن نور بصر در
عاکف کبی دلبسته اولان در که پیره
بی ساغر و مل نشئه ورفیض سحر در

(غزل)

قلوب اهل حق ممنون هر کار قدر در رهپ
مذاقنده سهام جور و محنت نیشکر در رهپ
تهی در سینه عارف نقوش رفت و آمددن
ولی اجزای عالم کرم پویان سفر در رهپ
همان بر ساقی به وارا احتیاجی عاشق یوخسه
کباب دل شراب اشک دیده ما حضر در رهپ
مروت اولمین طبعنده رفعتله کریم اولمز
کیمی کورد مسه اوضاع فلکدن شکوه کرد در رهپ

تفاصيل معانی حکمت انفسده در عاکف
متون هیئت آفاقی کوردم مختصر در هب

* (بر مصرعک تضمینیه غزل) *

افتدم بشقه در شمدی مقدم کوردیکک کوکلم
زخدار اولدی اول زخه هرهم کوردیکک کوکلم
اولوب بیکانه بزم وصله محرم کوردیکک کوکلم
انین آهه همددم اولدی بی غم کوردیکک کوکلم
*(پریشاندر سنک و قتیله خرم کوردیکک کوکلم) *

کل رخساره شوقم سموم جورایله صولدی
حریم کلبه قلب حزینم خون ایله طولدی
نهال مطلبم پر مرده و بی برل بار اولدی
بورته باتلایه بلزم جانا سبب نولدی
*(پریشاندر سنک و قتیله خرم کوردیکک کوکلم) *

سر پرشورم اولدی وقف بالین غم و کربت
دو چشم خونفشانم ساغر خنخانه محنت
نکاه حسرت آواره منزلکه حیرت
طاغلدی زلف مشکینک کبی اسباب جمعیت
*(پریشاندر سنک و قتیله خرم کوردیکک کوکلم) *

اولوب رطل کران وصلتکله مست بی پروا
ایدرکن چرخه بلکه بجه ا کوانه استغنا
فراقکله وجودم داغ برداغ اولدی سرتاپا
اونتم ذوق و شوق عالمترین ای شوخ بیهمتا
*(پریشاندر سنک و قتیله خرم کوردیکک کوکلم) *

جهانده بویله درده دوشمسون عاکف کبی برجان
نیچه بردرد اما دوست هر لودشمن درمان

مدد جانامد د لطفك ايله قيل بنده كي شادان
ايدوب بومصرعي تضيمن وتكرار ايلرم هر آن
(پريشاندر سنك و قيله خرم كورد يكك كو كام)

(غزل)

نه دمكه بزنده اولشوخ عشوه كر بولنور
خيال خانه عشاقده نه لر بولنور
سواد اعظم عشقك خصائصند ندر
كه هر محله ده بيچاره بيك قدر بولنور
بو كيجه بزمنه او مهر و رقيب ايله كلدي
شو خيره بكزدي مجلس ايچنده شر بولنور
ضميري فـ كـ رسوا عشقندن ايدرمي تهی
تلاطم ايلسه دريائينه كهر بولنور
همان كنديكي ظن ايتمه عاكفادر يش
بو كار خانه غمده نه درد ليلر بولنور

(شرقي)

شـمـيدـر بـويا سـواد آه پنهانم ميـدر
شمع مجلس شعلهء داغ نمايانم ميـدر
بـلـز اولـدم سـاقـيـا درد فراق يار ايله
مـيـمـيدـر يا خود سرشك چشم كريانم ميـدر
آه سردم كـريـه كـرم ميـدر بـلـم سبب
قالدي كـتـدي غـنـجـه مقصود بـويـه بـسته لب
ديكـه ظالم ديـكـه باق بزم محبته عجب
في ميـدر افغان ايدن يا قلب سوزانم ميـدر
دل زخـدارونـكه حيران و ديده اشـكار
سينه پر سوز و جگر پر خون و تن زار و زار

حاصلی اولدم خراب اما که بلم آشکار
ایلین بویله بنی جانم می جانانم میدر

(شرقی)

فرقتکه دل بیچاره بی بیمار ایتدک
آجز می پورکک مر جتک یوقی سنک
جورایله جان وجهاندن بنی بزار ایتدک
آجز می پورکک مر جتک یوقی سنک

سنی جانا کیجه لر صبحه دکین آکایم
آتش عشقکه بویله بتون کون ینایم
آتش هجرک ایلخون درونه قانه یم
آجز می پورکک مر جتک یوقی سنک

هله بوس لب لعلکه سوزه یا تمزسین
برچک اولسون اظام نیچون اوخشا تمزسین
بو قدر یلواررم حاله رحم ایتمزسین
آجز می پورکک مر جتک یوقی سنک

(شرقی)

دلداده اولدم اول دلستانه	دوش اولدی باشم دردجهانه
ای چشم آفت قدی قیامت	اولمزمی غایت آه وفغانه
درد محبت اولدقچه ققت	حرف شه کایت کلز دهانه
کوش ایلخون عفوایت کاهم	رحم ایلخون شاهم بن ناتوانه
حیرتده قالدی خون ایلخون طوادی	خاکستر اولدی دل یانه یانه
تن پر شراره دل باره پاره	عاکف بویاره کلز بیانه

(منفاده ایکن سویلنمشدر)

پن آرزور کوکل اقدام سنی	یاقدی کل ایلدی فراقک بنی
داغ برداغ ایدوب بوجانوتی	یاقدی کل ایلدی فراقک بنی

حال پریشانم ایدوسن سؤال	کچر هر بر کوسم هجر کله بر سال
قالمدی جسمده طاقت و مجال	یاقدی کل ایلدی فراقک بنی
خیالک طور مقده کوزمده دایم	زبانم اولمقده ذکر کله قائم
اه و فریاد ایله کچر هر آنم	یاقدی کل ایلدی فراقک بنی
عقل و فکری بتون تار مار ایتدم	شاشروب وادی حیره کتدم
نار هجر کله اریدم بتدم	یاقدی کل ایلدی فراقک بنی
دامندن طوبسوزش فرقت	چقدی کریانه شعله حسرت
چکردن یاریلوب نار محبت	یاقدی کل ایلدی فراقک بنی

(تاریخ)*

قطب عالم چر کشی الشیخ الحاج مصطفی
 کیم طریق خلوتیده اولمشیدی رهنما
 بر تو نور کمالی شهره آفاق اولوب
 درکه والاسی اولدی اهل حاله ملتجا
 سو بسو ینبوع فیض و همتن اجر ایله
 ایلدی اونبر خلیفه یله جهانه الصلا
 یتیمش اوچ یاشنده امر ارجعی وارد اولوب
 اید بچک آرامگاهن کلشن ملک بقا
 دوشدی بر تاریخ عاکف بنده سینک قلبنه
 هودیوب فردوس و صله ایردی پیرم مصطفی ۱۲۲۹

(چشمه تاریخی)*

پادشاه یم شیم خاقان اسکندر علم
 داوردارا حشم شاهنشاه صاحبقران
 حضرت سلطان محمود خان غازی کیم اودر
 ملجا جله انام و مفخر دور زمان
 جویبار قدرتی جاری جهانه سو بسو
 آفتاب رافتی شامل بفرق انس و جان

بجز جود نده بولندی کوهر امید کام

یمن عهد نده بیلندی معنیء امن و امان

سایه سنده اهل اسلام و رعایا جله

اولدی دل سیر نعم سیراب لطف رایگان

اشته اجرا ایلیوب بوقریه یه ماء معین

اولدی هب ریان احسان همایون تشنکان

عمر و شان و شوکتی افزون اولوب کوندن گونه

تا ابد اولسون سریر سلطنتده کامران

عا کفاتاریخ انشاسن ایدر کن جستجو

نسخه افکارده بافیض رب مستعان

صوکبی بر مصرع بر جسته اقدی خامه دن

یایدی بونو چشمه یا کیزه بی محمود خان

(تاریخ)

خسرو عالی نسب خاقان کردون احتشام

نسل پاك آل عثمان داور دارا غلام

یعنی محمود خان غازی کیم زمان دولتن

متصل نوع بنی آدم بولور هنکام کام

تازه لندی یمن عهد یله نه آبا چارام

کلدی عدلیله موالیده بقای انتظام

ایلسون آغوش امیدین انام آماده کیم

مادر ایامدن طوغمقده در طفل مرام

کلدی بر شهزاده گونه صلب پا کندن ینه

انفس و آفاقه و یردی نورو جهی فقر تام

اولسون اعدای سیه کارل شب بختی عقیم

ایلد کچه طلعت شاه جهان دفع ظلام

فص مهره قونسه عا کف نقش تاریخم سزا

مهر دوره طالع سلطان سلیمان و یردی نام

(تاریخ منفاده ایکن سویلنوب اطلاق اولمشدر)

شهنشاه جهان عبد المجید خان کر مکستر
 که تسخیر ایلدی یکسر قلوبی حسن اخلاقی
 عدالتله عنایتله ایدوب دنیای آبادان
 فروغ شوکت عالمشمولی آشدی نه طاقی
 اولوب عمری مزید اقبال واجلالی مزید اولسون
 عدوسی وارسه سوزان ایلسون شمشیر براتی
 طوغنجه صلب پا کندن ینه شهزاده بدر آسا
 عیون خلقی روشن ایلدی سرتاسرا شراقی
 ایدوب احیای نام جد عالیشانسه همت
 اوشاهک وصف پاکی بردخی طولاردی اوراقی
 سریر سلطنتده تاقیامت برقرار اولسون
 اولوب ذات هما یونن همیشه حفظ حق و اق
 بجای اولمزی بویام فرخمال شادیده
 نیاز ایتسم دعا کویانه بنده عفو و اطلاق
 مبارک کونده کادی ماه احسان عطا در بو
 سوندرسون بنی شاه کزینک رحم و اشفاق
 چیقار بالای چرخه عاکفات تاریخ میلادی
 کلوب سلطان حمید ایتدی منور جمله آفاق

(تاریخ)

واهب الامال خان عبد المجید ایلسون
 عمر و شان و شوکت افزون الی یوم التناد
 صلب پا کندن کلوب دنیایه بر شهزاده سی
 ایلدی جمله قلوبی لطف حق مسرور و شاد

فاتح کنز مراد اولسون قدوم خیری کیم
نام اجداد عظامی اولدی زیب انتقاد

والد عالی نر ا دیله بیله عمرین خدا

ایلسون دولتسرای عافیتده بر زیاد

عاکفای اجداد ایدر حرف ندادا ریخمه

مقدم سلطان محمد قیلدی دهری بر مراد

* (قطعه) *

ای شاه رسل وی نور چشم انجم افلاک

سنک اجمال وصف کدر خطاب عزت لولاک

دخی اول یوغیکن سن وارا یدک خلوتکه حقه

نوله شان عظیمک عقل فعال ایتسه ادراک

* (قطعه) *

شه تنها نشین تحت کاه قرب او ادنی

خداوند خداوندان حبیب حضرت مولی

غبار آشیانک کل چشم قدسیان اولسه

نوله ای پادشاه عرش سبحان الذی اسری

* (مطلع) *

کاک نفسله چکدی کوکل مدنا له یی

یاقدی المده سوز درونم رساله یی

* (قطعه) *

تاب آور کیف اولسه او شوخ مل ساغر

رخساری اولور غیرت رنگ کل ساغر

اغزین او پیهیم ویر بکای ساقی مهر و

سویلمش ایسه اول صنم قلقل ساغر

(قطعه)

سپهر زال عشقک ما جرای زخم ناسورین
زبان چشم خون افشانی سویلر کندیدن صورمه
دل ناکامک اوضاع فلکدن چکد یکن اما
صور رسک عاکف غمخواردن صور غیریدن صورمه

(قطعه)

ما جرای الممد ر رشحات قلم
سر نوشت قلمدر فقرات المم
المم سوخته یاس اید رارض املی
میل آفاق امید ایتدن ابر قلم
قلم غایت اعدادی ایدردی تحدید
قابل کیف وکم اولسیدی نصاب المم
المم جوهر فردک عرض لازمیدر
اولدی همنشآت ترکیب المله قلم
قلم بخت سیاهمه مرکب اوله لی
ورق خاطره نقش اولدی سواد المم
المم یم سخنم موج وخیالم کرداب
آنده بر ماهی قلاب کرفته قلم
قلم آچسه اغز سهوایله های هوسه
اکه آئیده تقدیم اید رالف المم
المم مجبره اندیشه لیکه یاس مداد
حکمه سطر امیده خط بطلان قلم
غمکسار لقمه فدای سر ایدوب یکدیگره
اولور اول بو بو اوباقسک قلمله المم
غرضم طی مضامیندرا نجوی عاکف
یو خسه سهو قلمدر کلمات المم

(لغز)

<p>اید رلر نو بنو مثلینی بنیاد کهی مستور اولور کاهی کشاده دخی مهمانلری بهجت فزادر ولی روی زمینده یوق طور اخی اولور اکثر وقتده زار و کریان ایچند ن زلزله هیچ کتمز انک زن ایله ازدواج ایتمز سه مردان</p>	<p>ندر اول طرفه قصر کهنه ایجاد منقش بعضیسی هم بعضی ساده وجودی باعث ذوق و صفادر یکرمی باشی وار بشدر ایاغی عجب کیم اول سرایه کیرن انسان دخی بر حکمتی وار اول سرایک بلنمز عاکفا بو نکنه آسان</p>
--	---

(لغز)

<p>اولدی برخاش بو ندره افکار عرصه رزمی لرزه نالک ایلر ایک یوق هیچ قاتل و مقتول بو العجب کیم ینه اولور احیا جمله سی بریره اولور مدفون یعنی بیهوده در نزاع و تلاش</p>	<p>کیدر اول لشکر شجاعتکار جنگ ایدوب بر برین هلاک ایلر جمله سی کارزار ایله مشغول محو ایدر لر بری برین اما عاقبت هپ اولوب ضعیف و زبون بر باقده قوسوی بر قرداش</p>
---	---

<p>هر کیم ایلسه عا کفاتعین فکر باریکنه سزاتحسین</p>

(لغز)

<p>غالب اوار کیم یادن بهره سی جانلی جانسز میدر بلم عجب برکنه کار مضرت انتما کاهی کره خضر ایله مأنوس اولور جسمی اولمز ذره دکلو زخمدار</p>	<p>اول ندر کیم سیمه بکزر چهره سی بی سرو پا گشت ایدر دنیای هب وصف اولنسه طرز آخره روا دائما بر قلعه ده محبوس اولور فی المثل خنجر اور لسه صد هزار</p>
--	---

<p>حلمنه رغبت اید نلر عا کفا علم کافه میل ایدر لسه سزا</p>
--

(حسب حال طرز زنده‌مثنوی اولوب منفاده سویلنمشدر)

قنی مونس غم ~~ک~~سارم قنی

افندم حقیقت شعارم قنی

وفا دار عالیجنابم بنم

اصالتده صاحب نصایم بنم

مواسات واطفه توسل ایدن

چکمز جفامه تحمل ایدن

ایی کونده با که ویروب تقویت

کتو کونلرمده ایدن تسلیت

فلک قویدی آتش دل و جانمه

بنی حسرت ایتدی مهر بانمه

رک جانانه اوردی فلک نیشتر

قبول رفوایلز بواثر

انکچون دروغم یا تقدیر یا نق

فراقیله هر دم ~~ک~~وزم او یا نق

یا نمده اگر اولسه اول درد داشم

بورتمه آقارمیدی کوزدن یا شم

یتشدی سمایه انین و فغان

طیانسون فلک دیدیکک بی امان

نه ایمش اوده ~~ک~~ورسون آه دلی

یوزی کوم کولک اولسون بو کلسون بلی

خراب اولدی جسمم تملدن خراب

امان ساقیا ویر براسکی شراب

کباب اولدی جسمم شراب استرم

شب غمده یم آفتاب استرم

صوقاقمه اکافر نو لور ساده ویر

غم روز فردای هیپ باده ویر

باقوب جامدن باری استانبوله
شواندوه نفی اونوتسم نوله

یارم ویرمه ذوق ایدرسن هدر
دخی اولدم مست چشمک قدر

کتور ساقیا ویر بکا بر شراب
بیقق کوکلی دست لطف کله یاب

جکرده نمایاندر التهاب
طوتشدم مدد ساقیا ویر شراب

صولیدر مکر ساقیا بو شراب
که اندی کوزمدن ایچنده کی آب

سرشکم بونی بیلدی ایسه صولی
یتشدر بکاسن بر آخر طولی

همان میدر اهل غمک چاره سی
قیانور می ناب ایله یاره سی

قیادی بنی غم طولوب صاغ وصول
وار ایسه بوکا چاره میدن دیه کربول

دیمش بندن اول که بر اهل دل
اولوب اول دخی نفی ایله منفعل

غریب الدیارم غریب الدیار
اولور می بکا باده دن غیری یار

سلفده کچن پادشاهک بری
دید ی شاعر اخطله کل بری

نه چوق وصف ایدرسن بومیده نه وار
بونک اولی تلخ و صوکی خار

دید یکم اراسنده بروقت وار
سکا طوغرسین سویلیم آشکار

سنتك تحتك المم بن اول بر دمه
دكل تحتہ بلکہ بتون عالمہ

(اسعد پاشا نك بر غزل لری تخمیدن فقط مقطعی بوانہ بیامشدر)

عاکفاهند سه پیرایء کلاک سرمد

یادی مینای مخمسه بنای مرصد

شعری اشعاردن ابراز حکمدر مقصد
هیئت نظمہ غرض صورت ایسه بس اسعد

*(بعد ازین خامه فزی حکمتہ معتاد ایدہ لم) *

*(غزل) *

اولہ لی رنک رخک شرمی ایلہ دم بسته کل

سرو یروب بالین کنبندہ یا تور دنخسته کل

بسلیوب خون جکر لاله خیال روینی
زیور مینای چشم ایتدم کورای نورسته کل

سیر قیل دود کبود آہ آتشبار می

کورمد کنسه سود یکم کر سنبله پیوسته کل

شمدی قوبدی گلشن طبعمدن اهدا ایلدم
عاکفایزم احبایه سزایزدسته کل

*(تاریخ) *

شہ جم کوکبه سلطان مجیدک ہر دم

عمر و اقبالنی افزون ایدہ زب منان

لطفی اعمار کن کھنہ سرای عالم

قہری برباد دہ خرمن ظلم وعدوان

عدل و دادیلہ جهان ملکنی ایتکدہ اوشہ

غبطہ بخشای چمنصفہ باغ رضوان

منت اللہ کہ اول داور عالی کھسرد

یہ برد ختر حور اصفیت ایتدی احسان

چیتدی آفاقه بوتاریخ کزینک عاکف
زینت افزای شهود اولدی نغمه سلطان

* (حفیده سی وفاتنده سو یلشدر) *

آیلر کونلرد کل چکر سه یلار	طفل نازنینم اونو تم سنی
چیتقارمی خاطر دن او طلی دیلار	تنگام ایلدی فراقل بنی
شمیدی نه حالده در نازک بدنک	قییله مزای کن او پمکه تنک
یانسون آهم ایل کل اولسون کلار	اکدچه کلشنده غنجه دهندک
دو کادی سیاه ابرو جبیننه	تغیرلر کلوب جسم سمینه
طاغلا دی قوقلا دیغم سنبلر	صرمه صاچلری یلدی زمینه
کل یکاغک رنکی روی صوادی	فلک کینه سی یرین بولدی
اوپوب اوخشا دیغم اوپامق اللر	عجاچوریدی طپراق اولدی

* (کریمه لری وفاتنده سو یلدکاری تاریخ) *

عطیه فاطمه خانم که تازه لکده دریغ
ورم دیدکاری درد ایتدی قامتن ایکی قات
اثر پذیردوا اولم یوب اوداء عضال
بتردی شربت هرک ایل هادم اللذات
اشتدی والدی یاندی یاقلدی ادرنه ده
اونتمزانی کوکل تابمشر مخلوقات
کمال حزن ایل قید ایتدی لفظ تاریخن
ایکیوزاللی یدیده عطیه م ایتدی وفات

* (قطعه) *

وصل ایسه اگر مطلبک اول شمع جماله
پروانه صفت بزمه یا نوب یاقله رق وار
ای نازنکه زلف و میانه صار یلنجه
احوالی عرض ایتده یاره قلی قرق یار

* (مطلع) *

دو چشم انتظارم غرقه سیلاب در سنسز
که هر بر قطره سی عینمده برگرد ابد رسنسنز

* (فرد) *

کهی پیاله کهی آه بی اثر چکرز
بیلور میسن شو خراباتده نلر چکرز

* (مشایخ و شعرادن بدلیسی مشتاق بابایه ویریلوب تنظیرا یتشادر) *

اولسه واصل مشاطه تقدیر قدیر
حسن صورتی بولور روی عروس تدبیر
سرخ کون اقسه نوله دیده دن آب اشکم
ایتدی باران بلا چشمه جانی تبکدیر

دل عشاق سر زلفنه اولمش تابع
بو العجبکیم چکیلور بر قل ایلر بر سوری شیر

بوی کادن کرک ای شوخ سکا پیراهن
نه روادرتن نرمینه که سر بال حریر

قرص مهر و مهنه یوق نکه رغبتنر
اوله لی خوانجه بزم فلکدن دلسیر

کردن زهره یه تعلیق ایندرم بو نظمی
عا کفا حضرت مشتاق ایدر سه تنظیر

* (غزل) *

دلده غبارا لم عین صفادر بزه
سرده خار ستم بال همدادر بزه

اولسه ده غم دکل شمع بد رفلاک
آه شیر بار من را همدادر بزه

عاشقیز جان ایله طوغریسی ال چکمز
جوری اومهپاره نك شوق فزادر بزه

بیکنسز اولمرتبه کوشه غربته کیم
نامه رس تسلیت بیك بلاد بزه

مبحث حسنه هیچ قالمدی اشکالمز
مبهم اولان مسئله زلف دوتادر بزه

شاعر شیرین ادا ثابت ایکن عا کفا
صورت تطییده نظم خطادر بزه

* (غزل) *

ساغر دیده عاشقده نم اولمزده نولور
دل بیچاره ده خون الم اولمزده نولور

حفظنه جان ویریلان کاله بدرنک جهان
برکون افتاده سوق عدم اولمزده نولور

خلقک اصلاحنه کوششله فدای سرایدن
شاخ مسوال کبی محترم اولمزده نولور

شاخ بالاده اولان میوه نحوست انداز
زخم خورنده سنک ستم اولمزده نولور

عا کفا قدر حیاتی بیلن ارباب شعور
هر نفس شکر گذارنم اولمزده نولور

قد تم طبع هذا الكتاب المستطاب * بعون الله الملك الوهاب * بدار
الطباعة الباهرة * الكائنة بيولا ق مصر القاهرة * ملحوظا بنظر ناظرها
الراجي فضل ربه الوهاب * حسين افندي الملقب براتب * وكان طبعه
وتصحيحه بمعرفة الفقير الى آلاء الله العلي القوي * مصطفى
بن محمد المروي * على ذمة محمد افندي المعروف بكامل * رئيس
الصحافين والعرضة الجلية بمصر المحروسة في يوم الخميس
المبارك حادي عشرى شهر ربيع الاول سنة
ثنتين وستين ومائتين بعد الالف من
الهجرة النبوية على صاحبها افضل
الصلاة وازكى التحية
ماناح الحمام * ولاح
بدر التمام

كتاب...

...



منشآت
عاکف

بسم الله الرحمن الرحيم

الحمد لوليه والصلوة على نبيه وعلى آله حق سبحانه وتعالى حضر تری
سلطان سلاطین جهان و خاقان خواقین زمان باسط بساط امن و امان
و ناشر ماثر عدل و احسان اولان ولی نعمت زولی النعم عالم مالک رقاب الامم
شوکتلو عظمتلو پادشاهم ز پادشاه عالم پناه سلطان (عبد المجید خان) افندیز
حضر تری نی مادام الاکوان سریر سلطنت سنیه زنده کامبین و کامران
ایلیه آمین والد ماجد کثیر المحامد جهان بانی جنت مکان فردوس آشیان
خداوند کار غازی سلطان محمود خان ثانی نور الله منجه افندیز
حضر تری نیک رجال بنامندن مرحوم و مغفور له بوزاوقلی مصطفی مظهر
افندی نیک برادر زاده سی الحاج محمد عاکف افندی نیک نظم و نثرده متعارف
اولان بضاعه متمیزه لری جهتیله ارباب معارف و استعداد عندند مقبول
و معتبر اولان شعر و انشاری کنندولر نیک عدم مبالا تندن ناشی جمع

وتلفیق اولمده یغندن بعض متعلقاتی آثار من بوردنک کلیاضایع وتلف
اولسنی لایق کورمیه رک ایادی ناسده قالب دسترس اولنه میان وتدارک
اولنوب طبع ونشری مناسب اولیان ترک و مومی الیهک ترجئه احوالی طی
اولنه رق سائر تلخیصات و تقاریر عالییه وتذاکر و مکاتیب غیر مکتومه مثللو
طوپلنه بیلان بعض منشآت و بردقدار اشعارینی ارباب هنره یادگار
اولق اوزره طبع وتمثیل ایتدیر مشدر

* (تلخیص عالی) *

جناب حق و فیاض مطلق جل جلاله صاحبقران بیشیل عرصه کون
ومکان و پهلوان عظیم العدیل میدان تیروکان اولان ذات سعد آیات باهر
الکملات شهنشا هیلرین (ولکن الله رمی) و بحق (فکان قاب قوسین
اوادنی) همیشه سریر سلطنت سفیه لرنده برقرار و بردوام و دست قوی
شصت رأی و تدبیر جهان بنایلرین کما نکیر خطوب و احکام و مهمام مشکله
محیر الاوهامی زور بازوی توفیق ایله کپازه سر پنجه هرام ایلوب پیشرو
منزل رسیت و سطوت ملوکانه لرین پوته دل اعداده جایگیر و نوک پیکان
فروصولت داورانه لرله سر هوا پرست بدخواهانانی نشانکاه قهر و تدبیر
اید رک آهنک خدنک شان و شوکت شهریار یلرین رسیده دقعر افلاک
وتیر کش ظفر بخش تأییدات غیبیه سن همیان اقبال و اجلال
پادشاهانه لرندن عظیم الانفکاک ایلیه آمین بجرمة اسرار الکاملین
شوکت و جلّه جلالت ملکات بشریه و کافه آثار کمالات انسانیه جوهر
فطرت علیه لرنده موهبه جلیله ازیلیه اولمقدن ناشی حق بوکه استکمال علم
و عرفان و اعمال سیف و سنانده عامه معارفندان و زور آزمایان زمانه
فائق و فن شمسواری و تفنّن اندازیده قاطبه فارسان و هنروران جهانی
سابق اولد قلمری مثللو حلقة منقبتی پیرایه دار اثر حضرت سید المرسلین
وتعلم واستعمالی سنت سنیه کما حیاة دین مبین اوله رق موروث اجداد
المجاد بهترین آیین و بلکه (اعط انقوس باریها) مدلولنجه جناب معلالتاب

بهمتارینه جهت لیاقت و مناسبتی واصل سر منزل یقین اولان فن جلیل
 قبضه تحصیلنه دخی میل و رغبت همایون و مشق و همت کرامت مقرون
 ملو کانه لری معطوف و مصروف بیورملق حسبیله باعون و عنایت
 حضرت رب اکرم مدت یسیره ظرفنده اول فن محترم دخی ذات کرامت
 توأم شاهانه لری نه پیرایه قبضه تسخیر اولمسيله حلیه علیای محامد و اوصاف
 جهان بنایلری نه منظم اولدیغندن فضله خسرو زرین افسر مهر انور یکران
 سبکجولان کردون ایله فضای برج قوسه تحویل سیروسفر ایدرک پنجه
 اشعه عالم تاب ایله کند چرخ دواره جلوه ریز زیب و فر و شعشعه انداز
 اقطار باخترو خاور اولمسینه مماثل دونکی کون بالین والاقبال اوق
 میداته سوق سمند شوکت و اجلال و رونق شکن منطقه البروج آسمان
 اولان کمان عنبر نوز شاهانه لری نه وضع قبضه میامن اشتمال بیوریلر رق
 قوت قدسیه ظلیت پناهی و زور بازوی شوق و همت شهنشاهیله
 رونقیاب ضرب و کشتاد بیوریلان سهم السعادة رستمه لری باعون
 و امداد حق تیر توجه اصحاب قاب آسانشانه مقصوده موصول و ملحق
 اولوب بین الرماة طوز قوپران دیمکله کمانکش شهرت و اعتبار اولان پهلوانک
 منزلی بوزلادیغی سامعه رس چاکرانه م اولدقده کلبانک بارک الله ایصال منازل
 مهر و ماه قلنه رق جلد خوارق عادات خلافتیناهیله رندن اولان اشبو
 کرامت علیه ظل الهیله کافی بندگان و بالخصوص عبد قدیم صداقت
 و سیملری نائل سرور و حبور ایتمکله همواره وجود عالمسود
 پادشاهانه لری تراید قوه قاهره شان و شکوه و شوکت و توافر قدرت باهره
 فروغ فحامت و جلالت ایله جهان طور دجه رونق افزای تحت و تاج
 و هرناولک راسترو میل و مراد همایونلری سیننه گزار لوحه آماج اولمق
 دعوائی تکرار بتکرار مر فوع بارگاه جناب پروردگار قلنه رق بر مقتضای
 عبودیت ایضای رسم تهنیه ابتدار و اجتناسار قلند یغی محاط علم عالم آرای
 جهانداورانه لری بیورلدقده امر و فرمان

جنتیگان افندیزک روم ایلی طرفه تشریف همایونلری کونی واپورایله
خسر و پاشا حضرتلرینک ساحلخانه سی اوکنده ملاقات بیورمش
اولدقلرندن مشارالیه طرفندن مابین همایون جانبینه برای تشکر

بو ائشاده شوکتلو معدلتلو ولی نعمت زولی نعمت عالم پادشاه دریا کرم
وشهنشاه ستاره خدم افندیز حضرتلرینک کندی قوی و کوله سی
اولوب هر بار جسم و جانعی او غور همایون شاهانه و خدمت مستوجب
المفخرت پادشاهانه لرینه صرف ایدرک ید عاجزانه مدن کلسه خدمات
علیه لرینک جلد سنی التزام مفروض اتحادیه سرمایه سعادت دارین
بلد یکمزه مبنی بود دفعه بالین والاقبال بعض قلاع خاقانیه لرینی مشاهده
اراده سنیله سیله تشریف معالی ردیف شاهانه لرنده مبارک طلعت جهان
آرای شهنشاهیلریله قریر العین عبودیت و قوتیای خاکای همایونلریله
جلاسار چشم ضراعت اوله رق دلم دوند یکی قدر سلامت بادی شاهانه لری
دعوات خیریله سنی حضور معالی و فور خلافتینا هیلرنده ادا و روی
رخساره عبودیتی زیر پای شوکت احتوالرینه فرش ایله بو وجهله دخی
وظیفه رقیبتی اجرایه آرزو و اشتیاق عبیدانه می عرض وانه یایه ادب
عبودیت مانع اولدیغندن دیدار لامع الانوار شاهانه لرینی اوزاقدن
اولسون کور مکه متسلی اولمقده ایکن شوکتآب مراحم نصاب افندیز
حضرتلرینک محض کمال بنده پرور لکندن ناشی بو امکدار کوله لرینک
تلطفنه مساعدت علیه اراده احسان عاده سیله ملک مو هوب
پادشاهانه لری اولان ساحلخانه چاکرانه م اوکنندن تشریف میامن الیف
ماو کانه لرنده بو عبد غیر معتقلرینی انواع التفات عنایت آیات شاهانه لرینه
مظهر یتله یکیدن احیا و بر قاتدخی استرقاق نفس عاجزانه م خصوصنده
شیئه ملکیه ملکانه لرینی اجرا بیورملری بو عبد عاجزی مستغرق سرور
و تشکر نامتناهی ایتش و سایه شوکتوایه شاهانه لرنده دریا قبودانلغی
خدمتی دخی بیلور قوللرنندن اولدیغمه مبنی شرفبخش رکوب اجلال

اولاد قلی سفینه شاهانه لری وراسندن عزیمتله بوکونه دخی خدمت
بحریه پادشاهانه لرنده بولمق وظیفه عبودیت وجامه منت ایکن بوامنیه
عاجزانه یه دخی تأدب چاکرانه حاجز اوله رق هر نقدر جسم عبیدانه م
بوراده ایسه ده روح روان عاجزانه م ذات شوکنسمات شاهانه ایله برابر کتمش
اولمغله حضرت حق مالک البرین والبحرین اولان ولی نعمتم روح عالم افندیز
حضرت تیرینک وجود جهانسود پادشاهانه لری صفای خاطر واتبساط
باطن وظاهرله باکمال صحت وعافیت حفظ وصون صمدانیسندده محفوظ
ومصون ایدر لؤفورشان وشوکت ومزید اقبال وجلالتله تشریف
همایون ملوکانه لریله مسروریته بو عبید عاجزی میسر ایلمک دعوائی تکرار
قلنقده اولدیغی محاط

(نقل همایون تبریکنی حاوی تلخیص عالی)

جناب آفریننده کون ومکان وتمیز بخش فصول وازمان تقدس ذاته عن
احاطة الازدهان نیر خیر برج دولت واقبال ومهر ضیایاش آسمان اہت
واجلال اولان ذات شوکنسمات تاجدار یلرین ماتعاقب الادوار والاعصار
سریر آرای سلطنت شہریاری وزینت افزای خلافت وکامکاری ایلیوب
اقتباس لوامع التغات شہریاری جلہ بندکان وخاصة عبد صداقت اقترانلرین
حائز رھینہ اعتبار ووفاء زدفینہ اختصار ایلیہ آمین شوکت او پادشاهم فلولہ
الحمد والممنہ میامن فیض وتوفیق الہی وبرکت حسن توجه خلافتینا ہیلیلہ
کل کازار آفرینش اولان طبع معالی نبع خسروانہ لری نزہتہ کدہ
ساحل سرای بشکطاشده مہب نسایم صفا وانسراح ومورد لطائف
انبساط واقتراح اوله رق ایام خجسته انجام تابستان مرور وحاول موسم
خریف ایله اختلاف فصول وهواظہور ایتمک حسیلہ اشبوروز فیروز
ہجرت افروزده آشیان ہمای همایونبال اوج دولت ومطلع خورشید
جہان پیرای فلک سلطنت اولان سرای سپہر اعتلای شاهانہ لری جانبہ
سوق زورق اہت وبسط بساط اجلال وشوکت بیورلمش وبوکیفیت کافہ

جسم بند **ک**ان و بتخصیص قلب و قالب چاکر مسغرق الاحسان لرینه
از سر نو باعث حیات تازه و مورث حبور و مسرات بی اندازه اوله رق
از هر جهت انواع بهجت و شادمانی و فرط انشراح جاودانی حاصل اولمش
اولمغله همواره مواسم و فصول سنین اجرای اصول و قوانین ایلد بجه مبارک
و مسعود و وجود مکار منمود ملوکانه لری زیب افزای اورنک شوکت و دیهیم
افروز ایهت و سطوت اوله رق عوارض کونیه و اختلافات دهریه دن
سراوقات حفظ خداداده مصون و نقل و سکون و هر حال ورکون همایون لری
کمال تندرستی و عافیت ایلد غایت نصرت و فرحت و بهجت هر هون اولمق
دعوات خیریه سی مرفوع اجابتگاه جناب ملک بیچون قلمشدر اشبو نقل
همایون میمنت مشحون پادشاهانه لرینک تبریک و تهنیتی ضمننده مهر انوره
ذره و بحر اخضره قطره عرضی قیلندن دخی احقر اوله رق بر رأس مزین
اسب ایلد بر بار کیر تقدیمه هزار عجز و افتقار و کونا کون بخت بيشمار ایلد
اجتسار اولمغله عبد کینه مورمقدار لری حقهنده شیمه کریمه سلیمانینک
اجراسیله تقدیمه عاجزانه م نیم نگاه مکارم **ک**کناه جهان بنایلرینه
سزاوار و کشیده کذرگاه التفات و اعتبار و فرق مباهاتم موازی سپردوار
بیورلمق بانبده امر و فرمان

(تلخیص عالی)

جناب ترتیب بخشنده عناصر اشباح و تعلق دهنده جواهر ارواح الذی
فاض احسانه علی العالمین فی الغدق و الارواح همیشه آباء افلاک و امهات
عناصر انتظام سلسله موالید و ناظر اولد بجه روح جسد عالم و سبب بقای
حیات احم اولان مبارک ذات معالیسمات کروی شیم و وجود مکارم اندود
ملائک خدم خلافتینا هیلرین سریر شوکت میرملوکانه لرنده کمال تندرستی
و عافیتله برقرار و بردوام و تعاقب انسال میامن اشتمال جهان بنایلرینه
آغوش امید و امانی عبارت صداقت ندادی جلوه **ک**گاه شواهد اقصای
مرام ایلدیه آمین بحرمة من کان نبیا و آدم بین الماء و الطین شوکت و کرامتله

مها بتلوقدر تلوی نعمتم افندم پادشاهم خلاصه المعنای ترکیب قوام دین
ودولت و نتیجه المفهوم مطلب بقای ملک و ملت سلاله جلیله ملوکانه لزند
عبارت اوله رق تتابع واتصال نسل نسیل عذیم العذیل پادشاهانه لری تقاوة
امال عامه عالمیان و بالتخصیص بو عبد احقر مستغرق الاحسان لری نه
اخص ما رب دل و جان اولمقدن ناشی لیل و نهار بو کونه موارد غیبیه
صمدانیه نک آثار سنوح و شهود و علامات ظهور و نمودینه ترقب
و انتظار ایل دست نیاز عاجزانه مرفوع بارگاه جناب ملک بی انباز قلم مقده
ایکن خصیصه ذات ملکی الصفات شهر یاری لری اولان شیء کریمه بنده
پروری و سحیه بهیه مکارم کستری لری اقتضاسنجه بودفعه محض عنایت
واحسان و حرز جان چاکرنا توان اوله رق بیاض اوزرینه صحیفه
پیرای صدور اولان مبارک خط هما یون موهبت مقرون شاهانه لرنده بحمد
تعالی کاستان خلود اقتران صلب یاک تاجدار یلرندن بر غنچه نشسته
جانفرا حرم کلبن آفرینشده اهتر از نمای اماره نشو و نما اولدیغی بشارتی
ماند در منشور عالم بها کشیده سلك اللال سطور معالی انتمایور لمش
اولمغله بو عطیه جزیه الهیه و موهبت غیبیه صمدانیه نک سرادق غیب
و تکویندن اولو جهله مجلا پیرای مقدمه وجود اولمسنندن و خجسته
قلم عطار در قم ملوکانه لریله طرف چاکرانه مه تبشیری خصوص صنده منصفه
زیب سنوح اولان عنایت و التفات شهنشاهی لرندن چاکر کینه لری نه قات
اندرقات حاصل اولان سرور و حبور کنجیده حواصل اقلام و محاط
ظروف ارقام اولمقدن دورا دور و اشبو مواند جلیله الفوائد بشارت
علیه دن جله بند کان خالص الجنان لری دخی فوق الغایه شیرین کام
حصة خاصه مسارنا محصور اولمغین همان جناب واجب الوجود و مفیض
الخیرو الجود مظهر ستر اعلاى خلافت و منبع عین الحیات لطف و مرحمت
اولان مبارک و مسعود ذات بیهمال ظلمیت پناهیلرین مادام الظهور
و البطون تحت و دیم معالی و سیم سلطنت سنیه لرنده کمال بهبودی

وعافیتله ابد نمون وطبع همایون فیض مشکون جهاندار یلرین هر آن
وزمان انواع انبساط و ابتهاجه مقرون ایللیوب منتظر قدوم میامن لزومی
اولدیغمز اول نور دیده خاص وعام و مردمک عیون انامک بالسلامة
والاسعاد ظهور کوکبه ولادت باهرة المینتیه دخی جناب شو کتاب
شهریار یلرین مبتج الفؤاد و بالجملة بند کان صداقت آیین و لاسیما عبد دیرین
اخلاص رهینلرین بالتکرار نائل مسرات بیعداد ایلک دعوائی عن صمیم
البال تأذیه و اکمال قلند یغنی محاط علم عالم آرای ~~م~~کارم اشتماللری
بیورلد قده امر و فرمان

* (تلخیص عالی) *

جناب طرازنده مراتب غیب و شهود و برارنده بدایع بود و نمود تقدس
ذاته عن نسبه الوالد و المولود همیشه مفردات چار اجزای عناصر عالم
ترکیب و امتزاجده دائر و سائر اولد قه روح جسم جهان و سبب حیات
عالمیان اولان مبارک وجود مکارم نمود هر احم اقترانلرین اورنک مینورنک
سلطنت سنیه لنده کمال صحت و عافیت و مزید اجلال و شوکتله کامبین
و کامران و بقای ذات ابهت سمات ملو کانه لرین سر لوحه طومار عمر
دوران ایلیه آمین بجرمة من جاء رحمة للعالمین شو ~~ک~~کتلو الی آخره
ماده عمران جهان و جهانیان و مایه فیض و فتوح ازمان و احیان موقوف
دودمان جلی الشان کشور ستایلری ایدوکی جله عندنده مانند شمس
تابان واضح و عیان اولمقدن ناشی کافه انام و بتخصیص چاکر کمتر مستهاملری
صبح و شام ادعیه خیریه اجابت انجام ایله دست ضراعتی برداشته درگاه
جناب و اهب المرام ایدرک نو بنو طوالع فرخنده لوا مع نجل نجل
شهریار یلرینک رونق طراز سپهر دوار و منور ساز چشم روز کارا و لمسنه
نکهدار ایکن بود دفعه بیاض اوزرینه صحیفه پیرای صدور اولان مبارک
خط همایون موهبت مشکون تاجدار یلرنده بلطفه تعالی تباشیر صبح
امیده دال و طالع بدر آماله براعت استهلالات اوله رق نخل فیض افزود

صلب پاك پادشاهانه لزند بر ثمره نجسته و رودك زير برك مشيه امكان دن جنبش نماي نمو وجود اولديغي بشارت مسرت اندودي زيور عبارت التفات نمود بيورلمش اولمغله بو عطيه عليه وموهبه غيبه الهيه عبد يقدار صداقت شعار لين فائز كنچينه شادمانى ومساروحائز رهنه ابتهاج واستبشار ايلد يكدن بشقه بو وجهله حق كترانه مده مجلا پيراي سنوح اولان عنايت والتفات شاهانه لرى دخی قوللرين غريق لجه شوق وانتخار ايتكن همان مبارك ذات فرشته سمات ظل اللهيلرى مادام العالم مسند مؤيد پادشاهى واريكه بلندار دكان خلافت پناهيلرنده مظهر اقبال نامتناهى اوله رق غبطه كاه مهر وماه اولان دركاه معالى اكدناه شهنشاهيلرن دن جله بندكان خير خواه ولاسيما عبد رقيت آكاهلرى اقباس انوار لطف واحسان ايله مبتهيج ومباهى واول درمكنون صدف آفرينشك براورده كهواره ظهور اولمسيله دخی جيب قلوب عالميان لبريز جواهر سرور وحبور لايتناهى اولمق دعواتيله غلغله پرداز باركاه الهى اولديغم محاط علم عالم آراي داوران لرى بيورلدقده

ساحل سراي بشك كطاشدن سراي همايونه تشریف ومتعاقبا راى چفتلكنه تشریف همايون بيورلد يغنده يازيلان
(تلخيص عالى)

جناب تقدير فرماي سیر وسفر مستلزم الظفر الذى بقدرته تجرى الشمس لمستقر همیشه خسر واشعه سپاه مهر انور سمند منور بيكر كردون ايله شعشه ياش اقطار باخترو خاور اولدقجه ذات صلا بتسمات خلافت پناهى ووجود شهامت افزود ظل اللهيلرين كمال تندرستى وصحت ومزید بهبودى وعافيتله تحت عاليجنت جهانباني وديهم ايهت وسيم كيتى ستاننده كامبين وكامران وظلال سيف آخذ الحيف سليمانى وتيغ خرنپالاي سطوت وجلادت صاحبقرانيلرين آسایش بخشای قلوب اهل ايمان وتفرقه سازا صاحب كفر وطغيان ايليه آمين ثم آمين حمد اثم حمد مظهر

خلافت عظمی و مالک سلطنت کبری اولان ذات سلیمان نهادشهنشاهیلی
 صلابت فطریه و علوهت پادشاهانه ایله مجبول و مفطور اولمقدن ناشی
 اجداد عالی نژاد شهریار یلرینه سنت بهیه و بالخصوص ذات قدسی
 الصفات تاجدار یلرینه موهبه ازلیه اولدیغی وجهله مجرد احیای
 دین مبین و تأیید سنن سنیه حضرت سید المرسلین نیت خیریه و عزیمت
 قویه سیله مبارک نفس نفیس شاهانه لرینه اختیار کافه جهاد بیوریه رق
 بنصر الله المتعال و بالشوکه و الاجلال سایه لوای سدره فرسای حضرت
 پیغمبریده سفر همایون میامن مرهونه متوجه ابو کونکی روز فیروزانین
 ساحل سرای بیهمتای بشکطاشدن سرای سپهر اعتلای جهاندار یلرینه
 سوق زورق اہت و اقبال و متعا قبارامی چفتلکی صحر اسندہ منتظر
 شرف قدوم مہمت ملزوم ملوکانه لری اولان موکب همایون ظفر نمون
 شاهانه لرینه آلائی و الائی مہابت انتمایله مطیہ ران فروغامت بیہمال
 بیورلمش و بو کیفیت غیرت دین احمدی و نصرت شرع شریف محمدی مآثر
 جلیلہ ممدوحہ سیله اتصاف جناب جهانبانیلرینی بر قاتدخی تأیید ایلش
 اولمغله هموارہ جناب ارادت فرمای جهاد و غزا و معین و نصیر شریعت غرا
 توحد ذاتہ الاقدس بالعظمتہ و الکبری ایشوحرکت جهانگیری و عزم
 رزم کشور کشایلرین من کل الوجوه مستلزم انواع میامن و اسعاد
 و مستوجب صنوف فیض و فتوح بیعداد ایدرک مؤید من عند الله
 و غازی فی سبیل الله اولان مبارک ذات شوکت سمات خلافت پناہیلرین
 مادام الادوار و الاعصار عمر و شوکت و اقبال نامتناہی و فرو شکوہ
 و اجلال پادشاهی ایلہ مصونان عن الآلام و الاکدار سریر آرای سلطنت
 و شهر یاری وزینت افزای خلافت و تاجداری ایلوب هر رأی رزین
 و ہر تدبیر اصابترہین ملوکانه لرین تقدیر ربانی و توفیق سبحانیسنہ
 موافقتلہ علی الاتصال بارقہ سیف صارم جهانبانی و صاعقہ قہر و تدبیر
 صاحب زمانیلرین آتش انداز دشمن دین و خرم نسوز کزوہ مشرکین

ایتمس یله قلوب عامه موحدین وبالخصیص فواد عبد ضراعترهینلرین
مبتتهج ومسرور ایملک دعوائی کمال تضرع وابتهال الیه مرفوع اجابتگاه
حضرت واهب الامل قلنه رق من غیر حد لوازم تبریک وتهنیت نقل
وحرکت همایونلرین ایفا و فریضة عبودیت ورقبتی اجرایه اجتناسار
قلند یغنی محاط علم عالم آرای شهنشاھیلری بیورلدقده امر وفرمان

(فارسی عبارتہ نامہ همایون صورتیدر)

عالی جناب دعالی مآب رفعت نصاب سعادت اکتساب بسالت انتساب
جامع العزوالعلی مستجمع الفضائل الابهی مظہر مآثر دیانتکاری مصدر
شعائر حیت شعاری جانشین ملک ارجند حکمران ممالک خوقند
محمد علی خان لازال نجم نجاتہ مسعود الاقتران بتحیات فایقہ
وتسلیات رایقہ کہ ازقواعد مہر و محبت ومعاهد حسن عقیدت منبعث
کردد مخصوص بوده بداند بعدذا نامہ نامیکہ بصورت نسخہ مخالست
وبمعنی دست مبايعت آن عالی جناب خواهد بود بسفارت قدوة العلماء
المحققین ابرنظر قاضی زیدت فضائلہ وعمدة الخدام افتخار الاما جد
والاعیان عبد الرحمن بک زید مجده فرستاده بنزد معالیوفد پادشاھی
وحضور فیض کنجور شهنشاھی رسیدہ و بالمخاطبة عاطفت ونظر عنایت
ملحوظ و منظور گردیدہ بیاضش بسواد مواد مودت وسوادش بیاض
معنی مصفای خلت مزین دانسته وانچہ در شرح آرزوی والد ماجد آن
عالی جناب باظہار اخلاص واختصاص کہ بجانب سنی المناقب ماداشته
وپیش از حصول این آرزو عازم حظیرہ روضہ رضوان وعارج معارج
رحمت رحمان کشته وممالک وبقاع وامصار و اصقاعش یدورا ثت آن ذات
بسالت سماتکہ ماصدق مدیحہ خیر الخلف وما حصل اثر خیر سلف است
در ضبط وتصرف آورده وبرخوای الولد الحریقتدی بابائہ الغر خدمت
باسعادت حفظ دین مبین واجرای سنت سنیہ حضرت نخر المرسلین صلی
اللہ علیہ وسلم را التزام نموده بغز او جہاد توسیع ملک اسلام وتنفیذ او امر

واحکام را مآثر سعی و همت اند و خسته و بعضی ملتسای که نسبت با آن طرف
 باعث ترفع و ابجال و مورث امتیازین الامثال است شمع امید حصولش
 از مشکوٰۃ مواهب پادشاهانه مآفر و خسته و هر یک از مآل و مدلول آن نامه
 و آلا محاط علم عالم آراشد و تقدیمه مخلصانه و هدایای متخصصانه که بحضور
 فائز النور رسانیده بمحل و موقع مقبولیت پیوست و بتخصیص مصحف
 شریف و مکتوبات لطیف که هدیه کونین بها و دستاویز روح افزاست
 بدست تعظیم و تبرک بالانهاد محفظه احسن قبول گردیده و چون جناب
 مالک الملک بر موجب (انا جعلناک خلیفه فی الارض) بعنایت بیغایت
 خود ذات شوکتسمات و جناب جلالتآب همایونمرا بنعت جلیل امام
 المسلمین و بوصف جمیل خلیفه روی زمین منعوت و موصوف فرموده
 بر مقتضای وجوب دینی و خطوب دنیوی بطرف خلافت شرف ما
 عرض بیعت و متابعت آن عالی جناب از تبلیغات سفیران موحی الیهما
 در آئینه علم ما جلوه کرو بر گرفته معروض حسن اثر کشت فلاجرم بر طبق
 من جاء بالحسنة ففحات عواطف علیه را بهمت و آلا شاهانه متنسم
 و صفحات عوارف سنیه را بعنایت علیای پادشاهانه متوسم گردانیده
 همچنانکه از مکارم بیزارحم جهانداری و عا طفت بلند منقبت
 خداوند کاری شمیری مجوهر چون هلال آسمان و نشانی مرصع
 چون مهر رخشان با آن عالی جناب احسان همایون فرموده و بدین
 وجه و جیه ابواب انباج و اسعاف جهانبنانی بروی مسؤل و ملتس
 ایلخانی می کشوده و هر دو سفیران موحی الیهما بنشان ذیشان و اکرام
 و التفات فراوان از کرم بیکران سلطانی وایه دار عطیت و مغفرت کشتند
 و باذن و اجازت علیه از دار السلطنت السنیه هر یکی بادی شاد و خرم
 بجانب آن ذات مکرم عودت و انصراف کردند نامه همایون شاهانه که
 متضمن خطاب کریم و مشتمل لطف عمیمست سمت صدور یافت هر آینه آنچه
 واجبه شکر گذاری و لازمه حقوق پروریست کما هو حقّه بجای آورد

همواره طالع خانی بر اوج کامرانی لامع و ساطع باد برب العباد

(تبریک لیلۀ رغائب خمننده رکاب استیذانی حاوی تقریر صورتی بدر)

جناب منور زمین و آسمان و تجدید فرمای شهر و ازمان تعالی شأنه
 عن الزوال والنقصان غرة تابدار افق دوات و بدر اشعه نثار سپهر سلطنت
 اولان مبارک وجود همایون مکارم مشحون جهان بنایلرین ماطلع الشمس
 والقمر فروغ افزای اورنک و افسر و شعشعه پیرای باخترو خاور ایدرک
 کافۀ اشهر و اعوامی ذات کروی سماء شهر یاریلری حقننده متین و مسعود
 و مستتبع انواع بهجت و انبساط نامعدود ایدوب ایام عمر و شوکت
 خلافتینا هیلرین مزید اندر مزید و درگاه مکارم اکتناه ظل اللهیلرین
 مطلع اهلۀ فیض جاوید و رشک انداز لوا مع قرص خورشید ایلیه آمین
 بحرمة من انشق القمر باعجاز المبین حمدا لله تعالی بالخير والمیامن اشبو
 واسطة العقد شهر و مبشر قدوم ماه رمضان غفران نشور اولان شهر
 رجب الفرد لدخولی میسر و مشهود و بعد از غائب اجرای مراسم تبریک
 و تهنیت خمننده سماحتلو شیخ الاسلام افندی داعیلرله معا خا کای
 عیون آرای تاجداریلرینه ناصیه ساری عبودیت و وایه مند صنوف
 شرف و مفخرت اولفق دأب دیرین دوات علیه ابد نمون اولدیغنه بناء بمنه
 تعالی اشبو و یا خود کونلردن قنغیسنده افندی مشارالیه داعیلرله
 معا رکاب مستطاب ملوکانه لرینه رخسوده اولما من خصوصنه اذن
 و رخصت علیه پادشاهانه لری مزاور بیوریلور ایه امر و فرمان

(تبریک سال خمننده رکاب استیذانی حاوی تقریر عالی)

جناب ابداع فرمای موافقت سنین و مشهور و تجدید بخشای اجرای ازمنه
 و دهور تقدس ذاته عن احاطة العقل والشعور غرة افق آرای سپهر سلطنت
 و بدر منازل پیرای آسمان خلافت اولان مبارک ذات نورانی السموات
 پادشاهان لیرین ماطلعت الالهة و البدور سریر ایهت مصیر ملوکانه لرنده
 شعه پاش کمال آسایش و حضور ایدرک طبع همایون فیوضات مشحون

جهانبانیلرین نوبنوجملای انواع انبساط و صفای موفور وهران میامن
 اقتران تاجداریلرین الی یوم النشور مستتبع صنوف ابتهاج و حبور
 نامحصور ایللیوب جلّه بندکان و بتخصیص چاکر صداقت نشانلرین باب
 کردون قباب کیستی ستانیلرندن اعتبارس فروغ عنایت واحسان ایله مفتخر
 و مسرور ایلیه آمین بحمدہ تعالی سال کگذارنده یمن اشتمال عافیت
 وجود معالینود شهر یاریلر یله مرورایدوب بو کونکی کونی سنه جدیدہ
 محرم الحرامنک غره سی افق جرخ دواردن بدیدار و شمعشعہ علوشان
 خلافتپناہیلرینه نسبتله نقصان ماهیتن فرق ایدرک آفتاب عالمتاب طالع
 نجسته لوا مع پادشاهانہ لزند استفاده انوار کمال و اعتلایہ طلبکار اولمغله
 اشبوایام مسرت ارتسامک ایفای مراسم تبریک و تهنیتی ضمنندہ سماحتلو
 شیخ الاسلام افندی داعیلر یله بالمعیه عتبہ علیای ملوکانه لرینه جہہ سای
 عبودیت اولمق دآب دیرین سلطنت سنیہ لزند اولمقدن ناشی اولوجہارہ
 رومالی خاکپای عالیریلہ مشرف اولما مرہ قنغی کون اذن ورخصت
 علیہ ملوکانه لری سزاوار بیوریلور ایسه امر و فرمان

(تبریک سال ضمنندہ رکاب استئذانی حاوی تقریر عالی)

جناب فاطر السموات والارضین ومبدع مناظم الشهور والسنین الذی
 رش انوار رحمتہ علی العالمین ہمیشہ شلال سعادت رہین ابروی جبین چرخ
 برین اولدقہ بدرتابان سپهر شوکت و شهر یاری ومهر درخشان آسمان
 اہت و کامکاری اولان ذات کزین معدلت آیین تاجداریلرین عافیت
 وصحت تامہ ایله تخت عالی بخت خلافتپناہیلرندہ مکین وایام عمر و دولت
 و اقبال جہانبانیلرین ابد قرین ایدرک سمای سماء سلطنت سنیہ لرین
 نجوم زاهرہ شان و شوکت و کواکب کوکبہ فروج لالتلہ ترین و اشعہ
 عدل و داد داورانہ لرین مبسوط بسیطہ روی زمین ایللیوب اوقات
 باہرہ البرکات شاهانہ لرینک ہرآن ممتنع الانقسامنی مقرون صنوف انبساط
 بہین و لاسیما اشبو سنہ جدیدہ قریہ یں جناب شوکتآب پادشاهانہ لرینہ

مستلزم لواحق ائمن الیمن ایلیه آمین حمد الله تعالی سال گذارنده فرخنده
مال بهبودی وجود عالمسود شهنشاهیله گذران ایدوب بوکونکی
کونی سنه جدیده محرم الحرامنک غره غراسی رکاب رخس اقبال
شهریاریلری شکنده زیران سبکچولان کردوندن نمایان ولوامع یمن
واسعادایله جلوه بخشای عیون عالمیان اولمغله اشبوالی آخره

(تبریک سال خمنده رکاب استیدانی حاوی تقریرعالی)

جنات تجدد بخشای ماه و سال و تصویر فرمای شکل هلال تقدس ذاته
عن الاندادوالامثال بدر فلک دولت و اقبال و مهر سپهر اهت و اجلال
اولان ذات خلافت ایات فرشته خصال و وجود عالمسود عظیم المثل
پادشاهانه لرین ماتعاقب الغدو والاصال سریر معد لتصیر شهر یاری
واورنک مینورنک کامکار یلزنده ادوم عمر و عافیت واکمل شان و شوکتله
مظهر انوار تائیید لایزال و مورد انواع فیض متوال ایدرک فلک البروج
سلطنت کبرای تاجدار یلرین همیشه عال العال و اشعه کواکب
شان و شکوه جهان بنایلریله اقطار شرق و غربی مالا مال ایلوب شمشیر
قوة قاهره کیتی ستانی و تیغ قضا تأثیر سطوت باهره صاحبقرانیلرین
ملازم رقاب اصحاب بغی و ضلال و علی الاتصال ذات شوکتسمات ظلیت
پناهیلرین فتح مبین سبحانی و نصر عزیز صمدانیسنه موققتله مبتهج البال
وسایه سدره وایه کشور کشاییلزنده عامه بند کافی نائل آمال ایلیه آمین
ثم آمین بحمده تعالی سال ماضی عافیت تاسه وجود معالینمود
شهنشاهیله گذران ایدوب بوکونکی کونی سنه جدیده
محرم الحرامنک غره غراسی خنجر قریکر فرو اجلال شهر یاریلری
شکنده میان آسماندن عرض جمال ایلله تجدد انوار طالع فرخنده قال
شاهانه لرینه دال و توافر اسباب اهت و اجلال پادشاهانه لرینه
براعت استلال اولمغله اشبوالی آخره

(تبریک سال خمنده رکاب استیدانی حاوی تقریرعالی)

جناب تقدیر فرمای منازل مقر و نسق بخشای بروج مهر انور جلت آیات
عظمته عن ادراك عقول البشر غره غرای آسمان دولت و داوری و بدر
اعلای سپهر سلطنت و سروری اولان ذات همایون بلند اختر شاهانه و نفس
نفیس نجسته اثر پادشاهانه زین الی الابد تخت و افسر خلافت پناهیلرنده
ثابت و مستقر و انوار شان و شوکت و اجلال جهان بنایلرین زیب و فراقطار
حفت کشور ایدرک تاریخ و ازمان میامن اقترا نملو کانه لرین انواع فیض
و مسرت و اقسام انبساط و بهجتله نخبه ادوار فلک و بالخصوص اشبوسنه
جدیده قریه بی ذات معالیسمات شهنشاهیله من کل الوجوه مسعود
و مبارک ایلوب ادراک امثال ناستناهیسیله دور استقبال فرخنده مال
شهر یاریلرین دخی مزید اندر مزید مواهب کونا کون سبحانیه سنه
مقرون و متدارک و لوا مع عاطفت و احسان داورانه لرین کافه عباد
و بالتخصیص چاکر صداقت معتاد لری اوزرندن غیر منفک ایلیه امین
بحمدہ تعالی سال گذارنده فرخفال صفای بال مکارم اشتمال ملو کانه لریه
گذرایدوب بو کونکی کونی سنه جدیدہ محرم الحرامنک غره سی
زورق اہت رونق فر و اجلال تا جداریلری مثلو لمعه ریز کار چرخ
در یافام و موج انکیز ما جرای سرور انام اولمغله اشبوالی آخره

(تبریک ولادت ضمنندہ تقریر عالی)

جناب برارنده نکار خانہ وجود و نکارندہ اشکال بدیعہ بود و نمود
تقدست ذاتہ عن نسبة الوالد و المولود ہمارہ نجل آفتاب چرخ کبود پیای
مشیہ طلوع و اشراق دن عرض رخسارہ ورود و تزیین کہوارہ شہود
ایتد کجہ روح قالب جهان و مانیہ حیات جہانیان اولان مبارک وجود
بہبود مکارم آلود لرین سریر شوکت مصیر ملو کانه لرنده عمر و اقبال
نامعدود و فر و اجلال غیر محدودایہ رہین بقا و خلود و مطلع صلب پاک
فیضناک شهنشاهانہ لرندن علی التوالی التماس شمس بارقہ نسل عالیلری
مشاہدہ سیلہ عامہ عباد و بتخصیص بو عید صداقت معتاد لرین مستغرق

انوار انواع سرور و فیض افزود اید رُلُ ظل ظلیل لطف و احسان
جهانبایرین مفارق عاجزانه مرده ثابت و ممدود ایلویه آمین

(تقریر عالی)

چاکر کینه لری هر قنده اولسم خوان احسان خسروانه لری نه مظهر یتله
مفتخر و مبااهی و هر نه محله بولسم مواند جلیله العواند مکارم بی
پایان لرندن وایه مند نعم نامتناهی اوله کلدی کمه بناء سایه معالی وایه
ملوکانه لرنده بو کونکی کون سائر قوللریله تنزه و استنشاق هوا
اولنقده ایکن (وللارض من کأس الکریم نصیب) مدلولانجه مقتضای شیء
کریمه بنده پروری و مبتغای سحیه سنیة مکارم کستری شاهانه لری اوزره
اطعمه نفیسه شهر یار یلرندن چاکر کتر لری حصه خاصه و موهبه مختصه یه
سزاوار و مائده عمیم النوال جهانبایرلیه سفره آمال بند کانه ملبز
مباهات و افتخار بیور لمغله معیت چاکرانه مده اولان قوللریله تناوله ابدار
برله هر لقمه سی مانند غدای روحانی نمونه نمای نعیم جنانی و ابدان بندکان
صداقت عنوانرینه بخشنده قوت و حیات جاودانی اوله رق ختام تناولنده
جمله قوللری دعای دوام عمر و شوکت دورانه لری یادوتد کارایله شیرین کام
اولدیغیز رهین علم عالم آرای تاجدار یلری بیور لاقده امر و فرمان

(هدیه ارسالی حاوی دیگر تقریر عالی)

عبد کتر لری ملک یمین ذات کروی صفات خلافت پناهیلری اولدیغ شرفه
مبنی روز و لیلال زیر قدم مکارم توأم شاهانه لری نه روی و رخساره ضراعت
و ابتهامی فرش ایل بسط بساط عبودیتده هر تقدیر مد رسته جد و سعی
ایلسیم نه ایفای وظایف رقیق و ادای واجبه شکر و سپاس نعمت بیرون
دائرة وسع و قدرت و خارج حیطة تاب و مکنت عاجزانه م اولدیغی امر
آشکارا یسه دخی مزید عفو و تغافل بنده پروری و وفور حلم و اشفاق
مر احکستریلرینه اتکاء سا حلسرای بی همتای طوب و پاوده وضع یلنظیر
و طرح دلپذیر ایل قریب حسن ختام اولان قصر کبیر بهشت منظر

جهانبانیان زنده یمن و شرف پاپوس معالی مانوس خلافت پناهی لیه فلك مماس
اولمق امید و امنیه سیله انواع شرم و حجاب و کونا کون خجالت و بیحجاب ایل
برقطعه بساط ناچیز تقدیمه اجتناسار قلنمغله رشك انداز پنبه مهتاب
و غبطه فرمای خیط الشعاع آفتاب اولان قصر نادر العصر شاهانه لینه
قوللرینك اومقوله شیء حقیری تقدیمه ابدارم فلك اطلس بلند مقامه
خال حسیض حقارتناك عرض برل چن ایلمسی قیلندن اوله رق شایان
خاکای اکسیرسای جهانبانیلری بیورلمسی مطلقا شیء **ک**ریمه لطف
و احسان شاهانه و سجدیه سنیه عنایت و عاطفت بی پایان پادشاهانه لینه
منوط و محتاج ایدوکی محاط علم عالم آرای داورانه لری بیورلدقده

* (جنتمکان افندیزك کلبولی یه تشریف همایونلرند نصکره) *

* (مابین همایون طرفنه باب عالیدن یازیلان تذکره) *

ولی نعمت ز روح عالم افندیز حضرتلری یمن و اقبال ایل کلبولی یه
تشریف همایون بیوروب جمعه کونه قدر کلبولیده بسط بساط شوکت
و اجلال بیوره جقلری معلوم عاجزانه مز اولمش اولمغله ربم ایام عمر
و شوکت شهریار یلرینك هر ساعتی مظهر فیض جدید و مجلای توفیق
و تأیید ایدرلک آن بان انشراح درون و انبساط ملوکانه لرین مز داد
ایلسون اگر چه شمس رخشان قنغی برجه تحویل سیر و حرکت ایلسه
ینه شعشعه انوار عظیم الاثاری جهان و جهانیانه شامل اولدیغنده
سوز یوق لکن الله بیلورکه قرص مهر سلطنت افندیز حضرتلری دید
حربای عبودیت زدن اوزاد قجه دنیا باشمزه تنك و تار و غلبه غم و اندوه ایل
عقل و افکار مز تار مار اوله رق بی اختیار قلوب عاجزانه مز سوزان
ولرزان اولمقده در و بونکله بیله محض ذات شو کسمات حضرت
شهنشاهینك حق کترانه لر مزده شایان و سزاوار بیوریله کلان مز احم
بی پایان بنده پرورانه لری اقتضا سنجه بلکه اراده سنیه ملوکانه لری متعلق
بیوریلان محللرک سیر و تماشا سندن استیفای حظ شاهانه لینه حاشا

مانع اولمق وانبساط طبع معالی نبع پادشاهانه لینه ایراث خلل ایتک
 خلیانیه درجه الم واضطرار بمزی بیلدر مکدهخی جسارت ایده مدیکمزدن
 نه نطق وکلامه ونه صبر و آرامه مجالز اولمیوب حاملز قات قات مشکل
 اولمشدر خصوصار بم هر آن ممتنع الانقسامنی ذات همایون جهانبانی به
 متین و مسعود ایلسون سنه جدیده محرم الحرامی حلول ایتکله مبارک
 رکاب ثرتاب ملو کانه لینه یوز سور مک شرفندن محرومیتز سینه
 عبودیتزی داغ برداغ ایدرک بلطفه و کرمه تعالی قریبا خاکای مکارم
 احتوای شاهانه لیه تنویر باصره چشم اشتیاق ایتک تسلیلی رشحه
 پاش امداد اولسه جسم ناتوانمزدخی قلب فروزانمزدکی شعله زار
 اوله جغنده شبه یوقدر اشته بووجهله سوز و کداز من باشند آشفته
 ودقیقه بدقیقه حضور و راحت بندکانه من مسلوب اولوب بلکه حقیقته
 حیات وزند کانیز لذتی بوله میهرق بویمزی بوکوب و روز و شب عیون
 انتظار مزی شاهراه امیده دیکوب حق چاکرانه لیمزده ظهور مر احم
 سنیبه دیدۀ جان و جنان ایل متکسر و منتظر اولمده اولدیغمز معلوم
 عالیلری بیورلدقه عجباً روح روانمزا فندیمز احوال عجز اشتهامزده ترجما
 قنغی کون ابدان عبودیت و ابتهالمزی احیا بیوره جقلرینی الله ایچون
 طرف چاکرانه تبشیره عنایت علیه لری معطوف و مشمول بیورلمسی
 ذات و آلائی کریمانه لردن جمله نیاز و ممتنای بندکانه من اولمغله اولبابده
 لطف و کرم سنی الشیم افند من کدر

*(مابین همایونه رمضان شریفی تبریک تذکره سی) *

معلوم دولتریدرکه پرورده ملک و نان و برآورده فضل و احسان اولان
 عبد مخلص و مملوک متخصسه کوره هر آن و هر ساعت حقوق عبودیت
 و وظیفه ملوکیتنی تفکر و تذکرایه ولی نعمت افندیسنک دعا و ثنای
 لازم الاداسی خدمت موجب المفخر تنده لیل و نهار مقیم و مستقیم اولمق
 و اظهار خلوص و عبودیت مناسبت عاجزانه تدارکنده بولمق خصوصاً

مذهب صداقتده درجه و جوبه جائز و بومستلده اطناب و اطرایه
جسارت اولنسه دخی جائز اولمغله بحمدده سبحانه و تعالی ابرک و اشهر
شهور اولان ماه رمضان شریف شوکتلو کرادتلو قدرتلو عظمتلو ولی
نعمتزو ولی نعمت عالیشان صاحب زمان ملک جهان تأسیس فرمای تخت
عالیجخت جهانبانی رونق بخشای دودمان جلیل الشان عثمانی نورعین
السلطنة العظما عین نور الخلافة الکبرالا زال محفوظا فی حفظ المولی
افند من حضر تلرینک مبارک وجود بهبود شاهانه و معلا ذات باهر
الکرامات یادشاهانه لری صحت و عافیتله ماه رمضان شریف گذران
ایدوب سایه شوکتوایه شهریار یلرنده بالجله اهل اسلام فرح و فخور ادای
صیام و قیامه موفق اوله رق ادرال عید شریف دیسر اولمش اولدیغندن
بومواهب الهیه و رواتب سبحانیه به تشکرا اجله اهل ایمان و کافه بندکان
مستغرق الاحسان اوورینه یکی باشند دعای عمر و شوکت شاهانه لری
فریضه حال و بالخصوص احقر و کتر اولان عبد مملوکه اهم اعمال مافی البال
اولمغله همیشه جناب حق عید شریفک هر آنی هزار فیض جدید و اقبال
مدید ایله مبارک ذات همایون شاهانه به سعید اندر سعید و ایام عمر و شوکت
و اجلال شهریار یلرین مزید اندر مزید ایلوب مشاهدۀ امثال
نامتناهی به سیله سلطنت سنیه سرمدیه لری نک هر روزنی بالتوفیق والتأیید
رشد نوروز و عید و اسم و رسم بدخواهانی صحیفه عالمدن نحو و نابدید
ایملک دعواتی بخلوص القلب تأدیه و تذکار قلنه رق من غیر حد ایفای
رسم عبودیت به جسارت قلندیغی محاط علم عالم آرلری بیورادقه

*(مابین همایون طرفنه یازیلان صورت تذکره) *

همیشه جواهر افلاک مینافام نماینده اعراض ازمنه و ایام اولدجه حق
سبحانه و تعالی حضر تلری غره تابنده افق شوکت و اجلال شهریار
ودره رخشنده صدف دولت و اقبال تاجداری اولان مبارک ذات
کروبی سمات حضرت شاهانه بی کمال صحت و عافیت وجود و مزید جلالت

و ایهت ابد نمود ایلہ تحت فلک مماس خلافت عظام و سریر سپہر اساس
سلطنت کبر الزندہ برقرار و بردوام و ایام عمر و شوکت و شکوہ شہنشاہیلرین
بیرون حیطة حد و انجام ایلوب اشہواد را کی تقرب ایدن ماہ رمضان
مغفر ترسانک ہر آن و ساعتی ذات ہمایون ملوکانہ لرینہ مستلزم انواع
میا من و اسعاد و مستتبہ صنوف ابتہاج و انبساط بیعداد ایدرک امثال
ہزار اندر ہزارینی رھین ادرال و ہر بار صیت و سطوت صاحبقرانیلرلہ
دشمن دین و دولت علیہ لرین لرزہ ناک و سینہ چال ایلک دعواتی فاتحہ
اوراد واذکارم اولہ رق للہ الحمد والمنہ فیضا فیض تأییدات سبحانیہ ایلہ
احیاساز ملک عثمانی و سایہ مند ظلال جناب جہانبانی اولان عصر دائم
النصر حضرت کیتی ستانینک ہر روز فیروزی بندکان سلطنت سنیہ لرینہ
ہمقدر عید اکبر و ہر وقتی مبدأ سرمایہ حیاتہ برابر اولوب انجق ایام
و اوقات متمیزہ عباد صد اقمعتادہ بشقہ جہ ابراز رقیت و عبودیتہ مدار
توسل اولہ کلدیکندن بودفعہ رمضان شریف مناسبتیلہ من غیر حد و لیاقتہ
زیر قدم مراحم توأم شاہانہ یہ فرش روی و رخسارہ عبودیتہ مثال
عاجزانہ اولق و کمال مرحمت و التفات ملوکانہ دن ناشی نیمکاہ مکارم
اکتہاہ جناب جہانداری تعلقتہ سزاوار بیورلمق امنیہ سبیلہ خاکای
عیون آرای شاہانہ یہ نیازمندانہ و متضرعانہ ہزار شرم و حجاب و عجز
و ابتهال بی ارباب ایلہ جرات و جسارت قلنش اولمغلہ علوشان و شوکت
حضرت شہنشاہی یہ نسبتلہ تقدیمہ مذکورہ کترانہ م حال حقیرک سماء
خطیرہ عرض برک سبز ایلسی قبیلندن اولوب مع ذلک بود و نمود برک
چمن دخی اثر فیض آسمان اولد یغنی مثالو چاکر لرینک دخی بو کونہ اجتناسارم
محض التجای عفو و احسان ملوکانہ یہ مبنی اولق حسبیلہ لطفا و عنایہ
بر وقت انبساط مکارم مناط حضرت شہریاریدہ خاکای معالی احتوای
شاہانہ لرینہ عرض و تقدیمہ ہمت مستوجب المنۃ کرمیانہ لری
معطوف و مصروف بیورلمسی نیاز عاجزانم اولد یغنی معلوم دولتری

بیوراد قدده اولبابده لطف و کرم سنی الشیم افندم حضرت تلی ینکدر

(طرف قائم مقامیدن مابین همایون طرفنه تذکره)

چاکر لیرنک اول و آخر مظهر و مستغرق اولدیغ انواع عنایات بیغایات
 سنیه نك جمله سی محض ذات مراحمسات حضرت ظل الهی و جناب
 مکارم مأب شهنشاهی صان الله تعالی ایام سلطنته عن التناهی افندم
 حضرت تلی ینک کمال مرحمت و الطاف نامتناهی و فرط التفات و احسان
 خلافتینا هیلری اقتضاسندن اولوب بو عبد عاجزده هیچ برشیئه لیاقت
 و استحقاق اولدیغی مثللو تابکلو مستغرق اولدیغ نعم جلیله نك ایضای
 واجبه تشکر نده درکار و آشکارا اولان عجز و قصور می دخی بیله رک همان
 نصب عین و سبب سعادت دارینم اولان رضای میامن اقتضای شاهانه لری
 تحصیلنه موقتیتدن غیری برامل بند کانه م اولدیغندن لیل و نهار عقل
 و فکر عاجزانه م بو امنیه مستندانیه مصروف و منحصر اولدیغی خدای
 متعاله عیاند ربود دفعه سماحتلو شیخ الاسلام افندی حضرت لری طرفندن
 بنده زاده لری اسمنه بر قطعه رؤس همایون و رود ایدوب الله بیلور که
 چاکر لیرنک قطعاً خبرم و متبادر خیال و خاطر م اولما مغله بو عنایت علیه
 دخی مجرد حق نامستحق بند کانه مده متتابع الظهور اولان صنوف مکارم
 و احسان جهان داری و شیمه کریمه چراغ افروزی جناب شهر یاری آثار
 جلیله سندن اولوق حسبیله و فور عجز و ضراعت ایل دست برداشته
 بارگاه احدیت اوله رق حق سبحانه و تعالی حضرت لری مبارک ذات کروی
 سمات جهان بنایلرین تو کمنز عمر و عافیت و اقبال و نهایت سز شان و شوکت
 و اجلال ایله سریر آرای سلطنت و تاج داری و متکاپیرای فرو باهت
 کامکاری ایدرک الی الابد سایه سدره پایه شهر یار یلرین مفارق بندکان
 مستغرق الاحسان لرنده دائمی الاتصال و دشمن دین و دولت علیه لیرین
 رهین قهر و محو و اضمحلال ایلک دعواتی پیرایه زبان اشتهال قلم قدده
 اولدیغنی بر وقت انبساط مکارم مناظ شاهانه لرنده خاک پای مراحم

احتوای ملوکانه لرینه عرض وافاده به همت والای عاطفته کاریلری
شایان وسزاواریلر چاکرلری ممنون ومنستدار بیورلمق بانبنده لطف و کرم
حضرت من له الامر کدر

(صورت تذکره)

جناب آفریننده مواسم وازمان وزینت دهنده بهارستان امکان همیشه
ذات والای ولی النعمیلرین چنصفه دولت و اقبال و کاشنسر ای ایهت
واجلا لده برقرار ایلوب همه آن ساحه ضمیر مکار مسعیرلرین شکوفه زار
ابتهاج و حبور و کبرک طبع عالیرین مهذب نسایم انشراح و سرور ایلیه
آمین بحمد و قدرت کماله جناب پروردکار و حکمت بالغه حضرت
کردکار ایلر آب و تاب فصل ربیع جسم بسیطه زمینه افاضه حیات بدیع
ایدوب جوش و خروش چمن لجه خضریه غبطه زن ورنک و بوی شکوفه
وازهار حیرت افزای اصحاب اعتبار اوله رق آینه طبع والاری مثلوا
جو هواده لطافت و صفوت هویدا و هر بر مسیره و نزهتگاه دلکشا انواع
طیب و طراوتله محسود جنان اربعه دنیا اولوب مرغان ترانه برداز و علی
الخصوص ترجمان راز عشق و نیاز اولان عندلیب خوش آواز نغمات
مؤثره ایلر ترنم ساز و سامعه نواز اولمغه آغاز ایتمکه اشبوایام بهجت
ارتسامده سیر سواحل و صحرا و تماشای صنع خدا نفوس بشریه به باعث
انبساط و شادمانی و بلکه نمونه نمای غذای روحانی اولمقدن ناشی بمنه
تعالی بهاریه و یا خود لب دریاده واقع آخر بر مسیره فرح فزادن قنغیسنه
سوق زورق اقبال بیوریلور ایلر سایه صفت چاکرلری دخی شرفیاب معیت
اولمق اوزره امر و اشعاره همت و عنایت سنیه لری شایان بیورلمق بانبنده
امر و فرمان

(کذلک تذکره)

شمس تابانک بروج اثنی عشره نسبتی علی السویه ایسه ده هر بر برج نقل
و تحویلنده ثار آثار انوار و اشراقات ایلدیکی کبی مهر منیر آسمان

خلافت عظمیٰ و آفتاب شمس پاش سماء سلطنت کبرا شوکتلو کرامتلو
 عظمتلو ولی نعمت زولی نعم عالم و امم افند من حضرت تلیری دونکی کون بالین
 و الاقبال و بالشوکه و الاجلال سرای بیہمتای بشکطاشہ نقل ہمایون
 بیورمش اولد قلیرینہ مبنی بندہ آستان کیوان ایوان و چا کردر گاہ بلند
 ارکان شاہانہ بہ کورہ تجدید وظیفہ دعوات و تزیید واجبہ مناجات اہم
 و الزم و کافہ احوال و آمالہ مرجع و مقدم اولمق حسیلہ جناب حق و فیاض
 مطلق ظل یزدان و خلیفہ الرحمن روح الارواح جہان و نور الانوار کون
 و مکان احاطہ اوصاف علیہ سندہ قہر عاجز و ستایش و ثنای پادشاہانہ سی
 حیز امکانی غیر حائز اولان افند من پادشاہمز حضرت تلیرینک معلا ذات
 خلافتسمات شہریاری و مبارک نفس نفیس جہاندار یلرین جمیع آلام
 و اسکار روز کردن مصون و محفوظ ایلوب تاکہ فصول و مواسم
 متعاقب و مترادف اولد حقہ کمال صحت و عافیتلہ هزاران ہزار سنہ لر گاہ
 صیفیہ ہمایون و گاہ شتائیہ میامن مرہونہ نقل عالی شاہانہ لرین میسر
 ایلک اوزرہ اشبو نقل ہمایون تاجدار یلرین من کل الوجوہ ایمن الہین
 و اقامت علیہ شہریار یلرینک ہر دقیقه سنی انواع نشاط و انبساطہ رہین
 ایلوب آنا فانا ایام عمر و شوکت شہریاری و صفای طبع ہمایون
 جہاندار یلرین بحد و انتہا و بدخواہان سلطنت سنیہ ابدی الدوام لرین
 قہر قہاری ایلد روی عالمدن نابود و ناپیدا ایلک دعواتیلہ ایضای رسم تبریکہ
 اجتسار قلند یغی معلوم عالیلری بیورلادقہ

(ما بین ہمایونہ تبریک ایقاد قنادیل)

لله الحمد و المنہ شان و شوکت جہاندارانہ سی مجدد الف ثانی القاب
 مستطابیلہ مذیل وصیت سطوت اسکندرانہ سی رونق افزای تخت عثمانی
 اوصاف محمدت اتصافیلہ مجبل اولان شوکتلو کرامتلو عظمتلو معدلتلو ولی
 نعمت زولی نعمت عالمیان خلیفہ یزدان پادشاہ قدر قدرت و شہنشاہ ولی
 سیرت افند یمز حضرت تلیرینک سر لوحہ نسخہ ادوار و نشان گاہ ازمان

واعصار اولان ولادت باهر البشارت علیه لری یوم مسعودنده تشکر آلائی
 الهیه وتذکر نعمای سبحانیه ضمننده اطهار شوق وشادمانی واعلان
 فرحت وکامرانی عامه مؤمنین وکافه بندگان صداقت رهینه باعث
 مباحثات وافتخار و ذریعه ابتهاج واستبشار اولمقدن ناشی بر مقتضای
 اراده سنیه دون کیجه یعنی اول روز مسرتک شب بر طربنده طرح مطبوع
 والا وطرز مصنوع زیبا اوزره طرف طرف اجرای رسم قنبدیل الیه تابصباح
 انوار مهتاب وروشنایی قنادیل یکدیگره مطارحه فروغ زیب وزینت
 ایدرک سایه احسانویه شاهانه ده عید سعید آساقلوب جله بندگان
 مسرور وخصوصا بوعبد مملوک درگاه جهانپناه استناره انواع فیض
 دلشادی الیه مستغرق نور سرور اولمغله همیشه مبارک ذات بیثال حضرت
 شهر یاری کمال صحت وعافیت و مزید فرو شکوه وعظمت الیه روز رستخیزه
 قدر پیرایه تخت وافسر واعوام عمر وشوکت وجلالت تاجدارانه لری
 بالاتر اعداد انجم واخترا ولوب سپهر سلطنت سرمدیلری ستاره باهر الاناره
 اقبال واجلال بی انتها الیه مزین ومنور و نو بنوماثر جلیله شاهانه ومناقب
 بدیع عصر پادشاهانه لری منتشر اقطار هفت کشور اوله رق شمع
 امید بندگان قیل فضل واحسان پادشاهیه فروزان اولدچقه سینیه اعدای
 لئام سوزش خذلان وخسران الیه سوزان اولق دعوائی نقش کبابه
 اجابتگاه کبریا اولنمقده اولدیغنی بیان معرضنده من غیر حد ایفای فریضه
 مملو کیته جسارت قلند یغنی محاط علم

*(مابین همایون طرفته تذکره) *

نزد و آلائی دقیقه دانیلرنده مستغنی بیان اولدیغنی اوزره بهترین عبارات
 لطیفه ورنکین ترین ترا کعب بلیغه دعوات خیریه حضرت پادشاهی
 ومحامد و اوصاف معالی اتصاف جناب شهنشاهی فقراتنده مصروف
 ومستعمل اولمغه شایان وهر چند بو کوه ره کوچیتز و بو مطلبه الفاظ
 ومعانی دلخواه عاجزانه اوزره وفا ایتر ایهده حسب الاستطاعه ادای

لازمه عبودیت فریضه ذمت ملوکیت و سرمایه سعادت و منفعت اولوب
 بالخصوص مناسبات موسم و احیان وسیله جرات و جسارت اوله کادیکی
 واضح و عیان اولغله همیشه جناب شرفجنش عید اضحیٰ تقدس ذاته و تعالی
 استیعاب سیرت سنیه ملکیه و احاطه کمالات نامتناهییه ملکیه سنده جمله
 بلغای زمان عاجز و قاصر اولان شو **ک**تلو کرامت لو قدر تلو عظمت لو
 ولی نعمت ز ولی النعم عالمیان شهنشاه اکوان و ظل الله المستعان افند من
 حضرت تلیک مبارک وجود همایون ملوکانه لینه کمال صحت و عافیت
 و عمر و اقبال و شوکت و اجلال شاهانه لینه حساب سز بر کتر احسان
 ایدرک ادرک اولنان عید شریفی و رسم نفیس جدید اوزره واقع اولان
 معاهده همایون شاهانه بی مبارک ذات معلای تاجدار یلرینه من کل
 الوجوه سعید اندر سعید و فیوضات ربانیه و تأییدات سبحانیه ایله
 هر روز و ساعات میامن سماتلرین عید بر بالای عید ایلوب دشمنلرین قاهره
 اسم قهاری ایله محو و نابود و نابدید و بوجه تله دخی بند **ک**ان صداقت
 اقترانلرین نائل سرور جاوید ایلک دعوائی لیل و نهار تأدیه و تذکار قلمقده
 اولدیغنی بیان معرضنده من غیر حد و لیاقت ایفای وظیفه عبودیتیه
 اجتناسار قلندیغنی محاط علم عالیلری بیوردقده امر و فرمان حضرت
 من له الامر کدر

(ما بین همایون طرفنه تذکره)

ذات شوکنسمات حضرت شهنشاهینک بعضا چفتدکه و صید و شکاره
 تشریف میامن ردیف ملوکانه لری وقوعنه مبنی بر مقتضای رقیق
 و عبودیت اجرای شرایط بندکی به اتخاذ مناسبت اولنه رق **ک**وب
 شرف محبوب شاهانه لری چون روش و رفتار لری کوزل و کندولری یا قشقلی
 و کوسترشلی رهوار بار کیرلر تدارکنه جد و سعی اولنمش ایسه ده دلو اه
 چاکرانه موجهله رکوب همایون جهانبنانی به شایان رهوار بولدر یله میوب
 اصلح موجود اولمق اوزره الی رأس رهوار تدارک اولنمش و ایکی رأسی

انتخاب اولنه رق عاجزانه و قاصرانه طائفری دخی ایشلتدیر ملک اوزره
ایسه ده یتشدیر یله مدیکندن بمنه تعالی تکمیلنده طائفری دخی تقدیم اولنق
اوزره بودفعه ذکر اولنان ایکی رأس بار کیرلر مجرد کمال عفو و احسان
بی پایان جناب جهانبانی به اعتمادا و العبد و مایملکه کان لمولاه مدلولنه
استناد اشاید بعض قوللری ارکاب بیورملق امنیه سیله هزار شرم و حجاب
مقرونا من غیر حد و لیاقة پیشگاه مکارم دستگاه حضرت شهنشاهی به
عرض و تقدیمه جرأت قلمش اولغله هر نقدر رکوب همایون شوکت مقرون
ملوکانه به لایق و سزاوار دکل ایسه ده محض الطاف علیه بنده بروری
و فرط عنایت و احسان شهریار یلری اقتضا سنجه نیم نگاه مراحم آکنه
شاهانه لریه مشهور بیورلمسی خصوصه همت سنیة ولی النعمانه لری ارزانی
بیورلمسی نیاز و متمنای بند کانه م اولدیغی معلوم عالیلری بیورلدقه
مقتضای شیء کریمه لری اوزره اسعاف مسؤل بند کانه مه مساعدۀ
بهیه لری معطوف بیورملق باینده

(ما بین همایون فیض مشکونه تذکره)

دو نکی کون زیارت خرقة شریفه وسیله سیله مبارک دیدار لامع الانوار
شهریاریدن اقتباس لمعات لطف و عاطفت و حق بند کانه مده بشقه به
احسان و التفات عالی تسویغیله نام چا کرانه م مبارک لسان عذب البیان
شهریار یله یاد و مخاطبات عالی و درجات جهانسپار یلریله از سر نو استعباد
بیورملری قصه مور سلیمانی مذکر اوله رق حائز رهینه اکتساب
اولدیغی صنوف مباحات و مفخرت و بالخصوص مبارک دره دندان کونین
بهای حضرت نبوینک وکیل جلیل پیغمبر یلری ید مؤید یله زیارت
علیه سندن استفاضه اولنان انواع یمین و برکت و لاسیما مشهود چا کرانه م
اولان انبساط طبع همایون جهانبایدن تموج ایدن مزید فرحت چا کرلینی
مستغرق دریای مسرت و موهبت و ظاهر و باطن مستوعب اجناس
فیض و سعادت ایتش و نظر عبودیتده کل الجواهر و قوتیا و اکسیر مثللو

تعبیرات حق تعبیری اولیان مبارک خاصک پای شهنشاهی به یوزلر
 سوردیکمدن جسم و جان ناتوانم حیات تازه بولمش اولغله بونعم عدیده
 جلیله نك اجرای حق تشکرنده بیک زبان عاجز و قاصر ایکن یا لکز بنده
 بیقدارک کج و محج ادا ی قلیله ایفاسی مستحیل اولمقدن ناشی همان جناب
 حق ذات بیهمتای شاهانه یی مدی الدهر عالم و عالمیانه باغش لایوب
 بزدن صکره اولاد و احفاد مز ی دخی بو کونه عنایت سنیه شهنشاهیله
 مسرور و مفتخر و نعم بیغایه ظلیت پناهیلر یله مغتنم و متشکر ایملک دعواتی
 تکرار قلمقده اولدیغی محاط علم آرای شهنشاهیله ییورلدقده
 امر و فرمان

(ما بین همایون طرفنه یازیلان تذکره)*

بنده مستدیملری ذات شوکته سات حضرت شهنشاهی نك عبد مملوک
 صداقت مسلوک کی اوله رق حق نامستحق عاجزانه مده شایان و ارزان ییوریله
 کلان هر درلو عنایت و احسان و الطاف و مراحم بی پایان شاهانه نك
 نه ادا ی فریضه تشکر نه قادر و نه او غور همایون میا منمقرون ملو کانه لر نه
 بر خدمت مستلزمة انفعزته مقتدر اوله مدیغمدن تابکلو مستغرق
 اولدیغیم نعم جزیه و مواند مواهب جلیله پادشاهانه لری حق مستندانه مده
 احسان صرف و عنایت و عاطفت محض اولدیغنی بیله رک دائمآ جناب
 حققدن نیاز و تمنا ی بند کانه م تحصیل رضای میامن اقتضای شاهانه لر نه
 موفق اولمق املنه منحصر و قولک مال و جانی ولی النعمت افندیسنک
 اولدیغنی ظاهر و باهر اولمق حسبیه بود دفعه بحمده تعالی غبطه فرمای طارم
 بالا و مثل و مانند ی آینه مجلا سینه دریادن غیریده ناپید اولمق اوزره قریب
 حسن ختام اولان ما بین همایون شهر یاری لر نه من غیر حد و لیاقة بعض
 تقدمة عاجزانه تقدیمی خواهش و آرزو سنده اولدیغیم قوللر نه افاده
 اولند یغنه مبنی بالاستیدان اولبا بده کمال لطف و احسان ملو کانه دن ناشی
 مساعده علیه جناب جهانبانی سزاوار و ارزانی ییورلدیغنی تبشیرا تکمله

بود و چه دخی حق بند کانه و باره مستندانه مده جاری و عروق و اعصاب
 عبودیت ساری اولان رشحات عین الحیات لطف و عنایت علیه شاهانه
 و فیضان رحم و شفقت سنیۀ ملوکانه حق بویکه بنده مستدیم لرین یکیدن
 احیا و سرسور و افتخار چا کرانه می موازی عقد ثریا ایدر حق جل و علا
 حضر تری همیشه قباب چرخ معلا و مینا سرای سپهر اعلا ثابت و قائم
 اولدقه مبارک ذات کروی سلمات شهنشاهی بی تو کمنز عمر و شوکت و اقبال
 و نهایت سز شان و شکوه و اجلال ایله تخت عالی بخت فرخنده فال و سریر
 سلطنت سنیۀ ابد اتصال رنده برقرار و بردوام و وجود مکار محمود
 خلافتنا هیلرین الی یوم القیام حفظ صمدانین سنده محفوظ عوارض آلام
 و اسقام ایلوب مابین همایون ملوکانه لرینک هر جای دلارا و هر محال
 و مواقع علیاسن ذات فرشته صفات تاجداریلرینه مورد انواع ابتهاج
 و حبور و مجلای صنوف انشراح نامحصور ایلک دعواتی تکرار بتکرار
 بالضرع و الابتهال مرفوع بارگاه حضرت و اهب الامال قلنقدۀ اوله رق
 مجرد واجبه تشکر و محبت و شرایط رقیق و عبودیتک اجرا و ایفاسنه
 مبادرت قلندیفی معلوم دولتری بیورلدقه بروقت انبساط مکارم مناط
 جناب جهانبایده مبارک خاک پای عیون ارای ملوکانه لرینه عرض
 و افاده به همت و الای عاطفتکاریلری مشمول و معطوف بیورلمسی رجای
 مخصوص بندکانه مدرافندم

(مابین همایون طرفنه یازیلان صورت تذکره)

بود دفعه عواطف عالمشمول حضرت شهنشاهیدن طرف ثنآوری به احسان
 همایون ملوکانه بیوریلان ساحلخانه نك حسب الاستطاعه ادای حق
 تشکر و محمدتی متضمن دونکی کون تقدیم عتبۀ علیای جهانبانی قلنان
 تقریر چا کریده تبریک سال جدید رسمنک اجرا سی ضمنده مبارک رکاب
 مستطاب ملوکانه به روسای عبودیت اولدیفنده شفا هادخی ایفای
 واجبه شکر گذاری به ابتدار اولنه جعی ترقیم اولنش اولوب انجق

بر مقتضای اراده سنیہ رکاب ہمایون رسمتک اجراسی جمعہ ایرتسی کوئٹہ
تأخیر بیورلش و بو خصوصہ خلوصور متخصصری حقندہ سانجہ پیرای
صدور بیوریلان عنایت علیہ حضرت ظل اللہی حق بوکہ حد لیاقت
کترانہ مدن پک بالا اولہ رق قدرنا چیز عاجزانہ ملہ موازنہ دہ عاجز و مضطر
قالدیغمدن و حالبوکہ لسان قلمہ ایفای حق تشکرہ قادر و تحریر اظہار مافی
الضمیرہ مقتدر دخی اولہ مدیغمدن مبارک قدم مراحم توأم حضرت
شہنشاہی بہ یوزیمی و کوزیمی سورہ رک عرض و افادہ تمنیسنندہ اولوب
نقل خصوصندہ امر و فرمان شاہانہ بہ امتثال فریضہ سی دخی
خلوصورلرینی بو استدعائی تعجیلہ مجبوراید رک جناب عطوفیلری تصدیعہ
جرائت قلمش اولغله لطف و کرم بیوریلوب مجرد بو خصوصک لسانادخی
ایفای واجبہ تشکرلیہ بعض افادات عاجزانہ مک خاکای معالی احتوای
ملوکانہ بہ عرض و بیاتنہ ابتدار قلمتی اوزرہ بو اخشام رومائی خاکای
ہمایون شاہانہ ایلہ مشرف اولقلمغ خصوصی استیذان بیوریلہ رق
مساعده سنیہ و رخصت علیہ حضرت شہنشاہی شایان و ارزان بیوریلور
ایسہ طرف ثناوری بہ اشعارینہ ہمت والای عاطفتکاریلری معطوف
و مشمول بیورلمسی متمنای خلوصوریدر افندم

(دیگر صورت تذکرہ)

ذات شوکتسمات حضرت شہنشاہینک بندکان صد اقتنشان سلطنت
سنیہ لری حققرندہ شایان و ارزان بیوریلان التفات شاہانہ و عین توجہ
پادشاہانہ لرینہ دلیل بہین و برہان نوین اولہ رق باب عالینک مطلقانقدینہ
لطف و احسان جہانبانیلریہ وضع متین و طرح دلنشین اوزرہ بنا
وانشاسی خصوصنہ مشمول بیوریلان مساعده علیہ ملوکانہ لرینک
ادای واجبہ شکر و ثنا سندنہ بالوجوہ عجز و قصور من باہر و بدیدار ایکن
محض شیمہ کریمہ بندہ پروریلری آثار بہیہ سندن اولہ رق مبارک قدم
میامن لزوم شاہانہ لریلہ رشک انداز چرخ برین بیورملری دخی بندکان

ضراعت اقتران دولت علیه لری حقنده بشقه چه بر عنایت عظماء و التفات
عالمها اولمقدن ناشی بوو جهله نو بنو مستغرق اولدیغیز مکارم الطاف
پادشاهانه لری نیک قنغی برینک اجرای تشکر و محمد تنه مبادرت ایده
جکمزی بیله میه رک همیشه جناب عمر انبخش دائره کون و مکان طاق
مقرنس رواق کردون رونقبخش جهان اولدقچه مبارک ذات کروبی
صفات حضرت شهنشاهی بی مزید عافیت و اقبال نامتناهی ایله سریر
ایمت مصیر ملوکانه لرنده برقرار و بردوام و باب فلک قباب شاهانه لری
الی یوم القیام ملاذ و ملجأ کافه انام ایلوب هر حال و هر محله بند کان
مستغرق الا حسانلری رضای میا من اقتضای تاجدار یلرینه موافق
خدماته موفقیتله شاد کام ایلک دعوائی زیور زبان تذکار و تکرار قلمقده
اولمغله من غیر حد و لیاقة خاکپای مراحم احتوائ حضرت جهانداری یه
تقدیمه متجاسر اولدیغیم تقدیمه عاجزانه ملک خاکقدم مکارم توأم ملوکانه
لرینه عرض و تقدیمی خصوصه همت والای مر و تکرار یلرینک
اجر اسيله ثاور متخصصری مسرور و منتدار بیورلمسی مسؤل و متمنای
خلوصورانه مدر

(صورت تذکره)

بودفعه سایه معالیوای شاهانه ده تملک بیوردقلى ساحلخانه دلکشانک
جودت موقع و لطافت هواسی جهتیه استملاک عالیلریله مشرف اولمسی
مخلص متخصصرینه موجب مزید ابتهاج و مستلزم وفور ممنونیت
اولمشدر جناب عمر انبخش کون و مکان باعث آبادانی ملک جهان اولان
مبارک وجود عالمسود حضرت شهنشاهی بی مادام الا کوان سریر
سلطنت سنیله لرنده کامبین و کاهران ایلوب ظل ظلیل ملوکانه لرنده عمر
و عافیت و اقبال و صفای خاطر و انبساط بال ایله اقامت احسان ایلیه
آمین ذات و آلار یله میانه خلت متانه ده درکار اولان مبانی مهر و محالست
قوائم ثبوت و استقرار ایله مؤسس و مشید اولدق لله الحمد والمنه جمله من

بر آستان شوکت آشیان در مخزیده سی یعنی هب بر افندی بنده سی
اولد یغزده مبنی بنمزده محبت واتحاد صمیمی برقرار و هر حلاله تکلیف
و تکلف بر طرف اولمقدن ناشی مجرد محبة و مودة دوشمه بهاسی اولمق
اوزره ناچیزانه تقدیم و اهدا سنه ابتدار اولمغله هر تقدیر شایان دکل ایسه
دخی محض فرط خلوص و محبت و کمال یکانکی و مخاندن اقتضا سندن
اولمق حسبیلله لطفا و مروتا قبولیلله مخلص قدیم واقبالجوی مستدیم لرین
بوجهتله دخی ممنون و مستدار بیورملری اخص مستدعای ثناورانه
مدرافندم

* (مابین همایونه یازیلان تذکره) *

اوتیه دنبرو چا کر کینه لری لیاقت و استحقاقندن قات قات آشوری مظهر
و مستغرق اوله کادیکم هر درلونعم و عنایت حضرت شهر یاری و هر کونه
لطف و عاطفت بیغایت جناب جهاندارینک من کل الوجوه ادای واجبه
شکر و ستایشنده عاجز و قاصر اولدیغم ظاهر و باهر ایکن بود دفعه بحمد
تعالی رونق افزای معموره جهان و جلا بخشای عیون بندکان اولمق اوزره
رسم بهین سدره پیکر و طرح کزین بهشت منظر الیه قرین حسن ختام
اوله ورق رشک اورطارم بالا اولان مابین همایون جناب جهانبانی به مجرد
فرط اختصاص و عبودیتیم جهتیلله من غیر حد و لیاقة تقدیمه متجاسر
اولدیغم بعض تقدیمه عاجزانه مک محض مکارم و الطاف بی پایان شاهانه
و مراحم و اشفاق مشمول الافاق پادشاهانه دن ناشی محالرینه وضعی
خصوصنه مساعدت علیه شهنشاهی و مساعدت سنیة خلافتیناهی شایان
و سزاوار بیورلمش اولمق حسبیلله بندکان صداقت نشانه کوره ولی نعمتند
اثر التفاتندن الذوا حلا نوال بر و افضال اولمدیغندن طرف عظیم الشرف
حضرت خداوند کاریدن مطلقا توج انوار مهر و هبت علیه تاجدرانه
ایله بو چاکر زره مقدار لری حقنده بو وجهله دخی مشمول وارزان
بیوریلان مزید احسان و التفات عالمها بنده کینه لرین بر قات دخی

مستوعب سرور و حبور جاودانی و غرق غریق ابتهاج و افتخار و شادمانی
 ایتمکله حق سبحانه و تعالی حضرت تبری همیشه طاق مقرنس رواق آسمان
 قائم و ثابت اولدجه هر نشین عالی و هر محل و موقع متلایسن نو بنو
 مشحون انواع میامن و اسعاد و مزید اندر مزید مقرون صنوف کشایش
 و انشراح فؤاد ایدرک باعث آبادانی ملک جهان و سبب فیض و فتوح
 زمان و مکان اولان مبارک ذات ملکی الصفات ملو کانه بی عمر و شوکت
 و اقبال نامتناهی و فروایت و اجلال شهنشاهی ایله جهان طور دجه
 تخت عالیخت خلافتدار و سریر سلطنت سنیة سرمدی الاستمرار لرنده
 کامبین و کاسکار و ظل ظلیل شاهانه و سایه طوباه پادشاهانه لرین مفارق
 عباد صداقت معتاد دولت علیه لرنده ابد قرار ایلک دعوائی تکرار
 بتکرار زیور ناطقه عبودیت قلنه رق من غیر حد ایفای تشکر و محمده
 ابتدار اولند یغنی لطف و کرما مبارک خاک پای عیون ارای حضرت
 شهرباری یه عرض و افاده یه همت و الای بنده نواز یلری معطوف
 و مصروف بیورلق نیاز یله تذکره ثنآوری تقدیمه مبادرت قلند یغنی
 معلوم دولتری بیورلده

* (دیگر ایلله رغائب تبریکنه تذکره) *

جناب ضیابخش قنديل نجوم تقدس شانه عن احاطة الفهوم بدر اشعه
 پاش سماء سلطنت و مهر رخشنده سپهر خلافت شوکتلو کرامتلو عظمتلو
 ولی نعمت عالم افتد یز حضرت تلرینک مبارک و معلا وجود جهان سود
 شاهانه و ذات جمیل الصفات پادشاهانه لرین تا که مواسم ادوار و ازمان
 تعاقب و تجدد ایلدجه تخت و دیهیم جلالت و سیم شهرباری و شان
 و شوکت ابد مدت جهانداریده کامبین و کامران و ایام عمر و عافیت
 و اعوام فرو عظمت شهنشاهی لرین فروغ افروز دوائر اکوان و بدخواهان
 سلطنت سنیه لرین آغشته خون و خاک خذلان ایلیه آمین ثم آمین بحمده
 سبحانه و تعالی امامه سبحة شهور اولان ماه رمضان المبارک مرده رس

فیض بخشاسی اولان شهر رجب المرجب دخول ولیلہ رغائب حلول
ایتمکله آستان بلند اساس شاهانه و درگاه فلک مماس پادشاهانه بندگانه
وسیلہ جمیلہ عرض عبودیت و ذریعہ اثیلہ ابراز آثار مملو کیت اولمقدن
ناشی حد ولیاقت چاکرانه واستحقاق واستیصال عبیدانه مدن خارج
اوله رق مجرد عفو و مرحمت حضرت ولی نعمت فرشته سرتہ اغترارا
ایفای رسم تبریک و تهنیتہ جسارت و رفع رقعه ضراعتہ جرأت قلند یغی
محاط علم

* (سر اطباء خاصه طرفنه تذکره) *

ذات و آلارینک طرف محبانه مزه درکار اولان خلوص و مودت لری نزد
خالصانه مزده متحقق اولدیغی مثللو مخلص لرینک دخی صوب سماحت لرینه
برکمال اولان مهر و محبت صمیمیه مزه عند و آلارنده مجزوم اوله رق بمحمد
تعالی خلوص و موالات طرفین هر بار رهین تأیید اولمقده اولوب علی
الخصوص بو دفعه واقع اولان انحراف مزه اجزده صوب سماحت لرندن
مشهود اولان آثار محبت و مروتکاری برقا تدخی باعث تأکید مخالفت
و موجب منت و ممنونیت اولمش اولدیغندن مجرد محبة و موده اهدا
اولمش اولمغله مقتضای شیه و دادکاری لری اوزره رهین حسن قبول
بیورلمسی متمنای خالصانه مزدر

* (سر اطباء خاصه طرفنه دیگر تذکره) *

بواثنا ده بر مقتضای ادوار فلک کیه منجم ثانی ابراهیم بک درجه طالع
زند کیسی قاطعه انتهایه تصادفله مریخ اجل کهنه تقویم عمرین چاکچال
ایدرک کوکب روح و روانی مغرب عقبایه رجعت ایتش اولمغله جناب
حق مادارت الافلاک افندیك سپهر دولت و اقبال لرین قران سعدین عمر
و عافیتله مزین ایلیه آمین مومی الیهک غروب نجم حیاتی بعض محاسبین
آمال و امانینک طلوع ثریای امنیه سنی مستتبع اولمسیله بوز مرددن
یعنی فلک زدکان فن نجوم و کهنانت و ستاره سوختکان فقر و فاقه

و فلا کتن اقسرا یلی محمد افندی بنده لری اگر چه (فعلی الکواکب
 بالکوکب شاهد) دقیقه سنجه من حیث الاعتقاد (لا احب الا فلین)
 مدلول منیفیله عامل اولسه دخی من جهة العمل (فالمدبرات امرأ) معنای
 شریفندن دخی غیر غافل اوله رق هر قدر یلدزی دوشکون بر بیجاره
 ایسه ده تدویر عاطفت ولی النعمیلرله بخت خوابیده سی بیدار و اختر
 مطلبی نمودار اولق و سایه دولترنده بر کون کورمک آرزوسیلله منجم
 ثانیک خدمتنه طلبکار اوله رق و ساطت نیاز عاجزانه حی اختیار و فن
 مذکورده رسوخ و مهارتی اظهار ایتش و غالباً چوق کیسه ایله
 یلدزی بارشمدیغندن کسکین منجمک شهرتیه طالع و اثر کوندسی افق
 مرآم و اصل اوله مامش ایسه ده فلک فروتک اوضاع نامضبوطندن
 خلیجه خبر دار و حواس خسته باطنه سی مانند خسته متحیره رجعت
 و استقامت یأس امید ایله دوار اولدیغنی سطرلاب احوال و آثارینی بیلنلر
 دخی شهادت ایتش اولغله مرصد علم و عرفان و مدار فضل و ایقان
 اولان نزد حکمت پیوند ولی النعمیلرنده دخی زایجه حال و قالندن
 احکام لیاقتی و اقران و امثالنه تفوق و رجحانیتی ظاهر اولور و سیاره املی
 ثابت اولق اوزره فرق مستندانه سنده نیرخیر عنایت علیه لری لمعه ثار
 بیوریلور ایسه مطلقاً افندمک لطف و احسان بی اشتباهندن و اولمدیغنی
 حالد کند و بد بخت سیاهندن بیلدرک علی کلا التقدیرین دعوات خیریه
 ولی النعمیلرینه ثبت تقاویم لیل و نهار ایده جکی محاط علم عالم آرا لری
 بیورلدقه

(برذاته تذکره)

روسایء خاکای عالی لری خصوصنده انجاح ملتس مستندانه مه عطف
 عنایت و مجلس سامیلرنده مخاطبات علیا و التفات و آلائی کریمانه لریله
 صحیفه عبودیتیم رونقیاب بر و مکرمت بیورلمش اولق حسبیلله (ای عاشق
 محنت زده بولدقچه بونارسن) مدلولنه ماصدق اولماق ایچون تصدیعات

معجزانه ایله افندی صقمغه تأدب ایتش اولدیغمدن بعض افادات
عاجزانه مک تبلیغنه قوللرینی توسیط ایلدم لله الحمد و المنه ذات عالیلری
خاندان ابد قران سلطنت سنییه التحاق داورانه لری جهتیهله (یاوی الیه
کل ملهوف) شاندن حصه داروشمدیکی حالد چا کرلندن زیاده ملهوف
و محزون بنده لری اولدیغی بدید اردر شفاها امر و فرموده ستوده لری اوزره
مقالید جمله امور واجب الوجودند ید مشیت و ارادتند اولدیغی مسلم
و محقق اولوب انجق لسان جمع اوزره حقیقت ذاتیه لرینه نسبتله هیچ برشی
دائرة قدرت و تصرفلرندن خارج اولمیه رق آثار خارجییه و تجلیات صوریه
دخی بومعنایه مقارن و عرفی شیرازینک ممدوحی حقنده (دست او جنبد
اگر دست قضا باشد اشل) بیت دلاویزی بومسئله ده چا کرلینه معاون
اولغله ارتق حق بند کیده نوجهله لطف و کرملری شایان بیوریلورایسه
امر و فرمان

(صورت تذکره)

خیلیجه وقتد نبرو خاک پای چشم آشنای ولی النعمیلریله تنویر باصره
عبودیت ایده مدیکمدن اشبوصالی کونی عقدی مصمم اولان مجلس
شورایه تشریف عالیلری مطالعه سیله وایه مند تسلیت اولمقده ایکن
ارسال بیوریلان احساننامه بنده نوازیلری پیرایه دودست توقیر و ابجال
اوله رق قبل المطالعه دروتمده ظهور ایدن اوراق ککابی شیرازه خاطر
پریشانک اجزاسی ساقطه سندن اولدیغی رنگ رویندن معلوم اولمش
و التفاتنامه عالیلری مال منینی رهین اذعان بندکانه م اولدقده اوراق
مذکوره ده یکنلرده طرف چا کرانه مدن تقدیم قلنان شیر اولدیغندن
(هذه بضاعتنا ردت الینا) خاطره سیله کافی السابق محفوظ صندوقه
تعطیل اولمق اوزره نهاده محل مخصوص قلمش اولغله (کریشه بمهب
الریح ساقطه * لاتستقر علی حال من القلق) مدلولنه مظهر اولان خاطر
و مشاعرک بر بنده حال و شانی بمنه تعالی پوم مذکورده روسایی خاک پای

عالیله تشرف بندکانه مده معلوم ولی النعمیلری بیوریه جغندن مجرد
تشکر التفات عالیله ضمننده

(دیگرتذکره)

بنده لریله ارسال بیوریلان مروتنامه لری مالی و شفاها افادت واقعه سی
معلوم عاجزانه اولمشدر استفسار بیوریلان اراده سنیه کیفیتی مأل
مکتوب سامیدن معلوم دولتری بیوریلور بو عالمده ظهور ایدن احوال
کونیه نلک جمله سی جناب مالک الملک اراده الهیه و مشیت ربانیه سنه
راجع اولدیغی و مقدرات سبحانیه یتسلیم و رضادن غیری چاره اولدیغی
رعنا معلوم عالیله اولوب خصوصاً لله الحمد و المنه ذات والاری اصحاب
انتسابدن اولملریله (هب قبضه قدرته در قول نیلسون یاربنا) مدلول شریفی
اوزره حضرت واجب الوجوده تفویض و توکل الیه مرات جلاده
مشاهده جماله همت بیورلمق مقتضای سلو کلرنده اولدیغی هر تقدیر نزد
والارنده مستغنیء تعریف ایسه دخی اخوت طریقت علیه جهتیه
عاجزانه و قاصرانه اشعاره ابتدار اولندی جناب حق هر حالده جمله مزری
رضای الهیه سنه موفق ایلیه آمین ثم آمین

(مشایخ کرامدن برزانه یازیلان صورت مکتوب)

بسم الله الرحمن الرحيم

لطفت آمد باعث جرات مرا * در رقم پردازی این عرضحال * ورنه از عجزم
زبان کلاک تر * چون دهان حیرتم لالست و لال * کرامتلو و لایتلو عالی
همتلو پیرم دنیا و آخرته دستگیرم ملاذ و ملجأتم افندم سلطانم
حضرتلرینک توتیای عیون بندکان اولان مبارک خاک قدم مکرملرینه
تضرعات بی غایه و استسکانت بی نهایه الیه یوزلر سوررم بود فعه تمیه بازوی
استنادم اولمق اوزره احسان بیوریلان التفاتنامه چاکر پروریلری
اشرف اوقات و ایمن ساعاتده شرف بخش وصول اوله رق دودست تعظیم
و تبجیل الیه تلقی برله روی و رخساره عبودیتمه مالیده و ساییده قلنوب

نه مرتبه احيا و سرور و نه درجه نائل اقصى الغايه سرور و حبور
اولديغنى بيان خارج دائرة امكان اولمغله مجرد حسب الاستطاعه تشكر
احسان عاليلى سياقنده من غير حد عرض حال عبیدانه م ترقیم و تقدیمه
اجتسار قلندیغى محاط علم كائنات پیرالى بیورلدقه هر حالده امر
و فرمان و لطف و کرم و احسان کرامتلو و لایتلو عالی همتلو پیرم پناهیم
افندم سلطانم حضرت تلی نکر

(مشایخن برداته صورت مکتوب)

وان قیصا خیط من نسج تسعة * وعشرين حرفا عن معاليك قاصر)
مدیحه سی قطره بحر بی پایان اوصاف جلیله لری اولان مهر منیر اوج
حقیقت بدر البدور افق ولایت مربی عاقل و افضل مرشد کامل و اکل
متعنا الله بفیضه الاجل کرامتلو عالی همتلو افندم سلطانم حضرت تلی نکر
طعنه زن حجر مکرم اولان نقش قدم محترم لری موقف ناصیه ضراعت
و ابتهال قلنه رق عرض حال چا کرانه مدرکه بوفتاده حسیض خطیئات
اولان کترین بنده مستمند لری خطور خاطر خطیر لینه شایسته و بایسته
اولدیغیم بدیدار ایکن (خاشاک نذر دل دریا کذر کند) مدلولانجه تموج
دریای تنزلات ایله لطف و کرم آورده قلب عالیلى بیورلدیغى مبشر
مقدح طرقدن در سعاده کلورای کن محفل ملائک موئل ولایت
شعار یلرندن وایه دار شرف و افتخار اولان افندی بنده لریله و دیعه بیوریلان
سلام واجب الاحترام کرامت پناه یلری و بو دفعه حفید حضرت پیر
واسطه سیله حد و مقدار کترانه مدن افزون مخاطبات علیالری مشتمل پیرایه
بخش دست تعظیم و ابتهاج اولان احسان نامه لرینک حاوی اولدیغى آثار
توجهات عظیمه البرکات عاجز نواز یلری قلب و قالب چا کرانه مه افاضه
حیات ابدی و القای سرور سرمدی ایدرلک حق چا کرانه مده بو وجهله
مشمول و شایان بیوریلان الطاف بی غایه کرمکار یلرینک ادای تشکرنده
عاجز و قاصر اولدیغیم مثللو جانب سنی المناقب بنده پرور یلرینه روز افزون

اولان اشتیاق و انجذاب و اختصاص و انتساب بندگانه می عرض و بیان دخی
 حوصله خامه دن بیرون اولمغله بود دفعه طریقت علیه محبزلندن و مدیحه
 خوان ذات بیهمتا لزندن فلان بنده لری خانه سی طرفنه عزیمت بر لهره
 راستی اولان بولی که اشعه آفتاب فیض و ارشاد لریه مغبوط کافه مداین
 و بلد اندر اورادن مرور و ملاقات علیه لریه تحصیل شرف موفور
 ایده جکندن مجدد القیاس لمعه ولایت و استفاضه رشحه کرامت لری نیازیه
 ابراز عبودیت سیاقنده عریضه بیه دارم ترقیم و تقدیمه اجتسار قلندی
 بعونه تعالی رسیده ساحه کرامت و شایان لحاظه عاطفت و رافت لری
 بیورلد قده (کرمی باشم ز خدام درش * باری کویند از سکان کوی
 اوست) مرتبه سنده بر عبد احقر لری اولدیغمه مبنی هر حالده امر و فرمان
 و لطف و کرم و احسان کرامت لو ولایت لو عالی همت لو افندم سلطانم لازال
 نافع لالانام بفیضه الدائم حضرت لری نکدر

* (دیگر صورت مکتوب) *

دیده اخلاص و عبودیتده کحل الجواهر دن بهر و کبریت احمر دن معتبر
 و بلکه جوهر جانه برابر اولان خاک پای عالی لری نه یوزلر سوررم مغبوط
 ملاء اعلا اولان مجلس نفیس ملائک انیس کرامت پناهیلرنده شجره ثابت
 الاصل ولایت لرنده حسب المقدره چیده انامل اذعان اولان ثمرات فیض
 و فتوح جاودانی غدای دل و جانم و محض کمال کرم و کرامت لرندن ناشی
 کنجینه مکارم اخلاق قدسیه لرندن منشور فرق عاجزانه م بیوریلان
 جواهر عالمهای توجهات علیه لری سرمایه امن و امان و پیرایه هر دم و آنم
 اوله رق (یاد تو هیچ از دل پر خون نمی رود * و از دیده ام خیال تو بیرون
 نمی رود) مالی حسب حال بندگانه م اولمغله شمدیه دکین کرک بال تکرار اثبات
 و جود عبودیت و کرک لطف و کرامت افندی بنده لری نیک ارسالنه همت
 بیورلد یغندن مزید تشکر و ثنونیقی متضمن معروضات تقدیمنده و علی

الخصوص (سزدکه کاتب دیوانسرای خلد کشد * سواد نسخه آن
بر بیاض دیده حور) مدیحه سی کترین وصف دیباجه منقبتی اولان
مبارک مکتوب جانفزاری فوق الحد والغایه باعث شادمانی و مسار و دره
التاج هامة افتخارم اولمش ایکن بوانه قدر جوابی ترقیمنده هر تقدیر
بنده لرینک تاهلی مصلحتیه مشغولیت مواعی فی الجمله مدار معذرت
اولسه دخی بهر حال اول و آخر قصور کترانه م هویدا اوله رق جرم
و تقصیر اتی اقرار و هر نه کونه مؤاخذہ بیوریکه جق اولسه استحقاقی
اعتراف الیه دامن مأمن دکارم پیرامن عفو و احسان لرینه دودست
ضراعتله تشبث و التجادن غیری بردیه حکم اولم دیغندن بو وجهله افاده
حال عاجزانه می حاوی عریضه بندگانه م تقدیمه ابتدار اولندی هر حالده
لطف و کرم و احسان و عفو و عنایت بی پایان لری عروۃ الوثقای امید امام
اولمغله اولبابده و هر کونه سؤال و جواب و عفو و عنایتده امر و اراده
حضرت من له الامر کدر اقدام

* (مشایخ و علمادان بر ذاته یا زلمشدر) *

عارج معارج مقامات قدسیه صاعد مصاد کرامات انسیه اعلم العلماء
الراسخین اعرف العرفاء الواصلین غواص بحار حقایق قرآنیه حلال رموز
دقایق فرقانیه شمس مشارق المعالی تاج مفارق الاعالی وارث موارث
النبویه محیی سنن المصطفویه مخزن اسرار حقیقت مطلع انوار معرفت
خیر الخلف العظام نحر السلف الکرام قطب دائره دین غوث مراتب یقین
مرئی کامل هر شد مکمل اقدام سلطانم نفعنا الله بفیضه الدائم
حضرت لرینک کل الجواهر عیون انام اولان خاکای محترم لری مکمله
تعظیم و ابجال الیه کشیده دیده ضراعت و ابتهاال قلنه رق عرضه داشت
بنده احقر لریدر که معلوم عالی لری بیورلدیغی اوزره رابطه داران درگاه
فیض پناهیلرندن بنده لری بوندن اقد مجه صوب سامیلرندن مآذونا
در سعادت و توجهنده مصلحت لازمه سنی رؤیتله در عتب عودت نیتنده

اولم ش ایسه ده محض جمله کرامات باهر دلزدن اوله رق موی الیه
 بنده لرینه بوطرفه ورودنده برمدت توقیف و تأخیرینه چا کرلری طلبکار
 اوله جغمه دائر نطق عالی لری صادر اولم ش و فی الواقع موی الیه الیه معارفه
 ارواحیه سبق ایتش اولدیغندن ملاقات اشباحیه وقوعی آنده صحیح
 برعلاقه قویه ظهور یله عود و قفولنه مانع اولمده چا کرلری مجبور
 و مسلوب الاختیار اولدیغم مثلوا نلردخی بنده بیقرار لرینه محبت کامله
 اظهار یله مفارقته عذیم الاختیار اوله رق طرفیندن عهد و میثاق محاذنت
 تحکیم و هیچ اولمز ایسه عید شریفه قدر اولسون مکث و اقامت لری تصمیم
 اولنوب انجق طرف واضح الشرف لرینه افاده حال الیه اذن و رخصت
 علیه لری مشمول بیوریلور ایسه ساهه عاطفتلرنده ایلشکسز جه ذکر و فکر
 محبت الیه کامیاب و اولمده اروقته مأذون بیورلمدیغمن صورتده (ترک کام
 خود کرفتم تا بر اید کام دوست) مصداقجه امتثال امر و اراده لرینه شتاب
 اولمق اوزره کیفیت حضور لامع النور لرینه لدی الانها درجه محبت
 و اشتیاق طرفین مجلای صور غیبیه اولان مبارک ضمیر الهام آشنالرینه
 هویدا اولمق حسب یله کمال کرم و کرامتلرندن تحریرا و تقریرا رخصت
 سنیه لری شرف بخش سنوح اولدیغندن فوق الحد و الغایه مسروریت
 عاجزانه من حاصل اولم ش و صورت حال موی الیه طرفندن فلانه فلانه
 دخی بلدرلمش ایکن بودفعه فلان زاده نک مکتوبی کلوب موی الیه
 عودتنی تعجیل و تأکید ایتش اولدقلرندن هر نه قدر رخصت سنیه لری
 کبی حبل المتین کافی و وافی ایسه دخی موی الیه فی الجملة اندیشه بی
 مستلزم اولدیغندن تصدیع سر عالی لرینه اجتناسار اولمغله اولبابده نه
 وجهله امر و اراده لری متعلق بیوریلور ایسه امر و فرمان و لطف و کرم
 و احسان

* (مصر و الیسی محمد علی پاشا حضر ترینه) *

همواره پیرایه دار جوشن حیت و یگاسوار مضمار شہامت اولان ذات

معالیمات آصفانه لری صف آرای موکب شان و شهرت و کوکبه بخشای
 آلالی والای اجلال و اہت اولوب همت **==** کزین سر بلند و رای رزین
 فلاطون پسند داورنه لری نسق ساز مہام دین و دولت و نگہبان مصالح
 ملک و ملت اولہ رق جمعیت بند ان بغی و شقاوت قوت عزیمت
 جلالت کار یلریلہ تفرقہ یاب خسران و خیت و علم افزان غی و ضلالت
 شدت شکیمہ دشمن شکار یلریلہ گرفتار طوق مذلت اولمق دعوائی
 برداشتمہ بارگاہ اجابت قلند بغی سیاقندہ معروض چاکر صافسر بر تلریدر کہ
 ہرزہ تراب مستطابی مشام روز کارہ بر کذار و ہر ریزہ سنک کوہرین
 نصابی ناہید فلک **==** و شاح الصدر افتخار اولان بقعہ مبارکہ حرمین
 محترمینہ بر مدت نہرو کمال تلخکامی مفسدت و فرط نابینایی خباثتدن
 ناشی دست دراز تسلط اولمق سودای خام و خامت انجامیلہ سیف مسلول
 قضایہ کردنسا و نیزہ سرتیز قہر و بلا یہ سینہ **==** کشا اولان شردمہ باغیہ
 خوار جل افغی وجود مضرت نمود لری پای عزیمت حجاج ذوی الابطہا جہ
 پیچیدہ اولمق حسبیلہ سخن بر نور مغفرت منشوری رشک آوریت معمور
 و غبار فیض کنجور رحمت نشوری توتیای عیون حور اولان کعبہ
 مکرمہ بلند آستان و حجرہ معطرہ ملکوت مکانک ساحہ برین بہشت
 آیینہ فرش روی و جبین و اظہار شعائر یکانہ کوی و اجرای سر رشک
 شفاعت جوی ایلہ تشید رکن رکن دین و تنویر باصرہ یقین ایدہ کلان
 حجاج و زوار (کی بود یارب کہ رو در یثرب و بطحا کنم) نشیدہ سبیلہ
 ترجیع بند تحسیر و اشتیاق اولہ رق بیت الحزن غم و کربتہ مکین و بلد کہ
 اشبوعموم بلوادن کافہ مسلمین ملول و اند و ہکین و منتظر الطاف علیہ
 جناب خیر الناصرین ای **==** کن ذات بہی الصفات بیدانیرینک متصف
 اولد بغی غیرت و صلابت دینیہ و جوہر جلالت فطریہ اقتصاد سنجہ او مقولہ
 حیات دشت مفسدتک سواد وجود اسائت نمود لری نول تیغ بیدریغ
 فرمانروا یلریلہ صحیفہ بسیطہ عالمدن محو و مضمحل و سموم **==**

ومضر تلری تریاق بدیع التأثير حسن تدبیر کار آشناییلریله جسم مبارک خطه
 حجازدن مندفع وزائل اولدیغی ضمیر الهام سمیر خسروانه یه لایح و ساطع
 و اولو جهله حق احق عالی لرنده آفتاب عالم تاب توجهات علیه تابنده
 و لامع اولمقدن ناشی بر موجب اراده سنییه صوب مآلی اوب آصفانه لرندن
 ترتیب عده و عتاد و تسریب اجناد و غا اعتیاده همت و اشبوه داهییه نك
 امت مر حومه اوزرندن دفع و رفعی امر اهمنده کما ینبغی اجرای لازمه
 حیت بیوریه رق رهبری عون و امداد الهی و یاورئ معجزات باهره
 حضرت رسالتیناهی و جولانگری بخت بیدار جناب شهنشاهی ایله
 هر بر محاربه ده طائفه مر قومه صورت حال خذلان ما آلرین آینه شمشیر
 مریخ تاثیر آصفانه لرنده تماشاونقد جان ایله طالب اولدقلری پلاسپاره
 هلاک و زوالرین اندازه سنان جانستان قهرمانیلریله اشترا برله طرف
 طرف مقهور و مدمر و مؤخر ادرعیه طرفنده وقوع عبولان کارزار قلعه
 کشاییلرنده دخی اشقیای مزبوره نك کوی سر شر مغزبد اختر لری
 چو کان صولت صف شکا فیلریله غلطیده خال و خاص کستر اوله رق
 حربا و ضربادرعیه نك نزع و تسخیری میسر اولدیغی خبر مسرت اثری
 نوبنوتشنیف ساز صماخ عبودیت اولدقچه مزید ابتهاج ایله کلبانک علیک
 عون الله ایصال منازل مهر و ماه قلمقده ایکن بودفعه سعود دینلان
 سر کرده خوار جل مقیدا درد و لطمه داره ارسالنی مبین مبعوث سوی بندکی
 بیوریلان بر قطعه کرمنامه سنییه ولی النعمیلری رسیده دست تعظیم
 و مفهوم بشارت ملزومی رهین اذعان چا کر مستدیلری اولمغله حق بوکه
 اعظم دین و دولت علیه دن اولان شو مصلحت حجازیه ده ذات والای
 ستوده منقبتلرینک ابراز و اظهار بیوردقلری ثمره خلوص و همت و نتیجه
 غیرت و حیت نامداران سلفدن مثلی سبق ایتیان مآثر مستلزمه
 المفاخر دن اولدیغی توار یخ آشنایان قرون ماضیه عندند و واضح و عیان
 و هر حاله دستمایه رؤسفیدی و سعادت دارینه مظهر تلری وارسته

ریب و کمان اولوب پیرایه لقب غازی منشور لیاقت و استیصال آصفانه لرینه
 شایان و نام و شان عالیتری زیور طاق زبر جدر و اق آسمان اولمغین بوبابده
 اولوا و آخر اجلوه کر مجلای ظهور اولان خدمات برکزیده لری مقبول
 و پسندیده طبع همایون صفاهرهون و بالجله وکلای دولت علیه جهان
 جهان مبتهج و ممنون و بتخصیص چاکر کمینه لری نائل مسرات
 کونا کون و قلوب عامه موحدین و فور شادمانی و فرحتله مملو
 و مشحون و بلکه ربع مسکون انوار غزای دلارا و اشعه فتوحات بیهمتالریه
 غبطه کاه اجرام کردون اولمشدر همان حق جل و علی وجود معالینمود
 مکارم پروریلرین مسند عافیت و صحتده مستقر و ایام عمر و دولت مراحم
 کسرتیلرین یوما فیوما متزاید و افزونتر ایلوب طره توغ پرفروغ مجد
 و اقباللرین شانه زده نسیم نصر و ظفر و سرو رایات میامن آیات ایت
 و اجلالترین ساحه پهنای دوام و اعتلاده جلوه کرایلیه آمین صوب
 سامیلرینه درکار اولان شاهد قدم خلوص و عبودیتیم (حاجت مشاطه
 نیست روی دلار امر) مدلولنجه زیبایش لباس الفاظدن مستغنی
 اولمغین خاصه تبریک و تهنیت غزا و استبقای توجهات مکارم احتوازی
 سیاقنده اشبوعریضه چاکرانه م ترقینه مبادرت و مرفوع پاششکاد
 دولتسری قلمشدر بمنه تعالی لدی شرف الوصول بعد ازین دخی نام
 خلوص ارتسامم جریده بند کاندده ابقا و تقریر بیورلق بانبده امر
 و فرمان

* (دیگر مصر و ایسی طرفنه یازیلان مکتوب) *

همواره آثار کلام معجز نظام * نصرت بالصبا * وجهه لوای میامن التوای
 آصفانه لرنده هویدا و مضمون تفرقه نمون ایدی سبا * ناصیه حال اعدا لرنده
 ظاهر و پیدا اوله رق و لوله فروصولت مشیرانه و غلغله صیت و سطوت
 ارد شیرانه لری طنین انداز قبه خضر او حصن حصین فکاکین ایت
 و اجلالری جنود غیبیه تأییدات الهیه ایلده استقامت ای دوام و پنا

اولمق دعواتی مرفوع بارگاه کبریا قلند یغی سیاقنده عریضه چاکر خلوص
احتوا زیدرکه برمد تدنبرو کمال بیشعوری بغی و شقا الیه استقبال سهام
قضا واستنزال باران بلایه انهماک ایدرک اجزای خالک پاک عطرنای
سنجیده میزان سما و آرایش ساهره غبرا اولان خطه حجاز مغفرت طرازه
تخم افشان استیلا اولمق هوا سیله مغیلا نزار بیابان مفسد تدن خروج
وظهور ایدن طائفه زائفه خوارچک خارستان وجود خباثت نمودری
دامن عزیمت حجاج سعادت منهاجه پنجه زن ممانعت اولمق حسبیلله سبعة
سیاره فلک پروانه شمع جمال دلاراسی وجیوش بهجت خروش ملک
جاروبکش درگاه عال العال سدره فرسایی اولان شاهد نازنین
بیت الحرام و روضه مطهره علین مقام پیشگاهنده قامت افزائی سوز
و کداز و تذال پردازی عجز و نیاز الیه رونق افزای نور ایمان و پیرایه بخشای
جوهر جان اولمق امنیه لرین ثبت صحیفه جنان ایدن زهره موحدین
استیلا ی تأثر و ملال الیه داتنک و حزین و بلکه عاشق محروم الوصال کبی
قطره باراشک خونین ایکن عزیز مصر ایهت و اقبال اولان ذات عالی که هر
فرخنده اثر لرینک صهییل سمند فرو سطوت داورنه و رشحات نیل دریامشیل
شان و شهرت آصفانه لری طائفه مزبوره نک تفریق اجزای جمعیتنه
وافی و اطفاء نائرة شرو و شور لرینه کافی اولدیغی آینه کیتی نمای طبع الهام
نبع پادشاهیده رهین وضوح و اولو جهله حق احق عالی لرنده محاسن
توجهات سنیه شهنشاهی منصفه زیب سنوح اولمق دن ناشی بر مقتضای
اراده علیه صوب معالی اوب خدیوانه لرندن تجهیز مهمات سفریه و ترتیب
صنوف کتائب جهادیه ایه اقدام برله حول و قوه جناب و اهب المرام
و بدرقه معجزه باهره حضرت سید الانام و یاوری نفس اقدس پادشاه اسلام
ایا طرف طرف سوق مطایای هجوم و افتحام اولنه رق طائفه هر قومه
در جنات اول انتقام ابابیل سیف سطوت الیه مانند اصحاب فیل آغشته
خون و خال قهر و تنکیل و بقیه السیوفی (روزگار یست که باریک روان

همسفرم * میروم راه وز منزل خبری نیست مرا) مصداقنجه پیرامن
 خطه مقدسه حجازدن صحرای تیه و تباهه و او یلا کوی الرحیل اولوب
 اولوجهله ناموس محروس حرمین معظمین از سر نو تکمیل بیورلدیغی
 و مؤخرادرعیه طرفنده جازه کش قمر و تحشد اولنلردخی دستبرد
 حیدرانه و کرفتو فرقه هرمانه لینه تاب آورتحمل اوله میه رق پشته رمل
 شمل نحو ست اشتماللری تند باد و یل و نکال ایله بالکلیه تار مارودر عیه نک
 داخل و خار جاضبط و تسخیری میسر کرده جناب برورد رکار اولدیغی نوید
 فرج زیدی پیدر پی سامعه پیرای چاکرانه م اولدقچه (ایا سپهکش غازی
 غز امبارل باد * اکادی غزوه خیر قدر بفتح و کشاد) نشیده سی
 منظومه ستایش و ثنای لینه مستزاد قلعه قدده ایکن بود دفعه سر کرده
 خوارج اولوب ضدیله مسیحی اولان سعودک مقید اعتبه علیای سلطنت
 سنییه ارسالی خصوصنی مشعر فرستاده صوب چاکری بیوریلان
 کرنامه بهجت علامه لری بشارت انداز وصول و مال منیفنه علم
 و اطلاع بنسدکانه م موصول اولوب حقا که اول و آخر سرمایه سعادت
 دنیویه و پیرایه مثبت اخرویه اولان مصالح خیریه حجازیه ده اثبات
 نفی اقران وادیلرنده ساحه زیب ظهور اولان سعی و غیرت کریمانه و همت
 بلند مرتبت نریمانه لری دین و دولت علیه خدمت کامله و کافه
 اهل اسلام حقنده ضیافت شامله اولدیغی آزاده ریب وریا اوله رق جامه
 فاخر الطراز لقب غازی بالای استیهاال آصفانه لینه رواولاکی متلای
 مدحت و ثنای سجد ساکنان ملا اعلا اولمغه سزا اولمغه مجموع ماثر
 برکزیده لری نزد همایون حضرت خلافتینا هدیه قرین سبابش و تحسین
 و بویابده بالجله وکلای صداقت آیین فوق الغایه نائل مسرات کزین و عامه
 افراد موحدین صنوف شادمانی و فرحتله کامبین و بلکه اقطار مهوره
 روی زمین نقش و نکار سرور و حبور و زیب و زیور ابتهاج نا محصور این
 رشک نکارخانه چین و کلبانک دعوات خیریه لری رسیده مقعر چرخ برین

اولش در همیشه حق سبحانه و تعالی ذات معالسمات پیدائیلرین تزايد
 عمر و دولت و توافر فروصولتله مسند آرای تندرستی و عافیت ایللیوب
 آغوش علم ثریا چشم ابهت و اقباللرین جلوه کاه شاهد مهجبین فوز
 و نصرت و سایه سلطنت سنیده ده بونک مثلونیچه خدمات مبروره و مساعی
 مش کوره به موققتله شهنامه محامد و اوصاف وزیرانه لرین منتشر
 اقطار چار جهت ایلمک دعواتی زیور زبان مصادقت قلندیغی بیانیله خاصه
 تبریک غزای غزالی سیاقنده عریضه بند کانه م ترقیمه ابتدار و هر فوع
 پیشگاه ابهت قرارلری قلنشدن ان شاء الله تعالی لدی شرف الوصول
 محاط علم عالم آرازی بیورلد قده بعد ازین دخی محتاج و امید وار اولدیغی
 وجهله شهرهای حسن توجه بنده پروریلری فرق مستندانه مده
 سایه فکن لطف و عاطفت بیورلمق بانبند و هر حالده امر و فرمان حضرت
 من له الامر کدر

* (متوفی خورشید پاشایه) *

همواره جناب آصف رای و ذات صف آرای سپه سالاریلری متکاپیرای
 مراتب علمای نامداری و زینت افزای ساحه پهنای ابهت شعاری
 اوله رق لوای میامن التوای دولت و اقباللری زیبایشنمای جلوه کاه فوز
 و انتصار و تیغ خونبالای صولت و اجلاللری جریحه کشای سیننه عصاة
 و بخار اولمقدن خالی اولماق دعواتی تقدیم و تذکار قلندیغی سیاقنده
 عریضه چاکر بقدر لریدر که بونجه سنین و ازماند نبر و اولاد و احفاد و توابع
 و لواحق بیعدادیک سایه دولت علیه ده خارج از حد و پایان نائل اولدیغی
 نوائل سر و سامان و موعده عنایت و احسانک مغز استخواننده اولان
 حقوق بیکرانی اقتضای خبت طینت و سرکرمی جام نخوتله انداخته
 و رای نسیان و انجام کار خاتمه جریده اعمالی سواد آلود فضاحت عتو
 و طغیان ایدن تپه دلتیلنک ترزل افکن سد آهنین اولان صرصر قهر
 و غضب خسروانه به پرده کش مقاومت اولماق داعیه سیله متحصن اولوب

مقتضای مأموریت سنیہ و لازمه غیرت فطریه آصفانه لری اوزره اعمال
ادوات جنگ و جدال و حواله کند بطش و نکال ایله بالحصروالتضییق
چشم غرور و استکبارینه سوراخ مار آساتنک و تار قلمقده اولان قلعه
معتناسی بودفعه قبضه تسخیر قلعه کشایلیرینه مسلم و مغضوب مر قوم
جسر شمشیر جلادتدن امر آرایله رهرو بیابان عدم اوله رق سرمقطوعی
سلحدار عالیقدر لری سعادتلوا غاقولر لیه در دولتداره ارسال و بوجمله
خدمت مأموره آصفانه لری رهین اداوا کمال بیورلمش اولغله حقا که همای
همایونبال دولت علیه نک جناح ایمنی و میدان رزم و هیجانک قهرمان صف
شکفی اولان ذات معالسمات بید اینلرینک بو آنه قدر دین و دولت
ابد مدت اغورنده وقوعه کلان مآثر مبروره نکوکاری و مساعیء مشکوره
صد اقتشعار یلری زینت ساز صحایف ادوار و سامعه کزین صغار و بکار
اولوب بودفعه دخی بر طرفدن مغضوب مر قوم و بر طرفدن عصاة رعایای
قنه رسوم ایله بالمحاربه واقع اولان غیرت و متانت دلیرانه و صلابت و حمت
اردشیرانه لری از سر نو پیرایه زبان عالمیان و زیور کاک و قعه نویسان اولدیغی
آزاده شوائب ریب وریا و قلعه مر قومه نک شمدیه دکن تاخر فتح
و تسخیری مغضوب مر قومک سیئات اعمالنه مجازات اولمق اوزره مانند
صید زخم خورده بر مدت زیر سر پنجه سطوت غضنفرانه لرنده گرفتار
کشا کش پجتاب و خاکسار طپیدن واضطراب اولمسی مثللو بعض
دقایق حکمییه مبنی ایدوکی نزد اولی النهاده واضح و هویدا اوله رق
(و تقاسم الناس المسرة بینهم * قسما فکان اجلهم حظانا) مدلولی اوزره
بوابده جمله بند کان فوق الغایه ممنون و مسرور و بالتخصیص اوتیه دنبرو
چاکر کمینه لرینک صوب والای ولی النعمیلرینه در کار اولان قدم عبودیت
واخص خصوصیت مقتضای اوزره نائل مزید ابتهاج و سرور و واصل
سر منزل فرحت و حبور اولوب لیل و نهار مداوم اولدیغی و جمله تزیایدایام
عمر و دولت و بوندن بویه دخی اغور دین و دولت علیه ده نیچه نیچه خدمات

جليله موفقيت آصفانه لری دعواتی تکرار بتکرار زیور ناطقه تذکار
ایدرله خاصه تجدید قبالة عبودیت وحسن ختام مأموریت مشیرانه لری
تبریک و تهنیت سیاقنده عریضه چاکرانه مرقمینه مبادرت قلمشدر

* (شرق جانی سرعسکرینه) *

همیشه تقویم کهن سال عالمده کاه نظارت مریخ شقاق ایله احکام رزم
و هیجانوشته زایرجه ظهور و کاه استقامت عطار د وفاق ایله اختیارات
سلم و سازش نکاشته جد اول صدور اولدچه مشکل کشای مصالح دین
و دولت اولان ذات ابهتسمات بید اینلرینک سیف صارم فروصولت
داورانه لری زخم انداز سینه دشمن خود کام و کلک تدبیر بدیع التأثير
آصفانه لری ترکیب ساز مرهم صلاح و التیام اوله رق مناقب جليلة
المراتب خدیوانه لری سر لوحه ادوار و اعصار و لوا مع شان و شکوه
فرمان فرماییلری روشن دهنده آفاق و اقطار اولمق دعواتی تأدیه سی رشک
آورا کسیر جوانی و طعنه زن کل صفاهانی اولان خاکقدم معالی توأم
ولی النعمیلرینه ساییدن روی رقیت ایله تتیم و اکمال قلند یغی سیاقنده
عریضه بنده ضراعت اشتمالریدر که قوللری من القدیم سده سنیه سپهر
اعتلای ولی النعمیلرینک چاکر مخلص متخصصلری اوله رق دره دستایه بخش
عبودیتلری زیور اکیل مباحثات و بلکه تمیه بازوی حیاتم اولمقدن
ناشی علی الدوام لائی دعای بقای عمر و دولت و اجلال لری انامل صدق
و اخلاص ایله کشیده رشته ازمان و اوقات و علی الخصوص مرایای امور
معظمه سپهسالار یلری مجلای فیض توفیقات سبحانیه اولمق دعواتی
شام و بحر ایصال سامعه سکان سموات ایتمکده ایکن چه الزام
المرام میامن مهمسازئی هم علیه و محاسن مددکاری تدبیر سینه لری
اندفاع غائله ایرانه ده کارکر حسن ختام و نتیجه بخش خیر انجام اولوب
بووجه له بحر زخار محامد و اوصاف آصفیلرندن بر آورده ساحل نمود
و شهود اولان کوهر کرانه های مآثر علیای ولی النعمیلری محفظة قابوب

خاص وعامی زینتیاب انواع سرور و شادمانی و لاسیا قوللری مثللو
نقدینه رقت تامه لرین رأس المال آمال اتخاذایدن بند **ک**ان
صد اقتنشانلرین نائل نصاب حیات جاودانی ایتمکله وسیله ائیه تبریک
و تمنیت ذریعه اصیله عرض عبودیت ایله بهم پیوسته مناسبت اوله رق
اجرای رسم بهین بند کی سیاقنده عریضه عبیدانه م ترقیمنه اجتر او مرفوع
یشکاه معلائی **م**کارم احتوالری قلمشدر ان شاء الله تعالی
رسیده ساحة ایت مدار و شایان لحاظه التفات آثار ولی النعمیلری
بیورلده

(وزرادن برذاته مکتوب)

همواره پیرایه دار جوهر دلاوری و یکه سوار عرصه شجاعتکستری اولان
ذات معالیمات ولی النعمیلری کتیه ران صنوف مجدود دولت و ترتیب
ساز صنوف فروصولت اوله رق لوای میامن التوای ایت واقباللری
رونقیاب لوایح فوز و نصرت و شمشیر عدوت و تدمیر سطوت و اجلاللری خون
آشام ارباب بغی و شقاوت اولمقدن خالی اولماق دعواتی زیور زبان صدق
طویت قلند بغی سیاقنده عریضه چاکر خلوص سیر تلریدر که فرط بد مستی
کفر و ضلال و مزید طلبکاری قهر و نکال ایلر هر و شواطی خیال محال
اوله رق مانند مار پیچان سر بر آورده خصومت و طغیان اولان موره
کاورلرینک سر پر هواری کفته سنک تأدیب قلمق نیت خیریه سیله صوب
سامیلرندن ترتیب و تسریب بیوریلان لشکر ظفر بیکرک رهبری عون
و توفیق الهی و جولانگری بخت بیدار جناب شهنشاهی و یاوری سعی
واقدام صلابتینا هیلرله موره دروخته دخول و نزوللرنده درجنک اول
مشاهده لوای زهر دقام اسلامیه ایله دیده غرور باطللری کور و ضربات
پیدرپی سیف و سنان مبارزان ایله میان عزم عاطمللری مکسور اوله رق
طرف طرف اقامه اولنان بازار کار زارده اول خونه شیاطین عونه دن
کیمینک کدوی کله سی کله طوب دشمن کوب هجوم و اقتحام ایله مبادله

و کیمینک جامه جان دوزخ مکانی دانه تفنک رعد آهنگ ثار و انتقام ایل
 مبايعه برله بحمدہ تعالیٰ نسج عناكب جمعیتلری قبای بدرنگ حیاتلری
 مثل و پامال سمساران سوق عدم و سودا کران غزا و جهاد تقدینه فوز
 و نصرت عظیمه ایلہ مغتنم و خرم و بوکونه فتوحات جلیلہ ایلہ مفاتیح قلاع
 خاقانیه کما کان قبضه تصرف دولت علیه یه عائد و مسلم اولدیغی نوید
 فرج زیدنی متضمن ارسال بیوریلان کرمنامه ساعی ولی النعمیلری
 راحه زیب تبجیل و احترام و کشیده سلک سطور اولان مروراید مال
 بشارت اشتمال جلا بنحشای باصره افتہام اولدقده طرازنده حجله کاه
 درون اولان شاهد سرور و حبور فراوان مشاطه کاری تعبیر و الفاظ
 منشیان ایلہ رخساره نمای بیان اولمق مستحیل الامکان اولوب حقا که اول
 طائفه باغیه نک قطع عروق مفسدت وقع اصول شقاوتلریله بو خدمت
 دینیه و مأموریت خیریه ده موفق و مظهر بیورلدقلری ماثر جلیلہ
 آصفانه لری مجموعه بلیغه محامد علیه لینه سرلوحه دیکر و سبحة اللا ل
 مدایح و اوصاف سنیہ لینه نشانکاه آخر اولمقدن ناشی بالجمله بندکان
 صداقتشان و بلکه کافه صغار و بکار اهل ایمان حق احق عالی رنده
 کوهر ثار ستایش و ثنا و ناطقه پیرای دعای بیریا اوله رق بو وجهله جلوه کر
 میدان شهود اولان سمند دلپسند حسن خدمت آصفانه لری جمائل
 کرانبای تحسین شاهانه ایلہ توشیح و تزیین و اولباده تار و پود عبارات
 رنگین و نقش و نکار استعارات دلنشین ایلہ منسوج کارگاه صدور اولان
 فرمان جلیل الشان مبعوث صوب ابهت رهینلری بیورلمش اولمغله خاصه
 تهنیت غزای غرا و استیفای توجهات مکارم اتتماری سیاقنده عریضه
 چاکرانه مرقمینه ابتدار و تقدیم خاکای ابهت قرارلری قلمشدر

(بعض اسامی کتب ذکر یلہ یازیلان مکتوب)

هماره امثله مأرب و مباغیلری اوزان موافقه الاصول حصوله مقرون
 و بنای عز و مقصود لری تعدیات عوامل عارضه دن مصون و مأمون

اولوب غبطه فرمای بصائر و رشک انداز اشباه و نظایر اولان نسخه وجود
 بهبودری کنز اللموز فروع و اصول و تنایج القنون منقول و معقول
 اولمقدن علی التوالی خالی اولماق دعوائی زیب نظم اللال حسن ادا
 و درة الغواص طبع والاری پیرایه دست استقصا قلندیغی سیاقنده
 منتهای منهای ثناوری بودرکه (نهایه آمالی لقاؤک ثانیاً* فیالیت شعری
 هل یساعدننی الدهر) مدلولنجه جریحه فؤاد فرقتزده یه ادویه شافیه
 و خاطر شوق آلوده یه منیه کافیه اولان ملاقات ذات ستوده صفاتلری
 تنایج الافکار خلوصورانه م اوله رق علی الدوام مطول تحیت و ثناری
 از بر و اطول خلوص و محبتلری مستحضر قلنقدده اولدیغنی صوب
 فاضلانیه لینه اظهار و روضه الاخبار عاقیلرندن اجتنای با کوره آماله
 ابتدار ایلمک نخبه الفکر خیالم ایکن درر غرر دعاء الخیر استادانه لری باره
 عاجزانه مدده هم تأثیر کبریت احمر و خلاصه همت بهیه لری فرق ثناورانه مه
 یار و یاور اولمق تقریبیلده بواشاده و قوعبولان امتحانه دخولزمیسر و بعونه
 تعالی ملازمت رؤسنی اخذایله مقدمه تدریسه و وصولزمقدر اولمغله
 جهت تلمذایله طرف اشرفلرینه درکار اولان نسبت و اختصاصمه مبنی
 بو وجهله نائل غنیه مرام اولدیغم شمس المعارف قلب تابنا کلرینه باعث
 حظ موفور اوله جغنی مجزوم و قانون مهر و موالاتم تفصیل توضیح
 و تلویحدن مغنی اولدیغندن غایه البیان شوق و غرام خالصانه م موجز
 و مختصر قلنه رق مجرد افاده حال و افتتاح خاص خاطر مکارم اشتماللری
 سیاقنده اشبو نمیه خلوص و ثبته تحریر و ارسال اولمغله ان شاء الله تعالی
 لدی الوصول فریده دعوات خیریه لری اقصى الارب مستمندانه م اولدیغنی
 معلوم سماحتلری بیورلدقده طرف ثنا کارلرین جامع الفصولین علم و عرفان
 و ملتقی البحر فضل و ایقان اولان قلب انور لرندن دور بیورمیوب
 هر حالده در منقود حسن توجهلری فرق داعیانیه مدده منشور و خامه
 خوشلهجه لرندن امیدوار اولدیغم رقیه پر بهجه لریله یاد و مسرور بیورملری

(احبادن بريسنه يازلمشدر) *

مسافه ديباجه رسميه وطريق تكلفات عاديّه طی قلمنوب میدان انهای
 حال ومضمماراستگاه احوالده کیت خامه یه بووجهله رخصت جولان
 ویریلورکه ذات والارلیه میانده حاصل اولان حب وموالات حقیقیه
 (بینی وینک فی المحبة نسبة * مستورة عن سر هذا العالم) نوعندن اولدرق
 طرف چاکرانه مه حسن توجهلری استقامت ذهن وقادری مثلوه رآن
 وزمان یکحال ویکنسق وقید عوض وغرضدن آزاده ومطلق اولدیغنه
 جازم وعلى الدوام محمّدت وثنایینه ملازم ایکن بوندن اقدم سوق سائق
 تقدیرایله دیوان همایون قلمنه مأموریتزوقوعندن صکره شاهد شیرین مقال
 عنبرین جامه یعنی نامه بدیعۀ مکارم علامه لاینه حسرت اولوب مدت
 مدیده دنبرومکاتیب لطیفه متوالیه ورسائل شریفه مترادفه لایله مألوف
 ومعتاد وخطابات دلنوازی ومفاوضات خاطر سازیلرینه منجذب الفؤاد
 اولدیغمزدن بردن بره رساله اخبارواستخباره بووجهله مقراضرن تغافل
 واستغنا اولملری مقدملری مبتلا اولدیغمز تحیرات موهومه دن انفصال مزه
 مبینی والحاله هنده نقش بر آب وظل سراب اولمق اوزره معلوم اولی الالباب
 اولان امتیازات دنیویه دن دخی ظن سعادت لری وجهله وایه دار
 اوله مدیغمزه مبتنی اولمق مثلوه بعض افکاروخواطر پیایی خیال وواهمه یه
 متبادر اولوب منع ودفعی مناظره ومباحثه یی مقتضی وضروری تفصیل
 کلامه مفضی اولدیغنه بناء اولا ابناء زمان عدم وفایه مصدر اولمشدر
 ایسه ده جناب شریف لری انلره قیاس اولنمیوب ود وولاده مفرد وریب
 وریادن مجرد صحیح وسالم برحمت معتمد اولدقلری وبومعامله غیرمأدوله
 شاید بر فعل معلل اولمق ملحوظ ومحتمل اولدیغی ایراد اولندقدّه بو صورتده
 معنای فعل حدوث وزمانی متضمن اولمغله مقتضای وقت وحال اوزره
 عادت ماضیه لرینک خلاقی طور احداث ایتش اولملری استفهام اولنور
 دیو توجیه مزی تصریف ایلاک لاینه بناء بوماده بر مبهم ضمیر غائب کبی

اولوب محل صلاحه ارجاعی مناسب ایکن عبارتۀ موالاته ایراث خلل
ایده جنگ و جهله معنار و یرمک اولمز هله بوره یه و فیه نظردیه بیلورم زیر
صدق و صفاده انلر مبتدا اولق اوزره مجزوم معمول به دردینلد کده
مبتدایه خبردن لازم اولوب سطور ایام حد تسعینی متجاوز اولدی تشید
مهر و مودته دائر حرف واحد وضع ایتد کارندن غیری مکتوبه بدل لفظ
سلام ایله دخی اسمکزی یاد و خبر عافیتله دلشاد ایتدی لرو شرط الفتک جزایی
حسب، الامکان یکدیگری رنجش خاطر دن و قایه یه مصروف واحد همانک
آسایشی آخره معطوف ایکن نحو سابقدن منفصل اولوب بونجه
وقت در سزی متصل حزن و المه ظرف مستقرا یتلریه قاعده محبتدن عدول
ایتدی لردیو جواب لرنده جنس کتبه سائر دن جزئی یا کلی فضل و حیثیت ایله
فصل اولن دینغی مثللو * صدق و خلوص و ارایسه اهل هنر ده در * مدلولنجه
خاصه محبتله دخی ممتاز لردر بلکه هنر و مزیته بیوفالقی مانعة الجمع قبیلندندر
بوشیوه موضوع حواجز یب المنونه محمول اولسه صوابدر نته کیم
(الجنس الی الجنس میل) مثل مشهوری دخی برنوع دلیل اوله بیلوردیو
دعوا اولند قدده بومقدمات استدل لال بو تقریب ایله دخی انتاج دفع
اشکال ایده من دیوقوه منطق ایله منع و معارضه یه تصدی ایتلریه الزام
خصمه جدل و مغالطه استعمالی جائز سه ده مزاج شناورانه مه چندان
افق اولمد یغندن بزم انلرایله مخاد نیز مجاز قسمندن اولمیوب رشته
حقیقی تعقید معنوی ایتشدر در و لئن سلنا اخوان زمانه من وجه تشبیه
فرض اولنسه ینه بهر حال مقید در مادام الحیات بزی فراموش ایتنلرنه یه
شیء معروفه ستانبول ایله متخلق اولدی لرمی دیو طرفزی آزمایشدن کایه در
دیو سمت آخره سلوک اولند قدده کلامکزدن طرفینده بالوجه خلوص
طویت و حسن عقیدت فهم اولنور مع مافیه سزی بو وجهله تجربه لری
البته تنافر شهابی اقتضایدر دیو معانی ملزمه بی مؤدی الفاظ ایله جواب
ویرد کارنده بو بایده دائره مختلفه دن ند کلو غزلخوان اخلاص اولسکر زده

اندر شهیت قصیده مروتدرویننده اولان جبل مصادق تروتد مجموع
 کماله مروطومصرع برجسته اخوتز علل وزحاف تنزلدن وارسته اولمق
 اوزره دیوان جنانده مشبوت ومضبوط اولوب خصوص مرسلاتده
 اولان فاصله صغری شاید بیلدیکمز بر سبب ثقیلدن ناشی در دنیلد کده
 نشیده مکاتبه نک بویه ناموزون صدوری زمین مصافاته بوجه مابر علت
 عروضندن اقتضای تمک ملاحظه دن بعید در دیو منظومه مدعای مستزاد
 ایتمز لیه حکمت وهیئته تطبیق ایله مناظره اولنسه نظریدر عملیدر دیه رک
 ومادی ومجردی تقسیم ایدوب بحر افکاره طاله رق وجواهر و اعراض
 بوله رق طول وعرض وتمثیل وفرض ایله طرفیندن اتیان اولنان اسئله
 واجوبه غایت اطباب وتفصیلی موجب و جزو لایتجزی وعقول عشره
 مباحثی کبی دوائربحث اجرام فلکیه قدر وسعت وفسحت بولوب
 بالاخره مجلس حواسه قنور وکلالی مستوجب اوله جفی بدیدار و شاید
 وقت کسلده حق سعادتلرنده بیوفالغی تسلیم ایتمک کبی لسان حالدن
 بر جواب قاپه جقلری داخل مدرجه افکار اولدیغی اجلدن
 (هم تو مکر پیاله بخشی ازان می کهن * ورنه شراب دیگری نشکند این
 خمار را) زمزمه سنجه بود در سر متوقف العلاج دوا ی قلم خاصیت
 من اجلرینه محتاج اولمعه خارق عاده طرف شریف لرندن ظهور ایدن اشبو
 کیفیت عارضه قنغی باده ناخوشکوار مواعدن نشأت ایتمش وبوسبره
 بیکانه قنغی سببله حدیقه ظهورده بتمش ایسه ایضاح واشعارینه وبعد ازین
 دخی بر نهج سابق مشرب مروت پروری یه موافق ومذهب وفا کستری یه
 مطابق وجه اوزره متعاقبا طاره اوراق نصف التلاق ایله تسکین نائره فراق
 وتأسیس مبانی خلت واشتیاقه همت بیهمتاری مشمول بیورلمق رجاسیله
 قائمه ثنا فاهمه تحریر اولمشدر

(بالالتزام بعض لغات غیر مأنوسه ایله قلمه النمشدر)

بعد تقدیم السلام الذی اذا حاجت روایح بر کانه تروحت الارواح من نفحاته

و ترنخت الاشباح من نهجاته الى جناب الفقيه الامعي والحضرة النبيه
 اللوذعي وفقه الله لكافة مرضيه وجعل حال مستقبله خيرا من ماضيه
 هماره وروضة تريب بساطت ركب قيسي الاداري مزر كشتاره صدره
 سر سبز خوشگزارى ورنكين بود مدرعه مهر و زكامكارى ايله بالشكرين
 دستوانه كشانه عز ورامش و جذل و عيص ترف و نظف ذات اياسى
 الذكارى ريشه كيرى غضاقت و برومندی ورنك ربيع نضارت و سر بلندی
 برله آزاده دهاريس كزند و كاهش اولمق دعواتى ركاب السحاب سحر خيز ايله
 بزم دلاويز عطرا ميزلرینه ابلاغ و اهدا و عقود الجمان ستايش و نيايشلری
 و شاح الصدر ربان الحجال حسن ادا قلند يغبى سياقنده پر كار پر كار كل
 مسلسل الارقام دائره مبحث عرض مر امده بو وجهله اداره كلام ايدركه
 مقتضای وجيبه خلت و مبتغای هزيرباى اهل مودت اوزره بو واپه مند
 سهام سهام اهتجار و برهمزده عصر عصر استعوار احوالندن
 لب جنبان تجسس و لطف افشان تحدى اولمق ستمنه تسريح خيل ميل
 وركون و تميز صباى صباى درون بيوريلور ايسه بفضل سبحانه و تعالى
 طاوس آتشين دم شتر جزء حیات هنوز زيابايشد هنده جلوه كاه اسطقسات
 و ساقى شيش تندرستى ملازم منازل كالبد هستى اولوب عشوه پيرايى
 شاهد قدر ايله رشته كشت بر كشت وصلت كر هبند توى در توى فرقت
 اوله ليد نبر و فضاي انجل ضمير مسجل و رود رود پدر و درينه محل اوله رق
 طريقه ايقه و دو خلوص اوزره ماتابع الرائبان بلکه هر دم و زمان غاليه بار
 سپر غم عافيتلريله عطرساى مشام استطراب و استبشاره تهي ايدن هرموى
 بال بر بلبالزك كيفيتي و بخصوص الخصوص ار توى دوى روای ايمى
 اليمينلى مطلبنه مخصوص اولان تقدينه برش و در خوشمزل كيتي
 مزر بپراعه بي بضاعة عديم الاستطاعه ايله بزيرفتار كنجايش دواثر بيان
 وليوب مع مافيه قنه جبال خيال دن بار يكبنيان حاسه مدركه نك دیده
 كشای ترصد و ترنق اولديغى هلال العيد الوكه مر غوبه لر ينك الى هذا

الان متواری غیاهب مغارب دریغ اولسی روزه دار اشتیاق اولان دل
 بیغل ولاموئی جرعه نوش کاس باس یاس ایتدکن ناشی (سوم
 هجر کند روضه محبت خشک * اگر نه واسطه رشحه قلم باشد) مفادینه
 رغبتدن رختابی فواد یعنی سیر ابر سازی مر غزارودادن استبعاد ایه
 بو حجره نشین زجر و حجر و هجری موافق مثل * بر طاق نهاد * بیور ملری باعث
 ضجرت ضجرت جنان و مورث شحب و کرب فراوان اولق حسبیله سجنبل
 صفای نقای و فایه ایقاع غبار وزنکار ایده جگنه مقوله اوضاع نامعقوله
 ونکونه مسائیه غیر مشائیه صادر و بادراودی خولیاسیله براید چا پکروان
 متخیله هامون اندیشه ده دائر و سائر و پیرامون خدشده حائر و بائر اولوب
 بالآخره بوکونه وضوح آثار استحماس و سنوح اطوار استیحا شک عقد
 سردر کم علل و اسبابی عجز آور ثبات شعور و یحیاب افکن اصطبار
 و حضور اولغله هر چند بوفقیرو قیر شجیر سطیر بی توقیر (مالی فیه حویجا
 ولا لویجا) تقدیرنده ایسه دخی بو مرتبه طبع لطیف تطیف ظریف طریف
 عریقلرندن انداخته حراج الظلماء فراموش بیور ملری منافیء قانون
 انسیت والفت اولدیغنه بناء بعد ازین لوازم اربه موالات سابقه و مراسم
 سربه دربه مواخات صادق اوزره محامله تجب و تصافی لفظا منصوب
 و معامله تجب و تجافی محلامر فوع بیور یله رق (اغرم من هراوة الاغراب)
 اولان ورق توتیای نئیقه محبت و شلشال سلسال فضل و مکرمت ایه نور
 حدقه مخادتی توقیر و تکثیر و نور حدیقه مخالصتی تخضیر و تنضیر بیور ملری
 نیاز یله خاصه اعراب فزونی شوق و انجذاب و افتحاص خاطر دانش
 نصابلری ضمننده اشبو مکتوب مهر و ولا مبعوث صوب صوابنماری
 قلمشدر انشاء الله تعالی لدی شرف الوصول قرین لحاظه مر و تلی
 بیور لاقده یعبوب تیز جنبش قلم * اطناب در مکالمه دوست خوشترست *
 جولانیله مضمار بحث صیانت صیانت و بیدای بث حکایت و شکایتده
 دبدبه و طبطبه ایه کردانکیز عسلطه و سفسطه اولمش ایسه ده کبوة خامه

وهفوة نامه مرز تساهل و تجاهل عارفانه و تذاهل و تغافل ناز کانه ايله پوشيده
و چو کان مأمول کوی حصوله رسیده بیورلمسی از بن دندان توقعداشته
خالص الجنان لریدر * و دم سالما ماحرکت نسمة الصبا * غصونا علیها
ساجعات الجمایم

(وزرادن برذاته مکتوب)

همواره آثار کلام اعجاز انسجام * نصرت بالصبا * صفحه لوائی میمنت نمای
عزم و ورزم صفدرانه زنده نمایان اوله ورق بادبان کشتی ء فرو اقبال آصفانه لری
جنبش افزای دوام و بقا و صدای طوب رعد آشوب سطوت و اجلال لری
زهره شکاف ارباب بغی و شقا و لملق دعوائی زیور زبان حسن ادا قلند بغی
سیا قنده عریضه چاکر بیر یاریدر که اوته دنبر و جانب سنی المناقب
ولی النعمیلرینه مخصوص اولان خلوص و عبودیت صمیمه م اقتضاسنه
مترتب و بلکه کافه موحدین اوزرینه متحتم و واجب اولد بغی و جهله
همیشه رایت ایت داورانه لری مهذب نسایم فوز و نصرت و دشمن دین
دوزخ قرین سو بسو غریق آب شمشیر قهر و عقوبت اولمق دعوائی شام
و بحر خلوص قلب ايله مر فوع بارگاه جناب خالق النصر و الظفر ایدر لک آن
بان ظهور تباشیر صبح توفیق ايله روشنائی ء فروغ فتح و فیروزی وقوعه
شب زنده دار انتظار ایکن حمد اثم حمد ادست یاری جنود غیبیه حضرت
باری و مددکاری نفس اقدس جناب جهان داری و پایداری قوه عزیمه ذات
جلاد تشعار یلر ايله بودفعه ایپساره اوزر زنده موفق و مظهر بیورلدقلری
نصرت کریمه و فتوحات عظیمه حق بوکه جمله نک تحسر دنخواهی و جهله
جلوه کر مجلای سنوح اولمقدن ناشی بو یابده حاصل اولان سرور و بهجت
و انشراح و فرحتک مرتبه عشر معشاری زبان قلم و بلکه قلم زبان ايله
تعریف و توصیف اولمق ممکن و متصور اولمیه ورق در حال ادای واجبه
تشکر و محمد تله (ایا سپهکش غازی غزا مبارکباد * اکادی غزوه خیر قدر
بو فتح و کشاد) نشیده سی منظومه مناقب علیه ولی النعمیلرینه مستزاد

قلنغله جناب رب غيور بوندن بويله دخی هر حالده وهر محمله لوای اقبال
 واجلالرین مظفر و منصور و خونه دین و دولت علیه بی مدد و مقهور
 ایدر لؤلؤ قلب جملہ مؤمنین نو بنو فتوحات جلیله ایلہ قات اندر قات
 منشرح و مسرور ایلک دعواتنه روز و شب مواظبت و اشتغال قلنغله
 و اشہو ماثر جزیلہ آصفانہ لری ان شاء اللہ تعالی فتح و نصرت متوالیہ ایلہ
 تذیل و ناموس محروس شان و شوکت علیه از سر نو تجلیل و تکمیل قلنغسی
 ہر دم و آن ترقب و انتظار اولنغده اولدیغی بیانیہ تبریک غزای دلا رای
 خدیوانہ لری سیاقندہ عریضہ بند کانه م تر قینہ مبادرت و مہر دار عالیقدر
 ولی النعمیلری بندہ لری معاودتیلہ تقدیم خاک پای دولتری قلندیغی

(مقام صدارتہ افلاق و یودہ سی طرفندن عرضحال)

مالشکاہ جبہ ایام و بوسکاہ شفاه خاص و عام اولان درکاہ سپہر احتشام
 ولی النعمیلرینہ مزید تعظیم و انعام و کمال توقیر و احترام ایلہ رخسارہ سای
 رقیق و ناصیہ فرسای عبودیت اولہرق خلود ایام عمر و دولت و اقبال
 و سعود ہنکام بہت و اجلال داورانہ لری دعواتی بخلوص التام زیور زبان
 حسن ادا و اتمام قلندیغی سیاقندہ عرضحال قوللریدر کہ عبد
 ضراعتشعارلرینک خاک پای معالی احتوائ آصفانہ لرنده لب جنبانی دعای
 عبودیتہ ابتدار ہر چند حد و مقدار کمترانہ مدن بیرون ایدوکی بدیدار
 ایسہ دخی اوتہ دنیرو باب مر احم ما آب ولی النعمیلری کافہ انام و عامۃ عباد
 صداقت ارتسام حق لرنده کشادہ و مفتوح اولمقدن ناشی قوللریدن خی حسب
 الاستطاعہ آستان بلند ایوان خدیوانہ لرنہ ربط رشتہ عبودیت ایلہ
 اوقات و احیان چاکرانہ می دعای بقای عمر و دولت و اجلال لری خدماتنہ
 حصر و قصر ایتمکدہ ایکن بو آوان میامن اقترانہ ذات جلیل الصفات
 ولی النعمیلری بالدولہ و الاقبال مقام صدارت عظمی و مسند و کالت کبرای
 تشریف ایلہ شان و شکوہ و جلالتری غبطہ فرمای سبع طباق وصیت
 و صدای نغامت و ابہتری غلغلہ انداز زوایای اقطار و آفاق اولدیغی

سامعه زيب چاكرانه م اولد قده لازمه اخلاص و صداقتم اوزره حاصل اولان
مسروريت و شادمانی عبيدانه م مراتب حد و بياندن دور ادور اوله رق
هميشه جناب قادر بچون ايام عمر و دولت و اجلال ولى النعميلرين آنا غانا
متمادی و افزون و مقام معلای و كالتپناهيلرين من كل الوجوه ميامن
اسعاده مقرون و مرهون ايلك دعواتى تكرار بتكرار ياد و تذكار قلمنغين
مجرد من غير حد و لياقت ايفای رسم تبريك و تهنيت سياقنده عرضحال
عاجزانه م ترقينه اجتناسار و مرفوع بيشگاه م احقر ارلری قلمشدر

*(و ز ر ا د ن ب ر ذ ا ت ه م ك ت و ب) *

همواره كوكبه دولت و اقباللری رشك انداز مهر رخشان و دبده
فروشكوه و اجلاللى زينت ساز اما كن و بلدان اولمق دعواتى تقدیميله
عرضه بنده خلوص اقترا نلريد كه كوه رذات بهی الصفات كامكار يلرنده
مستكن اولان آثار لياقت و استيهال اقتضا سنجه بوخلال ميامن اشتالده
عواطف عليه جناب پادشاهی و عوارف بهیه حضرت شهنشاهيدن
رتبه والاى وزارتله سلايك و قواله سنجاقلى عهدۀ والاى معالی
احتوالينه توجيه و احسان همایون بيورلمقدن ناشی اولبايده ايفای
لازمۀ تشكری حاوی و طرف بند كانه مه دركار اولان توجهات سنيه لری
بیانی محتوی بود فعه ارسال بيوريلان كرمنامه نوازش علامه لری راحه
زيب وصول و مال و مزایای عاطفت انتماسنه علم و اطلاع چاكرانه م
موصول و مشمول اولمغله اولوجهله حق عاليلرنده مجلا پیرای سنوح اولمش
اولان توجه همایون ميامن مقرون جناب كیتی ستانی بنده پیرالينه
باعث سرور و حبور جاودانی و ابراز قلنان تعطفات سنيه وزیرانه لری دخی
علاوة صنوف ابتهاج و شادمانی اولمغين هميشه طره توغ پر فروغ مجد
واقباللری شانه زده توفیقات عليه و مسرور ايت اهت و اجلاللى مهيب
نسایم تأييدات سبحانيه اولمق دعاری زيور زبان خلوص نشان قلنه رق
ايفای رسم تبريك و تهنيت و اظهار اختصاص و عبوديت سياقنده

عریضه بند کانه مرقمینه مبادرت قلند یغی بمنه تعالی لدی شرف الوصول
معلوم مکارم ملزوم داورانه لری بیورلد قده بعد ازین دخی باره بند کانه مده
محاسن توجهات بهیه مشیریلری شایان وارزان بیورلمق بانبده امر
و فرمان

(وزرادن برذاته مکتوب)

جناب آفریننده منازل قمر و خالق الشمس تجری لمستقر همیشه ایام عمر
ودولت و هنکام فروماہت آصفانہ لرین متراید وافزوتروهر حالده خضر
والیاس توفیقات الہیہ سن یارویا و رایلیوب اشعه عدل و داد داورانه لرین
مدارج بلاد و مفارق عبادہ ضیا کسترایلک دعوائی تقدیمیلہ عریضه چاکر
صداقت اثرلیدرکہ طرف باہر الشرف ولی النعمیلرینہ حصہ حقیقی ایلہ
منحصر و مخصوص اولان درجہ خلوص و عبودیتم نزد معالیوفد
آصفانہ لرنده معلوم و متحقق اولمقدن ناشی اول وادیدہ ترین کلام و تبیین
صراحت حاجت اولیوب روزولیال ادعیه خیر یہ داورانه لری اہم اعمال
اولہ رقرہ بار ارتفاع آفتاب عالم تاب مجد و اجلالرینہ انجم شمار انتظار
اولد یغم حالده حمد اللہ تعالی عواطف شاملہ العوارف جناب جہانباہیدن
ابقای وزارت علیہ لریہ بوزاقوق و قیصریہ سنجاقلری عہدہ استیہال
داورانہ لرینہ توجیہ و احسان ہمایون بیورلمق حسبیلہ حق بوکہ بوبایدہ
سوی اقبالجوی بیرالرینہ حاصل اولان صنوف ممنونیت و مسرات رسیدہ
اقصی الغایات اولہ رقر مبارکادی جاہ و الالری دعوائی لسان حال و قال ایلہ
تأدیہ و تکرار قلمقده ایکن بودفعہ لطف و تواضعایفای رسم تشہیری
متضمن مبعوث صوب چاکری بیوریلان کرمنامہ ساعی ولی النعمانہ لری
راحہ پیرای تعظیم اولوب ینابیع الفاظ دلاراسندن مترشح مجاری اذعان
اولان زلال معانی مکارم مبانیسی ذائقہ دل و جانہ لذت رسان انواع نحر
و ابتہاج اولمغلہ جناب حق جل و علاذات والای ولی النعمیلرین عوارض
والام کو نیہ دن ہر دم بعید و کمال تندرستی و عافیتہ مسند دولت

واجلا ده کامبین عهد جاوید ایلیوب منصب عالیترین سعید اندر سعید
وکافه امور میامن موفور لرین رونقیاب آثار تأیید ایلک دعواتیله شرائط
عبودیت تمهید قلند یغنی انها سیاقنده عریضه شافریضه بند کانه مرقیمه
اجترا و مرفوع پیشگاه معلالی قلنشد ران شاء الله تعالی لدی شرف
الوصول بعد ازین دخی حق چا کرانه مده توجهات سنیه بنده پرور یلری
مبسوط و مشمول بیورلق باینده امر و فرمان

(وزرادن برداته مکتوب)

همواره یکانه اصحاب سیف و قلم و مالک منقبت نظام العالم اولان ذات
معالسمات ولی النعمیلری تدبیر فرمای امور بلاد و نسق بخشای مهام
عباد اوله رقی رأی رزین آصفانه و فکر متین داورانه لری مؤسس مبانی دین
و دولت و مؤید قوایم و دایم ملک و ملت اولمق دعواتی برداشته درگاه رب
عزت قلند یغنی سیاقنده عریضه چا کر صافسریر تلریدرکه اوتیه دنبر و صوب
معالی اوب ولی النعمانه لینه عن صمیم البال صدق و اخلاص و عبودیت
و اختصاص بر کمال اولمقدن ناشی طلوع تابشیر صبح و اقبال لینه انتظارا
روز و لیال دعای تزیید عمر و دولت لینه مواظبت و اشتغال اوزره ایکن
بودفعه (بشری فقد انجز الاقبال ما وعدا) مدلولی اوزره جامه خاص
انخاص رتبه و الای وزارت از سر نو قامت اوصاف علیه لینه رونق طراز
فرود دولت و مهر و ماه توغ و علم مجد و ابهت کماکان برج و منازل سپهر
اقبال لرنده شعشعه انداز شان و شهرت اوله رقی ساقراطه سی محافظه سنه
مأمور بیورلمش اولد قلنندن حق احق عالیرنده بو وجهله ساحه زیب
سنوح اولان توجهات سنیه جناب جهانبانی چا کر کینه لرین نائل اقصی
الغایه آمال و امانی و واصل سر منزل سرور و حبور شادمانی ایتمکله
قواعد خلوص و خصوصیت و لوازم آداب عبودیتدن اولد یغنی اوزره مجری
ایفای رسم مبارکادی ضمننده عریضه چا کرانه مرقیمه اجترا و مرفوع
پیشگاه معلالی قلنشد ران شاء الله تعالی لدی شرف الوصول

* (دیگر وزیران بر ذاته مکتوب) *

حضرت تلمیذ ریخته سنگ پیشگاه مکارم دستگاه ولی النعمیلری دره التاج
 هامة تفخیم و ابجال و خاکپای معالی احتوای علو النعمیلری کحل الجواهر
 دیده است کانت و ابتهاج قلند یغی سیاقنده عرض حال عبد ضراعت
 اشتمال لریدر که قوللری باب دولتمآب ولی النعمیلرینک احقر بند کاتندن
 اولاد یغمه مبنی نزد معالیوفد خدیوانه لرنده تحریک شفاه ادعای
 عبودیت هر تقدیر بیرون حد ولیاقت چاکرانه مایسه دخی شمول الطاف
 علیه لری اقتضا سنجه حق بند کانه مدد زلال برو نوال و ماء معین مکارم
 و افضال آصفانه لری فیضان بخش مجاری سnoch و ظهور اوله برق طرف
 اشرف ولی النعمیلرندن مشهود با صرة اذعان و ایقان عاجزانه ماولان فرط
 التفات و عنایت علیا و انواع نوازش و احسان بی انتہانک بقدر الاستطاعة
 ادای واجبه شکر و ثنای متحتم ذمت چاکرانه ماولاد یغی درکار و دعائی
 مقصوده تشکر و محمّدات اجرای شرائط قول و فعل الیه تحقق و تبیین
 ایده کاد یکی بدیدار اولاد یغنه بناء همیشه جناب رب منان شرف عهده علیه
 داوراندر لریه مغبوط اما کن و بلدان اولان منصب معلاى آصفانه لرین
 ملحق خطه یمین و خیر فراوان و ایام عمر و دولت و اقبال و اعوام فروا بہت
 و اجلال لرین بچند و پایان ایلوب هر حالده مرایای مصالح سلطنت سنیہ لری
 مجلای تمایل توفیق و تآیید ایتسپلہ ذات معالیسمات ولی النعمیلرین وفق
 دنخواہ عالیلری و جہلہ کامبین و کامران ایلاک دعوائی خلوص فؤاد
 و صدق اعتقاد الیہ تقدیم و ایراد و مرفوع اجابتخانه حضرت خدای
 بی انداد قلندر ق مجرد ابراز خلوص و رقیّت و من غیر حد ایفای لازمه
 تبریک و تهنیت سیاقنده عرض حال بند کانه م ترقیمہ جسارت و تقدیم درگاه
 ردون مرتبتلری قائمشدر انشاء اللہ تعالی لدی شرف الوصول شایان
 خاصّۃ التفات بنده پروریلری بیورلقدہ بعد ازین حق عاجزانه مدد
 توجہات عظیمة البرکات ولی النعمیلری سزاوار و شایان بیورلق بابنده

امر و فرمان و لطف و احسان

(بودنخی وزیران برداته)

حضرت تیرینک درگاه و الارته سپهر اتصال و پیشگاه بلند مرتبه کردن
همال ولی النعمیلرینه رسم روسای تفخیم و ابجال و دأب دوتایی تذلل
و ابتهال اجرا سیله عرضحال چاکر صادق المقال لریدرکه مرتجلو افندمک
خصال کریمه عاجر نواز یلری اقتضا سنجه من غیر استحقاق حق بند کانه مده
محاب فیضنا لطف و احسان خدیوانه لری رشحه پاش مواقع شهود
و شمس تابناک رفد و افضال آصفانه لری لمعه ریز مناظر نمود و نمود اولمقدن
ناشی همه آن پرکار شغل و افکار عاجزانه م پیرامن مرکز عبودیتده دائر
وما حصل ازمنه و احیان چاکرانه م ایفای لازمه شکر گذاری و ثنا خوانی
و ادای واجبه دعای عمر و دولت جاودانی ولی النعمیلرینه مو قوف
و منحصر اوله رق جدا لله تعالی توجیهات همایون میا منقر و نده بدر منیر
شان و شکوه خدیوانه لری از سر نو پیرایه بخشای اقطار کردن و فرمان
ایالتی عهد سنیۀ داورانه لرینه توجیه و احسان همایون بیورلمق حسبیلہ
بر مقتضای عبودیت حاصل اولان ممنونیت و دلشادی چاکرانه م رسیدہ
اقصای حد و غایت اولمغله همیشه جاه و الای اہت احتوای ولی النعمیلری
من کل الوجوه بخسته و فرخحال و لوا مع نیرین اقبال و اجلال آصفانه لری
زینت ساز رخسارہ ایام و لیل اولمق دعواتی مرفوع بارگاه جناب مہمین
و متعال قلنہ رق اجرای مراسم تبریک و تہنیت و ابراز لوازم خلوص
و عبودیت سیاقندہ عرضحال عبیدانہ م ترقیمہ جسارت و تقدیم خاک پای
دولت لری قلنشد ران شاء الله تعالی لدی شرف الوصول بعد ازین دنخی حق
عاجزانه مده توجہات عمیۃ البرکات بندہ پرور یلری مشمول و سزاوار
بیورلمق بایندہ امر و فرمان

(بودنخی تبریکی متضمن مکتوب)

همواره خطہ وسیعہ دولت و اقبال دست استیمال عاطفت کار یلرینه مسلم

و ملکت فسیحہ مجدد و آثار قلمرو کمالات سنیہ لرینہ ملحق و منضم اولہ رق
 ذات ستودہ شملری اجرا فرمای احکام سیف و قلم اولمقدن خالی اولما مق
 دعوائی مرفوع اجابت گاہ رب کریم قلندیغی سیاقندہ منہای بندہ خالص
 البال لریدر کہ بود دفعہ عواطف شاملہ العوارف حضرت کیتی سستانیدن
 ایالتی عہدہ و آلارینہ توجیہ و احسان بیور لمقدن ناشی اولبابدہ
 ابراز تشکر و ممنونیت ذریعہ سیلہ فرستادہ جانب بند کی بیوریلان بر قطعہ
 عنایتنامہ فتوت علامہ لری راحہ زیب وصول و مال و مدلول عاطفت
 شمولنہ علم و اطلاع خلوصورانہ موصول اولوب جلوہ ریز سطور ترکیب
 و تالیف اولان کلام بدیع النظام فقرات لطیفہ سی حق چاکریدہ درکار
 اولان کمال توجهات مرونشعاریلرینہ دال اولمق حسیلہ بورجہلہ ایفای
 رسم بندہ نوازی و اجرای آیین خاطر سازیدہ ظهور ایدن ہمت و عنایت
 ولی النعمیلری مزید ابتہاج و ممنونیت و وفور انشراح و مسرت بند کانہ می
 مؤدی و فزون فی خلوص و مصادقت دیرینہ مہ باعث و بادی اولغلہ
 جناب حق جاہ و آلارین مبارک و مسعود و مقدمہ انواع اقبال و اجلال الیہ
 مدد و ایدر لہر حالہ امور خیرہ لرین توفیقات ہمدانہ سنہ مقرون ایملک
 دعوائی تذکار و تکرار قلنہ رق خاصہ ایفای لازمہ تبریک و تہنیت و تأسیس
 مبانی اخلاص و خصوصیت نمندہ عریضہ بند کانہ مرقمینہ مبادرت
 و تقدیم صوب دولتری قلمشدران شاء اللہ تعالی لدی شرف الوصول بعد
 ازین دخی طرف ریا بر طرف ستایشکاریلری آثار توجهات عاطفت آیات
 اصد قانوازیلریلہ رہین ممنونیت و مسار بیورلمسی منوط لطف و کرملریدر

* (دیگر تبریک وزارت) *

ہمیشہ مہر منیر دولت و اقباللری اشعہ پاش آفاق و اقطار و بدرتابان بہت
 و اجلاللری برتواند از بلاد و امصار اولہ رق ایام عمر و عافیت ولی النعمیلری
 بیحد و شمار و امور میامن موفور داورانہ لری مقرون توفیقات جناب
 پروردکار اولمق دعوائی عن صمیم البال مرفوع بارگاہ حضرت ملک متعال

قلند یغی سیاقنده عریضه چا کر ثنایضه لریدرکه جوهر ذات سامی سمات
ولی النعمیلرنده مستکن اولان قوه استیجاب واهلیت و مایه استحقاق
و حیثیت لازمه سنجه بو آوان میامن اقترانده رتبه والای وزارتله
ایالتی عهده سنیه داورانه لرینه توجیه و احسان همایون و بوجمله کواکب
کوکبه اقباللری روشنائی بخش چشم کردون بیورلمش اولدیغنه مبنی
حق احق عالیلرنده بو کونه عواطف علیه شاهانه و عوارف بهیه ملو کانه
سنوح و صدوری بالجمله متخصصان دائره دولت و لاسیاقدم عبودیت
و خصوصیت ایله وایه دارمباهات و منفخرت اولان چا کر خالص الطویرت لرینه
انواع سرور و حبور و صنوف ابتهاج نامحسوری موجب اوله رق قلب
عاجزانه مه حاصل و واصل اولان مسرت و شادمانی نا کنجای حواصل
اقلام و بیرون ظروف ارقام اولمغله جناب خدای بیچون رتبه والا وجاه
معلا ی ولی النعمیلرین مبارک و میمون و حق عالی خدیوانه لرنده مستتبع
فوز و اسعاد کونا کون ایلوب صیت و صدای بلند آرای شان و جلالت
داورانه لرین روز افزون و سایه هما پناه بنده پروریلرین فرق چا کرانه مده
الی الابد دوام نمون ایلک دعوائی پیرایه ناطقه حسن ادا قلندیغی بیاینله
ابر از خلوص و عبودیت و ایفای رسم تبریک و تهنیت ضمننده عریضه
بند کانه مرقمینه مبادرت و تقدیم خاک پای دولتلری قلنمشدر ان شاء الله
تعالی رسیده نزد والا و شایان ناظره عاطفت انتتاری بیورلدقه بعد ازین
دخی نام خلوص ارتسام چا کرانه م ذیل جریده بند کان ولی النعمیلرنده
ابقا بیورلمق باینده و هر حالده امر و فرمان

(وزرادن برذاته تبریک)

درگاه والا رتبه سپهر اتصال و پیشگاه بلند مرتبه کردون همال
ولی النعمیلرینه هزار تعظیم و تکریم ایله لوازم عبودیت قدیمه تأدیه
و استکمال و مراسم خصوصیت قدیمه توفیه و استحصال قلند قد نصکره
عرضحال قوللریدرکه چا کر کینه لری من القدیم توتبای عیون بند کان

اولان خاکبای املبخشای آصفانه لرینه در کار اولان عبودیت دیرینه
عاجزانه مقتضای سنه متحکم و مترتب اولدیغی وجهله هر آن وزمان دعای
فزونئی ایام عمر و دولت و اقبال و تمنای بقای فرونخاست و اجلال ولی
النعیم لر یله طرازنده لوحه اشتغال و نیکارنده صحیفه روز و لیال اولان
بندکان اخلاص نشالزندن اولدیغیم نزد مکار موفد ولی النعمانه لرنده آزاده
قید تعریف اولوب بمحمد سبحانه و تعالی بو آوان میامن اقترانده محض
ثمره خلوص عالی و اثر استیجاب ذات باهر المعالیر اولمق اوزره ایالت شام
شریفک عهده علیه آصفانه لرینه توجیه و احسان همایون بیورلمسیله
مناقب جلیله خدیوانه لری بالتکرار امارت حج شریف ایله پیرایه بخش
صحایف روز کار اولمقدن ناشی بو وجهله کوکب **ک**و کبه اقبال
ولی النعیم لرینک فروزنده بروج علو و کمال و فرازنده درجات سمو و اجلال
اولمسی بالجله بندکان صداقت انتم و لاسیما چا کر قدیم پیرالرینه باعث ابتهاج
و سرور لایحی و مورث حبور و شادمانی بی انتها اوله رق و سیله ائله
تبریک و تهنیت ذریعه اصیله ابراز عبودیت بهم پیوسته اتم مناسب اولمغله
حق جل و علی حضرت لری شیخ الوزراء العظام و مدحت آرای السنه عامه
انام اولان مبارک ذات مکار مسمات ولی النعیم لرین مادارت الیالی و الایام
کمال تندرستی و عافیت ایله مقام معلای دولت و اجلاده بردوام و توفیقات
و تأییدات سبحانیه سن معاون کافه مرام ایدرک سایه ایهتویه آصفانه لرین
مفارق بندکان شاکر الاحسان و بالخصوص چا کر آزادند انلری اوزرنده
مستدام ایلک دعواتی عن صمیم القلب زیور زبان حسن ادا قلنه رق
هر تقدیر حد و مقدار کمترانه مدن بیرون ایسه دخی مجرد کمال عفو و عنایت
بنده نواز لرینه و قوللری مرحتلو افندمک عبد قدیم و چا کر مستدیم لری
اولدیغمه مغرور اجرای رسم مبارکادی ضمننده عرض حال عبیدانه م
ترقیمه اجتناسار و مرفوع بیشگاه مر اجقرار لری قلنمشدر ان شاء الله تعالی
لدی اسعد الوصول رهین علم عالمشمول آصفانه لری بیورلدقده خصیصه

ذات ولی النعمیلری اولان سیمه کرمه مراحکار یلری اوزره هر حالده محتاج
وامید وارا اولدیغم فیض نظر معالی اثر ولی النعمی و محاسن توجهات مکارم
آیات عاطفتکستر یلری شمولیه چاکر ضراعت انتظامی مبتهج و مسرور
بیور لمق باینده امر و فرمان

(بودخی تبریک ضمننده جواب)

ثمره صدق و خلوص فطریه لری اوله رق عواطف علییه حضرت جهان بنیدن
ایالتہ الحاقا ایالتنک عهده استیمال آصفانه لری نه توجهیه واحسان
همایون بیورادیغنک تشکرینه دائر و طرف چاکری به درکار اولان محاسن
توجهات مکارمکار یلری نک ابرازینه متدائر ارسال بیوریلان ملطفه نامه
وزیرانه لری زیورانا مل اجمال و حاوی اولدیغی فحوائی دلنوازی و مزایای
خاطر ساز یسی رهین اطلاع چاکر خلوص اشتمال لری اولدقده بووجهله
جلوه ریز مجلای سنوح اولان آثار التفات و عاطفت داورانه لری باعث
کمال ممنونیت و مستلزم و فور محظوظیت اوله رق ملازم اولدیغم خدمت
دعای عمر و دوات و مدحت و تحیت ذات بهی المنقبستری تذکار و تکرار
قلغمغه صوب معالی اوب ولی النعمیلری نه اولان شدت رابطه بندگی
واختصاصم نه ای الهام آشنای آصفانه لری نه جلی و رونما اولقدن ناشی
اول مجتهد تکتیر سواد تصدیع ذات مکارم اعتیاد لری نی مؤدی اولقدن
احتراز مجرد استبقای توجهات سنیه لری نی متضمن اشبوعریضه بند کانه م
ترقیمه مبادرت و تقدیم پیشگاه دولتری قلغمشد ران شاء الله تعالی لری
شرف الوصول محاط علم عالی لری بیورلدقده بعد ازین دخی طرف
چاکرانه می ضمیر سججل نظیر آصفانه لرندن احما بیورلما مق باینده
امر و فرمان

(وزرادن برذاته یازیلان مکتوب)

باعون و توفیق حضرت ذوالجلال محول عهده سنیه آصفانه لری بیوریلان
موره ایالتنه مصحوب بالسلامه قد مناده دوات و اقبال و مقر حکومت

دستور یلری اولان قضا سنه بسط بساط اہت واجلال بیوریلہ رق
 اوتہ دنبروصیت انداز مسامع عالمیان اولان شنشسنہ ہیہ معدلتکار یلری
 اقتضاسنجہ اشبو مأموریت سنیہ خدیوانہ لری بالجملہ اہالی و فقرایہ
 موجب شادمانی و مسرت اولدیغنی مبین بود دفعہ لطفاً و عطفافرستادہ
 صوب چاکری بیوریلان عنایتنامہ علیہ ولی النعمیلری را حہ پیرای تعظیم
 و مآل مراحم اشتہالی رھین اذعان بندہ مستدعیلری اولغلہ بو وجہلہ حق
 عاجزانہ مدہ مجلازیب سنوح اولان التفات و عاطفت بندہ نوازی
 و تلطفات سنیہ مکارم پرداز یلری چاکر کینہ لرین وایہ مند صنوف ابتہاج
 و ممنونیت و نائل انواع فرحت و مفخرت ایتہ کین جناب حق عزوجل
 ہمیشہ ذات والای ولی النعمیلرین منصہ دولت و اقبال و کامرانیدہ
 دیمو میلہ زینت افزای عدل و داد و ظل ظلیل مراحم و اشفاق آصفانہ لرین
 سایان بلا دو عباد ایلک دعوائی بالتکرار یاد و ایراد قلنہ رق ابراز تشکر
 و محمّدت و تأسیس بنیان خلوص و عبودیتہ سیاقندہ عریضہ چاکری

* (وزاردن برینہ خلوصی پاشا طرفندن یازلمشدر) *

ہمیشہ حق سبحانہ و تعالیٰ حضرتلری مبارک ذات و الای بیہمتالرین
 عوارض کونہ دن مصون و مأمون و ایام عمر و عافیت و اقبال ولی
 النعمیلرین روز بروز افزون ایلہ آمین عرضحال بندہ لریدرکہ قوللرینک
 آستان بلندایوان ولی النعمیلرینہ رابطہ بندقدم ثبوت اولان خلوص
 و عبودیت صمیمیہ ممرحوم افندی دن طولای دائرہ فاخرہ خدیو یلرینہ
 موروث و منتقل اولان رقیّت و اختصاص عاجزانہ ملہ رھین تأکد و کمال
 اولوب بو کیفیت چاکر کینہ لرینہ بین الا کفامدار مخصوص مباحات
 و افتخار اولدیغندن ما عدا علاقہ داشت نسبت بولندیغیم سنجا غنک
 بحمدہ تعالیٰ سایہ فاروقی الاثار ولی النعمیلرینہ مشرف اولسی دخی بشقہ جہ
 سرمایہ سرور و ابتہاج عاجزانہ م اولہ رق ازہر جہت مترتب عہدہ
 عبیدانہ م و متحمّ ذمت بندکانہ م اولدیغنی وجہلہ دعای دوام عمر و دولت

واقبال و تمنای بقای ایام ابهت و اجلال آصفانه لری خدمتیه مواظبت
 و اشتغال اوزره ایکن صیت انداز مسامع عالمیان اولان خلق کریم و فیض
 عمیم ولی النعمیلری اقتضا سنجه قریب و بعیده شامل و مفارق اعلا و ادنایه
 و اصل اولان انوار آفتاب تعطفات علیه لری چا کر ذره مقدار لری حقنده
 دخی مدار شهود و نمود اوله رق محض ثمره تو جهات سنیة کریمانه لری
 اولمق اوزره کچن تو جهات همایونده من غیر استحقاق وقوع عبولان
 مأموریت چا کرانه م جهتیه بر قاتدخی حسن انظار جلیله الاثار
 ولی النعمیلری استدعاسنه مجبوریات عاجزانه م بدیدار اولمغله خاصه ابراز
 لوازم خلوص و عبودیت و استبقای تو جهات معالی منقبت خدیوانه لری
 سیاقنده عریضه عبیدانه م ترقیمه اجتناسار و مرفوع پیشگاه ابهت قرار لری
 قلنشد ران شاء الله تعالی رسیده ساحة دولت و شایان لحاظه التفات
 و عاطفتلری بیورلد قده نام عجزارتسام چا کرانه ملک ذیل جریده بند کانده
 ابقاسیله فرق مباهاتم رسیده طارم بالا بیورلمق یابنده و هر حالده
 اجر و فرمان

(وزرادن برذاته مکتوب)

نظر عبودیت و دیدۀ رقیتمده همقد ر کبریت اجر و بلکه جوهر جانه برابر
 اولان خال قدم مکارم توأم ولی النعمیلرینه کمال تذلل و ابتهال الیه رومال
 اوله رق دعای دوام عمر و دولت و تمنای بقای فرو ابهت خدیو یلری دعوائی
 صدق صمیم و خلوص مستدیم الیه مرفوع اجابتگاه جناب رب کریم
 قلندیغی سیاقنده عریضه چا کر قدیم ریا عدیلریدر که قوللرینک طرف
 اشرف ولی النعمیلرندن مشاهد اولدیغیم صنوف عنایت و عاطفت
 علیه لری نک عمرم اوله قچه ایفای حق تشکر عشر معشاری برو جهله ممکن
 و میسر اوله مدیغی مثللو خاک پای عالیلرینه درکار اولان قدم عبودیت
 و اختصاصک حق ادا سنه دخی نه خامه عبارده قدرت و نه صحیفه بیانده
 وسعت متصور اولیوب اراق اراق تقدیم معروضات عبودیتیه عدم

ابتدار رسوم ظاهره به مخالف کورنسه دخی درجه اخلاص ورقیت
قدیمه مک نزد معالیوفد ولی النعمیلزده ثبوت و تحقیق جهتیه فرسودگی
طومار عبودیت به محمول بیورلیه جغی مجزوم و معتقد چا کرانه م اولدیغندن
بشقه عبد مملوک مولاسی نزدنده نو بنوملو کیتنی عرض و بیان تکلفاتندن
وارسته اولدیغنه بناء بنده در مخزیده لری دخی اوقات و احیان شب روزی
حصر حقیقی الیه دعوات خیریه ولی النعمیلری خدمتیه محصور ایدرک
شرائط عبودیتی اولوجهله اجرا ایتکده ایکن بودفعه لطف و کرما تبریک
مأموریت بند کانه می متضمن ارسال بیوریلان احساننامه ساعی
ولی النعمیلری دست تعظیم و ابجالة شرفرسان وصول اولوب درج سطور
مال مکارم اشتهالنده مجرد پرورده ابر نیسان لطف و عنایتلری اوله رق
تعبیه بیورلمش اولان در ثمین نوازشی و التفات خدیوانه لری عقد ثریا کبی
لمعه ریز باصرة علم و اذعان اولدقه بووجهله حق چا کرانه مده حد و مقدار
کترانه مدن افزون ارزانی بیوریلان تلطفات علیه کریمانه لری محض
خصیصه ذات سنی الصفات بیدانیلری اولان شیمه کریمه بنده نوازی
و عاطفت پردازیلری اقتضاسندن تذکر اولندیغنی تأمل الیه حاصل اولان
شوق و مسرات عبیدانه م مراتب اعداده مماثل و فخر مباهات چا کرانه م
فرق فرقدانه و اصل اوله رق (زنایات فک در امان حق باشی * زحادثات
قران در حمایت قرآن * فک مساعد و اقبال یار و بخت معین * نت درست
امیدت روا و حکم روان) دعوات موزونه سی تکرار بتکرار زیور زبان
خلوص شعار قلنغله مأموریت مذکوره قوللرینک لیاقت و استیالام ثمره سی
اولیوب مجرد تربیتکاری آب و تاب حسن توجه ولی النعمیلری آثارندن
اولمق حسبیه بوندن بویه دخی محتاج اولدیغم محاسن انظار علیه و میاسن
توجهات بهیه بنده پروریلری حق مستمندانه مده شایان و سزاوار بیورلمق
نیاز و تمنا سیله تشکر لطف و عاطفت ولی النعمیلری سیاقنده

(وزرادن برذانه تبریک جوابی)

همواره ذات والاى ولى النعميلر ينك متكاى معلاى دولت واقباللرى
 زيبايش طول و بقاومهر منيرايت واجلاللرى لمعه ريزمدارج افق اعتلا
 اولمق دعواتى زيور زبان حسن اداقلنديغى سياقنده عريضة چاكر خلوص
 احتوالر يدر كه بودفعه لطف او كر ما تبريك مأموريت بندكانه مى متضمن
 مبعوث صوب چاكرى بيوريلان برقطعه عنايتنامه سائى ولى النعميلرى
 راحه زيب وصول و حال و مدلول مكار مشمولى رهين اطلاع بنده خلوص
 مجبوللرى اولدقده بو وجهله اجراى رسم عنايتكارى وايفاي آيين
 عاطقتشعارى به ارزاني قلنان همت عليه مشيرانه لرى محض شيعه كريمه
 بنده نوازيلرينه دال و حق چاكرانه مده دركار اولان توجهات سنيه
 ولى النعميلرينه ذريعه استدلال اولمق دن ناشى باعث مزيد سرور و حبور
 و مورث ابتهاج نا محصور اوله رق استزاده ايام عمر و دولت واستدامه
 هنكام فروا بهتلى دعواتى پيرايه ناطقه تذكار و تكرار قلنغين خاصه ابراز
 ممنونيت و مسرت و اظهار خلوص و عبوديت سياقنده عريضة بندكانه م
 ترقيمه مبادرت و تقديم بيشگاه دولتلى قلنشد ر ان شاء الله تعالى لى
 شرف الوصول بعد از اين دخی جانب چاكرانه م حسن توجه ولى النعميلر به
 و ايه دار افتخار بيورلمق بانبده امر و فرمان

*(و ز ر ا د ن ب ر ذ ا ت ه م ك ت و ب) *

حضرتلر ينك مطلع اهله مجد و علا و مشرق اشعه لطف و عطا اولان
 آستان بلند ايوان ولى النعمانه لرينه مراسم روسايى عبوديت
 و اخلاص و لوازم جبين فرسايى رقيت خاص الخاص اجرا و ايفاقنده رق
 واجبه ذمت بندكانه م و رانه عهد چاكرانه م اولان استدامه ايام عمر
 و دولت و اقبال و استزاده اعوام فروصولات و اجلاللى دعواتى نوشته
 صحيفه حسن اداقلنديغى سياقنده عرضحال عبيد پيراليدركه اوتده نبر و ذره
 بيقدارك آفتاب عاليجنا به نسبتى مثللو چاكر كترلر ينك طرف مستجمع
 الشرف آصفانه لرينه دركار اولان منسوبيت عاجزانه م اقتضاسنجه

همه آن فروغ توجهات علیه کریمانه ولوامع تعطفات سنیة رحیمانه لری
مدار شهود و نمودم اوله رق قلاده صدق و عبودیت لری آرایش کردن
افتخار و استیقای وظایف دعای عمر و دولت لری پیرایه اوقات لیل و نهار
قلمنده ایکن شنشنة حسنة بنده پروری و دندنه مستحسنة
کر مکستر یلری مقتضای اوزره بود فعه محض کارگاه موهبت علیادن
صدور و تار و بود حسن انظار خدیوانه لزندن ظهور الیه من غیر استیبال
طراز جامه عبودیت قلنان خدمت ریاستک تبریک و تهنیتی مشتمل
ارسالنه تواضع بیوریلان التفاتنامه ولی النعمیلری راحه پیرای تعظیم
و مضمون عنایت مشکونی رهین اذعان عبد مستدیم لری اولادقه رشحه
زیب جد اول سطور اولان زلال فیض و الطاف علیه لری مائتد غذای
روحانی مورث حیات جاودانی و بر توافشان ظروف حروف اولان
مروارید مخاطبات سنیه لری زیور سرتاج نخر و کامرانی اولوب بو وجهله
حق مستندانه مده سنوح ایدن انوار عاطفت و احسان آصفانه لزندن
حاصل اولان سلوت و سرور و فرحت و حبور چاکرانه م زبان قلم و بلسکه قلم
زبان الیه توصیف و بیاندن دورادور اولمغله * همیشه تابود آثار منشیان
کلام * بنام نائی ارباب مکرمت منشور * ما اثر همکی منتشر بنام تو باد *
چه در اما کن غیب و چه در مقام حضور * دعوات موزونه سی بخلوص
البال تأدیه و اکمال قلنه رق خاصه تشکر الطاف و الا و استبقای توجهات
معالی اتماری سیاقنده عرضحال بندکانه م ترقیمه اجتر او مرفوع بیشکاه
معلاری قلنشد ران شاء الله تعالی لدی الوصول نقاوه آمالم بندکی باب ولی
النعمیلرینه مقصور و اوقات روز و لیالم اجرای شرایط عبودیت لری نه محصور
ایدوکی معلوم عالی لری بیورلادقه

(تبریک ضمننده یازیلان جواب)

جناب حق عزوجل فصل الخطاب نسخه مکارم و کلمه تامه مجموعه مراحم
اولان ذات بهی الصفات ولی النعمیلرین کمال تندرستی و عافیت الیه مسند

بلند مقام دولت و اقبال و متکای سپهر احتشام ایهت و اجلالده برقرار
 و بردوام و اشعه خورشید ضیاعزید فرمانفرمایلمین روشنائی بخش
 عیون انام ایلک دعوائی تأدیه و اتمام قلندیغی سیاقنده عریضه عبد
 مستهاملریدرکه چاکر کینه لری من القدیم مشکوۃ الانوار مکارم
 و الطاف ولی النعمیلرندن اقتباس لمعات عاطفت ایلد قتیله فروز اخلاص
 و اختصاص اولادیغمه مبنی بندکی باب مر احم دأب کریمانه لری دستمایه
 نخر و مباهاتم و محاسن انظار مکارم آثار خدیوانه لری رونق رخساره
 ازمان و اوقاتم اوله رق متحتم ذمت چاکرانه م اولان دعای افزایش ایام عمر
 و دولت و اجلال لری ضمیمه اوراد روز و لیال قلنقدده ایکن مقتضای
 شمیمه کریمه بنده پروری و لازمه شمیمه بهیه کریمه کستر یلری اوزره بود دفعه
 تبریک مأموریت عاجزانه می متضمن و مزید توجهات علیه لری مبین
 ارسال بیوریلان نوازشنامه سنیه لری راحه پیرای ورود و کل الجواهر
 سطور معانی نشوری باصره زیب چاکر خلوص نمود لری اولاد قدده
 هر کلمه سی حروف متعلیه عنایت و التفاتدن مرکب و هر فقره سی عباره
 بلیغه احسان و عاطفتدن مرتب اولمق حسبیلده منور عیون اذعان اولان
 کوهر پاره توجهات علیه و عقد الال تلطفات سنیه لری فص نکین نخر
 و تباهی و و شاح الصدر شاهد ابتهاج نامتناهی اوله رق بووجهلده حق
 بند کانه مده مجلا پیرای سنوح اولان نوازش و التفات سامی و ماثر
 تعظفات کراملیری بنده مستد یلمین مستغرق انواع سرور و شادمانی
 و مستوعب صنوف جاودانی ایتمکله شبانروز ملازم و مداوم اولدیغم
 ادعیه خیریه ولی النعمیلری زیور ناطقه استیناف و تکرار قلنمشد را و تدنبرو
 جانب سنی المناقب آصفانه لری نه درکار اولان خلوص و عبودیتیم هرگزنده
 ثابت قدم و ثبوت قدم چاکرانه م نزد معلا رنده واضح و هویدا اولمخله
 اولبابده اطناب و تفصیل مؤدی تصدیع سرعالیلری اولمقدن احتراز اجمرد
 تشکر سانحات بنده نوازیلری سیاقنده عرضحال عبیدانه م ترقینه مبادرت

(بودخی تبریک جوابی)*

اوته د نبرو حق چا کرانه مده ارزانی بیوریلان محاسن توجہات علیہ لینه
متفرع اوله رق بودفعه تبریک مأموریت عاجزانه می حاوی وانواع التفات
وعاطفتی محتوی فرستاده بیوریلان کرمنامه سائی ولی النعمیلری راحه
پیرای وصول وتفخیم ومال منیف متضمن التلطیفی رهن اذعان چاکر
قدیملری اولمشد ربووجهله مترشح مجاری سطور ظهور اولان رشحات
عنایت احسان بنده نوازیلری بودلتشنه زلال عاطفتلری سیراب سرور
وحبور و مستغرق ابتهاج وشادمانی نامحصور ایلوب حق بوجه صوب
والای ولی النعمیلرندن امیدوار اولدیغیم استقرار حسن توجه عالیلرینه
دلیل دیگر اولمغله جناب پروردکار ذات معالسمات بنده پروری ووجود
مکار منمود عاطفتکستریلرین مصون عوارض آلام واکدار و مادام
الادوار تزیید عمر و دولت و اقبال و اجلال ایله کامکار ایلیه آمین من القدیم
خاکای دولتلرینه مخصوص اولان خلوص وعبودیتم نزد عالیلرند بیدار
اید وکنه شک و اشتباه بند کانه م یوغیسه ده شوق و هیجان کمال عبودیت فرط
اخلاص دیرینه و عزیزید خصوصیت صمیمیه می بالتکرار عرض و اشعاری
مستدعی اولوب مع هذا هر تقدیر معانی تمحض ورقیتہ دال اولان الفاظ
بدیعہ ایلہ صحیفه مقصدی نکار شیافته اطناب و اطرا ایلسم مینه درجه
عبودیتتی حقیله بسط و بیان مقوله لایمکن اوله رق بومباحثده مبارک ضمیر
معالسمیر حقایق شناسیلرینه مراجعتدن اقوی و احاطه علم عالیلرندن ابلغ
بر صورتله رهیاب مرام اولیه جغم هویدا اید وکندن مجرد افاده حال
عبودیت و تشکر التفات و عاطفتلری مرامی ایفا سیاقنده عرضہ بند کانه م
ترقیم و تقدیم قلندیغی و روز و شب دعوات خیریه داورانه لری پیرایه اوقات
واحیان چا کرانه م اولدیغی بمنه تعالی لای سعاد الوصول معلوم عالیلری
بیوراد قده بعد ازین دخی نام چا کرانه م دفتر بند کانه ابقا بیورلمق باینده

(بکاردن بر بنه برینک طرفندن شقه)

همیشه لشکر زنجبار لیلۀ ظلم مقدم جنود نورانی لقای صبح سعادت تفرّا ایلہ
 رهیمای پیدای محو و هبا اولدقہ یعنی سواد جزم و کناه اصحاب خطا
 آب و تاب عفو و صفح ارباب لطف و عطا ایلہ ازالہ و احیا بیورلدقہ ذات
 ابہتسمات ولی التعمیلری بالدولۃ والاقبال مسند مؤید مجد و علا و متکای
 انبساط و صفادہ ککامین و کامران اولہ رق منشور لطف و عاطفت
 علیاری احکام عیب و قصور مجرمان عجزا نتمای نسخ و الغا و اشعۃ آفتاب
 رحم و شفقت بی انتہاری ازالہ غفلت و خطای معذرتجویانی نابود و ناپیدا
 ایسکدن خالی اولماق دعواتی ناطقہ زیب حسن ادا اولوازم روسایہ
 خاکای حاجت روا و مر اسم زبان پیرایہ تحیت و ثناری بر نهج الیق و احری
 ایفا و اجرا قلند یغی سیاقندہ عریضہ چاکر بیر یاریدکہ اوتہ دنبر و خاندان
 معالی عنوان ولی التعمیلرینہ کمال خلوص و خصوصیت قوم و قبیلہ
 عاجزانہ مزہ خاصہ لازمہ فطرت و لاسیما چاکر کترلرینک ذات والای
 سنی الشیمیلرینہ انحصار حقیقی ایلہ مخصوص و منحصر اولان عبودیت
 و اختصاصم جزو و اجزاء ماہیت قیلنددن اولہ رق ہر بار محاسن انظار
 بندہ پروریلرین مدار اعتبار و نوازش و التفات مکارم کستریلرین دستمایہ
 افتخار اتخاذایدہ کلمشیکن برمدتدنبور بر مقتضای اوضاع فلکیہ بعض
 عوارض ضروریہ سبیلہ رعایت آداب صوریہ دہ تقصیرات بند ککانہ م
 وقوعہ کلمش ایسہ دخی نزدعالیلرندہ مستغنی بیان اولدیغی اوزرہ صفحہ
 مرآت جوہر دارہر چند آلودہ کردوغبار اولسہینہ ایچ یوزندہ لطافت
 و صفوتی برقرار و سطح جویمار خوشکواردہ ہرنہ قدر آثار انجماد
 بدیدار اولسہینہ مجرای اصلدینہ سیلان طبیعیسی درکار اولدیغی مثللو
 چاکرلرینک دخی طرف دولترینہ برکمال اولان قدم رابطہ خصوصیت
 صمیمیہم اومقوله حدوث دواعی و اسباب ظاہریہ ایلہ پذیرفتہ انحلال
 اولماق جہتیلہ وقت وقت اشتیاق عرض عبودیت دیرینہ ہیجان بخش

سینه بیکینه بند کانه م اولمقدمه ایسه ده اول وجهله ساحه پیرای جله
 سرای درون اولان بنات الفکر عاجزانه م بعض کیفیت و اشمه دن ناشی گاه
 دایه شرم و حجاب و کاه بیم نظر اغیار و احباب حواجز و مواعیل منصفه
 ظهور و بروزده رونمون اوله میوب وسیله ائیله به ترقب و انتظار اولمقدمه
 ایکن بود دفعه ابروی غره عید سعید اضحی جبین چرخ برینده جلوه نما
 اوله رق اشبوایام مسرت زمره بند کان خلوص اشتماله موسم ابراز
 عبودیت و اصحاب چاه و جلالت ذریعه نشر انوار لطف و عاطفت اولدیغنی
 تلح و ایمان تمکله همان سبجیل صدق و اخلاص بند کانه می غبار عارضه
 سابقه دن تخلیه و آب زلال تمحض و اختصاص چاکرانه هنر خار و خس
 کدورت دن تصفیه برله (روزت بود همیشه زبخت سعید عید * چشم بد زمانه
 زعیدت بعید باد) دعوات خیریه سیله تبریک و تهنیت عید شریف ولی
 النعمانه لینه ابتدار و تقدیم عرض حال رقیه ما که اجتناسار قلند یغنی
 بمنه تعالی لدی شرف الوصول معلوم معالی ملزوم ولی النعمیلری بیورلقدده
 جزئی و کلی لکه قصور عاجزانه مخی و ارایسه قدم عبودیتده حرمة صابون
 اذفر غفو و عنایتلریله شوییده و احما و کما کان نام بند کانه م ذیل جریده
 متخصصانده تقیید و ابقا بیورلمق باینده

(بکاردن بر ذاته شقه)

علاو نبات و جلالت آصفانه لینه شایان و آداب عبودیت و رقیته چسبان
 تعظیبات و تذلات ایله خاکیای عیون آرای ولی النعمیلرینه یوزلر سوره رک
 عرض حال عبیدانه مدرکه قوللری اول و آخر ولی النعمت بیمنت اقدمک
 عبد مملوک لری عدادندن معدودیتله متلذذ نعم زندگی و مغتنم شرف
 بندگی اوله رق هر قدر تقدیم معروضات متوالیه ایله تأکید صدق
 عبودیتده تقصیرات عاجزانه م درکار ایسه ده وجوب رقیستن اولدیغنی
 وجهله دعای دوام عمر و دولت و تمنای تزیید فروا بهت خدیوانه لری
 خدمتنده بر آن قصور و فتور چاکرانه م اولمیوب بود دفعه بالدولة والاقبال

مقرر حکومت علیه آصفانه لری اولان بولی به سایه بخش اجلال اولدقلری معلوم عبیدانه م ازلق حسبیلہ جناب جهان آفرین مبارک وجود عالمسود خدیوانه لرین کافه عوارض کونیه دن محفوظینله الی یوم الدین مسند فلک تمکین ابهت و اقبال وفرمانفرماییده کامکار و کامبین واشبو قدوم معالیم لزوم ولی النعمیلرین من کل الوجوه رهین میامن واسعاد بهترین ایللیوب بحمدہ تعالی ادر اکی تقرب ایدن سنه جدیدہ قریه یی دخی حق عالی ولی النعمانه زنده ازهر جهت طرازنده ما ثرا یمن الیمین ایدرک مشاهده امثال نامتناهیہ سیلہ هر روز ایام عمر آصفانه لرین مقرون انواع انبساط کزین ایلک دعواتی خلوص قلب الیه تادیہ وتکرار قلنه رقی خاصه تجنید اختصاص عبودیت الیه تبریک مقدم معالی توأم داورانه و تهنیت سال فرخنده فال آصفانه لری سیاقنده عرضحال ضراعتال چاکرانه م ترقیمه اجتر و تقدیم پیشگاه مکارم دستگاه معلالری قلنمشدر ان شاء الله تعالی رسیده خاکبای دولت وشایان لحاظه التفات وعاطفت ولی النعمیلری بیورلقدہ بعد ازین دخی محتاج اولدیغم توجهات علیه کتر نواز یلری حق عبیدانه مدد شایان وسز اواریورلق باینده و هر حالده امر وفرمان ولطف و کرم واحسان دولتلوعنایتلوا بهتلومر حتلو ولی النعمتم کثیر الجود والکرم عمیم اللطف والهمم افندم سلطانم حضرتلرینکدر

(تبریک رمضان شریف ضمننده مکتوب)

عمواره جناب نظام آفرین شهور ودهور ونسقسا زمنازل اهله وبدور غره غرای وجود عالیرین شمس رخشان ذات معالی صفات حضرت ولی النعمیدن استفادہ انوار فیض متوال الیه لمعه ریز افق مجد و اقبال و رونق بخش مطالع منزلت واجلال ایلک دعواتی تقدیمیلہ عریضه چاکر باهر الالبته اللریدرکه بنده کینه لری من القدیم باب کردون قباب حضرت ولی النعمی به نسبت تامه و خصوصیت کامله الیه حائز رهینه شرف انتساب اولان بندکان ریا آزاد کاندن اولوب حدومقدار کترانه مدن برتر نوازش

والتفات سامی و عنایت و عاطفت کرامیلرینه مظهریتله کالای عبودیت
واخلاصلری پیرایه بالای افتخار و تمیۀ رقیت واختصاصلری زیور بازوی
اعتبارم اوله رق درجۀ عبودیت دیرینه م نزد معالیوفد حضرت ولی
النعمیده و عند عطفوت پیوند کریمانۀ لرنده محتاج بیان اولم دیغنه مبنی
تقدیم معروضات ایلۀ تصدیع سرعایلرینه جسارتدن احتراز و روز و لیل
متحتم ذمت بند کانه م اولان دعای بقای عمر و دولترلرین ثبت جریده نیاز
ایتمکده ایکن بحمدۀ تعالی ماه رمضان کثیر الفیضان کنکرۀ چرخ دواردن
بر توافزای یمین طلعت و زمرۀ بند کانه اشارتخای رخصت عرض عبودیت
اولمغله جناب و اهب المراد ماه مبارک مذکورک جلد شب و روز میامن
فزون حق حضرت ولی النعمیده و حق والای سنی الشیملرنده مستتبع
صنوف یمین و اسعاده و مستلزم انواع فیض و ابتهاج بعداد ایدرک لیلۀ القدر
ایام عمر و دولترلرین آبستن سرور و صفا و صباح العید اعوام فروا بهترلرین
مأثر انوار خلود و بقا ایلک دعواتی بی ریب و ریا مرفوع بارگاه
کبریا قلنه رق بر مقتضای این بند کی خاصۀ ایفای رسم تبریک و تهنیت
و استبقای حسن توجه بالا منقبترلری سیاقنده عریضۀ ثنایریضۀ بند کانه م
ترقیمه ابتدار و تقدیم نزد دولتقرارلری قلمشدران شاء اللہ تعالی لای شرف
الوصول بوندن بویله دخی مألوف و امیدوار اولدیغم تعطفات علیه بنده
پروری و تلطفات سنیۀ ولی النعمینک حق کترانه مده ابقا و استقراری
خصوصنده همت و عاطفتکاریلری در کار و سزاوار بیورلق باینده

*(تبریک عید ضمننده یازیلان مکتوب) *

جناب مهین متعال تقدس ذاته عن الانداد و الامثال همیشه وجود بهبود
کریم الخصاللرین کمال تندرستی و عافیتله زیور مساند دولت و اقبال و پیرایه
وسادۀ اہت و اجلال ایدرک اوقات و ساعات مه و ساللرین مقرون
صنوف صفای بال و مرهون نتایج خیر الفال ایلوب فیوضات عمیة
البرکات صمدانیه سن حق والای ولی النعمیلرنده ابدی الاتصال و بوجہله

جمله بقاخواهان مجد و ابجال و بالتخصیص چاکر کینه باهرا لایتهالترین
 مقضی الامال ایملک دعواتی روزولیا ل ثبت صحیفه ادا و اکمال قلمقده
 اولاد یغنی معرض بیانده عریضه بنده ضراعت اشتمالریدرکه من القدیم
 چراغ فروزان مشکوة احسان و غرس یمین فیض فراوانلری اولان عبد
 مور تو انلری همه آن شجره ثابت الاصل حایت و صحابت علیه لزند
 سایه مند لطف و رأفت و بهره دار ثمره جود و عاطفت اولد یغمه مبنی کاه
 و بیکاه تقدیم معروضات متعاقبه الیه تصدیع سرعایلرندن احتراز اهما ن
 فریضه ذمتم اولان دعای فزونی عمر و دولتلری خدمتیه ملازمت و ادای
 شرائط عبودیت و اختصاصه مداومت اوزره ایکن بود فعه عید شریفک
 ادراکی میسر اوله رق حسب التقدیر اکتمال خاک پای مکارم احتوای
 ولی النعمیلر الیه تنویر با صره عبودیت بدین محرومیتیم باعث حزن عظیم
 اولمقدن ناشی کریان کریان ادعیه خیریه ولی النعمانه لرین زیور زبان دل
 و جان ایدرک و ساطت قلم عاجز رقم بندگانه مله ایفای لازمه تبریک و تهنیتیه
 مبادرت قلمنغین همواره جناب رب مجید فیض مزید و اقبال مدید الیه
 عید شریف میامن ردیف لرین سعید اندر سعید و وجود معالینمود
 خدیوانه لرین عوارض کونیه دن هر دم بعید ایملک دعواتیه مشاربت
 قلمدیغنی بیانیله استبقای توجهات سنییه بنده پروریلری ضمننده
 عرضحال پریشا نمأل چاکرانه م ترقیمه اجتر او هر فوع پیشگاه هر احم
 دستکاه معالری قلمشدر ان شاء الله تعالی رسیده نزد دولت و منظور
 عین عنایتلری بیورلدقده نزدیک و دور محتاج اولدیغیم حسن توجهات
 علیه و یمین تعطفات سنییه ولی النعمانه لری باره عاجزانه مده ممدود و مبسوط
 بیورلمق باینده و هر حالده امر و فرمان

* (تبریک رمضان شریف ضمننده مکتوب) *

همواره بدر تمام مجد و اجلال داورانه لری ضیا انداز عیون هر قاصی
 ودانی و پر تو طالع ساز کار دستوریلری اشعه کیتی شمول آفتاب عالمتابه

مدانی اوله رق مأرب و آمال مافی البالری زینت ساز مواقع حصول
واهلة دولت و اقبالری مشار بالبنان اصحاب رد و قبول اولق دعوات
اجابت شمولى بارگاه ملك منانه موصول قلنقده ایدوکی بیانیله معروض
چا کر صداقت اصول لریدرکه طرف کامل الشرف کریمانه لزندن متوالیا
مشهود باصرة ابتهاجم اولان توجهات علیه بنده نوازی و تعظفات سنیه
خاطر سازیلرینک ایفای لازمه تشکری ضمننده لیل و نهار تأدیه دعوات
خیریه لریله احیانکنذار ایدوکی عرض و اشعاره ذریعه شمارایکن فحما
ثم حذارایات مسرت آیات غفران شکل هلال رمضانده پیرایه حصار
ذات البروج آسمان اولمغین جناب منور الشمس والقمر و هزین السماء
بمصایح الازهر تعالی شانه و توالی احسانه حضر تلی اول ماه میامن
پناهى ذات عالیلرینه مبارک و مسعود و پیرامن دولتسرای اجلالترین
مهبط صنوف یمن و سعود ایدرک بالدولة و الاقبال امائل کثیره سن مشهود
ایلیوب ماه رخشنده فروا بهتلیس و ارسته محاق وزهره زهرای شان
و دولترین امین و بال احتراق ایملک دعا لریله تجدید قبالة عبودیتته
مبادرت اولند یغی بمنه تعالی لای شرف الوصول معلوم عالیلری
بیورلدقه بوندن بویله دخی چا کر صداقت کسترلی حوالی حرم
توجهات کریمانه لزندن تبعید بیورلماق بانبده امر و فرمان

* (هدیه جوابی) *

حضر تلیرینک قبله الاقبال انام و کعبه الامال خاص و عام اولان ساحه
علیای ثریا نظام و پیشگاه معلای سپهر احتشام آصفانه لرینه دیبای
سندس فام احترام و کالای والای عبودیت و اخلاص تام عرض
و تقدیمیه ذات معالیسمات ملکی الشیم ولی النعمی و وجود مکارم نمود
وفی الهممیلری مادارت الیالی و الایام مسند مشید کاصروای و مقام
مؤید فرمان فرماییده برقرار و بردوام و سایه رافتوایه خدیوانه لری
مبسوط مفارق بندکان خلوص ارتسام اولق دعواتی مرفوع اجابتخانه

رب ملک علام قلند یغی سیاقنده عرضحال عبد مستهام لری در که قوللری من
 القدیم مرحمتلو افندمک عبد مملوک صد اقمسلو کک لری عدا دندن
 معدودیتله مظهر انظار عنایت و نائل نوائل حسن توجه و عاطفتلری
 اولدیغمه مبنی روز و لیال تزیاید ایام عمر و دولت و اقبال و خلود هنکام
 فروصولت و اجلال لری دعواتنه ملازمت و اشتغال ایله تزیین صحایف
 اعمال ایتمکده ایکن بودفعه جانب حجاز مغفرت طرازدن بالدولة والاقبال
 عودت و شام شریفه نهاده قدم مهینت بیور لمقدن ناشی (تلطیف الخدام
 من شیم الکرام) مدلولی اوزره مجرد ابراز شیء بنده پروری و اثبات ملکة
 مکارم ککستر یلری ضمننده ارسال و احسان بیوریلان التفاتنامه
 ولی النعمیلری همایون بال بلند پرواز ک استخوان حقیره تنزلی قبیلهندن
 اوله ورق دست عبودیت پیوست چاکرانه مه شرفرسان وصول و مال
 معالی اشتمالنک حاوی اولدیغی مآثر مستوجب البشائر تلطفات علیه کتر
 نوازیلری رهین اذعان عبد خلوص مجبوللری اولدقده حق چاکرانه مده
 بووجهله بدون استیهال جلوه کرساحه سنوح اولان الطاف سنیه
 ولی النعمی و اعطاف بهیه جلی الهممیلری قوللرین مستغرق سرور
 و حبور و مستوعب ابتهاج نامحصور ایلدیکندن بشقه بر موجب پوصله
 اهدا بیوریلان بر بوغچه هدیه علیه کریمانه لری دخی راحه زیب و ورود
 اولوب کاه زیور ناصیه مفخرت و کاه زیبایش دوش مسرت قلنه رق ازهر
 جهت حاصل اولان شادمانی و مسار و صنوف مباهات و افتخار چاکرانه م
 کنجایش پذیر حواصل اقلام اولمقدن بعید اولغله همیشه حق جل و علی
 مبارک ذات معالیمات ولی النعمانه لری کافه عوارضات ککونه
 و اختلافات دهریه دن حفظ سبحان نیستند مصون و مأمون و ایام عمر
 و دولت و اجلال لری آنا فانا مستزاید و افزون ایلوب سایه مراحوایه
 خدیوانه لری جملة بندکان اوزرنده ابد مقرون ایملک دعواتیه ناطقه پیرای
 حال و قال اوله رق خاصه تجدید قبالة عبودیت و ایفای لازمه تشکر

* (مقام صدارت عظمایه نوشته در) *

عبداحقر و چاکر کتر لری خطور خاطر ایهت مظاهر خدیوانه لرینه
 شایسته و مظهریت تفقد و استفساره هیچ برکونه بایسته اولدیغی مظاهر
 و آشکارا یکن انحراف مزاج عبیدانه مه مبنی بوغاز ایچنه عزیت
 چاکرانه معلوم حضرت ولی النعمیلری بیوریلر رق مجرد اعلا و ادنایه
 شامل و کافه بند کانه و اصل اولان کمال لطف و مرحمت و فرط عنایت
 و عاطفت داورانه لرندن ناشی سؤال خاطر کترانه مه التفات مکارم آیات
 رحیمانه لری شایان و مأموریت چاکرانه مک اوزرنده بولنه مدیغیدن درکار
 اولان بیچتاب عاجزانه مک اندفاعی ضمننده محضا رحما و شفقه رخصت
 علیه و مساعدۀ جلیله بنده پروریلری ارزان بیورلدیغی مبشر اقول لرینه
 الی آخر العمر وفق شرف و مفخرت و دستمایۀ شادمانی و مسرت اولتی اوزره
 احسان بیوریلان فرمائمه عالی و بر عدد طونلق شال عطیه سنیۀ
 ولی النعمیلری پیرایه بخشای دودست تعظیم و ابجال و مالیده روی و چشم
 ضراعت و ابتهال اولوب قوللری مثل و ادنی و احقر بنده لری حقنده اول
 و آخر من غیر استحقاق مجلازیم ظهور اولان الطاف و عنایات بیغایه لرندن
 بشقه بووجهله دخی قات اندر قات تسویغ و سزاوار بیوریلان احسان
 و التفات عالمهای و کالتینا هیلری مهر منیرک خالک حقیره و بحر زخارک
 خس و خاشاکه تنزلندن فی الحقیقه برتر ولیاقت و قابلیت کترانه مدن
 من کل الوجوه ازید و از فر اولتی حسبیلر هر درلو عنایت و احسان
 ولی النعمیلری قلب و قالب مستمندانه مه افاضۀ روح ثانی و اضافه سرور
 جاودانی ایدرک مدت عمر عاجزانه مده بووجهله مسرور الفؤاد اولدیغی
 تذکرایده مدیکم مثل و ادنی بکونه آلاء عظیم الشناء چاکر پروریلرینه نصل
 تشکرایده حکمی بیاد میه رک عجز و حیرت حقیقی نفس الامر قوللرنده
 تحقق ایتدکله همیشه حق سبحانه و تعالی حضرتلری شفای صدر دوات

وعافیت بخش بدن ملک وملت اولان مبارک ذات مراحم سمات داورانه لرین
 عمر و اقبال و اجلال نامتناهی ایله الی الابد مقام معلای وکالتپناهیده
 دائم و برقرار و سایه معالی وایه ولی النعمیلرین جمله بند کان
 وخصوصا قوللری مثللو عبید آستان ایهت پاسبان خدیوانه و اسیر لطف
 و احسان رحیمانه لری اولان چاکر ضراعت اقترا نلری مفارقنده ثابت
 و پایدار ایلک دعوات خیریه سی تکرار قلنقدده اولدیغی ولله الحمد والمنه
 دوا ی درد مندان اولان یمن توجه ولی النعمیلری برکاتیله بو طرفه کله لی
 جسم نزار مستمندانه مده اماره عافیت رونما اوله رق امر و فرمان عالی لری
 وجهله بعض خفیفجه معالجات ایله تدای اولنقدده اولدیغنی خاک پای
 مکارم احتوای داورانه لرینه انها معرضنده مجرد عفو و عنایت علیه
 کریمانه لرینه اغترار امن غیر حد عرض حال عبودیت مال کمترانه م تقدیمه
 جرأت قلندیغی محاط علم عالم آرای ولی النعمیلری پیورلدقه امر
 و فرمان

* (ادر نه ده ایکن باب عالی یه یازیلان عریضه) *

معروض چاکر کتر لیدر که حمد الله تعالی بو آوان میامن اقترا نه بجزر خار
 عطایای ربانیه دن بر در شاهوار پرورده محفظه وجود یعنی صلب پال
 حضرت شهریاریدن بر دختر سعد اختر پیرایه بخش مهد شهود اولدیغی
 آوازه بشارتی طنین انداز قبه نیلکون و قلوب جمله انام سرور و شادمانی ایله
 مملو و مشحون اولمقدن ناشی چاکر احقر لرینه کوره بالابته حاج
 و الاستبشار دعوات خالصه عبودیت آثاره مواظبتله اکتفا حال
 ضراعت اشتمال چاکرانه مه اوفق واولی اولدیغی هویدا ایسه ده اشبو
 ولادت همایون میامن مرهونک بین الناس مقاسمه اولنان تقدینه سرور
 و حبورندن حسب العبودیه حصه بند کانه مه جمله دن زیاده دوشمک
 حسبیله غلبه شوق و شغف چاکرانه دن ادهم خامه سیه فاحی مضمار
 عبودیتده تک و تازدن ضبط ایده میهرک حق سبحانه و تعالی حضرت لری

اولا بالذات جناب بلند القاب حضرت شاهانه حقنده و ثانیا بالعرض
 جله عباد و بلاد حقلرنده متین و مبارک و مسعود ایلوب فزونی عمر
 و شوکت شاهانه ایله عهد همایون معدلتلرین نوبتوانواع فیض و فتوح
 و فرحتیه مظهر ایلک دعوات اجابت آیاتیه خاصه کپای حضرت
 و کالتپناهیله من غیر حد عرضحال متضمن الالبتهال کترانه مرفع و تقدیمه
 اجتسار قلند یغنی بمنه تعالی محاط علم عالم آرای خدیوانه لری بیورادقه
 امر و فرمان

* (ادرنه مشیری طرفندن باب عالی یه) *

حق سبحانه و تعالی حضرت تلی عمر ان بخش اما کن دنیا و معموره
 ساز بلاد و انجا اولان شوکتلو افند من حضرت تلرینک عمر و شوکت
 شاهانه لرین مزید اندر مزید ایلوب آینه اقبال و اجلال شاهانه لرین
 صورتی فیضا فیض جدید و مظهر انواع ین مدید ایلیه آمین ذات ملک
 سمات جهان بنینک اجرای عدل و داد و محای ظلم و بیداد امر اهنده
 بر کمال اولان علوه مت شاهانه و سمو منقبت پادشاهانه لرینک مجلای ظهور
 و بروزی اولان تنظیمات خیریه و قوانین عدلیه اصول مقبول محاسن
 شمولی یکن الی بش سنه سی شعبان شریفک یکرخی التخی کونی کلخانه ده
 قرائت اولنان مبارک خط همایون شوکتقرون شاهانه ایله جلدیه اعلان
 بیورلمش اولدیغندن و حقا که یوم مذکور کافه بند کانه کونای عید
 و کیجه سی لیل قدر سعید اولدیغنه بناء بهر سنه لیله مبارکه مذکورده
 ایقاد قنادیل ایله اجرای شهر آیین اولنسی خصوصنه مساعده سنیه ارزانی
 بیورلدیغی و اولو جهله ایقاد قنادیله خواهش ککر اولندر مأذونی
 خصوصلری بود فعه نقش صحیفه اشتهار اولان تقویم وقایع نسخه سنده
 لامعه زیب باصره عبودیت اوله رق نسخه مذکورده ادرنه مجلسنده
 بالقرائه و اشبعو اثر دلجو تر و کرک بریه الشام طرفنده جلوه نمای
 ظهور اولدیغی نسخه مذکورده زیور سطور اولان آثار فوز و ظفر کیفیتی

اعلان و اشاعت بر له دیمومت عمرو شوکت سرمدیه و مقهوریت اعدای
سلطنت سنیہ دعاری پیرایہ زبان محمدت قلند قد نصکره رسم مذکور
محروسه دارالمینه ادرنه ده اجرایی خصوصی در میان اولند قدہ بلده
مذکورہ عین شرف و برکت و جلالہ محض مینت و مفتخرت اولد یغی بیانله
و فور خواہش و آرزو کو سترلمش اولد یغندن اشبو سنہ مبارکہ شعبان
شریفنک یکرخی التخی کیجہ سنده ادرنه پاشا قپوسنده ایقاد قنادیل
و یردن کوکہ قدر اظہار شادمانی و مسرتہ نو عما صورت اشکالہ اولمق
اوزرہ هوایی فشنگ و سائر صنایع ناریہ رنگارنگ ایله ایفای لوازم شوق
و طرب بر قاتدخی خدمت دعا و ثنایہ بالطبع مجبور اولمش و اعلان سرور
مکتسب ایله جملہ اہالی شب زندہ دارا بتهاج و حبور و اختر شمار شاد کائی
نا محصور اولہ رق فی الحقیقہ تنظیمات خیرہ اعمار ملک و ملت مطلب
اعلا سنده بروضع نوین و اصول بہترین اولہ رق فوآئد مطلقہ ابدیہ و منافع
محققہ سرمدیہ سی کافہ انامہ راجع و عادی عباد و بلادہ شایع اولمقدن
ناشی بویہ بر اصول میامن محصول جہا شمولک ایام معدودہ اعیاد
شریفہ و وجہ رجحانی بدیدار و زمان معدلت اقتران جہا نبانی یہ امامہ
الجان سبحة الال اتخاذا و لنفسنک وجوب عقلیسی درکار اولمقدن ناشی
دعای بقای عمرو شوکت شاہانہ تکرار یلہ ایفای تشکرہ مبادرت قلند یغی
بمنہ تعالی معلوم عالیلری بیورلد قدہ امر و فرمان

* (اسب تشکری نی حاوی مکتوب) *

همیشه سمند سبکجولان کردن زین زرین و رکاب سیمین مهر و ماه ایله
فضای فسیح الارجای باختر و خاورده جلوه ساز سیر و حرکت و اشہب
ادہم روز و لیال حواشی الوان سفید و سیاہ ایله بیدای وسیع الانحای دہر
داہر دہر و نور دم سافہ مسابقت اولد قچہ شہسوار مضمار لطف و عاطفت
اولان ذات معالی منقبت ولی النعمیلری رخس ہر رکش لجام دولت
واقبال و یکران دلکش خرام بہت و اجلال ایلہ زینت افزای ساحہ سرای

مجد و مفخرت اوله رق کاکون بخت بیدار آصفانه لری جولانکر بسیطه
 قطر مرام و شبدر نشان و شکوه عالی لری رونق بخش میا دین خلود و دوام
 اولمق دعواتی تقدیم علیه عرض حال قوللریدر که چاکر کینه لری راجل مضمار
 عبودیت اولیوب من القدیم فرسران میدان صدق و اخلاص و یگاسوار
 شاهراه تمحص و اختصاص اولان بندکان ولی النعمیلرندن اولدیغمه مبنی
 بودفعه محض موهبت علیه آصفانه لری اقتضاسندن اوله رق خیول
 لطف و احسان کریمانه لرندن برراس اسب افراز و اسرا بیورلدیغنی مبین
 ارسال بیوریلان کرمنامه سائی ولی النعمیلری انله پیرای تعظیم و ابجال
 و مال معالی اشتهالنده مندرج اولان تعطفات سنیه بنده نوازیلری
 رهین اذعان چاکر باهر الابهال لری اولوب اسب مذکور دخی
 صهییل انداز جولانگاه وصول و مربوط قوایم حسن قبول اولمغله حق
 عاجزانه مده بووجهله ابراز بیوریلان عنایت و التفات خدیوانه لری
 قوللرین رسیده سر منزل نخر و مباهاات ایدرک وادی تشکر توجهات
 سنیه لرنده کیت کاک خوش خرام هر نه قدر جلوه ریز نقش ارقام اولسه
 دخی طی پویه کاه حسن ادادن اظهار عی و عجزله پابسته حباله قصور
 اوله جفی رونما اولمقدن ناشی همان تزاید ایام عمر و دولت و اجلال
 ولی النعمیلری دعوات اجابت پیماسی ایصال سوامع صوامع ملاء اعلا
 قلنه رق کمال تا کید خلوص و عبودیت سیاقنده عرض حال بندکانه مرقمینه
 اجتراف و رفوع پیشگاه معلاری قلنمشدر ان شاء الله تعالی رسیده
 ساحه دولت و شایان لحاظه عاطفتلری بیورلقدده بعد ازین دخی حق
 چاکرانه مده آثار انوار توجهات علیه لری لمعه نثار استقرار بیورلمق باینده

* (غلام هدیه سیله کلان مکتوب جوابی) *

جناب مالک الملک و المملکوت همیشه مملوک فرمای احرار انام اولان ذات
 حاتم غلام ولی النعمیلرینک ایام عمر و عافیت و کامرانیلرین کوندن کونه
 اعلا و احسن ایدرک بروج دولت و اقبال و عیون ابهت و اجلال مهر منیر

وجود معالینود خدیوانه لریه مزین و روشن و کلاک مشکین فام مناقب
جلیله معدلتشعاری و سیف نصرت نیام ماثر جلیله سپهسالاری لری کارکر
احکام دوست و دشمن اولمق دعوائی تقدیمه عریضه چاکر مستدیم ریا
عدیلریدرکه قوللری ذات والای ولی النعمیلرینک قدیمی و صمیمی عبد
مخلصی و بنده متخصصری اولدیغمه مبنی روز و لیال مترتب ذمت
عاجزانه اولدیغی وجهله بخلوص البال تزايد عمر و دولت و بالخصوص
مصالح مأموره سنیه لنده از هر جهت موقیت آصفانه لری دعواتنه
اشتغال اوزره ایکن اوته دنبر و صوب معالی اوب خدیوانه لندن مشهود
بند کانه اولان تلطفات علیه بنده پروریلرینه علاوه اولمق اوزره بودفعه
قبولکنند لری عطوفت و اقلندی بنده لری معرفتیه طرف چاکرانه مه
بررأس غلام اعطا و اهدایورلمش اولمغله مشاغل جسمیه سپهسالاری لری
اراسنده چاکر کینه لری خطور خاطر عالیلرینه شایان بیوریلر
بو وجهله نام بند کانه می شرفندیاد و تذکار و مظهریت لطف و التفات
بنده نوازیلرینه سزاوار بیورملری حق چاکرانه مده تابع و اتصال
توجهات علیه لریه بشقه جه دلیل اولمقدن ناشی حاصل اولان ممنونیت
و مسرتیم بحد و پایان و فرق مباهات و مفخرتم رسیده فرق دان اولمغله
(زنا بات فلک در امان حق باشی) دعوات منظومه سی لوحه زیب حسن
اداکلنه رق خاصه تمهید اساس رقیبت و اخلاص و استبقای توجهات
مکارم اختصاص ولی النعمیلری سیاقنده عریضه بند کانم ترقیمه اجترا
و تقدیم پیشگاه معلالری قلنمشدر ان شاء الله تعالی لای شرف الوصول
بعد ازین دخی

(وزرادن برینه تشکر باینده یازیلان)

هزار تعظیم و ابجال ایله خاکی عالیلرینه یوزلر سوررک تزايد ایام عمر
و دولت و اقبال و قنادی هنکام فروباهت و اجلالری دعوائی تقدیم
قلندیغی سیاقده عرضحال بنده مستدیلریدرکه قوللری مرحتلو

ولی النعمتم اقدمك بك چوق نوازش والتفات علیه لرین کورمش
 وهر وجهله ممنون لطف وعاطفت ولی النعمیلری اولمش چا کر متخصصلری
 اولدیغمه وعلی الدوام مرکز خلوص وعبودیتده ثابت قدم اولدیغم نزد
 خدیوانه لرنده مستغنی عرض و بیان اولمقدن ناشی خاکای دولترینه
 یکی باشند اظهار عبودیت ضمننده تقدیم معروضات ایله بر نوع تصدیع
 سر عالیرندن احتراز دخی مقتضای آداب رقیبتدن ایدوکنه بناء اصل
 شرط عبودیت دعوات خیریه ولی النعمته مداومت وایفای لوازم
 اختصاصه مبادرت اصولنه محصور اولمق مطالعه سیله لیل ونهار ذمت
 بند کانه مه فرض مشابه سنده اولان دعای بقای عمر وعافیت ولی النعمیلری
 خدمتنه مواظبت واشتغال اوزره ایکن بودفعه کمال لطف وکرم
 داوریلرندن ناشی ارسال بیوریلان احساننامه ساعی آصفانه لری شرف بخش
 وصول اولوب مال منیفنده حد عاجزانه مدن زیاده مندرج اولان
 انواع التفات وعاطفت سنیه لری رهین اذعان چا کرانه م اولدقده بووجهله
 دخی قوللرین تلطیف عالیرینه سزاوار بیورملری محض خصال حمیده
 دلنوازی وفرط توجهات سنیه مکارمسازیلری اقتضاسندن اولدیغنی
 بیله رکنه درجه لرده ممنون و مسرور ونه مرتبه لرده نائل ابتهاج وحبور
 اولدیغمی تعریف و بیان ممکن ومتصور اولمیوب همیشه جناب حق وجود
 معالینمودولی النعمیلرین مزید تندرستی وعافیت واقبال ایله مسند آرای
 ایهت واجلال ایلک دعواتی تکرار بتکرار تأدیه وتذکار اولمش وعلاوه
 عاطفت اولمق اوزره احسان بیوریلان بررأس اسب هدیه بهیه کریمانه لری
 دخی کمال ممنونیت ایله مربوط طویله حسن قبول قلنمش اولمغله خاصه
 ابراز تشکرو محمدت وایفای شرایط عبودیت سیاقنده عرضحال بند کانه م
 ترقیمه اجتر او مرفوع پیشگاه معلالری قلنمش ان شاء الله تعالی لدی شرف
 الوصول بعد ازین دخی حق چا کرانه مده محاسن توجهات ولی النعمیلری
 شایان وسزایورلمق باینده

(هدیه جوابی)

جلا بخشای عیون بند کان اولان خاکای حاجتروای ولی النعمیلری میل
 ضراعت و ابتهاال ایله دیده عبودیتیه تکمیل و فریضه ذمت رقیتم اولان
 دعای دیمومیت ایام عمر و دولت و اجلال آصفانه لری ترتیل قلند یغی
 سیاقنده عرضحال بنده کترو چاکر اخلاصکسترلریدر که حق عاجزانه مده
 شایان بیوریلان توجہات اکسیرایات ولی النعمیلرینی حاوی بود دفعه لطفاً
 و کرما ارسال بیوریلان احساننامه ساعی داورانه لری انملہ پیرای تعظیم
 و ابجال و مفہوم منیف عنایت ردیف ولی النعمانہ لری معلوم چاکر اخلاص
 اشتماللری اولمش و بر موجب پوصلہ بر بونچہ ہدیہ بیہ آصفانہ لری آرایش
 صندوق قبول و افتخار قلمشدر بوجہلہ سانح اولان عنایت بیغایت
 مکارم سازی و لطف و ہمت کترو نواز یلری عبد بیکدارلرین از سر نو استرقاق
 و سرمبہاتمی موازی طاق نہ طباق ایتمککہ جناب خداوند بیچون ذات
 مکارم سمات بیدانلرین مدی الدہور مساند علیای دولت و اجلالہ
 ابد مقرون و ایام عمر و دولت و ہنسکام جلادت و وصولتیرین متمادی و افزون
 ایلک دعالری تکرار بتکرار تادیہ و تذکار قلمشدر صوب و الای عطوفت
 احتوای ولی النعمیلرینہ عبودیت و اختصاص قدیم ورقیت و اخلاصم
 عین صمیم اولمغلہ روزان و شبان دعوات اجابت آیات ولی النعمیلری اوراد
 زبان چاکرانہ م اولدیغی بیانیلہ تشکرنامہ چاکرانہ م ترقیمہ اجتسار و تقدیم
 خاکای اہتقرارلری قلمشدر ان شاء اللہ تعالی لدی الوصول بعد ازین
 دخی محتاج اولدیغم محاسن التفات و عاطفت بندہ پروری و لمعات توجہات
 سنیہ مکارمکستری ولی النعمیلری حق عاجزانه مده بیدریغ و رخشان
 و نام چاکرانہ م مشہوت جریدہ بند کان بیورلمق بانبندہ

(جوابنامہ)

ہموارہ ذات و الای مکارم اشتماللری مستنم نوالہ عافیت و اقبال و مغتنم
 موائد قدر عالی العال اولمقدن علی الاتصال خالی اولماق دعالری اداسیلہ

معروض بنده لیدر که بر مقتضای رابطه خصوصیت هر بار خدمت دعا
و ثنالی نه مداومت اوزره ایکن شیء کریمه بنده پروریلری لازمه سنجه
بودفعه فرستاده جانب چاکری بیوریلان هدیه بهیه لری برکت بخش
کیلاوصول ونهاده محل حسن قبول اولوب بنده کینه لری هنوز ذات
عالی لری نك صوب مأموره وصول میامن موصول لری تبریکنی متضمن
عریضه تقدیم ایده مامشیکن صوب سامیلرندن بوجمله الفضل للمتقدم
من ایاسنه مطابق * و تهاد و اتحابوا * مدلول منیفنه موافق سنوح ایدن
آثار همت و عنایت حق بوجه چاکر لینه هم موجب کمال ممنونیت و هم مستلزم
مزید محجوبیت اولمشدر آینه ضمیر عاطفتسمیر لینه عکس انداز اولدیغی
وجهله طرف دولتکزه درکار اولان خلوص و خصوصیت بنیان رصین
الارکان محبت و زلال صفوت اشتمال اخوت ترکیلری مثللو بین الناس
طاق طمطراق الفاظ منشیانه مدن عبارت اولان موالات رسمیه قیلندن
اولیوب حقیقه و حکامهرو مخالصتلی سوبدای دل و لاموئلزده جایگیر
اولغله همان جناب باری ذات معالیماتلرین هر حالده موفق بالخیر و ممتاز
عن الغیر ایلوب ادراکی تقرب ایدن ماه رمضان کثیر الفیضانی حق
عالیلرنده مستتبع صنوف اقبال و ابتهاج ایلمک دعواتنه مداوما خاصه
افتخا ص طبع خاص الخاص مکار مسازی لری سیاقنده عریضه چاکرانه م
تقدیمه ایتد ارقلندی ان شاء الله تعالی لدی شرف الوصول بعد ازین دخی
جانب بند کانه م توجهات سنیه لرندن دور بیورلیوب ورقپاره عاطفت
اماره ولی النعمیلرله ممنون و مستدار بیورلمسی مسئؤل و متمنای
عاجزانه مدر

(عرض خلوص و محبت)

فردوس مزیت و حیثیت اولان ذات بهی الصفاتلری دستیارئی باغبان
لطف پروردکار ایلله همیشه شادا بتر تندرستی و عافیت و کلدسته زرتار
طبع عالی لری خارا کدار دهر دن محفوظا رونق شیشه استراحت اولوق

دعاری وردیله عندلیب زبان روزان و شبان نغمه کو یان اولدیغنی بیان
مقامنده کلابدان علم و عرفان اولان قلب کشاده لینه انبیک خامه مشکین
جامه دن بو وجهله تقطیر عطر شاه مرام اولنور که جناب مرؤتابلریله
میانه خلعتنه ده مغروس و محروس بوستان ارم نشان صدق و صفاده
نابت و ثابت اولان دوحه مهر و ولا آنا فانا تربیتکاری فیض خدا ایلله
نشوونما اوزره اولدیغنه مبنی ثمره شجره حب و ووداد اولان ازهار مشک
آثار مرسله ایلله تعطیر دماغ سرور و حبور ایتمک وظیفه تربیه ساز روضه
خلوص اولمق حسبیلله هر بار هبوب نسیم عنبر شمیم صحت و استشمام
سنبلبوی عافیتلرینه روزنه چشم کشاده و مسام جسم آماده ایسه ده
برمدت در انقطاع روائج فوائج عافیتلری و قوعیلله دماغ جان مبتلای
زکام احزان و مرغ نواساز دل ناتوان قفس بدنده ناله کنان ایکن بود دفعه
مناسب عازم وقوعنه مبنی خاصه افاده حال و استکشاف غنجه طبع
مرؤت اشتمالاری ضمیمه برل قرطاس عریضه رشاشه کاه کاک شافریضه
قلغمغله ان شاء الله تعالی نکاه التفات و مرؤتلی شایان بیورلدقده مانند
زاغ آغستوس تاب تموز هجر ایلله مایوس اولان بنده خلوص مأنوسلری
جمع عین الحیات فضل و کمال و منبع لطف و مرؤت بیهال اولان قلب
شریف لرندن رمکرده دور باش فراموشی بیورلمیوب قطره آب مداد دانه
نقطه بکساطر جالب الفوائد لیه دلشاد و بستان پر مرده خاطر من رشک آور
ارم ذات العباد بیورلمق باینده امر و کرم

(توصیه نامه)*

جناب حق و فیاض مطلق وجود عالیترین عوارض کونیه دن مامون
وایام عمر و دولات و اجلالترین روز افزون ایلله آمین دولتو عطا و قتلو
افندی حضرتلرینک برادر زاده سی و کتخداری افندی بنده لری بود دفعه
باوا امر علیه بعض خصوصه مأموریتله صوب سامیلرینه بعث و تسلیار
بیورلمش اولمغله موی ایه هر حوم و مغفورله پدر بک افندی نیک

امکدار زاده سی اولق ملا بسه سیله جناب سنی المناقب داورانه لرینه
 مخصوص اولان نسبت توارث و ترددی ضایع اولمیوب دور و نزدیک
 اجزای دائرة زاهره آصفانه لردن محسوبیتی بدیدار و مشار الیه
 حضرت تبری عنده محبوبات القلوب و ممدوح الاطوار اولوب نفس الامر
 ادیب و لیب بر بنده لری اولدیغی و محل آخره کوند رملکدن صرف نظر الیه
 طرف مستجمع الشرف دستور یلرینه ارسال بیورلمسی هم جناب
 عالی رینک و هم مشار الیه اولدیغندن نشأت ایلدیکی وارسته قید
 اشعار و شمیه قدر طرف مشار الیه دن نزد و الارینه بو مشالو
 مأموریت الیه بر بنده لری ورود ایتماش اولدیغندن مو می الیه
 قوللری حقنده لازم کلان نوازش و عاطفتک اجرا سیله تلطیف و تطیی
 خصوصنده مناسبت تامه و جهت جامعہ درکار اولمغله بمنه تعالی رومائی
 خاکای حاجتروا یلر یله نائل دستمایه مباهات اولدقده موضوع محمّد
 کریمانه لری اولان سجایای بهایای دلنوازی و مکارم ساز یلری اوزره
 مجرای مافی البالنه جو ییار همت و عاطفتلری اجرا و روزنه امید و آمالی
 آفتاب محاسن انظار ولی النعمیلر یله روشنا بیور یلر ق مأمور اولدیغی
 مصلحتک حسن ختامیله ممنونا و مسرورا در علیه یه اعاده وارجاعی
 امرنده وفور مساعدۀ علیه و کمال مساعفۀ سنیه لری شایان وسزا وار
 بیورلق نیاز یله عریضۀ ثنآوری ترقیم و تقدیم قلنمشدن ان شاء الله تعالی
 لدی سعد الوصول مو می الیه بنده لرینک خدمت مشار الیه دن لزوم
 و اقتضای اولدیغی و حقنده سنوح و صدور اید جک مأثر جلیله
 آصفانه لری باعث حظوظیت کامله و مورث ممنونیت شامله اوله جعی
 محاط علم عالی لری بیورلدقده بر وفق متمنا و مسئول وایه دار نوازش
 و عاطفت و بهره مند مرؤت و عنایت بیور یلر ق سرعت حصول امور
 مأموره سیله بر کون اقدام عود و قفولی خصوصنه همت و الانه مت
 داورانه و مکارم و الطاف وسیعة الاطراف آصفانه لری شایسته

و در کار بیورلق باینده لطف و کرم ولی النعم افندم حضرت تری نکدر

(کذلک توصیه نامه)

تا که سایر ان عوالم طریقت و دایران دوائر حقیقت واردات حالات
و مقامات و مشاهدات مظاهر اسما و صفات ایله کاشف ظلام ریب و مین
و دافع اوهام این و بین اولاد چقه دائره فخره فروغ فامت داورانه لری شعشعه
شموس فیض و فضل الهی و کوكبه کواکب توفیق و تأیید نامتناهی ایله
غبطه فرمای مطالع فلک دوار و رشد آور تد او پر ثوابت و سیار اوله رق
بروج آستان دولت و اقبال و منازل درگاه ابهت و اجلال آصفانه لری
مشرق مطالب خاص و عام و مطلع لوا مع حصول مرام اولوق دعوائی
و ساطت و فور اخلاص ایله ایصال سر منزل حسن ادا و اکمال قلند یغی
سیا فنده عرض حال قولر یدر که واقف شؤنات اکوان و عارف
مزایای امکان اولان ذات موهبت سمات حقایق داینلر بنه مستغنی
تعریف و بیان اولد یغی و جهله کویچه ارادت ارباب سیر و سلوک
و بلکه اجزای عزم و اختیار هر مالک و مملوک مقلوب تقالیب چوکان
قدر و معلول تصاریف آفریننده قوی و قدر اوله رق برک و شاخ سکون
و حرکت موقوف مشیت حضرت رب عزت اولوق حسبیه فقرای طریقت
قادر به دن متوسل عریضه چاکری و رافع رقعہ ضراعت کستری
نوری افندی داعیلری بر مدت کشت و کذار بعض دیار ایدرک
بر زماند نبر و در سعادتده اقامت اوزره ایکن بود دفعه موجهه کلیه
سوق تقدیر ایله سالبه جزئیة اراده سی منج سیر و سفر اولمقدن ناشی
(شام کوخال رخ عرصه کینست تمام * خوش سواد یست بنه دلکه
علیکم بالشام) مدلولنجه کرئی شام جنت شام ایله بریده رنگ اختیار
و بلکه مهر رخشان صیت و شان و شکوه آصفانه لری کند و یه شبنم کذار
آرام و استقرار اوله رق جانب شام شریفه توجیه وجه عزیمت ایتش
واونه دنبر و اصحاب جاه و جلال دستیار ظواهر احوال اهل کمال

وفیضیاب بواطن ارباب وجد و حال اوله کلوب بانخصوص ذات والای
ولی النعمیلرینه نیک معروف و مسلم انام اولان جلال شیم ملک پسند
و محاسن هم فلک پیوند آصفانه لری اقتضاسنجہ فقرای طرق علیه
حقارنده رعایت و حرمت داورانه لری مشمول بیوریه کلدیکنه بناء حق
درویشانه سنده بالطبع لطف و کرم خدیوانه لری شایان بیوریه جعی
بیدار ایه ده تعریف بنفسه مشکل اولق جهتیه طرف کترانه مدن
خاکای عالیلرینه عریضه مستندانه التماسنده اولدیغندن لسان
اصحاب حاجاتدن تحریر عرضحال مثللو ترقیم رقعه عبودیتہ اجتناسار
قلمش اولغله موحی الیه داعیلری من جهة الطریقه العلیه وایه مندی
ماثر نفوس زکیه و بهره ورئ مناقب قلوب صفیه الیه پیرایه دار کوهر
انسانی اولدیغندن بشقه من حیث المشرب دخی ادیب و سخنندان
واهل دل و عرفان اولدیغنه و لاسیمایا پیر و طریق سعادت رفیق اولدیغی
حضرت پیر قدس سره الخطیره حرمة حق فقیرانه سنه چشمه سار لطف
و عنایت وجو بسیار برو عاطفت آصفانه لری اجر اسیلہ استجلاب دعوات
خیریه سنه مساعدۀ سنیۀ ولی النعم و همت علیہ کریم الشیمیلری معطوف
و مشمول بیورایق باینده امر و فرمان

*(کذلک توصیه نامه) *

من القدیم صوب سائی ولی النعمانه لری نه خلوص و عبودیت و تمخص
و خصوصیت در کار اوله رقر روز و لیلای دعای دوام عمر و دولت و اجلال لرین
پیرایه ناطقه حال و قال ایتمکده اولدیغمی حضور اہت موفور مشیریلرینه
عرض و انہایه مناسبت تامه وقوعی اخص آمال بندکانه م ایکن متوسل
عریضه چاکری بنده لری بودفعه در سعادتہ ورود و برقاج کون
مسافرت الیه و مالی خاکای دولت لرین نصب عین اتخاذا یدرک جانب سنی
الجوانب عطوفیلرینه عزیمت ایتمکله موحی الیه بنده لری نیک بر مقتضای
انجذاب آب و دانه اکثر اوقاتی طشره لده گذران الیه کرم و سرد روز کار

کورمش و بولندی و وزیرای عظام قزنداشلری دائره لرنده حال
 عاجزانه سنه کوره منظور نظر التفات اولمش بر بنده لری اولوب اگر چه
 حسب القدر دستمایه رفاه و راحت تحصیل وایه دار اوله مامش ایسه
 دخی الحاله هذه اختیار اوله رق دیار غربتده کشت و گذاره تحملی
 و المدیغندن بشقه لله الحمد و المنه سنجاغنگ اعلا و ادنا و پیر و برناسی سایه
 معالی وایه ولی النعمیلرنده محی و مستظل و بالخصوص چا کر مستدیلرینک
 طرف دولتیرینه اولان خلوص و عبودیتیم جهتیه اقربا و متعلقات
 عاجزانه م حقلرنده حمایت و صحبت علیه لری مبسوط و شامل اولدیغی
 بدیدار اید و کندن موی الیه بنده لری بعد ازین سیر و سفری ترک الیه
 ظل ظلیل داورانه لرنده نواله رأفت و عاطفت سنیه لریه متنع و آثار
 مساعدات بهیه لریه مترفه و مغتنم اوله رق بقیه عمرینی دعای عمر و دولت
 مشیریلرینه صرف ایتمک امنیه سنده اولمغله روسایه خاکای معالی
 احتوای ولی النعمیلرینه مشرف و مستسعد اولدقه خاصه چراغ افروخته
 کریمانه لری اولمق و باب دیگره التجادن آزاده بیورلمق اوزره بندکان دائره
 فاخره لری زمره سنه الحاق بیوریه رق مقتضای شیه کرمیه
 مراحمکاریلری اوزره از هر جهت حق مستندان سننده حسن انظار
 عنایت آثار داورانه و لطف و اشفاق معالی وفاق مشیرانه لری شمولیه
 رهین شادمانی و مسار و بوجمله چا کردیرینه لری دخی وایه مند مبادات
 و افتخار بیورلمق نیاز مخصوص بندکانه م اولدیغی عرض و انهایساقنده
 عریضه چا کرانه م ترقیمه مبادرت و ذریعه ابراز خلوص و عبودیت
 قلنمشدران شاء الله تعالی لدی شرف الوصول بروفق نیاز اسعاف مسئول
 بندکانه مه مساعدت سنیه و هم بهیه بنده نوازیلری معطوف و مشمول
 و حق چا کرانه مده توجهات علیه خدیوانه لری مبسوط و موصول
 بیورلمق باینده امر و فرمان

(کذلك توصیه نامه)

بکان معدن همایوننده کائن قادری تکیه سنده پوست نشین اولان حامل
 عریضه چاکری فضیلتو افندی داعیلری بر مقتضای جاذبه آب ودانه
 بوندن اقدحجه آستانه سعادت آشیانه یه ورود و بودفعه ینه خاتقاه
 فقیرانه سی جانبیه عازم وعائد اولوب موحی الیه داعیلرینک امر تعیشده
 فقر و ضرورتی اولدیغنه بناء سلفری پاشاقرنداشلری وقتنده طرفلرندن
 بعض تعینات الیه مکرم و مسرور بیورلمش والحاله هذه مظهر مدیحه نعم
 الخلف اولان ذات ستوده سمات آصفانه لرینک تشریفلری وقوعیلده
 صوب سامیلرندن دخی اومشلو عنایت وعاطفتک مع زیاده ظهور
 واحسانی مامولنده هنوز خاکای مکارم انتهای ولی النعمانه لرینه
 عرض مافی الضمیر ایده مامش اولدیغندن بویابده نیاز عاجزانه ملک نزد
 عالیلرنده رهین حیز اعتبار بیورلمسی اعتقادیلده طرف بند کانه مدن التماس
 دلات ایتمکله اوتنه دهر و صدقه جاه وجلال وحسنه مجد واثال اولوق
 اوزره فقرای طرق علیه حقارنده اجرای لازمه حرمت وعنایت اجله
 دولت کرام حضر ائنه وبانخصوص ذات سنی الصفات ولی النعمانه لرینک
 شان وشعار معالی آثار لرندن وموحی الیه داعیلری حد ذاتنده (سیاهم
 فی وجوههم من اثر السجود) سرینه مظهر وصلاح وصفوت وفقر
 و ضرورتی روایح حالدن مستبان اوله رق هر حالده همت سنیله لرینه افتقار
 واستحقاقی اظهر اولمغین منتسب اولدیغی قطب دائره ولایت ویشوای
 ارباب طریقت ذات عبدالقادر کیلانی قدس سره العالی حضر تله لرینه
 حرمة وکندوسنک حسن حالنه رعایه موحی الیه داعیلرینک حق
 مستحقانه سنده ماثر عنایت وعاطفت ولی النعمیلری مشمول وحصه
 مندی نعم جلیله لطف ورافتله نائل مأمول بیورلمسیله بنده کینه لری
 دخی مراتب مسار ومباهاته موصول بیورلمسی مسئل چاکرانه م
 اولدیغی بیانیله تأکید ضابطه خلوص وعبودیتیم سیاقنده عریضه
 اخلاص فریضه تحریرینه ابتداء و مرفوع پیشگاه معالی دستگاه

مکار مقرر لری قلمشدران شاء الله تعالى لای شرف الوصول بروجہ متمنا
موی الیہ داعیلری حقندہ مساعفات بہیہ عنایت آثار لری تسویغ
وہر حالہ حق بندکانہ مدہ محاسن توجہات سنیہ ولی النعمانہ لری
بیدریغ بیورلق بایندہ امر و فرمان

* (استرحامنامہ) *

ہموارہ جناب رب عزت ذات ستودہ منقبت ولی النعمیلین متکی
وسادہ عافیت و دولت و چاربالش نشین اجلال و بہت ایلوب رہنمائی
لطف و عنایت چارہ سازی و مشککشای عون و مرجت عاجز نواز یلری
دستگیر خاکساران وادی کر بت و مددرس فتادکان بوادی فلاکت
اولمقدن خالی اولماق دعواتی باصدق طویت مرفوع بارکاہ اجابت
قلمدیغی سیاقندہ عریضہ بندہ مستمند مستوعب الحیرت لرید رکہ او تہ دنبرو
محاذات طاق مقرنس رواق سپہر ایلہ شہر تشعار اولان باب مراحم
ما ب ولی النعمیلرینہ منسوبیتلہ کسب امتیاز و افتخار ایدن بندکان
صداقت نشانلرینک دیدہ خوابیدہ بخت ناہمواری فیض الطاف شاملہ
الاطراف مکار مکار یلریلہ بیدار و چنزار امید و آرزوی سینہ فشاری اثر
حمایت و صحابت عاطفتشعار یلریلہ آزادہ آسیب روز کار اولہ کلدیکی
واضح و آشکار اولوب چاکر بے تقدار لرینک دخی مرکز خلوص
و عبودیت لرنده ثبوت قدم و ثبات قدم عاجزانہ م نزد معا لیوفد
کامکار یلرنده نمودار اولہ رق سفرہ آمال بندکانہ م سباط بر و احسان
ولی النعمیلرندن وایہ دار و کاسہ امانی چاکرانہ م زلال لطف فراوان بندہ
پرور یلریلہ سرشار اولمقدن ناشی نائل اولدیغ محاسن توجہات علیہ لریلہ
استغنا فروش فلک دوار و لیل و نہار دوام ایام عمر و دولت و اقبال
واجلال لری دعواتیلہ ناطقہ زیب تکرار اولمقدہ ایکن سایہ ہماوایہ
رحیمانہ لرنده فراہم شدہ اولان انتظام احوال عاجزانہ مہ چشم غدار
زمان اصابت ایدرک ہم خاصہ کبریت احمر و عقد پروین چرخ برینہ

همسر اولان نظر عاطفت ودائرة زاهره مستوجبة المفخر تلزندن دور
 ومهجور اوله ليد نير و تنيه سازي باغبان عنايت ليله نشانده اولان نخل
 سروسامان كترانه م تند باد جور دورايه شكسته نهال و تربيه پردازي
 آشيان عاطفت ليله قوة طيران بولان شهباز قدر و اعتبارم ضرب مشت
 قضايله ريخته بال اولوب دور بين اندیشه و افكار ايله هر نه جانبه مد نگاه
 اميد ايتش ايسه م كوه سار يأس و حرمان نمايان و بريد سبك سير خيال ايله
 هر نه جهندن مدد خواه عنايت اولمش ايسه م (فر ياد بي كردم
 و فر ياد رسي نيست * كويا كه درين كنبد كردون كسي نيست)
 خبر لري و اصل سامعه ايقان اولديغندن بال بر بلبالم مانند سياب لرزه ناك
 اضطراب و كريمان احوال عجز اشتهالم چا كچاك كشاكش پيچتاب و زبان
 بيچالم (كيف لاشكو و قد زادت تصاريف الحزن) نشيده سيله طنين
 اندازنه قباب اوله رق بالتضرع و الالبتهال خامه پریشان مقال ايله ترقينه
 متجاسر اولديغم اشبو عرض حال پر ملالم تقديم پيشگاه كردون ساقا لمخين
 ملاذ و ملجأ انام اولان ذات مراحم سمات ولي النعميلر ينك اندك مرهم
 عنايت عليه لري موميای دلشكستان صدمه دوران و نينگاه عاطفت
 سنيه لري دواي براء الساعة رنجوران اوضاع چرخ بي امان اولمقدن ناشي
 في الاصل مظله نشين لطف و كرم بي پايان و مألوف و معتاد بروا حسان
 فراوان لري اولان بنده قدیم خلوص نشان لري از سر نو ذيل جريده بندگانه
 قيد ايله مسرور الجنان بيوريله رق مقتضای شيمه كريمة چراغ پروريلري
 اوزره حق عاجزانه مده محتاج و اميد وار اولديغم توجهات مكارم آيات
 ولي النعمانه و تعطفات فائضة البركات كريمانه لري در كار و شايان و بووجه
 چا كر لري مجدد الاحيا و شادمان بيورلمق بانبده

*(استرحا منامه) *

جناب حق جل و علا مبارك وجود بهبود ولي النعمانه لرين كافه عوارض
 كونه دن مصون و ايام عمر و دولت و اجلال لرين آنا فانا متزايد و افزون ايلك

دعواتی تقدیم و هزار ضراعت و اشتهال الیه مرا اسم خا کبوسئی عتبه
 سنیله لری تتم قلندیغی سیاقنده عرضحال قوللریدرکه طرف ولی النعمیلرینه
 قدیمی و صمیمی درکار اولان و فور صدق و خلوص و کمال تحض مخصوصم
 قید بیاندن مستغنی والی آخر العمر بندکی باب مراحم ما آب سامیلری
 شرفیله مفتخر و مبااهی اولدیغیم شائبه ریب وریادن آزاده اولوب زمره
 بندکان نوبنوخا کپای ولی النعمته تنویر چشم خصوصیت ایدرک تزیین
 لباس عبودیت و اکنساب سعاد و مفخرت ایتک وظیفه واجبه دن و علی
 الخصوص عبد مکینه لری اول وادیده بندکان سائر یه سبق و تقدم
 ایلک قدم رقیت و اخلاص و مزید نسبت و اختصاص مقتضاسندن ایکن
 نابسامانی طالع عاجزانه مدن ناشی بعض بنده لری طرفندن قوللری
 حقنده صورت استرقاب الیه معامله احساس اولنق ملا بسه سیله قوللری نیک
 خلوص و طویتم تحسند بر کونه عوض و غرض مستور اولیوب از دل
 و جان عبودیت تامه ده ثبوت قدم و صدق و استقامت کامله ده ثبات قدم
 چا کرانه م نزد والای عنایت احتوالزنده روشن اولدیغنی و اقتضای شیه
 کریمه نصف و معدلت کاریلری اوزره هر حاله عبد قدیم و چا کر مستدیلرینی
 دقتر بندکان دیرینه دن حک و احیا بیورمیه جقلرینی عن اعتقاد جزم
 و امضا ایتش اولدیغمدن نزاکت طبع عالیلری جهتیه شاید ذات
 معالیمات کریمانه لری نه طرف کترانه مدن طولای ادنی بر صقندی عارض
 اولور و صرآت ضمیر ولی النعمیلرینه بر نوع غبار تغیر اراث ایدر خوفنه بناء
 دقیقه مشروحه پی کندی تصور مدن بیلرک مطلقا تحصیل رضای
 عالیلرینه منتج اولنق املیله بر مدت تدنبر و ظاهرا اختیار مسلک بیکانکی
 ایدوب نصب عینم اولان حضور معالی و فور لری نه ملازمتدن محرومیتله
 داغ بردل اوله رق شرف عیدین الیه سنده ده برایکی دفعه نائل اوله بیلدیکم
 رومالی خا کپای دولت و کوهر پاره مخاطبه عنایتلریله نشوه یاب قناعت
 و جریحه فواد عاجزانه م او قدرجه هر هم استحصالیله دوا ساز تسلیت

اولوب همان دعای بقای عمر و دولتری خدمتی التزام ایتمش ایدوم
 واتخاذ ایلدیکم اصول حاشا استغنائی چا کرانه مدن و یا خود لازمه
 عبودیتده فتور مدن ناشی اولیوب دور و نزدیک عتق و آزاد قبول ایتمز
 خالص و مخلص عبد متخصصی اولدیغم مجلای الهام اولان مبارک قلب
 حقایق آشنای ولی النعمیلرینه حواله اولمغله مجرد افاده حال و کیفیت
 و تجدید برات رقیتم سیاقنده عرض حال ضراعت اشتغال تحریرینه اجتناسار
 و تقدیم پیشگاه مر احم قرار لری قلمشدر ان شاء الله تعالی لدی شرف
 الوصول ادعیه خیریه ولی النعمانه لرنده بر آن و بر زمان قصور چا کرانه م
 اولدیغمی رهین علم عالیری بیورلدقده هر حالده امیدوار اولدیغم توجهات
 علیه بنده پروریلری حق عاجزانه مده لطف و مرحمة شایان و سزاوار
 و ضروری الوقوع اولان قصور چا کرانه مک عفویله فرق سرور و ابتهاجم
 موازی طرح دوار بیورلمق باینده

* (بغداد ملاسی طرفندن اولمق اوزره بالالتماس قلمه النمشر) *

کوهر کرانه های ذات فلاطونسمات بیدایلری زیورا کلیل دولت و اقبال
 جاودانی و پیرایه مفارق ابهت و اجلال کامرانی اوله رق مهر منیر
 فروغامت خدیوانه و بدرتابان شان و شکوه داورانه لری بر تواند از اقاصی
 وادانی و جلا سازعیون اصحاب امانی اولمق دعواتی تقدیمیله عریضه
 داعی ء ثنا فریضه لریذ رکذات معالسمات ولی النعمیلرینه موهبة ازلیه
 و خصیصه فطریه اولان مکارم اخلاق و مر احم و اشفاق مشمول الآفاق
 قلوب جمله عالمیانی جانب سنی المناقب کرمیمانه لرنه جذب و تسخیر
 و بالتخصیص لوا مع انوار عنایت و الطاف ولی النعمیلری بوداعی
 قدیملرینک دیدۀ امید و آملنی نوبنو تجلیه و تنویر ایتمکدن ناشی (دعای
 دولتک دنیا به لازمدر بکا الزم) مؤداسنجه جمله دن زیاده خدمت جلیله
 دعوات خیریه داورانه لرنه حصر اوقات ایتمش اولدیغمه مبنی نکهبانی
 هم عایه لریله در سعادتدن حرکت عاجزانه مده جنة الاسمای دعای

بیریارین حرز الامان و نسخه تحت و ثنای کریمانه لرین تمیّه بازوی دل و جان
 ایدرک مصحوب بالسلامه بغداد بهشت آباده وصول داعیانه م میسر اولوب
 الان ذمت خلوص و اختصاصه مترتب و متحکم اولدیغی وجهله هر صبح
 و شام و علی الخصوص شرفیاب زیارتی اولدیغی مراقد مبارکه ائمه عظام
 و مشاهد منوره اولیای کرامده تزیاید ایام عمر و دولت و توافر اسباب شان
 و جلالتلری تمنیاتی زیور زبان حسن ادا ایتدکده اولدیغی عرض و انها
 سیاقنده عریضه خلوصاً لم ترقینه ابتدار و تقدیم صوب مکارم قرارلری
 قلمشدر ان شاء الله تعالی لدی شرف الوصول رهین لحاظه عاطفت
 شموللری بیورلدقده (کالشمس تشرق فی قرب و فی بعد) مدلولانه ماصدق
 اولان توجهات علیه اصدقا نواز یلری حق عاجزانه مده کما کان شایان
 و ارزان بیورلمق بابنده

* (استرحامنامه)

سایه هماوایه حضرت کیتی ستاینده حائز رهنه احسان و عنایت و مظهر
 انظار سنیّه لطف و عاطفت اولان بندکان دولت ابد مدت دائماً ایفای فریضه
 شکر گذاری و صداقته دقت ایدرک کافه احوالده رضای میامن اقتضای
 شاهانه تحصیلنه بذل ماحصل وسع و مقدرت ایلک فریضه ذمت
 و عبودیتلری اولوب چا کر کینه لری دخی مجرد تموج بحر بیکران الطاف
 علیه دن ناشی من غیر استحقاق نائل امتیاز اوله رق حق عاجزانه مده
 متعاقب الظهور اولان مواهب جزیه نک کما ینبغی ادای واجبه تشکرنده
 عاجز و قاصر اید و کی درک و اذعان و تقدینه عمری اغور هما یونده صرف
 ایتک نیتنی ثبت صحیفه دل و جان ایله امور مأموره عاجزانه مده طریقه
 انیقه اعتدال و اتبهاهه دقت و محمول عهدّه کترانه م اولان خدمات
 سنیه نک حسن تسویه سنه سعی و غیرت قیدنده اولمش ایسه مدخی
 بر مقتضای غفلت بشریت واقع اولان قصورم سببیله اهم افکار و اشغال
 و ظلم اعظم کنجینه آما لم اولان توجهات علیه دن دور و معجز اوله رق

لیل و نهار ادعیه خیریه سلطنت سنییه و دعای دوام عمر و دولتیرینه اشتغال
و مواظبتله ترین صحایف اعمال ایتمکده اولدینم در کار اولوب انجق حسب
الرتبه اداره دائره عاجزانه مخصوصنده گرفتار عجز واضطرار و مر احم
بیز احم دولت علیه یه شدت احتیاجم بدیدار اولمغله اوتنه دنبر و چا کر لری
مثلود و چا چار موجه اضطرار و محنت و متشبث اذیال لطف و عاطفت
اولان پیمار کان و مستمندان حقارنده اظهار لازمه دستگیری و مددکاری
ذات والای مر احم شعارینه مترتب اولان خصال حمیده مکارم کاریدن
اولمق حسبیلله مفطور اولدق لری شیء کریمه عاجز پروریلری اقتضا سنجه مقرر
و معترفی اولدینم جرم و تقصیرات بند کانه ملک لطف و مر حمة عفو و صفحیلله
پفکرده روز کار اولان شمع آمال و امنیه چا کرانه م مشکوة الانوار مکارم
و احسانلریله از سرفروزان و حالمه حسببان بر منصب ایله شاد کام اولمق لغم
خصوصنه مساعده علیه ولی النعمیلری مشمول و شایان بیورلمق نیاز یله
عرض حال چا کرانه م ترقیم و تقدیمه ابتدار قلمشدر ان شاء الله تعالی
لدی الوصول قرین علم ولی النعمانه لری بیورلدقده بروفق نیاز مستمندانه م
لطف و همت علیه لری مبذول و مشمول بیوریلر ق چا کر کتریلرین مجدد ا
چراغ و احیا بیورملری باینده

(عرض عبودیت)

همیشه حق جل و علی ذات معالسمات ولی النعمی و جناب مکارم اب
سنی الشیمیلرین زیور افزای مساند والای دولت و اقبال و پیرایه بخشای
ارائک علیای اهت و اجلال ایللیوب هر حالده و هر محله بوفیقات علیه
وفیوضات سبحانیه سنه مظهر بته مبتهج البال ایلك دعواتی علی وجه
الابتهال زیب ناطقه ادا و اکمال قلندینغی سیاقنده عرض حال عبد صادق
المقالریدر که مخصوص ذات بی الصفت ولی النعمیلری اولان سبحایای
به ایای چا کر پروری و خصال مر احم اشتغال عاطفت کستریلری اقتضا سنجه
جمله بند کان و بالتخصیص بو چا کر شا کر الاحسانلری حقنده مشمول و شایان

بیوریلان ماثر علیه وجلائل تلطفات سنیه لری قوللرین غریق بله
 منونیت و مفخرت ایتمکدن ناشی هر چند بعد صوری وقوع عبولسه دخی
 من حیث العبودیه نزدیکی معنوی چا کرانه م درکار اوله رق متحتم دست
 بند کانه م اولدیغی وجهله همه آن مرکز خلوص و خصوصیتلرنده راسخدم
 و مقام صدق و عبودیتلرنده ثابتقدم اولدیغم نزد معالیوفد کرمیانه لرنده
 مستغنی قیدرقم اولمغین همان حق سبحانه و تعالی حضرتلری وجود
 مراحمود ولی النعمیلرین اکرار روز کردن مصون و مأمون
 و متکا پیرای عافیت و اجلال ابد نمون ایملک دعواتی (و حیث اتجهتم
 ساعدتکم سلامه * و یرعیکم الرحمن من کل جانب) تمنایله تذیل قلمقده
 ایدوکی بیانی عریضه چا کرانه م تحریر و تقدیمه بادی اولدیغی ان شاء الله
 تعالی رهین علم عالیلری بیورلرده هر حالده جانب بند کانه م محاسن
 توجهات سنیه لریه وایه دارمباهات و افتخار بیورلمق باینده

(جوابنامه)

سلام افواه انام و موضع جنباه خواص و عوام اولان عتبه بلند هر تبه
 ولی النعمیلرینه غایت توقیر و احترام ایله نهاده و جنبه رقیبت و ایستاده عین
 عبودیت قلمه رق ترادف ایام عمر و دوات جاودانی و تضاعف فروصولت
 کامرانیلری دعواتی زیور ناطقه حسن ادا و سامعه کزین ملاء اعلا
 قلمدیغی سیاقنده عرضحال ضراعت اشتغال بنده محقر و چا کر کمتر لیدر که
 آفتاب عالم آرانک حضیض خاکه تنزلنه مشیل و بحر زخارک خس و خاشاکه
 ترشحنه عدیل اولمق اوزره بود دفعه فلان قوللریه لطفا و کرمالرسالنه تواضع
 بیوریلان احساننامه علیه ولی النعمیلری مانند همای نجسته پرواز کلاه
 شاهد وصوله باسط جناح فیض انداز اولوب کاه زپیش دهنده
 لب ابتهال و ضراعت و کاه آرایش بخشنده رخساره مباهات و مفخرت
 اوله رق سواد کلام عنایت ارتساحی سرمه چشم اخلاص بندکی و بیاض
 مابین السطوری پیرایه جبهه اختصاص و افکندکی قلوب مزایای معالی

احتوای دلنشینی قرین اذعان عبد کثرینلری اولمغله استغراق تعطفات
ولی النعمیلریله حیرت زده و لال و اینای تشکر الطاف وسیعة الاطراف
ولی النعمیلرنده عاجزوبی مجال اولدیغنه مبنی لسان الحال انطق من لسان
المقال مصداقی اوزره عن صمیم البال ارتفاع ستون شان و شکوه و دولت
و اتساع خیام مجد و آثال و ابهتلی دعوات مستطابه مأموله الاجابتی
درگاه احدیته موصول قلندیغنی بیانی وسیله ابراز عبودیت و خصوصیت
اولمشدر ان شاء الله تعالی لدی شرف الوصول محاط علم کیتی پیرای
خد یویلری بیورلدقده بعد ازین دخی خورشید مـ ارم و اعطاف
ولی النعمیلری باره عاجزانه مده لامع الانوار و محاسن الطاف آصفانه لری
حق چاکرانه مده شایان و سزاوار بیورلمق باینده

*(جوابنامه) *

بودفعه بر مقتضای مأموریت بولیدن نهضت و قونییه یی تشریف الیه بسط
بساط استراحت بیورلدیغنی مبین و طرف چاکری به درکار اولان محاسن
توجهات بنده پروریلرینی متضمن ارسال بیوریلان التفاتنامه سامیلری
انمله پیرای ورود و مال مکارم اشتعالی رهین اذعان چاکر خلوص نمودلری
اولمشدر سنجیده کهر کرانه هایه کوره موضع قرص نکین الیه موقع محفظة
کزین من جهة الاعتبار مساوی و سیان اولمق قضیه سی ناهزد حال
و شان معالیه عنوان ولی النعمیلری اولدیغندن بشقه واقف مزایای امکان
و عارف شؤنات اکوان اولان ذات معالیه سمات حقائق شناسیلری
هر حالده و قوف دقایق و حکم سبحانیه و مطالعة مزایای مقدرات الهیه الیه
قیود چون و چرادن تفریغ بال و بلکه صحیفه مزایای جلاده چشم جهان
بین رضا و امتثال الیه تماشای تمثال جمال بیوره جقلمری بی شک و اشتباه
و بومعنایه فیض اشنایی حضرت جلال الدین رومی اعدل کواه اولمقدن
ناشی طرف چاکرانه مدن معرض تسلیمده ایراد کلامه مبادرت حد
و مقدار کترانه مدن بیرون ایدوکی رهین بداهت اولدیغنه بناء بوبابده بنان

آداب عبودیت دهان قلم عاجز رقم ضراعت مه رزن سـ کـوت اوله رق
دعای بقای عمر و دولت واجلالری تکرار یله تزیین صحایف رقیت قلمش
اولمغله مجرد استبقای توجهات علیه ولی النعمیلری سیاقنده عریضه
چاکرانه م ترقیم و تقدیم خاک پای کیمیا و سیمیلری قلمشدر

(احبادن برذاته)

کهواره زیب شهود اولان مخدوم سعادتلمز و دلمزینک تاریخ میلادی
طرف عاجزانه مه احاله و تفویض بیورامش اولوب غواص اندیشه
وساطتیه هر نه قدر لائی تاریخ برآورده ساحل ظهور اولمش ایسه
جمله سی منقل مقصوددن زیاده واقع اولمغله بو کیفیت در ثمن صدف امکان
اولان وادمکرملرینک عمر نازنینی مر داد اولمسنه دلالت ایدر بر اشارت
پر بشارت اولمق اوزره تفال واستبشار اولنوب تعمیه لطیفه ایله بریسی
انتخاب و صوب والا رینه تقدیمه شتاب اولمغله مع القصور ثبت جریده
قبول بیوریلوب بوندن بویه دخی نظم نظامی مانه و تحریر حریری
پسندلرندن بنده بیرالری محروم بیورلما مق مسترجادر

(تبریک وزارت)

همیشه طره توقع بهجت فروغ دولت و اقباللری غبطه فرمای سنبله کردون
وغره رایت سعادت ایت واجلالری جلوه بخشای مردمک عیون
اولمق دعاری برداشته درگاه ملک بیچون قلند یغی سیاقده معروض
چاکر اخلاص مشحون لریدر که کوهر ذات بهی الصفاتلرنده کائن
وما یفطرت اصلیه لرنده مستکن اولان قوه استیجاب و اهلیت و مودعه
استیهال و لیاقت مقتضاسی اوزره بوایام فرخنده انجامده حق احق
عالی لرنده خورشید عواطف حضرت شهنشاهی پرتوافشان بروعنایت
اولوب رتبه والای وزارتله سنجاقلری عهده سنبله رینه توجیه و احسان
و کوکب درئی اقباللری هم کوکبه فرقدان بیورلمق حسبیه قلم صنع
قدردن ظاهر اولان بونقش بدیع مسرت خانه درون و کاشانه

خلوصه قروغنی مالامال زیب وزینت شادمانی وفرحت ایتمکله همواره قلم
وسیف دولت و اقبال لری باعث تزايد نظام عالمیان و هر حالده رأی رزین
اصابتقرین و تدبیر دلپذیر اثر رهینلری موافق تقدیر خالق کون و مکان
اولمق دعاری ادا و تکرار اولنوب اینای رسم مرعی تبریک و تمنیت ضمیمه
عریضه چاکرانه مرقمینه مبادرتله ذریعه ابراز خلوص و عبودیت
اولمشدر

(خلوصنامه)

ذوالجود و المکارم و الفضل و المنن ذوالمجد و المفاخر و العز و العلی صفة
کاشفه لری اولان ذات کامکار مر اجمشعار لری همواره عوارض کونیه
وغوامض دهریه دن امین و سایه هما و ایه لری آسایش دهنده بندکان دیرین
اولمق دعواتی تقدیمیه عرضحال فقیرانه مدرکه اوتیه دنبرود و دمان
داعیانه من نسبت تاده و خصوصیت متسلله ایلخاندان رفیع الشانلرینه
منتسب و بخصوص الخصوص داعی بیر یاری جنتمکان بک افندی
پدرلرینک مقناطیس لطف و نوازشریله شرف جوار التفاتلرینه منجذب
اولوب پرورده نعم جود و احسان و مستغرق هم و رعایت بی پایانلری
اولدیغمدن (فلا عیب فیهم غیران ضیوفهم * تلام بنسیان الاحباء و الوطن)
مدلولی اوزره تارک اندیشه دار و دیار و فراموشکننده اکدار روزگار
اوله رق دائرة زاهره لرینه محسوبیت جهت معاش و سرمایه انتعاش
اولدیغی جمله عندنده نمایان و مشار الیهک انتقالی جهتله رأس المال آمال
عاجزانه مربوده ایدئی حرمان اولوب هر نقدر حضور آصفانه لرندن مهجور
ایسه مدخی طرف مستجمع الشرفلرینه درکار اولان سررشته نزدیک
اختصاصم پیچیده انکشت امانت و دوری منزل بر تو مهر عالم ارایه حاجز
و حائل اولیوب بلکه تأثیرده ابلغ اولدیغی مطابق اصول حکمت اولمقدن
ناشی ذات سامیلری سنه ده بر کره اولسون اظهار روی التئات بیورملری
لوازم سحیه رضیه اصدقا و اواز یلرندن ایکن توالی موانع و مشاغل المعان

عاطفت و عنایتلری نه محاسب حائل اولمش اولدیغنی از عان الیه بر کون اولور
تنویر چشم انتظار بیوررلر امید و امنیه سیله عمومی و خصوصی ادعیه
خاندان عالیلرینه مدد اوم و حالا و قالامدحت و تحیت خدیو یلرینه ملازم
اولدیغیم آزاده قید و تفصیل اولغله حمد الله تعالی سر سعد افسر قدر و شان
والا لری فلک سوده و باجمله بند کان موروثلری ظل ظلیل کریمانه لرنده
آسوده اولوب ضمیر ذات بر میکانه لری (سبحان بر و نوال وی از بسط زمین)*
بساط حاتم طی ساخت طی کطی (سبحان) ضمیرینه مرجع احری و آب و تاب
مکارملریه نیچه تخم افسردکان بیابان اضطرار بک دانه امانی و آما لری
پذیرفته سنبله نشو و نما اولدیغنی مشهود و یغنه کاه عاطفتلرندن هزار عقده
مشکل حل و یک حرف عنایتلری بیان هر چهل اولدیغنده شائبه اشتباه
نا بود اولدیغندن اندیشه تحقق وقوع مکارملری غلبه سی اظهار رجا
و التجایه اقدار ایتمکله دآب قدیم خلوصوران اوزره اثبات وجود عبودیت
ضمینده رفع رقعۀ ضراعت و تحریک زر حلقه باب عنایتلرینه حواله دست
خصوصیت قلمشدران شاء الله تعالی لدی شرف الوصول داعیلری
خانکی قدیلری اولدیغمه بناء شکنج طرۀ شبرنگ امیدم شانه زده ستاره
صبح عاطفتلری بیوریلر رق خاتم خصوصیت کامله شان و ایت حاتم لریله
تطبیق و تصور متخیله عاجزانه مرهین مرتبه تصدیق بیورلمق باینده

(تبریک عید جوابی)

جناب شیرازه بند اجزای ایام و تمیز بخش فصول و احکام تنزهت ذات
الاقدر عن درک الافهام حضرتلری فصل الخطاب نسخه مکارم و کلمه
تامه مجموعه مرحوم اولان وجود بهر بود باهر السعود ولی النعمیلرین مسند
مشید دولت و اقبالده مستدام وظل ظلیل هماعدیل آصفانه لرین مبسوط
غیر مفارق منارق انام ایلمک دعوات تأدیه و اتمام قلمدیغنی سیاقده عریضه
چاکر مستها ملریدر که مقتضای محاسن فائده درون پروری و مستغای
مناقب رائقه کر مکسرتلری اوزره بود دفعه تهنیت عید سعیدی مشعرو کمال

توجهات علیه لری مبشر عین عنایت و محض هروت اولان مشرفه سنیه
 مشیریلری بشارت های ورود و باصره پیرای چاکر خاوص نمود اولوب الفاظ
 دلار اوسط و بدیعه الانشاسنده مستر اولان معانی لطیفه نواز شمنون
 و مضامین منیفه التفاتش خون بقدر الطاقه قرین اذعان بند کانه م اولمغله
 چاکر مستد یملری فی الاصل مشکوة الانوار اجاده واحسان و ملتقی الابرار
 مکارم بی پایا نلرندن اقتباس لمعه عاطفت واستفاضه رشحه عنایت الیه قبیله
 فروزمصباح مباهات و سیراب ساز روضه حاجات اولان بندکان ریا ازادکان
 ولی النعمیلرندن اولدیغمه مبنی وسائل عرض عبودیت اولان مواسم
 و ازمنه تهنیتلریله پیوسته مرکز صدق و خاوصده یابر جای استقرار اولدیغمی
 کاه و بیکاه خاکای عالیتریننه انهار بیان راتبه عهده بند کانه م اولدیغی
 ظاهر و عیان ایکن (تلطیف الخدام من شیم الکرام) مضمونی تأکید
 بو وجهله سنوح ایدن معامله جمیله تقدمانه و محامله جزیله تواضعانه لری
 ابر فیض اکین بالا مکینک خس و خاشاکه ترشح و تنزلنه مشیل و طرف
 بند کانه مه درکار اولان مزید توجه سامیلرینه اقوای دلیل اولمقدن ناشی
 ادراک تکرر عید الیه فرط سرور جاودانی و غلبه انشراح و کامرانی ساحه
 درون اخلاص مقرون چاکرانه حی استیعاب ایتدکله جناب حق عمر و دولت
 واجلاللرین آنا فانا مزداد و متعاقب القدوم اولان عید شریف اضحای
 حق عالیلرند مستلزم انواع میامن و اسعاد ایلیه آمین اول و آخر صوب
 سامیلرندن مشاهد اولدیغم مکارم سنیه قدر عاجزانه مدن برتر اولمق
 ملا بسه سیله هر قدر اطرای محامد نقیمه دستوریلریله زبان پیرا اولسمدخی
 (وان قیصا خیط من نسج تسعة * وعشرین حرفا عن معالیک قاصر)
 مفهومی اوزره استینای تحیت و ثنا و تشکر الطاف والاری بیرون پیرامون
 اقتدار اولدیغی ایتقان الیه فخر اوقات و احیانم دعای عمر و دولت و ادای
 خدمت مستوجب المنحدرت داورانه لرینه موقوف و محصور قلمغله مجرد
 فاده حال واستبقای تعظیفات بمن اشتغاللری سیاقنده عریضه بند کانه م

تقدیمه ابتداء قلندران شاء الله تعالی لدی شرف الوصول

(کذلک تبریک جوابی)

جناب نظام آفرین دهور و شهور و مرآت بنحشای بطون و ظهور تقدست
 ذاتہ عن احاطة الشعور حضر تری بدر البدور آسمان دولت و درة التاج
 هامة اہت اولان ذات مکار مسمات بید اینلرین همواره مساند جلیله
 عافیت و اقبالہ پر تواند از شرف حضور و آراء بلند فلاتون پسند
 آصفانہ لرین واسطۃ الامن بلاد و ثغور ایلمک دعواتی مسطور صحیفہ حسن
 ادا قلندیغی سیاقندہ عریضہ چاکر خاوص موفور لریدرکہ بندہ مستدیم لری
 آستان رصین الارکان ولی النعمیلرینہ تردد و محسوبیت ایلمہ مباهی و خوان
 احسان کریمانہ لرندن نائل نوال نامتناهی اولدیغی اجلدن حایل مواسم
 و فصول و قدوم اعیاد بہجت شمول تبریکاتی ذریعہ اتحاد ایدرک اراق
 اراق ایفای رسم دیرین عبودیت و استبقای توجہ عالیہ لرینہ مشارب اہم
 و ظایف بندگانہ م اولدیغی بیدار و دائرہ دائرہ مأموریت اولان تراحم
 اشغال حیل و لیتیلہ برمد تدبیر و تقدیم رسائلہ قصور چاکرانہ م وقوعی
 درکار ایشہ دہ دعای امتداد ایام عمر و دولت لری مقدمہ اوراد شب و اسرار
 قلندہ ایکن (عادات السادات سادات العادات) مدلولنجہ محاسن فائقہ
 بندہ نوازی و مکارم اخلاق خاطر سازیلرندن مترشح اولتی اوزرہ اہم خامہ
 لطف و احسان لرینہ مضمار سبق و تقدیمہ اظہار رخصت جولان ایلمہ ابراز
 توجہ منیف و تبریک و تسعید عید شریف سیاقندہ فرستادہ سوی
 بقاجوی قدیم لری بیوریلان ملطفہ ولی النعمانہ لری رسیدہ دست بندگانہ م
 اولوب بادئ امر دہ واسطۃ لامسہ ایلمہ دل خلوص موئل چاکرانہ م
 کسب اهتزاز و مسار و فتح و مطالعہ سنہ ابتداء برلہ فراند الفاظ بدیعہ سی
 کشیدہ رشتہ انظار اولدقدہ ہر کلمہ نوشین و ہر فقرہ دلنشینی مانند غذای
 روح مورث فیض و فتوح اولمغلہ بوو جہلہ حیز لیاقتدن افزون تر سنوح
 ایدن نوازش و التفات کریمانہ لری بندہ شرمندہ لرین از سرفردا خل ربکہ

مملو کیت و غرق غریق ممنونیت و مفاخرت ایتمکله جناب و اهب اللطف
و المنن عمر و دولت ولی النعمیلرین آنافانا مر داد ایدوب ادراکی تقرب ایدن
عید شریف اضحایی حق عالیلرنده مبارک و متین ایلك دعواتی تذکار
و تکرار قلند یغی بیانیله تشکر عنایت علیه لری سیاقنده عرضحال کترانه م
ترقیمه اجتسار قلمشدر ان شاء الله تعالی لدی شرف الوصول بوندن
بویله دخی

*(تبریک عید جوابی) *

جناب آفریننده منازل اهله اعیاد و زیایشده طبقات سبع شداد تعالی
شان احسانه عن وصمة التعداد حضر تلی عالیکهر خزانه ایجاد و مغبوط
کافئه اعالی و ایجاد اولان ذات ثاقب صفات آصفانه لری مسند مشید دولت
واقبال و متکای معلای مجد و اجلاله شرفبخش استبداد و آثار سیف
و قلم معدلت توأم داورانه لری سایان بلاد و عباد ایلك دعواتی تقدیم
و ایراد قلند یغی سیاقنده عریضه چاکر خلوص مر داد لیدر که بنده
مور مقدار لری موآند جلیله الفوائد نوازش و عاطفتلریله برورده و درخت
ما رب و اما لم تربیتکاری الطاف وسیعة الاطراف کریمانه لریله برآورده اولمق
جهتیه بندکی باب مر احم ما آب خدیوانه لری دستمایه مباحاتم و توجه
و التفات ولی النعمیلری رونق رخساره اوقاتم اولوب استطراق ماه و سال
و مقدم عید سعدا شتال تبریکی و سائلیلر وقت وقت ادای لازمه شکر نعمت
و ایفای مر اسم خلوص و خصوصیت ایتمک مترتب عهدۀ کترانه م اولدیغی
(القضایا قیاساتهامعها) قیلندن ایسه ده اقتضای مأموریت عاجزانه م
اولان توألی و فرت مشاغل بو امنیه نک حصولنه عاجز و حائل اولمق حسبیلله
خصوص تقدیم رسائله و وقوع بولان قصور ضروری ملازمت دعای
دوام عمر و دولتلریله تلافی اولمقده ایکن * نوازش بنده ناچیزه شان اهل
همتدر * مدلولنجه بودفعه تأکید توجهات علیه لری مبین و تبریک
عید شریفی متضمن ارسال بیوریلان التفاتنامه سامیلری تعریفات

تقدمات خسته بی حاوی اوله رق بر تو بخش ورود وباصره زیب شهود
اولد قدده عبارات مکارم استعاراتی مماثل فواکه جنان ومعانی معالی
مبانیسی عین سلسبیلدن نشان اولمقدن ناشی ذائقه جان و جنانه واصل
وحاصل اولان لاذنبدیعه جاودانی نمونه نمای غدای روحانی اولوب نائل
اولد یغم سلوت و سرور و فرحت و حبور حواصل سطور وار قامدن
دورادور اولمغله * همیشه تابود آثار دمنشیان کلام * بنام نائی ارباب مکرمت
منشور * ما اثر همکی منتشر بنام تو باد * چه در اما کن غیب و چه در مقام
حضور * منظومه تحیت مفادی باوجود عافیت واجلال نیچه اعیاد
شرف معتادی ادرال آصفانه لری میسر و مشهود اولمق تضرعاتیله مستزاد
قلمشدر مقتضای عبودیت اوزره طرف کترانه مه عائد اولان خدمات
سینه آصفانه لرنده قصور و فتور بند کانه م اولیوب شرائط رقیقی اجرایه
ساعی اولد یغم عند سامیلرنده محتاج کواه اولما مغله استبقای توجهات
علیه و تشکر سانحات بهیه لری ضمننده عریضه چا کرانه م تقدیمه مبادرت
قلند یغی

(کذالك تبریک عید جوابی)

جناب نضار بخش طلعت عید سعید و نسق ساز مطالع نیرنا هید تعالی شانه
عن التعریف والتحدید حضر تلی حائز رهینه فیض مزید مالک نصاب
خلق حمید اولان ذات آصف سمات ولی النعمیلرین اریکه بلند مقام
فرمانفرمای و متکای سپهر ارتسام حاجترواییده کامیاب حضور مد مدید
واشعه آثار مجد واجلالرین رشک آورلوامع قرص خورشید ایلک
دعواتی تأدیه سی ضمایم خلوص طویت ایله تمهید قلند یغی سیاقنده
عریضه احقر عبید لیدر که چا کر کینه لری اوتد دنبروز واتب جلیل
المراتب جود واحسانلرندن وایه دار اغتنام و سلسال دلجوی لطف
وعاطفت بی پایانلریله شیرین کام اولان بندکان مستهاملرندن اولد یغم اجلدن
قلاده عبودیت و اخلاص لری پیرایه کردن افتخار و فرط رقیقیت

واختصاصی زیور کوش اعتبارم اوله رق تجدد شهر ودهور و قدوم
اعیاد باهر السرور تهنیتی و سائلیه نو بنو شرح متون خلوص قدیم
و تحشیه عبارات تردد صمیم مباحثه دقت متحتم ذمت بند کانه م اولدیغی
قرین بد اهدت ایسه دخی قضیه لزومیه خدمت عاجزانه م اولان کار بار
مأموریت ایله مستوعب الاوقات اولدیغمدن تقدیم معروضات
خصوصنده ضروری الوقوع اولان تقصیر بند کانه م معذرتی نزد معالیوفد
کرامیلرنده شایان موقع قبول بیورلمق امید و امنیه سیله بالغد ووالا اتصال
درود اجابت نمود بقای وجود ولی النعمیلری نکاشته مهارق احسن
اعمال قلمقده ایکن بود دفعه تبریک عید شریف ذریعه سیله اثبات
ملکات بنده پروری و ابراز سجایای بهایای عنایت کستریلری ضمننده
ارسالنه تواضع بیورلمش اولان نوازشنامه مکار معالیه لری الفضل
للمتقدم نکته سنی کویا اوله رق راحه پیرای تعظیم و توقیر و کل الجواهر
حروف معالی ظرو فیله دیده عبودیتیم قریر اولدقده بو وجهله نام
عاجزانه می وایه دار شرف تذکار وحد و مقدار کثرانه مدن بیرون
مخاطبات علیا و تلطیفات والالینه سزاوار بیورملری * خاشاک نیز بردل
دریا کذر کنند * مدلولنه ماصدق و کمال توجهات ذره نوازیلرندن مشتق
اولدیغندن بشقه حرکات یکاه زمین موقوف افاضه آسمانی اولدیغی مقرر
اولمقدن ناشی سائنحات سبق و تقدم ولی النعمانه لری موافق قانون
حکمت اولمغله شاخسار امل و امیدم بر کونه سرسبز نصارت و طراوت
و ساحة قلب عاجزانه م بر مرتبه شکوفه زار ابتهاج و مسرت اولمشدر که
حالات مذکور امور ذوقیه دن اولمق جهتیه قلم زبان و زبان قلم ایله ایضاح
و بیانی مقوله لایمکن اولمغین جناب حق ایام عمر و دولترینک هر آن غیر
منقسمه سنی مقرون انواع فیض و صفا و متعاقبا در اکی میسر اولان عید
سعید اضحایی حق احق عالیلرندن مستتبع میاسن بی انتها ایلک دعوائی
مبارکادی ابقای مناصب سامیلرله تذیل قلدیغی بیانی وسیله عرض

(تبریک رمضان جوابی)*

ذات سامی سمات ولی النعمی و جناب مکارم ما آب خدیو یلری همواره مسند
 آرای دولت و اقبال ابدی و ساحه پیرای اہت و اجلال سرمدی اولمق
 دعالی زیور ناطقہ تکرار قلندیغی سیاقندہ عرضحال عبدیتقدار لریدر کہ
 نسخہ نفیسہ ذات جلیل المنقبہ لری جلائل مسائل لطف و عاطفت
 و جزائل مباحث جود و رأفت ایہ مؤاف و مشحون اولمقدن ناشی
 بودفعہ تہنیت رمضان شریف ذریعہ سیلہ ابراز شیمہ ذرہ پروری و اثبات
 ملکہ مکارم کستریلری ضمنندہ ارسالنہ تواضع بیوریلان تحریرات
 شیرین عبارات ولی النعمیلری حلاوت ساز ذائقہ وصول و ماء الحیات معافی
 معالی احتواسی مجرای اذعان و اطلاعه موصول اولوب کترین بندہ
 مستہاملری خطور خاطر عالیلرینہ بایستہ و تبریک سال و شہورہ شایستہ
 اولمدیغیم بدیدار ایکن (تفقد السادات خدامہم * مکرمة لا تنقص السوددا)
 مضمون نوازش مقرونی اوزرہ بووجہ لہ نام عجز ارتسام بندکانہ حی وایہ مند
 عز و شرف تذکار و مرتبہ لیاقت و استحقاقدن افزون مخاطبات علیہ
 و تلطیفات سنہ لرینہ سزاوار بیورملری آفتاب عالم اراک حسیض خاکہ
 تنزلنہ مثال و کمال توجهات مفیضۃ البرکات آصفانہ لرینہ براعت استہلال
 اولہرق اکتساب اولنان سرور و حبور بندکانہ ہمیاہ مراتب اعداد
 و فرق مباهات و افتخارم رسیدہ مقعر سبع شداد اولمغلہ ہمیشہ لیلہ القدر
 ایام دولت و اقباللری آبستن انواع فیض و صفا و صباح العید اعوام اہت
 و اجلاللری ناثر انوار خلود و بقا اولمق دعوات اجابت آیاتی خامہ زبان
 ضراعت بی انتہا لیلہ نقش صحیفہ حسن ادا قلندیغی بیانیہ تشکر سنوحات
 مکارم و عاطفت و تأکید روابط خلوص و رقیق زمینندہ عرضحال کترانہم
 ترقینہ اجترام و رفوع پیشکامہ مراحم اکتناہ معلازی قلمشدران شاء
 اللہ تعالی لای شرف الوصول متحکم ذمت خصوصیت اولان لازمہ شرائط

عبودیتی اجرا ده قصور و فتورم اولمادیغی محاط علم عالم آراری بیورلدقده
 *(تبریک وزارت ضمیمه مکتوب)

ذات معالسمات بهی الصفات لرنده مر کوز اولان جوهر کرانیهای استحقاق
 و اهلیت و مایه مکارم وایه استیمال و لیاقت مقتضای اوزره حق احق
 عالی لرنده مقدمه فال اقبال و اثر دن مؤثره دال اولور شان و اجلالک
 ظهوری مترقب و منتظر ایکن بو آوان سعد اقترانده عواطف علیه جناب
 شهر یاری و عوارف سنییه حضرت تاجداریدن رتبه رفیع و وزارتله
 سنجاقلری عهدۀ علیه لرینه توجیه و احسان برله در صدف امکان اولان
 ذات معالینشانلری سلک الازل و زرای عظامه ادراج و نوال بر و عاطفت
 خسروانه دن وایه مندنعم ابتهاج بیورلملری حسبیله (و تقاسم الناس المسیره
 بینهم * قسما فکان اجلهم خطانا) مدلولنجه مقتضای اختصاص بند کانه م
 اوزره سرور و حبور چا کرانه م رسیده اقصى الغایات اولمغله جناب خداوند
 بیچون رتبه جلیله لرین مبارک و مسعود ایل یوب کافئه امور میا منمور فور لرنده
 خضر توفیق سبحان یسن رهنمون و ایام عمر و دولت لرین روز افزون ایلاک
 دعا لری ورد زبان اخلاص نشانم اوله رق شجر تبریک و تهنیت رتبه والا لری
 سیاقنده عریضه بند کانه م ترقیم و تقدیمه ابتدار قلند یغی

(جوابنامه)*

همواره ذات معالسمات ولی النعمیلری حائز رهنه دولت و اقبال و فائز
 دینه ایهت و اجلال اولمق دعا لری تأدیه سیله معروض چاکر
 اخلاص استمالریدر که بود دفعه حق بند کانه مده در کار اولان توجهات بهیه
 مکارمکاری و تعطفات سنییه عنایت شعاریلرینی حاوی فرستاده سوی
 بند کانه م بیوریلان عنایتنامه نامی و بر بو غچه هدیه سامی انمله پیرای توقیر
 و احترام اولوب منشور صحیفه بیان قلنان مر وارید کر انقدر حسن توجه
 آصفانه لری جلا بنجشای باسرة افتخام و منسوج کارگاه عنایت اولان
 هدیه علیه لری آرایش صندوق قبول عبد مستهام اولمغله بو وجهله اجرای

رسم مکارمکاری و عنایتسازی و ایفای آیین ملا طفتشعاری
و بنده نوازی به رغبت و همت دستوریلی کاسه قلب و قالب عاجزانه می
ابریز زلال سرور و سرشار ماء الحیات ابتهاج و حبوراً تمکله دعاری
مرفوع بارگاه جناب حی و دود قلمشدر صوب والای ولی النعمیلرینه
اولان کالای والای عبودیتم زرین تار اختصاص ایله محلا و سندس
صدق و اخلاصم نزد عالیلرنده رنگ ریب و اشتبا هدن مبرا اولمغله مباحث
خلوص و خصوصیتی ایجاز ایله مطلقاً استبقای توجهات سنییه لری
سیاقنده

(تبریک وزارت)

محدث فطرت نامیه و محمد خلقت سامیه لرنده ذریعه اولان شعار استحقاق
ولایت و آثار استیمال و اهلیت حق عالیلرنده ظهور انواع شان و اجلاله
براعت استهلال اولمقدن ناشی ارتفاع کوکب مجد و اقباللرینه رصد بین
ترقب و انتظار ایکن بو خلال میامن اشتمالده عواطف جمیله جناب
خلافتناهی و عوارف جمیله حضرت پادشاهیدن هم رفعت بدر آسمان
اولان رتبه والای وزارت ایله سنجانی عهده دولترلرینه توجیه و احسان
و اولوجه لذات معالیماتلری وایه مند برو عا طقت فراوان بیورلدقلرینه
مبنی حاصل اولان سرور و حبور عبیدانه م کنجیده حواصل اقلام
و محاط ظروف ارقام اولما مغله جناب حی و دود رتبه عالییه لرین متین
و مسعود و طناب خیام اقباللرین مربوط اوتاد خلود ایلوب کافه امور
علیه و قاطبه خطوب سنییه لرنده توفیقات سبحانیه و تأییدات صمدانیه سن
بدرقه و رهنمون و اعوام عمر و دولترلرین متمادی و افزون ایلک دعاری
حسن ادا قلنه رق مبارکادی رتبه سامیه لرین ایفا و آیین رقیق و عبودیتی
اجرا ضمننده عریضه چاکرانه م ترقیم و تقدیم خاک پای مکارم و سیملری
قلند یغی محاط

(تبریک رتبه وزارت)

مایه فطرت سنیه لرنده مودوع و کوه رنهاد علیه لرنده مجموع اولان آب
 و تاب لیاقت و استیصال حق احق عالی لرنده سنوح مجد و آثالی مفضی
 و ظهور ابهت و اقبالی مستدعی اولمقدن ناشی تباشیر شان و اجلالری
 بروزینه تطلع و انتظار اولمقدمه ایکن بو آوان سعدا قترانده عواطف علیه
 جناب ظل الهی و عوارف بهیه حضرت شهنشاهیدن رتبه رفیع و وزارتله
 سنجانی عهده دولتری نه توجیه بیورمش اولوب ذات والاری
 حقنده بو وجهله مجلا پیرای ظهور اولان عاطفت و احسان شاهانه جیب
 امید می مالامال تقدینه سرور و حبور ایتمکله جناب حق و فیاض مطلق
 مبارک و متین ایلوب امور میا من مو فورلرین یسر و سهولته موفق
 و مقرون و عمر و دولت و فرو و ابتهلرین روز افزون ایلک دعواتی ضمیمه اوراد
 زبان صدق نشانم قلند یغی بیانیله شرائط عبودیتدن معدود اولان
 هر اسم تبریک و تهنیتی ایفا سیاقنده عریضه چاکرانه م ترقیمه ابتدار
 قلمشدر

(جوابنامه)

هماره ذات مکارم آیات بیدانیری متکاپیرای دولت و اقبال جاودانی
 و مسند ارای ابهت و اجلال و کاهرانی اولمق دعاری هر فوع بارگاه
 جناب رب الانام قلند یغی سیاقده عریضه عبد مستهام لریدر که خصیصه
 فطرت سلیمه ولی النعمیلری اولان شیعه کریمه بنده نوازی و سحیه رضیه
 خاطر سازیلری مقتضای اوزره بود دفعه فرستاده سوی چاکری بیوریلان
 کرمنامه مشکی کین ختامه مشیریلری عاطرسای راحه ورود و نفعه
 بخشای مشام دل اخلاص نمود اولوب هر کلمه بدیعه تواضع نمونی بر فوع
 مضمون جله عبودیتی تأکید و هر مقدمه مسله التفاتشخونی بر کونه
 نتیجه ضراعت و ابتهالی تولید ایتمکله بر توافشان سطور بیان اولان
 کوه رپاره توجهات علیه و فراند تلافات جمیله لری فص نکین تباهی و و شاح
 الصدر شاهد سرور نامتناهی اوله رق ملازم اولدیغ امتداد ایام عمر و دولت

واز دیاد اعوام فروصولت ولی النعمیلری دعواتی تکرار بتکرار زیب زبان
 اخلاص شعار قلنغله جانب جلیل المناقب داورانه لینه مخصوص ومؤلف
 اولان متن متین خلوص طویت چا کرانه م مطالع الانوار علم عالی لینه
 روشن وهویدا و عبارت منشیانه ایله تحشیه و توضیح دن صحیفه پوش
 استغنا اولق ملاسه سیله مجرد استبقای محاسن توجهات سنیه لری
 ذیلنده عریضه بند کی ترقیم و تقدیم خاکای عنایت و سیمیری قلندیغی

(شقه)

طرف چا کرانه مه اعطای بیوریلان هدیه سنیه آصفانه لری وارد اولغله
 اوتیه دنبرو فیض نظر اکسیر اثر ولی النعمیلری حال کقدر عبودیتیه
 خاصیت بخش اعتبار اوله رق کنجینه تعطفات علیه لرندن وایه دار اولدیغی
 عطایای نوازش و الطاف جلیله نک ایضای محبت و تشکر نده عجز و قصورم
 در کار و چا کر لری مجرد سبیکه الذهب التفات علیه لینه دل داده و نقره
 صدق و خلوص نقش عوض و غرض دن ساده اولدیغی دار العیار نزد
 معالی وفد خدیوانه لرنده بدیدار ایکن بوجهتله دخی اثبات ملکه
 مکارم کستری و تذیل نسخه بنده پروری یه همت و عنایت لری کمال
 توجهات سنیه لینه دال اولمقدن ناشی جیب امید و آمال نقد نامعدود
 سرور و حبور ایله مالا مال اولوب هدیه بهیه داورانه لری زیورهمیان
 قبول و دعای بقای عمر و دولتری درگاه احدیه موصول قلندیغی

(بودخی جوابه شقه در)

بود فعه طرف بند کانه مه ارسال بیورلمش اولان هدیه سنیه ولی النعمیلری
 وارد و واصل اولغله بنده قدیم لری نقدینه نوازش و التفات و الالیه
 استرقاق بیوریه لیدنبرو کفه کافه امنیه و آمال سبیکه مکارم و الطاف
 بیغایه لریه مملو اوله رق نو بنومشهودم اولان آثار توجهات فائض البرکات
 آصفانه لری عدوا حصا سندن کف بنان عجز ایله من کل الوجوه شرمنده لکم
 در کار اولدیغندن دستمایه آفات و اوقاتم نظم ادعیه و اثنیه کریمانه لینه

مصرف اولمقدمه ایکن مجرد شمائل فطریه بر میخانه لری اقتضای اوزره
 بوجهتله دخی ساخ یمین ظهور اولان موهبت واحسان بنده پروریلری
 نعمت غیر مترقبه نو عندن اوله رق چا کرلین حائر هینه سرور و شادمانی
 وفائز دینه جبور و کامرانی فلغله دیمومیت ایام عمر و دولتلی دعوائی
 علاوه سیله هدیه کریمانه لری نهاده همیان قبول قلندیغی

(جوابنامه)

بر موجب پوصله طرف چاکرانه مه ارسال بیوریلان هدیه علیه
 کریمانه لری آرایش دست ورود اولمغله چا کرکینه لری نک جانب معالی
 مناقب ولی النعمیلرینه بافته کارگاه قدم اولان کاله زربفت عبودیت
 تار و پود نسبت واختصاص ایله زینت طراز بندر که کمال امتیاز اوله رق حق
 بند کانه مده ارزانی بیوریلان کمالی مطلای توجه والتفات
 خدیو یلرینک ایفای سپاس و محمد تنده عجز و قصورم در کار ایکن بوجهتله
 دخی دفعه عاطفتدن ساخ اولان پرند مز رکشتار موهبت حاتمیه و تحف
 غالی بهای عطیه بر میخانه لری قامت شاهد اخلاصی بر قاتدخی ترین
 و توشیح ایتکله کاه رونق ناصیه رفعت و کاه پیرایه دوش مسرت قلنه رق
 تمغای قبوله سزا متاع نو نقش دعا و تمناش کونا کون تحیت و ثنا علاوه سیله
 زیور صندوق قبول قلندیغی معلوم مکارم ملزوم خدیو یلری بیورلده
 امر و فرمان

(علمادن برداته مکتوب)

حضر تلی مجلس نفیس فضائل انیسلرینه یواقیت تحیت و تسلیم عرض
 و تقدیمدن صکره نموده خالصانه اولدر که ذات استادانه لریه ینمزده
 بو تیافته سویدای دل بیغل اولان خلوص و مودت (بینی و بینک فی المحبة
 نسبة * مستورة الاتراب والاحباب) مدیحه سنه ماصدق اولسی جهتیه
 رسوم عادیه تکلفندن آزاده ایسه ده (مظاهر کل معنا حدایق
 صور است) مدلولنجه شاهد دلپذیر و داد صمی لباس الفاظ ایله متشکل

و عذار دلا ویز حب حقیقی هر آینه کسوه عبارات ایلہ متزمل اوله
 کلد یکنه مبنی ورقپاره مودت مر و تکار یلرینه انتظار عز تشنه لبان بادیه
 محنتک ماء بارد خوشکواره خواهشندن زیاده ایسه ده مجهولمز اولان
 هر نه سببه مبنی ایسه الی الان دست آرزو اول حمامه وفا علامه بی
 جستجو اوزره اولمغله (و کنت اظن الشوق فی البعد وحده * ولم ادر
 ان الشوق فی القرب والبعد) فحواسی حسب المزل اوله ورق لقای والارینه
 هر حال وزمانده تحسر و اشتیاقز یکسان ونصف مواصلتدن معدود
 اولان هر اسله هر غوبه دن حرمانه شوق و غرام دروغز صد چندان
 اولدیغنی اشعار و خاطر فاضلانہ لرین استفسار ضمننده اشبو ورقیه
 مخالفت ارسال اولمغله بمنه تعالی لدی شرف الوصول رخساره مخدره
 اشتیاق و افکار مقابله مجلای قلب تابدار لری اولدقه بودلسوخته فرقت
 و غمزده غربت اولان مخلصری خامه مشکین جامه لرندن رشحه یاب
 تسلیت بیورلمسی اعز مسؤلدر همیشه دست موانع ملاقات از دامن
 و کر بیان حیات دور باد بالنبی وآله الامجاد

(جوابنامه)

همواره ذات معالسمات مکار مکار یلری زیب افزای منصف علیای دولت
 و اقبال و پیرایه مسند والای اہت و اجلال اولمق دعا لری تأدیہ سیلہ
 معروض چاکر اخلاص اشمال لریدر کہ تبریک مأموریت عاجزانه می
 حاوی بود دفعه فرستاده بیوریلان نوازشنامه مکار علامه لری انامل
 زیب ورود و نور آور مردمک شہود اولوب سواد الفاظ عاطفت مفہومی
 ابروی جہہ اخلاص و اختصاص اوله ورق حاصل اولان ممنونیت و ابتهاج
 بندکانه خارج دائره اشعار و ملازم اولدیغ خدمت دعا ی بقای عمر
 و دولتری ثبوت یافتہ استیناف و تکرار اولمغله مجرد ابراز ممنونیت
 چاکرانه می شامل و استمقرار توجہات ولی النعمیلرینی مشتمل عریضه
 چاکرانه م ترقیمہ مبادرت قلند یغی

(كذلك)

همواره ذات ابهتسمات مشیریلری رونق طراز دیوان دولت و اقبال
وزینت ساز متکای منزلت و اجلال اولمق دعاری تقدیمه عریضه چاکر شاکر
النوالریدرکه تبریک مأموریت بند کانه می متضمن بود دفعه ارسال
بیوریلان عنایتنامه نائی ولی النعمیلری زیور انمله ورود اولوب زلال
نوازش و عاطفتلری کالبد اختصاص دیرینه افاضه حیات تازه و کلبوی
التفات و عنایتلری مشام اختصاص پیشینه مه عطر ساز قوه بی اندازه
اوله رق صورتمای حصول اولان مسروریت و شادمانی بند کانه م حیطه
وصف و بیاندن بیرون اولمغله تشکر الطاف دلنوازیلریله استبقای توجهات
فائض البرکات کریمانه لری نی حاوی عریضه رقیق فحوی ترقیمه اجتناسار
قلند یغی

(كذلك)

همواره ذات مکارم صفات آصفانه لری زیبایشده هنده ساحه رفیعته اقبال
ودولت و آرایش بخشنده باحه منیفه مجد و ابهت اولمق دعواتی زیور
حسن ادا قلند یغی سیاقنده عریضه چاکر خلوص کسترلریدرکه تبریک
مأموریت بند کانه مه دائر و تائ کید توجهات علیه لری نی مبشر بعث و تسیر
بیورلمش اولان کرمنامه ولی النعمیلری زیور ایادی وصول اولوب سواد
کلمات عنایت آیاتی سرمه چشم عبودیت و بیاض مابین السطوری رونق
جبهه خصوصیت اوله رق بو و جهله اجرای رسم بنده نوازی یه همت
آصفانه لرندن حصوله کلان سرور و حبور بند کانه م قیاس و امثله یی متجاوز
و مراتب غایاتی حائز اولمغله تمادی ایام عمر و دولتلری دعواتی عن صمیم
البال تذکار و تکرار قلنقمده اولدیغی بیانی وسیله ابراز عبودیتیم اولمشدر

(تبریک جوابی)

تهنیت مأموریت عاجزانه می متضمن اطاره بیوریلان مکارم نامه بیست
علامه لری راحه پیرای ورود اولمغله موجب ممنونیت کامله اولمشدر حدایه

ودیعہ اولہ ارشاد قدر بووجہلہ جلوہ کراولوب من غیر امل حق
عاجزانہ مزده بوکونه احسان همایون صدورایت مکله بو مثلومأموریتده
اصدقای ذوی الهممک توجهات قلبیه لری مستدعاوبالخصوص ذات
والا لریله درکار اولان خلوص و مصافا تمزرسیده حدائتها اولمقدن ناشی
ادعیه خیریه لری نه احتیاج جز معلوم علم حقایق شناسی لری اولمغله مجرد
استجلاب توجهات محاسن آیات و افتخا ص طبع سلیم مروتسمات لری
سیاقنده عریضه بندکی تحریر و تقدیم قلمشدر

(بودخی)

تبریک ماموریت چاکرانه می مشعر و ابراز توجهات سنیه لری نه دائر
فرستاده بیوریلان عنایتنامه بهیه لری راحه زیب و رود و مفهوم معالی
مرسومی معلوم چاکر خلوص نمود لری اولدقده محاسن توجهات
مکار مغایات داوریلری مستوجب مسرت نامعدود اولمغله طرف واضح
الشرف دستوریلری نه درکار واستوار اولان مزید اختصاص و مدید
صدق و اخلاص بندکانه مقتضای اوزره علی الدوام نظم محامد جلیله
و نثر مناقب جزلیله لریله ورقگردان لیل و نهار و تسویه خدمات سنیه لرنده
پابرجای استقرار اولدیغمک انها و انبای و سیله اظهار عبودیت اولمشدر
بمنه تعالی لدی شرف الوصول بعد ازین دخی حق چاکرانه مده ین
تعطفات علیه لری نک تقریر و ابقا سیله بنده مستهام لری وایه مند مسرات
و مباحات بیورلمق باینده

(شریف غالب حضرت لری نه)

فطرت جلیله هاشمانه و تربیت نبیله امیرانه لرنده هر کوز اولان جوهر
نقاوه مروت و شیئه کرمه عنایت مقتضای اوزره بود دفعه تهنیت
مأموریت عاجزانہ می حاوی و مقدم اشعار بیوریلان قاضیلق ماده سنده
لبیک زن استطاعت اوله رق صرف مقدور قلند یغندن ممنونیتی محتوی
قلاده فخور حور اولمغه شایان کشیده سلاک لال سطور بیوریلان

تبریکنامه لری (ارق من الماء الزلال حدیثه * واحلی من العذب الفرات بیانه)
 مدیحہ سنی ناطق اولہ رق انملہ پیرای ورود وکل الجواهر حرفی نور آور
 مردمک شہود اولوب مأل و مزایای کویای کلام قحطانی و بلاغت و مداد
 عنبرین لقاسی بویای نالجه المسک عدنانی و عاطفت اولمقدن ناشی تبسیدہ
 لب اخلاص و عبودیتہ افاضہ زلال حیات و مشام اختصاص و طویلتہ
 عطر سای حسن التفات اولہ رق کاسہ درون بند کانه می لبریز سلافہ سرور
 و حبور و حدیقہ فواد خلوص معتاد چا کرانه می شکوفہ زار ابتہاج
 نامحصور ایتمکله ذات ہاشمی التفات سروشی سماتلرینہ واصل سر منزل
 کمال اولان انجذاب قوی و انتساب معنوی بند کانه مضمیر سجنبل نظیر
 الہام آشالرینہ روشن اولدیغنه بناء و عند سید القوم تقلیل کلام رعایت
 شرط آداب عبودیتہ محمول اولدیغنه ابتناء خاصہ تشکر التفات سنیہ لری
 شامل و استبقای تو جہات علیہ لری مشتمل عریضہ چا کرانه م ترقیمہ
 ابتدار قلمشدران شاء اللہ تعالی رسیدہ ساحہ دولت و شایان نکاہ عاطفت
 بیورلقدہ نام صداقت ارتسام بند کانه م ذیل جریدہ چا کراندہ وایہ مند
 استقرار و محاسن انظار مکارم آثار اصیلانہ لری حق عاجز انمدہ سزاوار
 بیورلمق بانبندہ

(جوابنامہ)*

ہمربتہ سپہر برین و رونق شکن نسق پروین اولان ساحہ منیعہ دولت
 و اجلال لری موقف ناصیہ ضراعت و مالشکارہ خسارہ استکانت قلوب
 تقادم صفوف مجد و منازات و تسابق صنوف فرواہت لری دعواتی زیور
 حسن ادا قلندیغی سیاقندہ عریضہ چا کرکینہ لریدرکہ خصیصہ ذات
 معالی سماتلری اولان شیمہ کریمہ بندہ پروریلری اقتضاسی اوزرہ بودفعہ
 تبریک مأموریت عاجزانہ می مشتمل لطف اوکر ما طارہ بیوریلان التفاتنامہ
 ولی النعمیلری مانند کبوتر حرم دست تفخیم و ابجالہ شرف رسان استیناس
 و فرق مباهات و مفخرتم دامن سپہرہ مماس اولوب شعشعہ زار زرین

سطوری دیده خلوص طوبتی لبریز نور سرور و ماء الحیات من ایای معالی
 احتواسی کاسه قلب و قالب چاکرانه می سرشار ابتهاج و حبور ایتمکله
 تعلیق کردن عبودیت قلنان مأموریت قوللربنک لیاقت واستیهالم ثمره سی
 اولیوب مجرد سحاب فیضناک سوهبتدن ترشح ایتمش و تربیتکاری یمن
 توجه سامیلرندن حاصل اولمش اولدیغندن تبریک و تهنیت ولی النعمانه لری
 مقدمه خیرالفال بشارت امتحان اولنه رق لازمه ذمت عاجزانه م اولدیغی
 اوزره وظیفه اوقات و احیانم جهت دعای دوام عمر و دولتربنه موقوف
 و انقاس معدوده حیاتم استبقای شرایط عبودیتلری خدمتنه مصروف
 اولمغین محتاج و امیدوار اولدیغم امداد میامن توجهات ولی النعمی و یاوری
 همت و الانهت خدیو یلری کما کان حق مستمندانه مده پیوسته و درکار
 بیورلمق نیازی وسیله ابراز عبودیتم اولمشدر

(تبریکنامه جوابی)

مطلع اهله مجد و آثال و مشرق آفتاب برو نوال اولان سده سنیه مفاخر
 اشتمالرینه خطوط پیشانی ضراعت مالیده و طاق ابروان عبودیت
 ساییده قلوب دوام ایام عمر و دوات و قیام هنر کام شان و ابهت
 ولی النعمیلری دعواتی مشبوت صحیفه حسن ادا قلندیغی سیاقنده عرضحال
 بنده بیقدار لریدر که خاصه فطرت کریمه لری اولان جلائل خصائل نوازش
 و عاطفت مقتضا سنجه بودفعه تبریک مأموریت عاجزانه می حاوی
 ارسالنه تواضع بیوریلان عنایتنامه لری امین ازمنه ده راحه پیرای ورود
 و متضمن اولدیغی مفهوم منیف مکارم ردیفی قرین اذعان عبد
 خلوص نمود لری اولوب بوجهله ایفای رسم بنده پروری و اجرای لازمه
 کر مکستری به رغبت و همت علیه لری بنده در خریده لرین مستغرق انواع
 سرور و شادمانی و مستوعب اصناف نخر و ابتهاج جاودانی ایتمکله طراز
 جامه عبودیتم قلنان نسج مأموریت چاکر بیوایه لرینک قامت لیاقت
 و اهلیتدن بالاتر اولوب مجرد دفعه عطا یادن صدور و تاروپود حسن توجه

عالی‌لرندن ظهور ایلش اولمغین عبارات تهنیت آمیز عاطفت پیرا لندر
 من حیث لایشعر تبرک واستبشار اولنه رق تقدیم اهم قاعده سی اوزره
 بقای عمر و دولتری دعواتی ادا و تکرار قلندیغی و کافه احیانده محتاج
 و ما لوف اولدیغیم دستیاری توجہات علیہ لری حق بند کانه مده ابقا
 و تقریر بیورلمق نیازنده اولدیغیم بیانیله عریضه چا کرانه م ترقیم و تقدیم
 خاک پای کیمیا و سیمیری قلنشدن ان شاء الله تعالی لدی شرف الوصول
 بروفق متناو مسؤل سایه هماوایه عاطفتلری فرق بند کانه مده پیوسته
 مدد و دو مبسوط بیورلمق باینده

* (جوابنامه) *

در تین مجد و رفعت و کوهر تابدار فوز و سعادت اولان ریزه سنک بیشگاه
 معالی استناد ولی النعمیلری سنجیده میزان توقیر و ابجال و خاک پای
 کیمیا سای آصفانه لری بوسگاه شفاه ضراعت و ابتهال قلنوب ابود ایام عمر
 و دولت و اقبال و خلود دهنه کام شان و ابته و اجلال خدیوینری دعواتی
 زیور ناطقه حسن ادا قلندیغی سیاقده عرضحال رقیبت اشتمال چا کر
 کینه لری در که ذات بر مکی الصفات ولی النعمیلری جامع ما اثر مکار مکاری
 و بنده نوازی و محیط مناقب عنایت شعاری و خاطر سازی اولمقدن ناشی
 * و من عادة السادات ان يتفقوا * مدلولنه رغبه و لطف و عنایه ارسال
 بیوریلان التفاتنامه سائی آصفانه لری مانند همای نجسته پرواز فرق
 تعظیم و تبجیله شرف انداز سایه وصول اولوب ساق سطور معالی نشورنده
 شکفته اولان ازهار نوازش و التفات علیہ لری آرایش دستار افتخار و نفحات
 مشکالک تلطفات سنیه لری عطر سای مشام ابتهاج و استبشار اولمغله
 قوللری سابقا و لاحقا تعداد نعم و عنایت لرنده عاجز اولدیغیم مثل و هرنه قدر
 سجاده پیرای تحیت و ثنا اولسمدخی تشکر الطاف و وسیعة الاطراف
 ولی النعمیلرنده قصور چا کرانه م در کار ایکن نو بنوا بر ازمیا من توجہات
 سامیله بنده احسانیده لرین احیا بیورملری مجرد محتد کریمانه لرینه

موضوع و محمول اولان موجبۀ کلیۀ لطف و عاطفت مقتضاسندن
اولدینغی برهان‌لی وانی ایله مستدل اولمغله قضیۀ ممنونیت و شادمانی
بند کانه م نتیجۀ زاد نهایت و کمال اوله رق اهم اعمال و احسن اشغال
اولان خدمت دعای عمر و دولتری استیناف اولنوب روزان و شبان
شرائط عبودیت و ضوابط رقیق اجرا و ایفاده قصور و فتور چا کرانه م
اولدینغی بیانی وسیله ابراز اختصاصم اولمشر

* (احبادن برینه یازلمشر) *

همواره نسخه نادرۀ وجودلری محفظۀ عون و صون صمدانیده مصون
و غبار عوارض ریب المنوندن مأ مون اولمق دعوائی تقدیمیلۀ نموده
مخلص ولا مشحونلریذره قضیۀ عنصر فضیلت مندیله برینه موضوع
و محمول اولان موجبۀ کلیۀ کوشش و حمت اقتضاسنجۀ وصول
حد کبرای فنون ایله تحصیل نتیجۀ کماله ورزش و همتلری در کار اولمقدن
ناشی سمند طبع معارف پسندلری مضمار علوم عربیه ده مطلق العنان
اولدینغی مثللو سمت لغات فارسیه ده دخی اظهار جنبش و جولانه
خواهشکر اولدینغی معلوم عاجزانه م اولوب شیخ سعدی مر حومک لهجۀ
دریه ده مؤلف اولان کتب کستانی فوایح حکم و حکایات ایله مالامال
و هر سطر بدیع الشطری اصحاب اعتباره کستان خطایله کویا اوله رق
کلچین مطالعه و استفاده اولنلر تعطیر مشام ذوق و شوق ایده کلد کاری
مستغنی استدلال ایسه دخی کتب مذکورک عذر ای کلکون عذر
معانیسی براقع عجمانه ایله رخساره پوش ستغنا اولمق جهتیه ذات فضائل
سماتلرینه کوره کشف تنق دیداری واسطۀ ماشطۀ شرح تازییه موقوف
اولدینغندن سروری مر حومک فرائد الفاظ عربیه ایله حلّی بند شرح
و بیان اولدینغی نسخه نفیسه دستاویز خالصانه مر اولمق اوزره بود دفعه
فرستاده صوب سمجانه لری قلمغله ان شاء الله تعالی واصل دست فضیلت
و مطالعه سنه میل و رغبت بیورلدقه کاکشت باغ دلکشای معانیسی

باعث کشایش غنجه خاطراری اوله رق مستوفیء حظوظ کامله
 اوله جقلری و کتاب مذکورک حفظ الفاظ و عباراته دقایق تصرفات
 عقلیه دخی منضم اولدیغی تقدیرجه زبان پارسی ایله تکلمه دخی قدرت
 حاصل اوله جغی معلوم سامیلری بیورلدقده شرح مذکور نهاده پیشتخته
 قبول بیورلمسی مسترجای خالصانه مزدر

(اسب هدیة سی جوابی)

هماره از مه مطایای دولت و اقباللری مسلم قبضه مرام و زمزمه صهیل
 سمند اجلاللری طنین انداز چرخ مینافام اولمق دعوائی رسیده سر منزل
 ختام قلند یغی سیاقنده عریضه بنده مستهاملریدر که طرف چاکرانه مه
 در کار اولان حسن توجه عالیلرینی متضمن بود دفعه ارسال بیوریلان
 تحریرات مکارم آیات آصفانه لری راحه زیب و وصول و اضافه عافیت اولمق
 اوزره خیول طویله لطف و عنایتلرندن افزوا عطا بیورلمش اولان کیمی
 الاصل و معنکی النسل ایکی رأس اسب ممتاز و مستثنایه هدیة بهیه لری
 ساحه پیرای جولانکاه مشول اولوب اسبان مذکور دنک تناسب اعضا
 و صباخت سیماسی تصویر همراه موافق و شیوه جنبش و رفتاری جاده
 دلخواه مطابق اوله رق ربط قوایم قبول قلنش اولغله بوجهمه ابراز
 بیوریلان معامله بنده نوازی و محامله خاطر سازیلری باعث وفور ممنونیت
 و مورث مزید محظوظیت اولوب منظومه تحیت و ثناری مستزاد قلند یغی
 بیانی وسیله ابراز خلوص و عبودیت اولمشدر

(وزرادن برداته)

معلوم مشیریلری بیورلدیغی اوزره قیو کتخداری افندی بنده لرینک
 مخدومی بک بنده لری بوندن اقدام نزد والای عطوفیلرنده ایکن
 پدری مومی الیه طرفنه ارسال ایتمش اولدیغی بر قطعه شقه سی مألنده
 مقدام مکرمه ده واقع اولان قضیه دن طولایی شریف یحیی
 حضر تلیله عسیر طرفنه چکیلوب بعده مشار الیهک مصره جلبنده

اول حوالیده قالمش اولان مرحوم شریف غالب زاده شریف
 عبدالمطلب و برادرلری شریف علی حضراتی اول طرفده ایراد و عقارلری
 کند و تصرفلرنده اولدقچه شاید بعض او یغونسزانی مؤدی
 اوله جغی بعض طرفدن استماع بیورلمش اولدیغندن و شرفای مکّه
 مکرمه حضرت اتک جله سی بر سلسله دن اولق حسیله سلفک ایراد و عقاری
 خلفه ویرادیکنک وقوعنه بناء مشارالیه مانک ایراد و عقارلری حالا
 امیر مکّه مکرمه شریف محمد بن عون حضرت تلرینه ترک و ماعدا اموال
 و اشیای دخی کند و لرینک طرف سلطنت سنیه یه و یا خود جانب
 مشیریلرینه انقیادلرینی مستلزم اولق اوزره صوب سامیلرنده بکرا حفظ
 اولنمش و مؤخر مشارالیه مانک در سعادت و توجهری مسموع مشیریلری
 بیوریلر ق دربار دولت قراره ورود و استرحام ایلد کلمی حاله طرف
 سعادت لرنده بکرا محفوظ اولان اموال و اشیای لرینک کند و لرینه ردی
 و شریف موئی الیه حضرت تلری تصرفنه کچن ایراد و عقارلرینک دخی
 جمله و یا خود بالا فراز بر ازیکنک اعطاسی اراده سنیه یه منوط مواددن
 اولدیغندن بو خصوصده نوجهله اراده علیه سنوح و صدور
 بیوریلور ایسه اکاکوره عمل و حرکت مبادرت بیوریله جغی تحریر
 و انهایتک اوزره جانب عطفیلرندن شفاها کندویه تنبیه بیورادیغنی
 اشعار ایتش و اول وقت افندی موئی الیه بنده لری شقه مذکور هی باب
 عالی یه کتوروب رکاب همایون شاهانه یه دخی عرض و تقدیم قلمشیدی
 واقعاً بود دفعه مشارالیه شریف عبدالمطلب حضرت تلری برادر و بعض
 عزاده لرله در سعادت و وارد اوله رق اوت و دنبرو سلاله طاهره لری حقنده
 جاری و مرعی اوله کادیکی وجهله حق لرنده لوازم اکرام و احترامک اجرایی
 وجوبنه مبنی مناسب محله مسافرت ایتدرلمش و سبب تشریف لری لدی
 السؤال واقع اولان تقریر و افاده لرنده عن اصل ذات والای دستوریلری
 طرفندن کند و لری حقنده اخ صدیق و والد شفیق کبی حسن معامله الیه

ابراز حرمت و محبت همت بیوریه کلد یکندن تشکر و عنونیتلری درکار
 اولوب لکن بر زماند نبرو مکۀ مکرمه محافظی طرفندن — کندولرینه
 اظهار خصومت ایله ذات مروتسماتلرینک دخی تحویل حسن توجهلری
 خصوصنه مجدوساعی اولدیغندن ماعدامثلی مسبوق و مشهود اولمیان
 اوضاع شدید ایله اثاث بیت و البسه مخدراته وارنجه تلید و طریف
 و مجوهر و حلی کیسه ایقه لقدن متجاوز جموع اموال و اشیا و بر
 قطعه کبیر سفینه لرله پدرلرندن منتقل اوقاف و سائر لرینی ضبطه تصدی
 و بعض بیوت و منازلرینی احراق مثللو معاملات ناروا ایله قتی چوق
 ظلم و اسانت و هتک ناموس و حرمت ایتش اولدیغنی و رفیقلری شریف
 احمد افندی حضرتلری دخی کندوسی جیل و جیرانیله حوالی فلانده
 کندی حالنده ساکن ایکن محافظ موی ایله طرفندن بغته اوزر لرینه
 عسکر تعین اولنه رق بغیر حق اوچ نفر اشراف قتل اولنوب بعضیلری
 دخی اخذ و گرفت ایله کوندرلمش اولدیغندن بشقه کذلک مال و منالری
 بجه ضبط و حتی شرایف مخدراتی اوراق اشجار ایله تسترایتک درجه لرنده
 سلب ایتش اید و کنی بسط و بیان ایدرک بجه سی بٹ شکوا و حق لرنده
 مر احم و اشفاق عالی معطوف بیورلمسنی التماس و استدعا ایلش اولر لرله
 معاوم دستوریلری اولدیغنی و جهله مقدما قضیه مذکور دنک وقوعنده
 شریف یحیی حضرتلرینک بعد ازین امارتده ابقاری اوپه میه رق بهر حال
 تبدیللری اقتضا ایلد یکنه و اوتۀ دنبرو مصلحت مجازیۀ نک تنظیم و تمشیقی
 عهدۀ مشیریلرینه احاله بیوریه کلد یکنه بناء مشارالیهک یرینه بالمطالعه
 آخر مناسبتک انتخابی خصوصی بارادۀ سنییه صوب سامیلرینه حواله
 قلمش و ذات والاری دخی اول و آخر صلابت فطریه و مستغای حیت
 ذاتیه لری اوزره ملتزم صمیمی مشیرانه لری اولان خیرخواهی دین و دولت
 لازمه سنجه بالملا حظه شمادیکی شریف محمد بن عون حضرتلرینی انتخاب
 بیورمش اولد قلرندن اول و جهله امارت مکۀ مکرمه عهدۀ سنه توجیه

و تفویض بیوزاش و واقعاً مشار الیه حضرت تلرینک ضبط و ربط و اداره امور
 امارتده حسن سلوکاری روایت اولنقدده اولدیغنه نظر اولباید هرآی رزین
 خیریت رهینلرینک اصابتی مشاهده اولنش اولوب انجق محافظ موحی الیه
 حق سیادت و ناموس شرافت فریضه سنی اصلاً کوزتمیه رکلا شیلان
 شقه مذکوردهده مجرد حفظ اموال ماده سنه دائر رأی مشیرلرینی وسیله الیه
 آشوری کیدرک موحی الیه بغایت رنجیده ورمیده ایتش اولدیغی
 افادات واقعه لرندن مستبان و اومقوله حرکات نامرضیه سنه جناب
 حیت مآب دستوریلری دخی راضی اولمیه رق مؤخر محافظ لخدن عزل
 و تبدیل الیه یرینه بنده لری محافظ نصب و تعیین قلمش اولدیغی بودفعه
 استماع و تحقیق اولنه رق موحی الیه اول وجهله تبدیل و مؤاخذه سنه
 واقع اولان همت مشیریلری پک اصابت و اجرای لازمه حقانیت اولدیغی
 واضح و عیان اولغین مشار الیه شریف احمد حضرت تلرینک خاندانه
 ایقاع اولنان قتل ماده سنهده دخی قاتل لری تحقیقه موجب و مقتضای
 شرع شریف اوزره حدود اللهک اقامه و اجرایی و معلوم سعادت تلر و ملری
 بیورلدیغی اوزره حضرات اشرافک جمله سی بر سلسله طاهر ددن ایسه ده
 قبیله قبیله منشعب اولدقلرندن ایراد و عقارک خلفدن سلفه انتقالی
 ماده سننک و قوعی رابطه نسبیه الیه اوله میوب بلکه یکدیگرک اصحاب
 فرائض مرتبه سنهده قرابتلری صورتنده واقع اولق و شمدیکی شریف
 حضرت تلرینک ایسه قبیله لری بشقه اولدیغندن بواصوله توافق ایده میوب
 و مشار الیهما شریف غالب زاده لر بالفعل اصالة امارت ایتدکارندن
 بوجهتله دخی پکده خلف و سلف عد اولنه مامق لازم کاوب اول وجهله
 مشار الیهما مالک و متصرف اولدقلری ایراد و عقار و اوقاف لرینک
 یدلرندن نزعیله شریف محمد بن عون حضرت تلرینه اعطای شرعاً دخی
 مجاز اولمیه جغندن بو حال اوزره قالوبده هم یونلر واردات معینه لرندن
 محروم و هم انلر تحمل الیه حقوق و اوزار الیه محکوم اولق و جهت مالیه الیه

بیند زنده دخی خصوصت و منافسه تکزون ایتمک مثلوا یکی طرفه ده لایق
 اولیه جق شیر و قوعنه سبب اولنسی مناسب و مستحسن اولیه جغنه
 مبنی ایراد و عقار و اوقاف لری هر نه ایسه ینه کند ولینه استرداد
 و فاتح مصر جنت مکان سلطان سلیم خان طاب ثراه حضرت تریله شرفای
 کرام بیننده جریان ایدن معاشده ده مال شرفایه اصلا تعرض اولنمیوب
 حتی اثواب امارت دخی بیند زنده ثمن مرضی ایله تعاطی اولنسی جمله
 شرائط دن اولدیغی منقول و مروی اولدیغندن ما عدا فی الحقیقه مرحوم
 شریف غالب حضرت تریله کاتبه اموال شرفانک ضبطی و قوعبولمیوب
 آنلرک دخی اموال مضبوطه لری رد و تسلیم اولنش و الحاله هنده مشار
 الیهک طرف سلطنت سنیه یه التجاری و قوعیله مقدمه اقتضای حال دن ناشی
 حفظ اموال لری خصوصنده مطالعه بیورنش اولان مطاوعت و انقیاد
 مطلب اصلیمی دخی حاصل اولنش اولدیغندن مشار الیهک اموال
 محفوظه و سفینه و اشیای سائر مضبوطه لری نک تماما و کاملاً کند ولینه
 رد و تسلیمی و جدا لله تعالی سایه شوکت و ای سلطنت سنیه ده ماثر هم
 و الای مشیرانه لریه حرمین محترمین اهالیسنک جمله سی آسوده حال و حتی
 شریف یحیی حضرت تریلرک دخی حق شرافت لریه رعایت حسنه عطف و فیلری
 برکال اولوب شرفای مومی الیهم ایسه حق لرنده استحصال امن و اطمینان
 اهالی سائر دن احق و قضیه مذکور ه دن دخی برائت ذمت لری
 معلوم و محقق اولمقدن ناشی بو وجهله دار و دیار و اولاد و عیال لرندن
 مهجورا و منکسرا اوراده بوراده کشت گذار ایله بیحضور و آرام اولملری
 لایق و روا اولیه جغنه بناء مشار الیهما شریف غالب زاده لرک مکّه
مکرّمه یه کیدوب کند و خانه لرنده و دیگر ینه دخی کذلک موطن
 و مأوا لرنده اقامت ایملری مطالعه سنه کورد شریف مشار الیه و یا خود
 سائر بعض شرفایله بیند زنده عدم امتزاج دن طولانی بر محذور قوی اولوب
 اولدیغی و اولدیغی تقدیرده جمله سی بر اصل اصیل کریمک فرعی و هب

بر شجره طيبة هاشمیه نك برک وباری اولاد قلرندن بینلرینك تألیف
 والتیامننه همت بیوریلر رق سایه شوکتوایه حضرت شهنشاهیده
 جلد سنك امن وراحتلری استیصال اولمق وبالفرض بوصورت ممکن
 ومیسر اوله مدیغی حاله طائف ویا جده طرفلرنده ویا خود شام شریفده
 اقامت ایتمك اوزره تطیب خاطرلری چاره سنه باقلق شقلرنده رای
 وملاحظه صائبه مشیریلری نوجهله ایسه بو طرفه تحریر و اشعار مووی
 الیهك ونزد حقایق شناسیلرنده معلوم اولدیغی وجهله خاندان نبوت
 حقنده نازل ووارد اولان نظم جلیل الهی واحادیث شریفه حضرت
 رسالتپناهی ما صد قنجه اهل بیت وعترت نبویه به محبت ومودت
 وکندولرینه ایصال جور واذن اتقاومحانبت مسئله سنده هپ مشترک
 اولدیغیمزدن اشرف کرامك اعزاز واکرامی دیانه جلد مزه لازم وخصوصا
 شرفای مووی الیهم حضراتی مدت مدیده دنبرو غربت وکربت وتعب
 ومشقته دوچار اوله رق نهایت طرف دوات علیه به ورود ایله بالذات
 استعطاف لطف وشفقت ایتملری جهتیه مراعات حقوق نسبیه وجبر
 وتطیب قلوب منکسره لری برقاتدخی ذمت فتوت ومرتبه متتم
 اولمقدن ناشی خصوصات مذکوره نك بر موجب اراده سنییه حضرت
 خلافتپناهی کاملاتنظیم واجراسیله اوته دنبرو موصوف ومتخلق اولادقلری
 شیه قدیمه فرمانبرداری واصول مستدیمه حقانیتشعاریلرینك بوبابده
 دخی ایفاسی امرینه همت کامله مشیرانه لری اخص مأمول خالصانه من
 اولدیغی بیانیله مخصوصاقائمه محالستدائمه تحریر وتسیار قلنمشدر بمنه
 تعالی لدی شرف الوصول بروجه محررانفاذ اراده علیه واجرای حقانیت
 ذاتیه به همت والای مشیریلری معطوف ومصرف بیورلمسی مأمول
 وممسؤل خالصانه مندر

(صورت قائمه)

بر مقتضای صنع بدیع ربانی طبایع مختلفه دن مرکب اولان اسطقات

بشریه نیک قوامی تجاذب و تغالب اوزرینه سببی اوله رق ارالقهده بعضا تفرق
 و اتصال مقوله سی عارضه دن خالی اولمدیغندن کچنلرده مزاج معالی
 امتزاج آصفانه لینه عارض اولان انحراف کیفیتی مسموع چاکرانه م
 اولدقهده لازمه خلوص و عبودیت اوزره باروی سیاه اعاده عافیت
 سنیله لی مناجات عاجزانه سی لیل و نهار مرجوع اجابت کاه حضرت آله
 قلند یغندن غیری بعض اصحاب قلوب و مظان استجابت اولان محل
 مرغوبدن دخی دعوات خیریه داورانه لینه اشتغال واجبه سنده قصور
 اولمیه رق جداثم جدا لطف و عنایت جناب رب عزت بشارتنای فیضان
 اجابت و نوبنوافات علیه لری نوید فرحت مزیدی تشنیف ساز عبودیت
 اولمق حسبیلدر حال ایفای تشکرات قاصرانه یه ابتدار قلمش و جناب
 حق صدقه صحت اولان اشبو انحراف مزاج عالیله نه مدت مدیده
 صحت و تندرستی ایله مکافات جلیله احسان و نیجه زمان عافیت تامه ایله
 عمر و دولت و اقبال و کالتپناهیله فر اوان ایلوب همیشه واسطه اعتدال
 امور انام و ذریعه انتظام خطوب احکام اولان ذات مکار مسلمات
 داورانه لری المسز و کدر سز مقام معلای آصفانه لرنده کامکار و کامبین
 و سایه ایت پروریلرین جمله بندکان و علی الخصوص بو عبدنا توان غریق
 الاحسانلری اوزرنده فیض بخشای ثبوت و تمکین ایملک دعوائی بالصدق
 الصمیم تذکار و تکرار قلندقهده اولدیغنلک انهای عاجزانه سنی مبین عریضه
 چاکرانه م ترقیم و پیشکاه نجات دستکاه و کالتپناهیله نه رفع و تقدیم
 قلند یغنی بمنه تعالی محاط علم عالم آرای بیورلدقهده امر فرمان

*(مابین همایونه متعلق بر ذاته جوابنامه) *

جداثم جدا شوکتلو کرامتو قدرتو عامه انامه مر حمتو ولی نعمتو
 ولی نعمت عالم افند مر حضرتلری بالشوکه والا جلال اثنای راهده واقع
 قصبات و قرا اهالیسی جمال جهان ارای شاهانه و عطایای مکارم پیرای
 پادشاهانه لریله مستغرق نور سرور و حبور ایدرک رؤسجفی مبارک قدوم

میامن لزوم ملوکانه لایله مغبوط سپهر برین بیورد قلربی متضمن ارسال
 اولنان مکتوب بشارت مصحوب بگز وارد و واصل اولغله حاصل اولان
 ممنونیتی تقدراطرا ایتسم بجادر زیر اهر بار استطلاع پیام مسرت انجام
 حضرت شهنشاهی اقدم افکار عاجزانه م ایسه ده مکتوب ولا کارانه گز
 خبر صحیح و تبشیر صریح اولغله درجه سز شاد و خرم اولدم و بوجو جهله بنی
 سوندردیک گز دن وفادار لغیزی بر قاتدخی بلام مکر م و مستدام اوله سز
 رشک و حسد اول بنده یه که ولی النعمتیه همراه اوله و حیف و دریغ اول
 افکنده یه که دل و جان و روح روانتک خبرینی خارجدن اله فی الحقیقه ولی
 نعمتزا فند مز حضرت تلری نک مقدم لردن دخی عزیمت همایون میامن مقرون
 ملوکانه لری واقع اولمش ایسه ده بود دفعه مفارقت اجیسی ممتد اولدیغندن
 جناب حق هر حالده و هر محالده ظل آلهیسنک حافظی اولدیغسنه
 شبهه یو غیسه دخی بر مقتضای عبودیت بندکان سده سنیه یه کوره
 اضطراب قلب و اختلاج صدر دن خواب و راحت و حضور و آرام ممکن
 اولما مغله جناب باری حضرت تلری مبارک نفس نفیس همایون شاهانه
 و معلا وجود عالمسود ملوکانه یی همیشه صحت و سلامت تامه ایله صون
 صمدانیسنده مصون و محفوظ ایدرلک عن قریب الزمان صفای بال و عافیت
 بر کمال و مزید شوکت و اجلال و اقبال ایله مقرر سلطنت سنیه سرمدی
 القرار لری نه تشریف معالی ردیف جهان بنای لری میسر ایملک دعواتنه
 مواظبت و اشتغالده اولدیغزلک و هر کون طلوع مهر رخشان جناب
 جهان بانی یه ترصد و انتظار عاجزانه مزک بیان امکانیسیله استنبای طبع
 و داد ماثر گزی حاوی شقه مودت تحریر و تسبیح قلندیغی معلوم یکاست
 ملزومکز بیورد قدده ان شاء الله تعالی عودت مکارم منقبت حضرت
 شهنشاهی مرده سیله دخی بو مخلص ناتوانی مسرور و شادمان بیور مکز
 مأمول خالصانه مدر

مروتم کرم فتوت شعارم افندم کچنده معرفت عالیرله دولتلو
 حضرت تیرینه تقدیم قلنسان تبریک نامه ده یازمش اولدیغم بعض تعبیرات
 محزونان طرف عطوفیلرینه تعریض وکایه اولمق خاطرده سی متبادر ذهن
 والاری اولدیغی وارد اولان رقیه محبتلرندن معلوم خالصانه م اولمغله
 لاوالله مراد مستندانه م کرک مشارالیه حضرت تیرینه وکرک جناب عالیرینه
 برنوع تعریض واعتراض اولیوب حسب القدر **ا**کثر اوقاتم حزن
 وملال ایله کذران ایتدکده اولدیغندن تبریک نامه مذ کوری یازارکن
 انامل حیرتده بولنسان فی پاره قلم انکسار درون ایله دملنوب نوای شوق
 وطربه بدل مقام نامرادی وپرده ناشادیده بعض نغمات سوزناک ایله ترم
 هوالزنده کزینه رک اوکونه آهنگ مافی البال ایله ترانه سازدرد درون اولمش
 ایسه ده مجرد (کل اناء یترشیح بما فیه) جریان نجه خامه بیغز ضمیرک مملو اولدیغی
 آلام واکدار شعبه لرندن اوله رق حاصلی موسیقار حسب حالانه وکسترانه
 دلسوزانه قیلندن اولوب یوخسه مشارالیه و طرف واضح الشرفلرینه
 اومثللو ستم و سرزنش نزد ثنا و رانه مده یجوز جائز اولمز لایجوز هیچ جائز
 اولمز نوعندن ایدوکی و بویابده اظهار معذرتلری مطلقا شیء هر وتلری
 اقتضاسندن اولمق حسب سبیل هر حاله ذات عالیرلندن خشنود و متشکر
 اولدیغم معلوم عطوفیلری بیورلمق اوزره رقیه مخصوصه ترقیم اولندی

(وزرادن برذاته عرضی خلوص)

حمد الله تعالی همت وجلادت مشیریلرله فتح و تسخیر و خارج دائرة انقیاد
 اولان شقاوتکاران طعمه شیر شمشیر اولدقلری بیانله تأسیس حسن
 توجه عالیرینی شامل ارسال بیوریلان عنایتنامه نامیلری مسرت انداز
 ورود اولمغله خدمت سنیه لری نزد اولیاء امورده قرین ستایش و تحسین
 اولوب طوغریسی چندین سنه دنبرو زهرابه جیش سطوت تأدیب
 اولیان بغانک رقاب عصیانلری اول وجهله ملازم سیف اجلالری اولمق
 خونه سائریه دخی نمونه نمای عبرت و تعریف خوان قهر و صولت

اولدینگی وارسته قیداش کالدر جناب باری ذات جلاد تسما تدرین تمادی
عمر و دولته اریکه پیرای عافیت و اجلال ایل یوب سایه سلطنت سنیه ده
نیچه نیچه ماثر جیلده مقرون ایلیمه آمین مقتضای عبودیتیم اوزره تأدیه
خدمات سنیه لرنده لازم کلان شرائط اختصاصی اجرایه دقت و اعتنا ده
قصور چا کرانه م اولم دینگی افاده سی عریضه بند کانه م ترقیمه بادی و مرفوع
یشگاه دولته بادی لری قلمشدر

(حلب الشهاب خاندانندن برزاته لغت فارسی بولیمه رق مکتوب)

سید الکسوم و اکرم القروم اولان ذات عریق و اصل عظیم العدی لاری
ما تعاقب الملوان از دیاد عمر و دولت و امتداد مجد و نباهتله مسند مشید
عافیتده کمال انبساط و صفایه مقرون و عون و صون صمدانیه کافه عوارض
و اختلافات ریب المنوندن مصون و مأمون اولمق دعوائی لوازم تحیت
و ثنا و مراسم افتخار طبع معلا لریله تذیل قلم دینگی سیاقنده عریضه عبد
قدیم مستد یملردرکه عنصر لطیف نبیلانه و بحر ثومه جلیله نجیبانه لرنده
محر و مر کوز اولان مکارم اخلاق و محاسن صفات اقتضا سنجه
ابر از ماثر مرقوت و وفا و مراعات حقوق و مخاندن و دو و لا ضمننده مقدم
و مؤخر بعث و تسبیار بیوریلوب میامن و صولیه مشرف و مستسعد
اولدینغم مکاتیب عنایت اسالیب ولی النعمیلرینه هر بریسی (تنور من رویاه
منابصائر* و تطرب من فحواه مناسماع) مدلولنه ما صدق اوله رق لیل
و نهار بریدرکاب السحاب ایل و رودینه وقف تحسروانتظار ایلدیکم
مسکینه النفعات خبر عافیتلری کرة بعد اخری معطر مشام جان و فوق الغایه
مستلزم سرور و حبور جنان اولمشدر دار الضیافه کریمانه لرینه نزولدن
نمخته قدر طرف تام الشرف لرنده خفی و جلی مشاهده ایلدیکم انواع
محبت و حرمت و صنوف اکرام و رعایت بروجهله قابل نسیان اولیوب
مجلس سامی و صحبت و الفت کرامیلری تأمل و مطالعه قلمدقچه جانب سنی
المنابیلرینه حاصل اولان خلوص و عبودیتیم تجدد و استمرار ایل بر حده بالغ

اولم شد که حق تعریف و توصیفی رتبه استحال ده در شمدیه د کین
بالدفعات معروضات بند کانه مله ایفای لازمه انجذاب و خلت و ادای
واجبه تفقد طبع دولترینه مبادرت فریضه ذمت خصوصیتیم ایکن عدم
مساعده دوران و استیلای تصاریف زمان موانعیه مدت مدیده دنبرو
اول اخص آمال چاکرانه مک رهین موقع حصول اوله مامسندن عظیم
متأثر اولدیغمدن غیری زبیره عاطفت و تیره لرنده دخی طرف ثنورانه مدن
انقطاع مر اسله و قوعی تلمیح و ایما بیورلدیغمدن بویابده اظهارا للمعذره
بعض وقایع متقلبه عاجزانه مک صوب عالیترینه عرض و بیانی لازم
کلوب کچن سنه تقدیم ایلدیکم بر قطعه عریضه مده علی وجه الایجاز
کیفسر لکممدن بحث اولمش ایسه ده مدار استعفا ی قصور اولمق املیه
بودفعه اولیاتندن بدء اولنه رق شو و جهله تفصیل اجمال سنه ابتدار
اولنورکه (کوکل قالسون بکم یول قالسون دیر لرمثلدر بو) دینلرک
تناول سم اقتراق ایله حلبدن خروج زده کاه محامد و اوصاف جلیله لرین
تعداد و کاه غلبه وجد و حال ایله علی روایه فارابی ثانی اولان تریاک
خوشنوا یسر الله تعالی له الاستقامه فی البیع والشر احضر تلزندن تعلم
ایلدیکمز قصاید و موالیری انشاد ایدرک اثنای طریقده واقع جبال
واودیه به صعود و هبوط مزده ارتفاع قدر و منزلت و انحطاط اعدای
بد طینتری دعواتیه مصحوبا بالسلامه قونیه به دخولن میسر اولدقده
وخامت آب و هوا و سائر اسباب شتایله بر شدید جای صفر اوویه به مبتلا
اولوب افندیملر فن طیده حذاقتله مشتهر اولان معجون اغاسیله معارفه
سابقه مزه مبنی موحی الیهک اجزای مهر و مودتدن مرکب ادویه
نافعه سیله اون کون ظرفنده فی الجمله تصحیح مزاج برله یقیلوب دوشهرک
آستانه سعادت و ورود مزک اوچنچی کونی بر مثلث ستمه یقالیوب بعد زمان
کاه جای ربعه و کاه ایکی کونده بر وکل یوم طوتان انواعنه تحول ایدرک
استانبولک کو یاسقراط و بقراطه تعلیم طب و تشریح ایله معجون حکمت

یدرمک و جالینوس و ارسطو الیسک شریان شهرتند وضع نیست بر بطلان
ایتمک زعم فاسدند اولان صنادید اطبایی تدابیر متنوعه ایله جسم
ضعیف عاجزانه حی لوح تجربه جهالت ایدوب بو وجهله نیچه مدت اشربه
مرّ المذاق محن و مشقت تجرع اولمش ایسه ده عاقبت جمله معالجه لری
لغو و باطل و لا طائل اولدیغندن تداوئی جسمانیدن فراغت و ادویه
روحانیه یه مداومت اولنوب الحاصل کاه طبقات زمهریره چیقمش
کبی مبرود القوی و کاه قعر جهنمه اینمش کبی محترق الاعضا اوله رق
تمام بر یحق سنه مرورنده وجود موهوم بند کانه م (کشل بیت
العنکبوت) اولدیغی حالده جناب رب عزت شفا و عافیت احسان ایدوب
کرک اول وجهله خسته لکم اثناسنده و کرک صکره لری عموجه مزاقندینک
وفاتی مثللو بعض مصائب و رزایای سائر نه نک ظهوری دخی بر برینی
ولی و تعقیب ایتمک حسبیه صوری و معنوی جمعیت نوائب و باسالیله
من حیث لایشعر مضطرب البال و منقضة الاحوال اولدیغمدن امر
مکاتبه ده من غیر اختیار تقصیر اتم واقع اولمش ایسه ده وقوع بولان
قصورم مجرد تتابع مضایقه وقت و حالدن نشأت ایدوب (الان لی عهدا
اکید اعلی الوفا * و قلبی علیکم مطمئن و مجبول) ما آلی حسب حال مخلصانه م
اولمده ایدوکی بیانیله افاده حال و کیفیت و اقتحاص طبع دولتری
سیاقنده

(طرف قائم مقامیدن مکتوب)

بود دفعه حقه کزده عفو و صفح عالی استدعاسنی متضمن مبارک خاک پای
معلائی حضرت شاهانه یه رفع و تقدیم ایتمش اولدیغکز عرض حال ضراعت
اشتمال کز و طرثرزه و بعض مقربین و وکلای سلطنت سنینیه طرفلرینه
مبعوث مکاتیبکز ورود ایله جمله سی معروض حضور فائض النور
جناب جهانبانی قلنه رق مشمول لحاظه معالی افاضه ملوکانه
بیوراشدرد کر اولنان عرض حال متضمن الابهالکز ما لنده حسب

البشریه واقع اولان جرم و قصور کزی اعتراف و ذات شو کنسمات حضرت
 شهنشاهینک چراغ افروخته عاطفت علیه سی اولدیغی کزی سر سطر
 صحیفه استرحام و استعطاف ایدرک دودست تو به و انابت له دامن مکارم
 پیرامن سلطنت سنییه به صارلمش و شمیمه کریمه ملوکانه بی کندیکزه
 مغیث و شفیع اتخاذا یتش اولدیغی کزدن حق جل و علا حضرت تیری تو کمنز
 عمر و شوکت و اقبال ایل الی الابد سریر آرای سلطنت و اجلال ایلسون
 ذات فرشته سمات حضرت خلاقینا هینک متخلق اولدق لری مکارم
 اخلاق ملک پسند شاهانه و مراحم و اشفاق فلک پیوندیاد شاهانه لری
 اقتضا سنجه بو وجه له وقوع عبولان ندامت و استعفا و نیاز و التجا کز
 سحیه رضیه رحم و رأفت شهریار یلرینی مهیج و حق کزده انوار لطف
 و مرحت جهاندار یلری متموج اوله رق اولاد و عیال کزله

حقیقوب شمدیلک مرفوع الوزاره اوله رق جوار سلطنت سنییه ده
 مستریحا اقامت ایتک و بمنه تعالی ینه ایلروده آخر ایالت و منصب
 وزارت ده استخدام اولمق اوزره جریده جرم و جنحه کزه قلم عاطفت رقم عفو
 و صفح عالی کشیده بیورلمش و مزید الطاف علیه تاجداریدن ناشی
 طرف کزه حرزجان و نسخه امان اولمق اوزره بیاض اوزرینه صحیفه زیب
 صدور اولان خط هما یون موهبتنمون شاهانه دخی غبطه بخشای
 مهر کردون مهر هما یون شوکت مقرون ملوکانه ایله مهمورا و موشحادر و
 قائمه مزده طرف کزه کوند رلمش و مناسی مقدار اشیا کزل اعطاسیله سزی
 معززا و مکرما حیق قارمسی طرفنه تحریر و اشعار قلنمش اولمغله اشته
 دواعی بشریت جرم و خطاده واقع اولمش ایسه کزده (قد یضاع الرأی
 ثم یستدرک) مصداقنجه عقلا کز سزه یار و یاور و شاه راه عبودیت
 و اطاعت رهبر اوله رق تدارک مافات و تحصیل نجات امید و امنیه سیله
 ملاذ و ملجأ کافه انام اولان کهف الامان مراحم و احسان ملوکانه یه
 دخالت و التجا یتش و همای هما یون بال سلطنت سنییه نک جناح عاطفت

علیه سینه صغمتش اولاد یغکزدن شوکتلو قدرتلو عظمتلو پادشاه عالمپناه
 افندیمر حضرتلری دخی (الحلم مع القدرة والعفو عند الاقتدار) مدلولنجه
 تصور کزی تصدیق وحسن ظن کزی تحقیق ایله شان شوکت نشان
 شهنشاهیله نه دوشنی اجرا و نیاز و استعدا کز و جهله سزی از سر نو احیا
 بیوردیلر امدی بعد ازین من کل الوجوه امین و مطمئن الخاطر اوله رق
 همان اراده سینه به امتثال و موفق اولدیغکزدن ادرال و استدار ککزلر ثمره
 خیریه سنی مشاهدیه استعجال ایله بالاهل و العیال حیقوب جوار
 سلطنت سینه ده اقامتی طلب و اختیار ایدر سکر خلفکز مشار ایله
 واسطه سیله بو طرفه و جانب مشار ایله اشعار ایله سزا کریچه آداب
 عبودیت و حق نان و نعمتی تعقل و تأمل ایدرک بو مسلک در ایتمدانه به
 سلوک ککزه نظرا طرف اشرف سلطنت سینه دن بو وجهله حق کزده سزاوار
 بیوریلان عفو عالی به وثوق و اعتماد تام ایله خاطر کزه قطعابر کونه ریب
 و اشتباه عارض اولماق لازم کله جکی در کار و بو آنه قدر مستحق تأدیب
 اولان نیچه مجرم لک سواد جرم و قباحتلری آب و تاب عفو و احسان عالی ایله
 ازاله و امحا بیورلدیغکزدن بشقه انواع عنایات بیغایانه نائل اولدقلری
 مثبت و صحیف اشتهار و اعتبار اولمقدن ناشی بو باده ایراد دلائله حاجت
 اولدیغی بدیدار ایسه دخی طرف کزه باعث ازدیاد اطمینان اولمق اوزره
 اشعار اولنورکه مقدما و دین محافظه سننده بولنان ادریس پاشا بعض
 تسویلات نفسانیه ایله و دین قلعه سنک متانت و صیانتنه استناد دولت
 علیه به اظهار مخالفت و عصیان ایتش و اوزرینه صدر اسبق متوفی
 خورشید پاشا مأمور و تعیین بیورلش ایکن استغفای جرم و قصور ایله
 آستان ایت پاسبان جناب جهانبانی به دخالتنه مبنی عفو و عنایت علیه به
 مظهر یتله در سعادت کلوب اولنجه به قدر سایه مکار موایه شاهانه ده رفاه
 و راحتله وقتی کچورمش اولدیغی مسموع و معلوم کز اولمق کر کدر حاصلی
 قلب کزه ذره قدر شک و شبهه کتور میوب و حبل المتین عفو و امان شاهانه

وعروة الوثقى لطف وكرم پادشاهانه اليكزه كيرمش وحيات ثانی وبقای
زندگانی به نائل اولمشيكن زهار غرور و غفلت و ظنون و اوهامه و ساده دلان
وسبب كمغز انك اغفال و تغليطنه تبعيته بو نعمت جليله يي الدن
قاچرميوب اشبو سالك و ممدارك اولديغكز طريق مستقيم ايله ازهر
جهت واصل سر منزل نجات و سلامت اولديغكزي محقق بيله رك (ايالك
والبطر اذا اتاك الدهر بالو طر) نصيحتيله عامل اوله سز اكر بومر ته
عنايت عليه و موهبت سنيه به نائل و مظهر اولاد قد نصكره عدم توفيق ايله
قدر و شكر يني بليو بده حقه مامق و ذكر اولسان عريضه كزده بر مقتضای
ديانت و اسلاميت طرف دولت عليه به عصيان و مخالفته متجاسر
اولميه جغكزه دائر واقع اولان اقوال رضا جو يانه كزه افعال كزي تطبيق
اي تمامك داعيه لرينه دوشه رك نفس كزي يكي باشند مهلكه به القايله دنيا
و آخرت كزي كند و الكز ايله خراب و بوضورتده دو كيله جاك قانلرك و زر
و وبالني اختيار و ارتكاب ايتك نيتنده اولور سكر اول تقدير جه بهمه حال
سوء اعمال كرك نوجهله اولسه مجازاتني كوره جككزده شبهه اولما مغلله
الحاله هذه جو بيار عفو و مرحمت شاهانه ايله بالكلية منطفي اولمش اولان
ناثرة غضب حضرت ظل الاله يي تحريك دست و دامن عصيان ايله يكيدين
اشعال ايتك و بيهوده تخديش خاطره و تشويش و اهمه ايله كند يكره غدر
و حيف ايلك مثللو اوضاع ناروايي خيال و خاطر كزه كتورميه رك
فوت فرصتدن احتراز و اجتناب و همان بلا تردد امتثال امر و فرمان
حضرت خلافتينا هي به عزم و شتاب ايلكز ايچون اشبو قائمه تحرير
و تسير اولندي

(وزرادن برذاته)*

بو آوان يمن اقترانده بحمد و سبحانه و تعالى مسند مؤيد كارسازي
سپه سالاري و متساكاي معلاي سرافرازي و كامكاري ذات نباهت سمات
ولي النعميليله مغبوط ككنكره چرخ برين بيورلايغني نويد فرحت


مزیدی سامعه زیب اقطار و آفاق اولق حسبیه قولارینه کوره مزید
 مسرتله یالکز دعوات خیریه ولی النعمانه لریله **ا**کتفا عبد احقر
 و چاکر کترلرینه احوال حاضره مستندانه مه حسابان و کندیمی آدم پرینه
 قویه رق تبریکنامه بندکانه تقدیمی حد و مقدار کترانه مدن بیرون ایدوکی
 نمایان ایسه دخی اصلند نبرو خاک پای مراحم احتوای آصفانه لرینه برکمال
 اولان خلوص و عبودیت و خصوصاً افندمک مزید مرحت علیه لرینه
 اغتراراجناب حق جاه بلند داوری و جایگاه فلک محاس سروریلرین ذات
کریم الصفات بیدانیلرینه هرجهتله مبارک و متین ایلوب جنود
 تأییدات ربانیه طلیعه مجد و اجلال و وفق توفیقات صمدانیه هر حالده
 تمیئه بازوی ایهت و اقباللری اوله رق عمر و دولت و شان و شکوه خدیوانه لری
 یومافیو ما متزاید و افزون و سایه مرحت سپهسالاریلری منتسببان دائره
 دولت و علی الخصوص عبد مخلص باهر الطویرتلی اوزره ابد نمون اولق
 دعواتیله **پیش**گاه مکارم دستگاه داورانیه لرینه عریضه کترانه م رفع
 و تقدیمه اجتناسار قلند یغی معلوم عالیلری بیورلدقده امر و فرمان حضرت
 من له الامر کدر

(صورت عرضحال)

دولتو عنایتلورم حتملور ولی النعم افندم سلطانم حضرتلری دولت و اقبال
 ایله صاغ اولسون عرضحال قوللریدرکه بوقوللری هنکام صبا و تمدنبرو
 تحصیل علم انشا و تعلم فن کتابت و املایه خواهش **ک**ر اوله رق حسب
 ماتیسر هنر و معارفه اشتغال ایتسمدخی دست امل عاجزانه م دامن
 انتسابدن تهی و کاسه امنیه چاکرانه م رشحه فیض اقلام حضرت
 پادشاهیدن بیوایه اولق حسبیه هر چند حد و لیاقت کترانه مدن بالاتر
 ایسه دخی حق عاجزانه مده ابر احسان ولی النعمیلری قطره بار و مهر
 الطاف ذره پروریلری لامع الانوار بیوریه رق لطف و کرم بوقوللری چراغ
 و مأمور و بوجهله عبد بمقدارلری احیا و مسرور بیورلق باننده امر

(وزرادن برذاته مکتوب)

حق چا کرانه مده سزاوار بیوریلان محاسن توجهات جلیله و میامن
تعطفات جمیله لرینک افاده سنی متضمن ارسال بیوریلان مکارمنامه
سینه لری راحه پیرای ورود اولوب مفاهیم دنوازیلری معلوم چا کرانه م
اولد قده فوق الغایه ابتهاج و ممنونیت بندکانه می موجب اولمغله جناب حق
ذات بهی الصفات بیداینلرین همیشه عوارض کونیه دن مصون و عمر
و دولت واجلاللرین روز بروز افزون ایلیه آمین صوب سامیلرینه اولان
خصوصیت کامله بندکانه و صدق طویت چا کرانه م نزد والای
مکارمکاریلرنده عرض و بیاندن مغنی و شاهد معانی عبودیتیم (حاجت
مشاطه نیست روی دلارامرا) مفاد نجه زیبایش لباس الفاظدن مستغنی
اولمغله بالغدق و الاصال دعای بقای عمر و دولتلی خدمتیه ملازمت
و اشتغال اوزره اولدیغیمک انهاسنی حاوی عریضه رقیت فحوی ترقینه ابتدار
قلمشدر



(وزرادن برذاته مکتوب)

محقق الثبوت اولان حقوق عزیزه و روابط متمیزه جهتلیله مواسم
و هر اسم قوللاشدیره رق عرض خلوص و عبودیت واستدعای لطف
و عنایتلی داعیه سیله مکاف اولمقدن آزاده لک اعتقادندن کند می آله م
لکن امام ربانی حضرت تلیرینک مکتوباتلرنده کورد مکه شیخ احمد خضر روی
حضرت تلیر کینفسر اولد قلرنده کند ولری دائما بسط و سخا مسلکنده
اولد قلرینه مبنی بر ازدیونلری تراکم ایلد یکنده داینلری صورتا عیاده
و معنا مطایباتلرینی مطالبه قصدیه زیارتلرینه کاوب حضورلرنده
او توررکن سواقندن برچو جق حلوا صاته رق کچد کده شیخ افندی
درویشنه شو حلوایی کتور مسافر لرتناول ایتسونلردیو کوندروب درویش
حلواجی چو جغه طبلده کی حلوا قاج غرو شلدردیو سوال ایتد یکنده

چو جق دخی یارم اتونلقدردیو جواب ایلد کده طبله سیله حلوائی
کتوروب مسافر لرتناول ایتد کد نصکره چو جق التونی استد کده شیخ
افندی ای اوغل بزدر ویش آدملر بزده التون بولنورمی دیجک چو جق
بن اوسته مه نه جواب ویره یم دیه رک اغلامغه باشلیوب شیخ افندی
همان یورغانی باشلرینه چکوب سکوت ایتلر یله داینلر کوکلرندن چونکه
پاره کزیو قدر بزه حلوائی ید یروب چو جق اغلامق نه عجایب دیر کن اوارالق
اغنیادن بر ذاتک آدمی ایچرویه کیروب افندی اللر کزی اویدیلر کندیلرینک
برازدیونلری اولق کرک شوهدیه مزی قبول ایدوب بورجلرینه ویرملرینی
نیاز ایدرم دیدی دیه رک شیخ افندی نک یتاغی یاتنه برحقین وضع ایدوب شیخ
افندی اخذ و تعداد ایتد کده تمام بورجلری مقداری اولوب یارم
دینار دخی برکاغده ملفوف اولغله داینلرینه تقسیم ایتکین جمله سی
افندی بو مجرد سزک کرامتکز در اما چو جق اغلامق سزین اولسیدی
دها کوزل اولوردی دیجک شیخ افندی چاره نه درکه بو عطیه الهیه نک
ظهوری چو جق اغلامسینه موقوف ایدی دیمشربوکی شاید بنده کرک
سزلمسینه متوقف ایسه بالو کاله برادریم داعیلری طرف دولته کزده
اغلا یوب سزلمسون ذات عالیکزدن براظهار کرامت میسرایسه اجر اسنه
همت بیورل دکل ایسه الحکم لله افندم

(ودین محافظندن کلان مکتوبه جواب)

شامل حال بند ککان وکافل خطب درماند کان اولان سایه بلند اثر
ولی النعمانه لنده زاویه هاویه غریبتن آزاد ودر سعاده خانه حقیرانه مه
ورود ایله دلشاد اولدیغم معلوم علم آصفانه لری بیوریه رق مقتضای شیمه
کریمه خدیوانه لری اوزره اجرای رسم تهنیت سیاقنده محض مآثر
مسنون الا کابردانی وتنزل چاکر نوازیلرینی حاوی ترصیعات انواع لطف
وعنایت کریمانه لریله زینت بخش دل و جان اولان التفاتنامه سائی
داورانه لری لوازم انجذاب واشتیاق ایله استقبال وتلقی دودست توقیر

و ابجال ایله وضع جبین ابتهال اولندقدده آینه عبارات معانیسنده صورت
 حصول امانی مشاهده اولنه رق (عقلش خطاب کرده که یا ائمن الحدیث *
 روحش لقب نهاده که یا احسن الکلام) جواهر کلمات لطافت آیاتندن ضمیر
 دهاج عبیدانه م فرید ابتهاج ایله شن و دیده عبودیت و فور انشراح ایله
 روشن اولوب حقا که هر تعبیر نکین و هر فقره نمکینی بر رتبه ده باصره زیب
 شهود و بردرجه ده حلاوت سازدائقه وجود و بلکه تفوق نمای هر بود
 و نمود اولشد که مقوم بیان تقدیرهای حسن و بهاسنده عاجز و بنان قلم
 دامن وصف و اطرا سینه غیر حائز اولمقدن ناشی استیعاب سرور نامحصور ایله
 همیشه مبانی بقای و ارتقای عمر و دولتیری قطب فلک مستدیر کبی قائم
 و راسخ و کاشانه اقبال و اجلال و آصفانه لری مانند فلک الافلاک ثابت
 و شامخ اولمق دعالی پیرایه زبان عبودیت قلمش اولمغله (دادگر دستور
 دولت پرور و دیندار کیم * هم وزیر کشور آراهمده قطب العارفین) مدیحه
 لطیفه سی قصیده بلیغه اوصاف علیه لرنده بریت مجمل اولان ذات
 بیهمتای ارسطونها دولی النعمیلرینه اوتیه دنبروعن صمیم بنده خلوص پرور
 و چاکر کمتر لرندن اولدیغم نزد معالیوفد آصفانه لرنده مستغنی آنها * که هم
 نا گفته میدانی و هم ننوشته میخوانی * مزایای مسلمه سی اوزره احاطه
 و اطلاع داورانه لینه نسبتله اجمال و تفصیل احوال بندکان علم عالمشمول
 آصفانه لینه برهان توحید کبی ظاهر و هویدا اولمق حسبیلهمان
 خدمت ادعیه خیریه ولی النعمیلرینه ملازما کمال تشکر و ممنونیت
 عبیدانه می متضمن اشبور قیمة مستمندانه م معروض حضور مکارم و فور
 عالیه قلمدیغی محاط علم کائنات آرای آصفانه لری بیورادقدده بعد ازین
 دخی عبد قدیم و مخلص متخصص مستدیلری حسن توجهات فائضه
 البرکات کریمانه لرندن وایه دارمباهات و افتخار بیورلمق باینده

(جوابنامه)

ساحه هماسیمای مجد و اجلالرینه بسط بساط عبودیتله لوازم اخلاص

واختصاصم بروفق احرى ایضا قلند یغی ختامنده معروض چا کرینوا
 و منهای بنده نارسا لیدر **که** بحوله تعالی تنکذای غربتدن اضلاق ایله
 در سعادتیه خانه کترانه مه ورود چا کرانه م سامعه رس ولی النعمیلری
 بیوریلهرق (مروت مکرم لطف و کرم سنده جبا لیدر * بکامیل درونک
 شبهه یوق فیض تجلیدر) نشیده سنجه محض عنایت بیغایت بنده
 نوازیلرندن دنشعب اولمق اوزره احسان بیوریلان کرمناده کرامیلری
 همای دولت آسامه عبودیتته واصل و شاهباز اوج التفات چا کر پروریلری
 آشیانه خاطر ویرانه نازل اولوب پروبال نوازش و عاطفتهل خس و خاشاک
 الم و اندوهی صحن دل بیغل عاجزانه دن سیلوب سوپر مش یعنی امر نامه
 عالیرینک هر بردر ثمن کلمه مرحت قرینی چا **که** رسته هاملرینه تکمه
 کریبان افتخار اولهرق مشارق فقرات مطبوعه سی دل و دیده بند کانه مه
 القای نور سرور ایتش اولمغله (خدا عمرک کونک اقبال و اجلالک مزید
 ایتسون) نظم لطیفی بالبداهه زبانه کذار عاجزانه م اولدیغی متعاقب همیشه
 صحت و عافیت تامه ایله وجود بهبود ولی النعمیلری متکاپیرای دولت
 و اہت و مزین ساز بالین جاه و جلالت اولمق دعاری با صدق طو بیت
 برداشته درگاه احدیت قلند یغی بیائیک تشکرات عاجزانه متخصصانه مله
 تنورینه ابتدا راولند یغی بمنه تعالی رهین علم عالم آراری بیورلقدہ بعد
 ازین دخی بنده مخصوص و چا کرین انخصوصلری ذیل جریده بند کانه
 ابقا و فیوضات حسن توجه کریمانه لریله احیا بیورلمق بابنده

(بالاقتصالا یحه کونه قلمه النمشدر)

عند عالی و نزد باهر المعالی حضرت خلافتپناهیده مستغنی بیسان
 اولدیغی وجهله جناب واجب الوجودک احکام الهیه و افعال ربانیه سی
 هر عصرک مزاجنه و هر زمانک طبیعتنه **که** وره جاری و امر ونهی
 صمدانسی حکمت بالغه و مصلحت نافعه ایله معلل و متواری اولهرق حکم
 خفیه دن ناشی ابقای حال و تمدید حکومتلری و وقوعات کونیه نک

اسباب و وسایطه توقف و ارتباطی بصر و بصیرت الیه مشهود و متعین
اولوب سید و سند عالم افتد من حضرت تهرینک مؤلفه قلوب اطلاق اولنان
یعنی رسوخ اسلامیتلی حاصل اولیان طائفه بی ایصن در مق ایچون
اصحاب کرامدن زیاده اعطای مال غنیمت مثللو تلطیفات و استمالته تدبیرات
نبویه لری و کذلک لمصلحة منافقین حقننده نیچه معامله حکمت امیزلری
کابلر یزده مسطور اولوب اعزه کرامدن حضرت هدا یینک شیخلری
افتاده حضرت تهرینه اهل دنیا اولان زوارک کثرت و زحامندن شکایتلرنده
نه یپالم ای اوغل جناب حقک مخلوقنی ملکندن سورب چیقار مق اولمز
ایوسی بونلر الیه بر خوشچه کچنم کدر دیو بیورد قلری اصحاب عرفانک دقایق
کلمات حقانیه لرنند روار کان معظمه اسلامدن اولان حج شریفده
استطاعت مالیه و بدینه شرط اولدیغنی کبی غزا و جهادده دخی شرایط
معلومه نک وجودندن لابد ایکن بای توجه کان جهادک لزومی ادعا سنده
اولمغی مسلما نلقدر ظن ایدن متعصبلر فی الحقیقه مزایای شریعت و اسرار
حکمتدن غافل اولدقلرنده شبهه اولمدیغندن ماعدا عقل سلیم و نظر صحیح
قننده دخی خلق الیه مدارات و مواسات اوزره کچنمک جمیع زمانده
معاملات بشریه نک مبناسی اولان جلب منفعت و دفع مضرت قواعد
اصلیه سندن بهر حال خالی اولمدیغنی بیدار اولمق حسیله بحمدده تعالی
شوکتلو کرامتلو عظمتلو ولی نعمتزر ولی نعم عالم افتد من حضرت تهرینک هر بر
خصوصده تدابیر حکیمیه الیه موصوف و مؤید اولدقلری مثللو
بو خصوصلرده دخی اجرا بیورد قلری معاملات عالمپسند ملو کانه تمام
مزاج عصر و ایجاب وقت و حاله موافق و اصل معناسی حکمت عملیه دیمک
اولان پواتقه اصولنه بالوجه مطابق اوله رق جمله سنه عائد و شامل
اولدیغندن اوصاف جلیله شاهانه و اخلاق کریمه پادشاهانه لری اطراسیله
ستایش و ثنای جهانداریلری منتشر ربع مسکون اوله جغنی ظاهر و بیدار
و حق چاکرانه لرمزده ارزانی بیوریلان انواع التفات و احسان بنده

پرورانه لری دخی یا لکز نفس عاجزانه لرزه دکل اولاد و احفاد عبیدانه مرزه
دخی دستمایه افتخار اولمغله همیشه حضرت خیر الحافظین مبارک وجود
عالمسود شاهانه لرین عافیت تامه ایله سرادقات حفظ الهیسنده برقرار
ایدرك ایام عمر و شوکت و اقبال و هنگام فروسلطنت و اجلال
پادشاهانه لرین آنا فانا متزاید و پایداریلیه آمین

(حلب و الیسنه جوابنامه)

پیغوله نئی و اجلادن آزاد و در سعادت و وصول ایله دلشاد اولدیغیز مسموع
عالی لری بیوریلر رق ایفای رسم تبریک و تهنیت سیاقنده محاسن توجهات
سنیه لرینی مشتمل اطاره سوی کتری بیوریلان برقطعه التفاتنامه
مکار معلامه لری راحه پیرای ورود و مال عاطفت اشتیالی رهین ایقان
چاکر خلوص نمود اولمغله چشمه سار عنایتلرندن ترشح ایدن رشحات بنده
نوازی و عاطفت و کلزار لطف و موهبتلرندن فایح اولان نفحات خاطر
سازی و مروت مخلص متخصص لرین وایه دار استبشار و عطرسای مشام
ممنونیت و مسار ایدرك دعای عمر و دولت و اقبال لری تکرار قلنشد در صوب
صوابنمای دستوریلرینه منسوج دستکاه قدم اولان کالای زرکشتار
خلوص و خصوصیت بند کانه مضمیر عاجزانه مه نسبتله پیوده اند ازه تمحض
و تمیز اولمق مناسبتیه خامه تر زبان ضروب ترکیه دن حلب انده ایسه ارشون
برنده مثانی ایراد و اتیان ایلسه نابجا اولمیه جغی نزد سامیلرنده بدیهی
و آشکارا و لمقدن ناشی مجرد تا کید و تأیید خلوص و مصافات بند کانه مله
تشکر و محبت ولی النعمانه لرینه مبارک سیاقنده عریضه حقیرانه م تحریر
و تقدیم قلندیغی ان شاء الله تعالی لدی شرف الوصول معلوم عالی لری
بیورلقدده بعد ازین دخی جانب چاکری محاسن توجهات سنیه بنده
پروریلرله مشمول بیورلمق باینده لطف و احسان حضرت من له الامر کدر

(تبریک)

معلوم دولتری بیورلدیغی اوزره ادرنده متفیا و منسیا اقامت اوزره

اولاد یغیزدن شو کتاب افند من حضرت تلی نه دعادن غیری برایشمز اولیوب
 ذات عالی برینک دخی طرف بند کانه مه بغیر حق منحرف الضمیر و توجهات
 علیه سابقه لری منقلب التعبير اولدیغی معلوم عاجزانه م ایسه ده پیردا شلق
 حقوقنه و حقوق ثابته سابقه لازمه سنه مترتب اولدیغی وجهله درویشانه
 ودرایشانه دعای دولت لرنده اولدیغیزی اظهاره تبریک مأموریت سنیه لری
 ذریعه قویه اولمغله جناب حق متین و مسعود و توفیقات الهیه به مقارنتله
 عمر و دولت لرینی مرز داد ایملک دعوائی تکرارینه مبادرت قلمقده اولدیغی
 بیانیله عریضه مستندانه تقدیمنه ابتدار قلمدیغی معلوم عالی لری
 بیوراد قده امر و فرمان حضرت من له الامر کدر

(وزرادن برذاته مکتوب)

مطلع اهله لطف و کرم و مشرق اشعه جود و هم اولان درگاه کردون حشم
 خدیوانه لری شفاء تعظیم و ابجال ایله ملتشم و جباه تذلل و ابتهال ایله مر تسم
 قلوب همیشه ذات فرخنده شیم ولی النعمیلری اتم مجد و دولت و اقبال
 وادوم عمر و عافیت و اجلال ایله مسند مؤید فرمان فرمای و متکای مشید
 حاجترواییده ثابت قدم و راسخ دم و مانند نیر اعظم ناشر انوار بر و نعم
 و منافع رسان اقطار عالم اوله رق سیف و قلم معدلت توأم آصفانه لری
 نسق سازامانی و امان ام و شقه زرین علم شان و شکوه داورانه لری محاذی
 کسکرتنه طارم اولمق دعوائی برداشته درگاه رب اکرم قلمدیغی سیاقنده
 عرض حال عبد عاجز قلمیدر که سایه انداز ایت و اجلال اولد قلمی
 سنجاغنده واقع نام قریه و غیریدن بابر ات عالی عهده چاکرانه مده
 اولان زعامت عاجزانه م نالوجه بر زعامت ایسه دخی مدت منیده دنبرو
 پاشا طرفندن ضبط اولنه رق نزد والای ولی النعمیلرنده مستغنی تعریف
 و بیان اولدیغی وجهله مشار الیه که زیر ضبطنده بولنان زعامت و مقاطعات
 اصحابی حق لرنده ایجاد ایتش اولدیغی مسلك و اصول اوزره طرف کترانه مه
 دخی بدل التزام نادیله اقل قلیل نسبه کوندر مکده اولدیغندن مقدا

بر دفعه زعامت مذ کوره نك مقدار حاصلات و نماسی تحقیق و تدقیق
بر له مشار الیهك طرفندن اعطا اولنه كلان بدل التزامك غایت دون
اولدیغی تین ایتمکدن ناشی تحملنه کوره حد لا یقنه ابلاغی خصوصی
بعض اولیای امور حضراتی طرفلرندن کندولرینه ملتزمانه تحریر و توصیه
بیورلش ایسه ده جانب مشار الیهك لا ونعم بر کونه جواب ظهور
ایتمیوب اولو وجهله مشار الیهك سائره توالی تعدیسی چا کر کینه لرینك
دخی خرمنسوزامل و امیدم اوله رق مدار معاشم اولان ناپاره عاجزانه م
حاصلاتندن محروم و مأیوس ایکن بحمدہ تعالی لواء مذ کورلعهده
سنیه آصفانه لرینه توجیهی الیه اهالی و فقراسی محسود سکنه روی زمین
بیورلش حسبیلہ اوتہ دنبرو ذات والای ولی النعمیلرینك صیت انداز مسامع
عالیان اولان عدل و داد آصفانه لری اقتضا سنجه سایه کرموایه
ولی النعمیلرندہ زعامت مذ کوره یه هنوز نائل و متصرف اوله جغہی
ادراک و اذعان و مشار الیهك زمان ضبطندہ واقع اولان مغدوریت
چا کرانه م خصوصندہ بمنہ تعالی بوئدن بویله محاسن هم علیه و میامن
مراحم سنیه لرله تلافی عافات ایدہ حکمی جزم و ایقان الیه سر سرور
و ابتهاج چا کرانه م رسیده طاق اسمان اوله رق مجرد شیمه کریمه بنده پروری
و سنجیه رضیه مراحم کستریلرینه حواله زعامت مذ کوره نك اشبو
سنه سی ضبطنامه سی بر قطعه صورت دقتیله معاتقدیم خاکای
حاجتروای داورانه لری قلمغله عبد عاجزلرینك مدار التجا و استنادم مطلقا
صحابت و حمایت علیه لرینه محصور و مقصور اولدیغنه بناء مقتضای
خصال حمیده چراغ افروزلری اوزره حق بند کانه مده جویبار مراحم
بیزا حم ولی النعمیلری کشتزار امانی چا کرانه مه اجرا و تخم آمال
بند کانه م آب و تاب مکارم و عاطفت خدیوانه لرله پذیرای سنبله نشو و نما
بیورلدیغی حالده الی آخر العمر نقدینه اوقات حیاتم دعای دوام عمر و دولت
و اجلال لرینه مصروف و موقوف اوله جغی آزاده ریب وریا اولمغین

علو نام و شان آصفانه لرینه نو جهله لایق و شایان و مکارم علیه
بر میکانه لرینه نگونه موافق و چسپان ایسه منوط امر و فرمان داورانه لر
ایدوکی بیانله عریضه

(حسن خطه هوسکار بر چلبی به مشق اولمق اوزره یازلشدر)

همواره مداد عنبرین لقای هنر و معرفت لری طرازنده صحائف قدر و منزلت
و خامه مشکین جامه علم و کمال لری زیور مهارق مجد و منقبت اوله رق صفحه
امید و امان لری زیتیب نقش ارقام کاهران و ورقه ایام زند کانی لری
رونق نمای شیوه اقبال جاودانی اولمق دعواتی نوشته ورق حسن ادا
قلند یغی سیاقنده نموده محب خلوص انما زیدر که من القدیم قلم دست
قدر خط بی غلط مهر و مخاد تترین لوح ضمیر شناورانه مزه ثبت و ترقیم
و کرسی نشین شهرت کامله اولان استاد محاسن و اوصاف لری قواعد ستایش
و ثنارین طفل دل و لاموئلزه تعلیم ایتمکدن ناشی همه آن مشق سر سطر
محببت لری اهم اشغال و انشای مدایح تحببت لری اقدم آمال قلمنقده اولدیغی
اشعاره و سبیله خواه ایکن بود دفعه صوب و الالرینه مناسب عازم واقع
اولمغله (بزبان قلم نیاید راست * ایچه از شوق در ضمیر منست) مدلولی اوزره
مباحث خلت و اشتیاق زبان قلم و بلکه قلم زبان ایله کنجیده حروف بیان
اولمق مرتبه سندن بیرون اولدیغنه مبنی مجرد استنبای طبع عالی لری
سیاقنده شقه و داد وثیقه تحریر و فرستاده بزم مر و تمصیر لری قلمشدر
بمنه تعالی لدی شرف الوصول بعد ازین دخی رشحات کاک همت لری سوی
دجلوی عر اسلاته اجر اولوازم مروت و فتوتی امضا بیورملری متمنادر

(برقو کتخداسی طرفندن وزرادن برینه)

چاکر کینه لر طرف واضح الشرف ولی النعمیلرندن مشهودم اولان
مکارم و التفات بنده نوازی و رعایت و احترام خاطر سازیلرین ثبت صحیفه
جنان ایدرک عن صمیم البال خلوص و عبودیت لری التزام ایله همه آن
مدحت و تحیت مشیریلرین زیور زبان حال و قال و اعتلای قدر و شان

داور یلرین اخص امانی و آمال اتخاذا یتش اولدیغم نزد عالیلرنده محتاج
 بیان دکادر بنابرین صوب صوابنمای حیت شعار یلرندن حق والای
 وزیرانه لرنده توجهات میامن آیات جناب جهانبا نینک از دیادی مستجاب
 اولور آثار حسنه رضا جو یانه و اطوار مستحسنه فرمانبرانه ابرازینه لازم
 کلان هم کاملدنک کاینیجی اجرا و ایفاسی موجب کمال مسار و مفخرت
 چا کرانه م اوله جی مثلوا بالعکس محول عهده لیاقتلری بیوریلان
 خدمات سنیه و امور جزئییه و کلییه ده خلاف مأمول عالی ادنی برقتور
 و رخاوت و قوعی دخی حسب العبودیه طرف بند کانه مه مزید شرم و تأثر
 ایراث ایتدیره جکندن ناشی عفو و عنایتلرینه اتکاء و رابطه خلوص
 و خصوصیتیه ابتناء من غیر حد معرض اخطار ده بعض اشعارات
 صادقانه به ابتدار اولنور شو جهته که حسب الوقت و الحال مرا اسم حزم
 و احتیاطه رعایه درکار اولان اهمیت محافظه سنه مبنی
 قلعه لرندن براز طوب و مهمات افزایه قلعه سنه بعث
 و ایصالی باینده بوندن اقدحجه طرف دولتیرینه خطابا امر عالی و امرنامه
 سامی اصدار و تسیاریورلمش اولدیغندن حین وصول لرنده جناب حیت
 مآب مشیر یلرندن مأمول عالی وجهله در عقب اجرای اراده اصابت
 افاده حضرت خلافتیناهی به سرعت و مبادرت ایله تنظیمی خبرینک
 ارسالنه همت والای امثال کاریلری مصروف و معطوف بیورلمسی مجزوم
 و منتظر ایکن بود فعه باب عالی به تقدیم بیوریلان جوابنامه مشیر یلرنده
 قلعه لرنده اولان طوب و مهماتک مقدار لزومندن فضلیسی اولدیغنه دائر
 بعض اعتذارات غیر لایقه سرد و ایراد و حتی بوبابده چا کرلری دخی اشهاد
 بیورلمش اولغله معلوم عالیلری بیورلیدیغی ارزره بر مقتضای علت حدوث
 و امکان تقلبات زمان قبیلندن اولان ماده سنک ظهورند نبرود دولت
 علیه ابدی الدوام طرفندن وقت و حال و مصلحتک ایجاب و اقتضاسنه
 کوره لازم کلان تدابیر صائبه و ترتیبات مناسبه نک اجرا سنه تشبث

بیوریه رق الحاله هذه وزرا و امر اوسا ئر مأمورین و كافة بندكان سلطنت
سنیه ابد قرین شرائط رقیق و واجبه صداقت و استقامت مقتضیاتندن
اولدیغی اوزره هر نه وجهله مأمور و متعین اولمشلرایسه از درون اولیجه
اجرای اراده سنیه به صرف و سع و مقدرت و مضمار اخلاص و عبودیتده
یکدیگره مسابقت ایله جمله اغور همایون حضرت ظلیت پناهیده صرف
ماحصل سر و سامان و بلکه تقدینه روح روانلرینی بذل و نثاره طلبکار
اولوب ذات والای مشیریلری ایسه اصداقای بندکان دولت علیه و چراغ
افروختکان سلطنت سنیه دن اوله رق بویه وقتده جمله دن زیاده ابراز
حسن خدمته اعتنا و همت و بلکه متعسر الحصول اولان مواد و مصالح
بیله بر طرف تقریبی استحصال ایله طبق فرموده ستوده شاهانه اوزره
تنظیم و تسویه سنه سعی و غیرت بیورملری مأمول و ملحوظ عالی ایکن
خصوص مذکور که قلاع خاقانیه نک بر یسندن دیگرینه بعض طوب
و مهماتک نقل و وضعندن عبارت و قلاع و بقاع و مهمات و ادوات و بلکه
مجموعی مال و ملک ایسه مطلقا پادشاه عالیشان افتد منزک اولدیغی رهین
بداهتد ربو مثلوم مأموریتده اظهار معذرت شویله طور سون ادنی برتردد
و تراخینک خاطر گذار اولسی بیله ذات عالیلرینه بروجهله لایق
کوره مدیکمندن حق بویه کیفیت صوب سامیلرینه درکار اولان
اختصاص عاجزانه م جهتیه فوق الحد باعث دلتنکی چاکرانه م اولمشدر
چونکه قلاده بند کردن عبودیت و حائز رهینه قدر و منزلت اولان بندکان
دولت علیه به كافة امور و خصوصه تحصیل رضای میامن اقتضای
حضرت پادشاهی به بذل مقدرت و هر بر امر و اراده همایونه از دل و جان
امثال و اطاعتدن بشقه بروظیفه قالمیوب سرمایه دولت دنیویه و پیرایه
سعادت اخرویه بو مرکه تمکن و ثبات ایله حاصل و خصوصاً عصر باهر النصر
جناب جهانبانی ادوار سائر به غیر مماثل اولغله کرک خصوص مذکورده
اوکرک سائر امر و اراده حضرت پادشاهی صدور بیوریلان هر بر ماده ده

زهار بعض اسلاف ناپسندیده اطوارک اثرلرینه اقتنا صورتی خیال
عالیرینه بیله کتورلمیه رک و کافه امر و اراده حضرت ظل الهیده اغیار
واجانبک صورت مداهنه و معرض خلوصکاریده وقوعه کلان تغلیط
واغفالنه قطعاً و قاطبة حواله سمع اعتبار بیورمیه رق همان رضا جوی
فرمانبری لوازمک علی احسن الوجوه اجرا واستحکالنه فوق الغایه دقت
و همت بیورلمق واجبه دن اولدیغی مفطور اولدقلى وفور رشد و رویت
ذاتیه لری اقتضاسنجه معلوم عالیرى اولان حالاتدن اولمغله بودفعه
ذکر اولنان طوب و مهماتک اراده سابقه و جهله قلعه سنه نقل
و ایصال ایتدرلمسی باینده تا کیدی حاوی تصویر و تسطیر معرفتیه
تسیر صوب عنایه تصویرلى قلنش اولان امر عالی و امر نامه ساعی رسیده
نزدکر امیرى اولدقده در حال موجب و مقتضاسنک انقاد و اجرا سیله
ایفای مأموریت بیورلدیغی سریعاً باب عالی یه اشعاره لطف و همت
ولی النعمیلری در کار و بو وجهله چاکر متخصصلری دخی وایه مند مسار
و افتخار بشمار بیورلمق نیازی وسیله ابراز خلوص عبودیت اولشد

(خلوصی پاشا طرفندن غالب پاشایه)

چاکر بقدر لری هر حوم افندیدن طولای دائرة فاخره خدیوانه لرینه
موروث و منتقل اوله رق بندکی باب مکارم ما آب ولی النعمیلری شرفیه
حائز رهینه افتخار اولدیغمه مبنی نو بنو تقدیم عرض حال ضراعت مآل ایه
تجدید قبالة اختصاصه مبادرت متحتم ذمت بندکانه مایکن اولباید قصور
عاجزانه و وقوعی در کار ایسه دخی عبد غیر معتق هر نقدر عبودیتى
ادوتد کار ایلمسه یه رفیه مملو کیتی ربقه رقیبتدن منفک اولمیه جغندن
همان عبودیت حقیقیه و خصوص موروثه بندکانه مقتضاسنجه
مترتب اولدیغی اوزره روزولیاى دعای بقای عمر و دولت و اقبال و تمناى
توافر فروباهت و اجلال لری خدماتنه مواظبت و اشتغال اشهم اعمال
و احسن اشغال چاکرانه م اولمغله خاصه حال عبودیت بالمی انما و آثار

توجهات علیه ولی النعمیلین نیاز واستدعا ضمننده عرضحال کترانه م
ترقیمه اجتر او مرفوع پیشگاه مراحم درگاه معلاری قلمشدر ان شاء الله
تعالی رسید هساحه دولت وشایان لحاظه التفات وعنایتلی بیورلقدده
مفارق اعلا وادنایه شامل اولان انوار آفتاب تعطفات علیه لری فرق
عبیدانه مده لمعه نثار استقرار ومحتاج اولدیغ حسن نظر معالی اثر
ولی النعمیلری شایان وسزا وار بیورلمق باینده

(ویوده سی طرفندن بالالتماس قلمه المنشدر)

مقدحجه خاکای معالی احتوای ولی النعمیلرینه عرض واشعارینه
اجتسار اولندیغی وجهله دولتلو عنایتلو حضرتلری بنده لری طرفندن
مأذونا ومتسکرا مفارقت ایله اشبوماه مبارک ذی الحجه نک کونی
قصبه سنه وصول ودخول چاکرانه م میسر اوله رق معتاد اوزره
اوچنجی کونی موجود اولان وسائر لازم الحضور قوللری جلب وجمع ایله
زیور دست ضراعت پیوست چاکرانه م اولان ویوده لق فرمان جلیل الشانی
جمله مواجهمه سنده فتح وقرائت ومحض احسان ومعدلت وعین الطاف
وعنایت اولان مضمون مطاع ومنطوق منیف واجب الاتباعی اعلان
واشاعت اولندقدده من التقدیم دولت علیه ابدی القرار وسلطنت سنییه
سرمدی الاستمرارک شان وشعار معالی آثارندن اولان شیمیه کریمیه
رعیتپروری وسحبیه بهیه مراحمکستری مقتضاسنجه ملک موروث شاهانه
اولان مملکت اهالی وثقرا ورعایا وبرایاسی حاکمزنده اوتیه دنبرو مشمول
وشایان ومعطوف وارزان بیوریلان صنوف رأفت واحسان وانواع
مکارم والطف بی پایانه لاحقه جزیه اوله رق بودفعه ویوده لق خصوصنده
دخی بووجهله اکمال بیوریلان عنایات جلیل جناب جهانبانی ومساعدات
جلیل حضرت کیتی ستانی نه مرتبه لطف وشفقت علیه بی شامل وندرجه
مراحم ومعدلت سنییه بی مشتمل اولدیغی درک واذعان واقول وآخر
مستغرق اولدیغمز نعم بی کران ومواهب فراوان دولت علیه نک ادای

حق تشکر نده من کل الوجوه عاجز و قاصر اید و کمزی اتیان ایله علی العموم
 صغیر و کبیر من زمره دعای بقای سلطنت سنیہ یی پیوستہ فلک اثر
 ایدرک از سرفرو جہل متین رعیت گردنبستہ اخلاص صداقت و ہر بر امر
 فرمان واجب الاذعان حضرت پادشاہی بہ از دل و جان امتثال و اطاعت
 امنیتی در پیش صدق نیت فلنغله ہمیشہ حق سبحانہ و تعالیٰ حضرت تہری
 ولی نعمتمز ولی النعم عالم مالک رقاب الامم شوکتلو عظمتلو پادشاہمز
 پادشاہ عالمینہ و شہنشاہ ستارہ سپاہ افندہ من حضرت تہری مادام
 الاکوان سر پر سلطنت سنیہ لندہ کامبین و کامران و عصر باہر النصر
 شاہانہ لریں باعث فروزانی شمع آمال بندکان و مورث داغدار
 سینہ پر خون دشمنان ایلوب مرحتلو افندہ دخی تزیاد ایام عمر و دولت
 و تضاعف اسباب فرواہت ایله مقام معلای و کالتینا ہی لندہ برقرار و بردوام
 و سایہ ہماوایہ کرمیانہ لریں مبسوط مفارق انام ایلک دعواتنہ عن
 صمیم البال مداومت و ملازمت و الحالہ تہذہ مقتضای مأموریت عبیدانہم
 اوزرہ تنسیق نظام مملکت و حفظ و حراست فقر اور رعیت مصالحنہ شروع
 و مباشرت اوزرہ اولدیغم محاط علم عالم آرای ولی النعمیلری بیورملق
 افادہ سیلہ عرفحال ضراعت اشتمال کترانہم ترقیمنہ اجتناسار و تقدیم
 خاکپای مرا حق قرار لری

(وزرادن بردانہ)

ولی نعمتا عالی ہمتا عاجز نوذا افندم سلطانم حضرت تہری دقترینک
 خاکپای دولتارینہ تقدیمدن طولای اظہار محظوظیت سنیہ لریں شامل
 ارسال بیوریلان کرمنامہ سامیلری کہ ہر کلمہ سی بر لطف و عنایتی متضمن
 و ہر فقرہ سی بر مدلول عاطفت و فتوتی مشتمل اولہرق فی الحقیقہ تمبیہ
 بازوی افتخار و نسخہ ہامہ استبشار اولغہ سزاواردر عطا و فتولوبک افندی
 برادر لری و ساطیلہ را حد زیب ورود اولوب مال منینی رھین اذعان
 عبیدانہم اولمش و مطالعہ ایتدیکہ فرط التفات ولی النعمیلری قوللریں

اسیرا تشدر ولی نعمتم افندم بوند رجه مکارم اخلاق ونصل خصال
 حمیده در که چاکر مکرری اول آخر شود رده جک بر خدمت علیه لرنده
 بولنه مدیغم و دقد مکیلر طورسون الان بولندیغم مأموریت بند کانه م
 دخی محض اثر تربیت و ثمره عنایت و عاطفت ولی النعمیلری اوله رق حق
 عاجزانه مده حد و حصره کلمز مساعدات سنیه بندده پروریلرینه مستغرق
 اولدیغم بدیدار ایکن فریضه ذمت عبودیتیم اولدیغی اوزره ترویج مصالح
 سنیه و وقایت شان علیه لرنه عاجزانه و قاصرانه جبالقندن عبارت اولان
 خدمت حقیرانه م نزد عالی لرنده شایان اعتبار بیوریله رق حاشا طرف
 اشرف ولی النعمیلرینه مورث محجوبیت اوله جق صورتده قدر و قیمت
 بولسی مجرد ذات عالی لرنه موهبه الهیه اولان اخلاق کرمه
 و محامد جلیله اقتضاسندن اولمق لازم کلوب مقدم و مؤخره خدمت
 دولت لرنده بولنه بیلدمکه بورتبه التفات واحسانلرینه لایق اولیم
 و چاکرری افندمدن کوردیکم الطاف مالانهایه نک حاشاکه مقابله سی
 تصویرینه متجاسر اولسه م عجباقنغی برینک تشکری عهده سندن کادیم
 بالقرن بعض خدمت عاجزانه یه موفق اولسه م بیلدا کالیاقت
 واققدار دخی نه افندمن آثار هم علیه لری اولمق حسبیلر جلد سی صوب
 عالی لرنه عائد و راجع اوله رق قولکنزک ذاتا برنسنه م اولدیغی و سابقا
 و لاحقا حق بند کانه مده ارزان بیوریلان نعم جلیله لری حد و مقدار
 چاکرانه می فرسخ فرسخ آشمش اولدیغی ظاهرا ایکن زمان سابقده
 اولان هر درلو افندیلکاری خدمت کترانه مده موازنه مجرد مزید علو
 همت کریمانه لرنه نسبت ایله ممکن اوله بیلور یوخسه قول کزک عمر
 اولدچه ایدد حکم خدمت و عبودیت افندمک بر کونده ایتدکاری احسان
 و التفاته معادل اوله بیلور شیء دکلدر همان جناب خداوند بیچون عمر
 و دولت و اجلال لرین روز بروز مزاید و افزون ایلیوب سایه کریمانه لرین
 فرق عبیدانه مدن دور ایلمک دعواتیلر حسب الاستطاعه اینای واجبه

تشکره ابتداء قلند بیغی محاط علم عالم اراری بیورلد قده

(ارسال هدیه ضمننده)

چاکر کینه لرینک خاک پای معالی احتوای ولی النعمیلرینه صمیمی و حقیقی
عبودیت مخصوصه قدیمه در کار اولمقدن ناشی روز و لیال دعای
بقای ایام عمر و دولتتری خدمتیه شرایط رقیقی اجرا و ایفایه حصر اوقات
ایتمکده ایسه مدخی هیمان صدق و خلوص چاکرانه م پورته ایله قانع
اولیه رق برکونه ابراز عبودیتی مفوضی و بوامنیه نک نوعما تمثیل و تشکلی
مستدعی اولدیغنه بناء بودفعه من غیر حد خاک پای عالیترینه
تقدیمه اجتناسار اولمغلده نقد رشایان ذات معالیمات خدیوانه لری
اولدیغی نمایان ایسه دخی مجرد کمال اخلاص و اختصاص چاکرانه م
اقتضاسندن اولمق جهتیه لازمه شیمه کریمه بنده پروری لری اوزره سزاوار
نظرة قبول عاطفت شمول ولی النعمیلری بیورلمسیله عید بيققدار لری حائز
رهینه مسار و افتخار بیورلمق باینده

(جواب نامه)

طرف چاکرانه مه اعطا بیوریلان هدیه مشیریلری وارد اولمش اولوب صوب
والالرینه اولان عبودیت و اختصاصم تکلفات رسمیه دن وارسته وذات
والالری غائله عسا کر پروری یه دوچار اولدیغندن بوکونه عطایا و هدایا
وقت رفاه و وسعتیه پابسته اولمق حسبیلد قبولی اگرچه مودی تردد ایسه ده
اولدخی طرف دولتزدن بشقه معنایه محمول اوله بجغی ملاحظه سنه مبینی
موضوع هیمان قبول و علاوة سرورنا محصور ایله تزايد عمر و دولتتری
دعواتی درگاه احدیتیه موصول اولمشدر قوللرینک اجرای لازمه
عبودیت و ایفای شرایط خصوصیتیم برجهت و عوضه مرهون اولمیوب
مجرد دلدادة حسن التفاتلری اولدیغمه بناء مرکزرقیتده پابرجای استقرار
اولدیغم معلوم عالیلری بیورلد قده امر و فرمان حضرت من له الامر کدر

(احبابدن برداته)

عنايتلوسنى الشيم افندم ذات مودتمند يلريله دركار اولان الفت و محبت
قدیمی و انسانس خلوص صمیمی موافق مثل صحبت المفر قدین اولمقدن
ناشی تمثال خیال جانفزازی باصره زیب فؤاد و داد اعتیاد من اوله رق
ادای خدمت دعا و اطرای محبت و ثنار لیه ناطقه پیرا اولدیغیزی انها
و اشعاره جوینده و سائل ایکن بود دفعه افندی مخلصری بعض خصوصه
مأمورا خاکقدم مکارم توأم حضرت ولی النعمی به رخسای عزیت
اولمغلد مجرد افتخا ص طبع مروت اختصاص لری سیاقنده عریضه ثناوری
ترقیم و تقدیمه ابتدار قلندیغی بمنه تعالی لدی شرف الوصول معلوم
عالی لری بیورلدقده باعث انبساط خاطر و مورث انشراح باطن و ظاهر
اولان پیام دلجوی عافیتلرینی مبین مروتنامه لیه تنویر دیده اشتیاقه
همت بیورملری منوط بحبیة رضیه اصدقائو از یلریدرافندم

(وزرادن برداته)

دستیاری توجہات علیہ لری برکاتیلہ غربتدن رهایاب اطلاق اوله رق
در سعادتہ خانہ حقیرانه مه وصول چاکرانه مسموع عالی لری بیورلمقدن
ناشی عریکه غرای داورانه لرنده رسوخ یافته استقرار اولان خصال حمیده
و شعار برکزیده حقوق شناسی لری اقتضاسنجه تبریک و تهنیت سیاقنده
ارسال بیوریلان کرمنامه کرامیلرینی بالذات نجل نجیللری نجابتلوبک
افندی او غلزیصال و تسلیم ایتمکله مطالعة مزایای مروت احتواسی
عهد سابق تذکیر و ذات مکارم سماتلرله جریان ایدن مجالس انسانس
محبتی لوحه خیاله تصویر ایتمکدن ناشی مشعبذد هر عجب نمادن مشاهدہ
الوان غریبه ایلہ حیرتزدہ اولان دیده تحسیر و اشتیاقدن سرشک حزن
و دلال متقاطر اولوب مع مافیہ بو و جهله تأیید توجہات علیہ لیه
استفسار خاطر حقیرہ ارزانی بیوریلان همت و عاطفت بنده نواز یلری
مستلزم ممنونیت عظیمه اولمغلد خاصه اظهار تشکر عاجزانه ضمننده عریضه
عبودیت فریضه م ترقیم و تقدیمه ابتدار اولندیغی بمنه تعالی لدی شرف

الوصول معلوم مکارم مجبول ولی النعمانه لری بیورلد قدده بعد ازین دخی
بو مخلص قدیم و متخصص مستدیم ریا عدیلرین ضمیر عنایت تخمیر
کریمانه لزندن دور و حسن توجه داورانه لزندن مهجور بیورما ملری
بابنده

* (وزرادن برذاته) *

منور ساز چشم ادوار و مابه الافتخار اقطار امصار اولان خاکای معالی
احتوای ولی النعمیلرینه کمال تذلل و ابتهال ایله روی و جبین عبودیتیم
مالیده و ساییده قلنه رق همیشه مهمین و متعال مبارک ذات مراحم آیات
ملکی الخصال لرین مسند و الای کامرانی و متکای معلای فرمانفرماییده
مقرور فیض و تأیید لایزال و ایام عمر و عافیت و اقبال لرین مرهون صنوف
صفای بال ایلوب سایه هما و ایه خدیوانه لرین کافه بندکان و بالتخصیص
بو عبد ضراعت نشان لری اوزرندن عذیم الانفصال ایلک دعواتی زیور زبان
حسن ادا و اکمال قلندیغی سیاقنده عرض حال قوللریدر که عبد بمقدار لری
مرحوم افندی دن طولای با لارث والاخصاص دائرة فاخرة
ولی النعمیلرینه منسوبیت شرفیله حاضر هینه افتخار اولدیغمه مبنی بندکی
باب مکارم مآب اصفانه لرین احسن اعمال و استجلاب آثار حسن توجه
عالیلرین عن صمیم البال سرمایه آمال اتخاذ ایدر که هر چند تقدیم معروضات
ایله ایفای رسوم ظاهرده تقصیرات عاجزانه رونما اولمش ایسه
دخی عبودیت مخصوصه ورقیت موروثه عاجزانه مقتضاسنه مترتب
اولدیغی وجهله روز و لیلای دعای فزونی ایام عمر و دولت و اقبال و تمنای
بقای هنکام فرواہت و اجلال لری خدماتنه ملازمت و اشتغاله قصور
و فتور چا کرانه اولما مغله خاصه

* (هدیه جوابی) *

همیشه ذات معالسمات بیدان لری زیبایشده هندہ منصہ جاہ و جلال
و آرایش بخشندہ مسند مسنای مجد و ابتهت و اقبال اولوق دعوات اجابت

ایاتی دیباجه نسخه ادا و اکمال قلند یعنی سیاقده عرضحال عبد شاکر
النوالریدر که بود دفعه کمال نوازش والتفات عالیترین حاوی لطف و کرم باعث
واسرا بیوریلان مکار منامه علیه بنده نوازی و هدیه **ک**ر انقدر
عنایت سازیلری زیب آور راحه وصول اولوب حق چاکرانه مده بو وجهله
سزاوار بیوریلان توجهات باهر البرکات آصفانه و تعطفات مکار مغایات
داوران لزند انواع سرور و شادمانی و اصناف ممنونیت جاودانی تحصیل
ایدوب از ماتقدم ملازمت و اشتغال اوزره اولدیغ دعای خیریه مأموله
الاجابه و ثنای بهیه محصوله الاستطاب لری تذکر و تکرار قلند شد
جناب جلیل المناقب ولی النعمیلرینه مخصوص اولان شاهد رقیم ماشطه
کاری حلی بند صدق و اخلاص ایله ممتاز و جامه بدیع الطراز نسبت
واختصاص ایله سرافراز اولغن بقای ایهت و اجلال لری دعواتی زیب
صحایف روز و لیالم اولدیغ بیانی وسیله ابراز خلوص و عبودیت و لمشدر

(قبودان پاشایه تبریک ضمننده یازیلان)

مقدمکی مأموریت علیه لری عاجزانه تبریک و تهنیته ایتداریتش ایسه م
دخی المنه لله تعالی و تقدس بو آوان میامن نشانده اصل مأموریت
مشیریلری ظهوریه (سلامت باد بسم الله عجزیه و مر ساهما) تینیله
قبودانی دریا مسند جلیل سینه کما کان رونق افزای عز و اعتلا اولدقلری
بشارت خیریه سیله صماخ خلوص و عبودیت چکمش و هر رعه تمنیات
خالصانه به تخم سرور و حبور اکمش اولمغه ربم تعالی جاه والا و منصب
ارقای ولی النعمیلرین صنوف میامن و اسعاد و فیوض محاسن و استبداد
ایله متین و مبارک ایلوب بحر زخار دولت و اقبال وزیرانه لرین سفاین سمو
و اجلال ایله پر زیب و زینت و کشتی کرابار محمد و آثار کریمانه لرین مالامال
امتعه نباهت و ایهت و عمر و دولت ولی النعمیلرین روز بروز مترقی و مراتب
از دیاد و برکت ایلمک دعواتیه حسب الاخلاص و الاختصاص اجرای
مبارکادی جاه معالی اکتناهلری ذریعه عرض عبودیت قلند یعنی بمنه

تعالی محاط علم عالمشمول ولی النعمانه لری بیورلدقده بنده قدیمترین زمره
درویشان و جریده داعیانده ابقا و احیا بیورملری قلم اخضر لطف
واحسان مکارمکار یلرینه حواله درافندم

(شقه)

هماره کالای کرانههای دولت و اقباللری زیب کمال و اعتلا الیه آراسته
و دیبای زیبای مجد و اہت و اجلاللری زیور خلوص و بقا الیه پیراسته اولمق
دعالی تقدیمله معروض چاکریم الیدر کہ حق بندکانه مدہ سزاوار اولان
توجہات مکارمغایات آصفانہ لری حاوی بودفعہ فرستادہ بیوریلان
نوازشنامہ عنایت علامہ و بر بونچہ ہدیہ سنیہ عنایت و سامہ لری انامل
زیب ورود و مفہوم احسان نامہ لری بر توبخش چشم شہود اولوب
سالف الذکر ہدیہ بیہ لری زیور آرای صندوقہ قبول اخلاص نمود اولمغلہ
بو وجہلہ اجرای مر اسم کر مکستری و ایفای مقتضای بندہ پروری یہ
رغبت و ہمت مشیریلری موجب کمال سرور و مورث انواع حظوظ و حبور
اولشد رصوب معالی اوب دستور یلرینہ مخصوص اولان متاع عبودیت
تمغازدہ دستکاہ قدم و نزد والای عاطفت احتوا زندہ مستغنیء نقش رقم
اولمقدن ناشی مخصوص استدعای بقای حسن توجہلری سیاقندہ قائمہ

* (مقام صدارت عظمیاء تذکرہ تشکر) *

امر و فرمان عالی بیورلدیغی و جہلہ محروسہ بروسہ دن کلید نبر و بندہ
خانہ زندہ تنہا نشین انزوا و بالغدو و الا اتصال دعای عمر و شوکت شاہانہ
خدمت مفروضہ سیلہ زبان پیر اولمقدہ اولدیغ معلوم عالیلری بیوریلہ رق
بودفعہ کمال مرحمت و عنایت علیہ دن ناشی جوامع شریفہ یہ حیقلق
واستکلو اولدیغ حالہ اوچ چفتہ الیہ ساحلخانہ چاکری یہ کیدملک اوزرہ
رخصت علیای و کالتپناہیلری ارزان بیورلدیغنی عطف و قتلو صارم بک
افندی قوللری شفاہا تبشیر و اخبار ایتمک لہ سایہ شوکت و ایہ شہنشاہیدہ
بو کونہ آثار ہم عالی نہم ولی النعمیلر لہ بر قاتدخی خرم و دلشاد و فی الحقیقہ

دستگیری عصای عنایت علیه لایه راجلا تمشی علل وجود بیسودمه
 دخی معالجه نو عندن اولدیغنه مینی بو وجهله دخی مسرور و مبتهج الفؤاد
 اولدیغمدن جناب حق مابه الرفاه جله انام و مایه بشاشت و وجود ایام اولان
 مبارک ذات سلطنت آیات ملوکانه بی تخت و دیهیم شهریار یلرنده
 الی یوم الموعود پایدار و برقرار و ایام عمر و شوکت شاهانه و اعوام شان
 و اقبال پادشاهیله برون ادوار چرخ دوار ایلوب وفق نکی
 صدارت عظمی اولان ذات والای و کالتیناهیله دخی تضاعف
 هنکام عمر و دولت آصفانه لایه مقام معلای خدیوانه لرنده
 کامکار ایلک دعواتی استیناف و تکرار قلنه رق
 بالعجز و الالبتهال اجرای تحمید و تشکره
 اجتناسار قلندیغی محاط علم عالم ارای
 آصفانه لری بیورلد قده امر
 و فرمان حضرت من له
 الامر کدر
 تمت المنشآت



